

M

13. 18. A. 5.5

13.18.A.55

DE.
CONSTITVTIO-
NIBVS APOSTOLICIS,
B. Clemente Romano
auctore, libri viij.

In quibus apertè proponitur primitiuz & Apostolicæ Ecclesiæ, in doctrina, traditionibus, & Christianæ religionis quouis exercitio puritas. Qua restituta, Ecclesia primitiuâ suam speciè recuperabit, & facillimè omnia in christianismo pacata, tranquillaque habebimus.

*Io. Carolo Bowio, Episcopo
Ostunensi interprete.*

Eiusdem Scholia in locos, qui dubitationem
aliquam habere videntur.

Rerum & verborum index.

Omnia nunc primum è tenebris eruta.



S. Andrea

della Valle

PARISIIS,
Apud Nicolaum Chesneau, via Iacobæ, sub
scuto Frobeniano, & quercu viridi.

1564.
CVM PRIVILEGIO.

1781

THE

PROCEEDINGS

OF THE

GENERAL ASSEMBLY

OF THE

STATE OF

NEW YORK

IN

THE

YEAR

1781

ALBANY: PRINTED BY

ANDREWS & BOND,

1781

P R A E F A T I O.

tot saeculorum aetates continuata, ad nos peruenisse cognoscimus. Disciplinam verò Ecclesiasticam quid magis constituere potest, quam veteris illius Ecclesiae proposita nobis ad imitandum forma? quam cum intuemur, animum ad pietatē erigimus, & priscae virtutis studio incēdimur: cum verò illam cum iis, quae nunc vsuueniunt comparamus, intelligimus, quam omnia conuersa, ac p. opē iam ad interitum perducta sint. Quare si perditis Ecclesiae rebus subuenire, & has ruinas restituere cupimus, ea in primis quærere debemus, quae antiquorum temporū disciplinā nobis proponunt, & expressam Apostolicæ religionis imaginē oculis nostris subiiciūt.

S E D video non defuturos quamplurimos, qui de sententiarum, quas defendunt impietas tam graui testimonio refutetur, cleuabunt horum librorum auctoritatem, afirmandes eos esse apocryphos, & ab Ecclesia iam pridem eiectos. Quare necesse est de illo tertio capite pertractare, quo in Prolegomenis quæritur, An liber sit auctoris, cui inscribitur, legitimus atque germanus. Ad id

*Liber iste an sit
Clemens*

autem de præfenti scriptore confirmandum, primi prodeant Canones Apostolorum, perpetuo constantique omnium Græcorum, multorum Latinorum patrum consensu, atque approbatione recepti. In quorû ultimo, inter eos libros, qui in Ecclesiis veluti sacrosancti habendi sunt, numerantur octo libri de Constitutionibus, auctore Clemente, scripti Episcopis: quos, inquit, non oportere peruulgari, propter mystica, quæ in iis sunt scripta.

SE Q V I T V R Ignatius, qui Ecclesiæ Antiochenæ secundus post Petrum præfuit, nam is in duodecim Epistolis, quas cum Romam ad suppliciû duceretur, in itinere ad Ecclesias misit, Institutiones Clementis ita est imitatus, ut non solum earû dogmata atque præcepta expresserit, sed etiam ex iis sæpe sententias totidem verbis exscriptas transtulerit, eandem figuras, idem dicendi genus seruauerit, eandem rationes in suis sententiis confirmâdis, atque in alienis confundendis attulerit, Quæ singula separatim in suis locis annotabo. Nunc tatum quædam proferam, quæ id aperte ostendent.

IOANNI MORONIO,
S. R. E. Episcopo, Stanislao Ho-
sio, Ludouico Simonetæ, Ber-
nardo Nauagerio Presbyteris
Cardinalibus, & sedis
Apostolicæ in Con-
cilio Tridenti-
no Legatis,

IOANNES CAROLVS
Bonius Episcopus Ostunensis
S. P. D.



V M tenuitatem
meam non ignô-
rarem, nunquam
adhibui diligen-
tiam, vt quæ in o-
ptimarû artium
studiis mediocri exercitatione ver-
satus, comprehendissem, atque an-
notassem, ea extra priuatos parietes

A ij

educta, in notitiam aliorum peruulgarem. Quod si in omni ratione accursu studiorum meorum faciendum mihi unquam fuit, certe seruandum maximè erat hoc tempore, atque eo loco, in quo congregatis magna frequentia excellentibus ingeniis, exquisitæque doctrina viris, amplissimum Orbis Christiani theatrum haberemus. Quid enim ego in tanto hominum eruditissimorum cœtu excogitare possem, vel tam nouum, quod illorum singularem in omni varietate literarum scientiam fugeret, vel tam accuratum, quod non eorum iudicio leue & cõtendendum videretur? Sed tamen hoc consilium sequenti mihi, & vehementer probanti, occasio quædam oblata perpetuum meum illud silentium præcidit, & me ab hac peri-

clitatione ingenij remotum, quasi
in arenam prodire coëgit. Nam
cùm nuper in Clementis Romani
libros incidissem, quibus ille descri-
ptam ab Apostolis Ecclesiæ formã,
& omnem rerum sacrarum ratio-
nem accuratè est complexus, pri-
mùm (quod est meum antiquitatũ
ecclesiasticarum studium) auidè le-
gi, deinde, vt quæ legeram, atque in
iis obseruauerã, memoriæ firmitus
hæreret, cœpi insigniores ex iis sen-
tentias in latinum sermonem con-
vertere: tùm recitata à nonnullis in
conuentu Patrum ex Clementis li-
bris verba, valdè ad id, quod tunc
agebatur, apta, prima indicia fue-
runt, quibus abditi iam pridem ij li-
bri, & à paucis cogniti, hominibus
piis, & rerum diuinarum studiosis
proderentur. Deinde cùm prolatis

aliis ex iis testimoniis, sermonibús-
que illorum, qui eorū auctore de-
lectabātur, celebrius iam fieret Cle-
mentis nomen, institi vehemētius,
& ad integram, atque absolutā to-
tius operis interpretationē me con-
tuli. In quo labore, aliis studiorum
meorum occupationibus impedi-
tus, fortasse non perseuerassem, nisi
multis sermonibus cum viris gra-
uissimis ea de re habitis, iis quasi
prædibús fidem meam obstrinxis-
sem. Verti igitur, & (quantum meæ
vires tulerūt) dedi operam, vt Cle-
mens à tenebris, atque obliuione
hominū vindicatus, in Ecclesię lu-
ce, & virorum religiosorum mani-
bus versaretur. Cúmque mecū co-
gitarem, cui nam eum commenda-
rem, & ipsius quasi patrociniū de-
ferrem, vos mihi potissimū occur-

ristis, quorum nomini dicatus Cle-
mens, in hanc Ecclesiæ celebra-
tem prodiret. Nam si mihi in eo
præstantis alicuius viri auctoritas
quærenda fuit, profectò vos cùm
dignitate vestra, tùm eius personæ,
quam hîc sustinetis, munere, princi-
pem in Ecclesia locum obtinetis.
Si cui honorem habere velim, hæc
ipsa sanctissima munera, quibus
præestis, faciunt, vt vos ante alios,
omnium studiis colendos atque ob-
seruandos intelligam. Quòd si il-
lud spectare debemus, vt ea potissi-
mùm munera mittamus, quæ illo-
rum, ad quos mittuntur, studio at-
que instituto conueniant, èn sancti-
ssimi atque amplissimi Legati trado
vobis exempl^{ar}~~um~~, ad cuius similitu-
dinem, eam, quam formandam su-
scepistis figuram, fingere atque ex-

polire possitis . Nulla per hos dies
quæstio proposita est, nulla à patri-
bus paulò grauior deliberatio ha-
bita, quam non iis libris enucleatè
expositam ac declaratã videamus.
Quæ vos de restituenda veteri disci-
plina, cura, cogitatioque sollicitat,
eam nulla alia ratione adiuuari pos-
se arbitror, quàm ope eorum libro-
rum, qui cum Ecclesia nati, pieta-
tem maiorum nobis consignatam
testatãque commendant . Quare
accipite huius meæ lucubrationis
munusculum, quod à mea exigui-
tate profectum, spero vobis, & om-
nibus iis, qui religionis, pietatisque
studio ducuntur, non iniucundum
futurum.

IO. CAROLI BOVII
EPISCOPI OSTV-
NENSIS IN GLE-
MENTIS LI-
BROS.

PRAEFATIO.



NTE QVAM Cle-
mentem Latinè lo-
quentem audiamus,
libet præfari quæ-
dam, quæ non ahe-
na à propositi mu-
neris ratione vide-
buntur. Tractabo autem Prolegomena
illa, quæ Philosophi in principiis libro-
rum quærere cõsueuerunt: ea verò (quan-
tum ad præsens institutum attinet) sunt
septem, scopus, vtilitas, an sit legitimus
liber, inscriptio, numerus librorum, au-
ctoris, partitio horum librorum in capi-
ta, ordo lectionis, methodus. Primum
ergo videamus scopum, hoc est quinquam
sit finis propositus scriptori, ad quem
omnis disputatio sit referenda.

LEGISLATOR noster, & Ecclesiæ
fundator Christus, ordiens propagandæ

Scopus libri

religionis initium, eas nobis credendi, atque viuendi leges dedit, quæ vniuersam fidei summam, rationem sacramentorum, ac vitæ degendæ præcepta continerent. Haud facilè autem Dei cultus amplificari, neque pietas coli potuisset, nisi mandata, quæ de huiusmodi rebus vniuersa quadam ratione, & generatim tradita fuerant, in certos ac proprios modos essent distributa. Videmus enim in omni optimè constituta ciuitate, eum morem disciplinamque haberi, vt legû descriptione definita sint singula rerum agendarû munera, qua tam ij, qui aliis præsumt, quàm qui eorum potestati obediunt, intelligant, quantum sibi impositum sit muneris, quo loco, quo tempore, qua ratione ac modo vnumquodque sit agendum. Huiusmodi autem dispositionem atque moderationem rerum Saluator noster mandauit Apostolis, quorum consilio & legibus, institutam à se Ecclesiam, regendam atque tuendam commisit. Cùm enim Dominus se ita Apostolos misisse affirmet, quemadmodum ipse à Patre missus fuisset, constet autem eum (vt alia ipsius œcono-

miæ munera prætermittantur) à Patre
missum, vt legislatoris, moderatoris,
Episcopi munerè fungeretur: necesse est
Apostolos eorú munerú potestaté obti-
nuisse à Domino, qua ad gubernationē
Ecclesiæ, & ad reliquam instituti operis
substructionē absoluendam vterentur.
Quibus etiã cum dixit, Qui vos audit,
me audit, & qui vos spernit, me spernit:
significauit Apostolicarú præceptionú
auctoritatem perinde futuram, atque si
ipsum mandatis obtemperantes, ad illas
feruandas cõpelleremur. Hac igitur au-
ctõritate præditi Apostoli, vt diuinum
cultum constituerent, & Euangelicas le-
ges stabilirent, post Domini ascensio-
nem, fidelium cõetu in ordines distribu-
to, singulis ordinibus officia, & propriã
viuendi normam dederunt: sacra, cere-
monias, preces, ieiunia, ritus, solennia
omnia instituerút: fidē, hoc est credendi
legem, pro ratione temporum explica-
uerunt. Hæc verò omnia Apostoli in
Ecclesiis, in quibus Euangelium nun-
ciauerant, voce ac verbis tradiderunt.
Quanquam aliqua etiam epistolis præ-
ceperunt, quæ non ita multa sunt, *Cate-*

ra enim (inquit Apostolis) cum venero, disponam. Et alio in loco, Tenete traditiones, quas accepistis, siue per sermonem, siue per epistolam. Has igitur traditiones, quæ nullis literarum monumētis ab Apostolis cōmendatæ sunt, sed sermone, & non scripta institutione ad ecclesias peruenerut, collegit in vnum Clemens Pauli familiaris ac comes, atque iis octo libris digessit: vt verè affirmare possimus, propositum esse Clementi, dispositum Dei cultum, ritus sacrorum, ceremonias, obseruationes, ordines, statum Ecclesiæ, & præcepta ad eum pertinentia, iis libris complecti. Atque is quidem est horum librorum scopus.

utilitas.
 V E N I O ad vtilitatem, quam puto esse tantam, vt credam hos libros diuinitus nobis oblatos hoc tempore, quo oppugnatur legum Ecclesiasticarum auctoritas, in dubiū veniunt Apostolicæ traditiones, labefactantur sacra, euertuntur solennia, omnis denique pietatis cultus extinguitur. Quæ cū sunt, ipsa Euāgelij summa, & fidei caput concidat necesse est. Quod declarat Sāctissimus Pater Basilius in libro, quē de Spiritu san-

cto inscripfit, in quo de iis ipsis nō scriptis traditionibus disputans, *Si conemur (inquit) non scriptas consuetudines, quasi non magnam vim habentes reiicere, eo deuenimus, vt præcipuas Euangelii partes labefactemus, imò ad nudum nomen prædicationem redigamus.* Quam sententiam iis calamitosi temporibus veram esse experimur. nam dum contēptis ceremoniis, quæ ad excitandam, atque fouendam pietatem humanæ imbecillitati sunt necessariae; religio ad nudū Euangeliū reuocata est, confusionē & fidei obliuionē inductam videmus. Quid dicā de Episcopis, Presbyteris, Diaconis, & reliquis inferiorū graduū ordinibus, quorum hic mystica institutio explicatur, & eam ad Dominū, vel ad Apostolos pertinere intelligimus? quæ res Ecclesiasticam Hierarchiā contra hæreticorum errores constituit.

LICET quoque iis in libris cernere continentiae leges, aliarum rerum, quas adiphoras vocant necessitatem, iusta mortuorum, liberi arbitrij facultatem, operum ad salutem consequendam vim, in tuendis leuissimis officiis diligentiam, tantā quantā nunc in maximis mandatis

seruãdis nemo adhibet. Quòd si nostrũ
 officium expendere & cõsiderare libue-
 rit, facilè iis libris intelligemus, quãtum
 munus sustineamus, quis nobis id im-
 posuerit, quid præstare debeamus, quo
 studio, qua diligentia, qua vigilantia,
 quantis animi & corporis viribus in eo
 sit elaborandum, quanto virtutum or-
 natu instructos nos ad id præstandum
 accedere oporteat. Quæ, & si nos deter-
 rent à tanto onere, & desperatione debi-
 litant, tamen non nihil proficimus cùm
 officij nostri admoniti, antiquam pieta-
 tem imitari, vel certè studio & amore
 prosequi conamur. Atque vt omnia si-
 mul complectar, cùm duobus malis la-
 boret Ecclesia, hæresum immanitate, &
corruptorum morum deprauatione, ad
utrunque malum magna iis libris adhi-
bentur remedia. Nam nihil ferè oppu-
 gnant hæretici, quod horum librorum
 auctoritas non defendat: & quæ ij, velu-
 ti Christianæ pietati contraria, per erro-
 rem & superstitionem in Ecclesiam ir-
 repisse affirmant, ea in ipsis Ecclesiæ in-
 cunabulis instituta, atque ab antiquis-
 simis illis Ducibus approbata, & per

P R A E F A T I O.

In epistola ad Trallianos, institutã Parasceuis, sabbati, atq; dici dominici obseruationem iisdem verbis, quibus Clemens, refert ad passionem, sepulturã & resurrectionem Domini. In Epistola ad Philippenses, præcipiẽs quadragesimam, eandem præceptionis causam, eadẽmq; verba adducit, quæ Clemens. quod idem seruauit in hebdomade passionis, Parasceue, & quarta feria. Sabbatismum in principio nascentis Ecclesiæ aliqua ex parte seruatum, eodem modo instituit. In Epistola ad Magnesios docẽs nil præter sententiam Episcopi agendum: *Non licet, inquit, sine Episcopo baptizare, neque offerre, neque sacrum facere.* Et deinde nonnullis interiectis verbis, *Vt Dominus sine Patre nihil facit (non possum enim inquit, facere à me ipso quicquam) sic nec vos sine Episcopo, neque Presbyter, neque Diaconus, neque Laicus.* Et ad Heronem scribens, *Nihil, inquit, sine Episcopis agito: sunt enim sacerdotes, tu sacerdotum minister. Illi baptizant, sacrificant, ordinant, manus imponunt.* Quæ omnia totidem verbis translata sunt à Clemente. In Epistolã ad Trallianos, iubet reuereri Episcopum veluti Chri-

stum. atque ut ostenderet fontes, ex quibus præceptum hauserat, dixit id faciendum ex Apostolica constitutione: quam secutus in omnibus ferè Epistolis, Hierarchiam Ecclesiasticã delignat ad imitationem Clementis. In Epistola ad Mariam, & in Epistola ad Magnesium, Diaconos, inquit, obtinere locum Christi, Episcopũ Dei, Presbyteros referre cœtum Apostolorum: quo nihil frequentius in Clementis libris reperias. Multa præterea, quæ de Dei Patris auctoritate, Verbi origine, Spiritus sancti natura iisdem sententiis atque verbis, quibus Clemens, accuratè disputauit: quæ etiam imitatus est, cùm Christi dispensationem secundum carnem exposuit: & cùm aduersus hæreticorum errores Catholicam fidem defendit, in quibus omnibus latum vnguè à Clemente non discessit.

QVOD si quis hoc non satis esse velit, neque omnino ex eo id effici putet, quod nos probandum suscepimus, propterea quòd Ignatius, nec librorum, neque eorum auctoris mentionem vllam faciat (quod ad constituendam auctoritatem testimonij necessarium videtur)

nos non dicimus Ignatium Clementis veluti horum librorum auctoris mentionem facere: illud autem satis esse iudicamus, quòd Ignatius hos libros cognouit, vidit, atque ita probauit, vt eorum sententiis & verbis, suas Epistolas conflauerit, ac totam Ecclesiarum, quas docebat institutionem, ad eorum exemplum expresserit. Quare certum ex eo ducitur argumentum, nec nuper scriptos hos libros esse, neque in apocryphis omnino numerandos, quos primæua illa Ecclesia habuit, & Apostolici viri cognitos probatósque in sua scripta transtulerunt. Quod vt necessaria ratione colligimus, sic illud non leui coniectura assequimur, hos libros ab Ignatio Clementi tributos. Is enim ea, quæ ex iis libris hausit, ab Apostolis disposita, atque instituta fuisse, non obscure affirmat. Clementem autem Petri & Pauli auditorem appellat, vt facîle quis intelligat, Ignatij testimonio Apostolicas constitutiones ei tribuendas, qui Apostolorú auditor fuisset. Non ignoro autem esse nonnullos, qui has ipsas, quarum auctoritate vtimur, Ignatij

PRÆFATIO.

Epistolas in eandem suspicionem adducant: quos rectè facturos existimo, si patientur nos Irenæi, Athanasij, Eusebij, Hieronymi auctoritatē ipsorum iudicio anteponere: Ij enim has Epistolas agnoscunt, & eas ipsas esse, quarū ij mentionem faciunt, ex particulis Epistolarū quas in suis scriptis inserunt, intelligimus. Quòd si ex ceremoniis, quas non probant, atque ab illius temporis consuetudine alienas existimant, eas suspectas facere volunt, est id quidem omnino superbum & arrogans, ex sententiis, quas ipsi veras opinantur, velle de veterum scriptorum auctoritate coniecturā facere, & ad suum iudicium, aliorum disciplinam accommodare: cūm potiùs hæ sententiæ condemnandæ sint, quæ à certissimis probatissimisque priscorum monumētis dissentiant, quam ea in dubium reuocanda, quæ cum opinionum, quas ij tuentur, nouitate non cohæreāt. Ac de Ignatio quidem hætenus.

ATHANASIVS, cuius testimonium grauisimum esse debet, horum librorū mentionem facit, & de iis præclare sensit, in ea Epistola ad Ammū Monachū,

in qua libros Canonicos numeravit. Aggregat enim Apostolorum doctrinã (ita enim eos appellat) in ordinem eorum librorum, qui quidem in Canonem relati non sunt, sed tamen ab iis, qui pietatis & veri cultus rationem percipere expetunt, non contemnendi: de quo librorum genere post Canonicos libros scribit iis verbis, *Sed ut res sit accurata, & exactior, hoc quoque adiicio, scribens necessario, quòd extra hos, sunt alij quoque libri, non in Canonem quidem redacti, sed quos legi à patribus decretum est, iis, qui nunc accedunt, & volunt in pietatis, veriq; cultus ratione initiari. Sapientia Solomonis, Sapietia Sirach & Esther, & Iudith, & Thobias, & Doctrina, quæ dicitur Apostolorum, & Pastor, qui sunt tamen non aspernandi.*

ATHANASII iudicium secutus Eusebius, neque in eis scripturis hos libros numeravit, quæ pro Canonicis ab omnibus Ecclesiis receptæ erant, neq; in apocriphis, sed in eis, quas non omnes Ecclesiæ agnoscebant. In quo etiam ordine statuit quosdam libros, qui olim omnium Ecclesiarum consensu nõ ita probati, nunc ab omnibus sine cõtrouersia

pro canonicis habentur. Sed præstat, ut Eusebij locum proferam. Is enim in primo libro Ecclesiasticæ Historiæ, connumeratis scripturis ab omnibus receptis; subiungit hæc verba, *In eis, quæ sunt in cõtrouersia, cognita tamen sunt à multis, numeratur Epistola Iacobi, quæ appellatur, & Iudæ, & Petri secunda, & secunda ac tertia, quæ dicuntur scriptæ à Ioanne, siue is sit Euangelista, siue eiusdem nominis alius. Aggregetur quoque in nothas scriptura de Actis Pauli, & Pastor, & Apocalypsis Petri: præterea Epistola Barnabæ, & Institutiones Apostolorum, quæ appellantur, præterea, ut dixi, Apocalypsis Ioannis.* Vides cum quibus libris connumerentur ab Eusebio institutiones Apostolorum. Ex quo perspicuum fit, à veteribus non esse dubitatum de veritate doctrinæ, sed num essent ij libri in Canonem sacrarum scripturarum referendi. Quod certè nunquam obtinuerunt, neque nos eis tantâ auctoritatem tribuere volumus.

HANC verò fuisse Eusebij sententiã, declarant eius verba, quæ mox sequuntur. In quibus hæreticorum commenta, & compositas in fraudem fidelium fa-

bulas, quæ nomine Apostolorum erant
 inscriptæ, ab hoc gemino librorum or-
 dine segregavit. Reddens enim rationē,
 cur eorum librorum, qui non ita ab om-
 nibus Ecclesiis reciperentur, mentionē
 fecerit, sic inquit, *Necessario horum quoque
 catalogum fecimus, discernentes, quæ secundū
 Ecclesiasticam traditionem, vera, germanæ,
 & certæ scripturæ haberentur: & præterea
 illas, quæ non sunt illæ quidem in testamento,
 & in controuersiam veniunt, sed tamen à
 multis Ecclesiasticis agnoscuntur: idque ea de
 causa fecimus, ut & has scripturas cognosce-
 remus, & eas, quæ nomine Apostolorum ab
 hæreticis circumferuntur, continentés Petri,
 Thomæ, Matthiæ, & quorundam aliorum
 Euangelia, vel Andrea, Ioannis, & aliorum
 Apostolorum Acta, quorum nullus omnino ex
 Ecclesiasticorum traditione vir mentionem
 faciendam censuit. multumque in iis dicendi
 Character, ab Apostolico more dissidet, ipsa-
 que sententia, & eorum, quæ dicuntur institu-
 tum, à vera atque orthodoxa norma longissime
 aberrans, manifestum facit, hæc hæreticorum
 commenta fuisse: quo neque in nothis sunt nu-
 meranda, sed ut absurda atque impia reiicien-
 da. Habemus Eusebij censuram, id tan-*

tum iis libris detrahētis, vt propter quorundam dubitationem, eos in Canoniarum scripturarum numerum non aggregauerit.

HORVM duorum æqualis Cyrillus Hierosolymarum Episcopus, in decima octaua Catechesi, vt probaret mortuos reuiuiscere, ex quinto Clementis libro, iisdem penè verbis, vsus est renascentis Phœnicis similitudine: eius verba hæc sunt, Querunt Græci resurrectionem è mortuis manifestam magis: & aiunt, quod & si reuiuiscunt animalia, quæ diximus, tamen hoc fieri, quoniam non omnino interierunt: & querunt aliquod animal, quod manifestè corruptum reuiuiscat. Nouit Deus eorum incredulitatem: atque auem ad hoc condidit Phœnicem, quæ (vt scribit Clemens, & multi narrant) cum sit soligena, post quingentorum annorum circuitum, ad Aegyptiorum regionem aduolans, resurrectionem demonstrat, eamque non in desertis locis, ne mysterium esset occultum, sed in clara vrbe, vt res incredibilis manibus tractaretur. Extructo enim sibi tumulo ex thure, smyrna, atque aromatibus, post absolutum annorum cursum eò accedens, euidenter moritur, atque corrumpitur. postea ex illius mor-

Phœnix

*eux corrupta carne, Vermis quidam gignitur,
qui in auem formatur.*

Q V A N T O opere iis libris delectatus sit Epiphanius, declarât eius scripta aduersus hæreses, in quibus frequenter Apostolicæ Constitutionis mentionem facit. Nam in primo libro attulit verba translata ex proæmio, in quo scriptum extat, Dei plantationem, & vineam esse Catholicam Ecclesiam. Et in tertio disputans aduersus Aerium, solennem sextæ & quartæ feriæ obseruationem, & exquisitum illud ieiunium, quod sex diebus ante Pascha seruabatur, confirmat vnâ cum reliquo veteris Ecclesiæ ritu, ex ea Apostolorum Constitutione, quæ in octauo libro scripta reperitur. Et in eodem tertio libro eam de alenda barba, & capillo præceptionem producit, quæ extat in primo libro harum institutionum. Quæ verò fuerit de iis libris Epiphaniij sententia, quam ipse exposuit, cum contra Audianos disputaret, dicam cum reliquos numerauero, qui horum librorum mentionem faciunt, in quibus est Chrysofomus, qui in Homilia LIII. in Matthæum, hos libros

nominat iis verbis, Quomodo autem quidem sacerdotes ex hominibus ordinantur, manifestè in libro octauo Canonum Apostolorum dicitur. Qui autem ex hominibus ordinatus est, quantum ad Deum non est Diaconus, aut Sacerdos. Hanc sententiam in eo ipso libro, quem Chrysostomus nominat, totidem verbis scriptam inuenies.

Hos ipsos Apostolorum Canones, quorum Clemetem auctorem facit, nominat Ioannes Damascenus in quarto de fide orthodoxa libro, cum recenset sacrorum librorum volumina.

PROCLUS quoque Patriarcha Constantinopolitanus hos libros agnoscit, in quodam capite De Traditione diuini sacrificij, & Oecumenius, in Commentariis in Epistolam primam ad Timotheum: & S. Nicolaus Methonensis Episcopus, in eo libello, in quo probat verum Corpus & sanguinem Christi contineri in Eucharistia.

QUAMPLURIMA alia eiusdem rei testimonia ex veterum monumentis, quae nondum edita sunt, praefertimque ex prima & octaua Synodo excerpta, collegit in vnum Romae homo doctus, & illu-

strandæ Ecclesiasticæ antiquitatis laude excellens Gulielmus Sirlætus Protonotarius: cuius lucubrationes, ad stabiliendam horum librorum auctoritatē fortasse aliquando in lucem prodibunt. Nos tamen interea facilè ijs contenti esse possumus. Nam cui hæc satis nō sunt, certè eum neque aliis auctorum testimoniis crediturum existimo.

RELIQVVM est nunc, vt de sexta Synodo aliquid dicam, cuius sententia ij libri damnati videntur: Omitto ea, quæ verè dicere possem, Canones illos, qui sextæ Synodo tribuuntur, potiùs, quàm Clemētis libros esse damnandos, vt qui à sexta Synodo nullo modo prodierint, sed à cōuentu quodam Græcorum Constantinopoli sint editi, in quo ij pleráque à recta religionis norma aliena decreuerunt. Confirmatum est enim in eo cœtu Concilium illud Afrorum à Cypriano coactum, in quo statutum est hæreticos ad Ecclesiam se recipientes, iterum baptizandos. Alia quoque aduersus sanctissimas Ecclesiæ Romanæ leges sunt diffinita: quò factum est, vt Ecclesia hos Canones, quanquã plurimi

multa vtilia haberent, nunquàm in San-
ctionibus Canonicis numerauerit.

S E D hoc totum aduersariis omitto:
alia ratione agam, Habeât Canones ali-
quam auctoritatem, vt qui si non ab Ec-
clesia, at ab hominibus doctis, & rerum
diuinarum scientia præditis sint com-
positi. quid ait Canon? *Ordinationibus
Sanctorum Apostolorum per Clementem, iam
olim ab iis, qui in fide aliena sentiunt, adulte-
rina quædam & à pietate aliena introducta
sunt, quæ diuinorum dogmatum elegantem ac
decoram speciem obscurarunt.*

S E N T E N T I A E horum patrum san-
ctissimi ac doctissimi Patris Epiphaniij
iudicium oppono. is enim negat iis li-
bris aliquid à fide alienum contineri. nam
in tertio libro, cum refutaret Audianos
ad horum librorum auctoritatem con-
fugientes, de iis ita scripsit. *Ad hoc Au-
diani proferunt Apostolorum ordinationem,
quæ quidem apud multos renocatur in dubium,
sed tamen non est improbanda. nihil enim ha-
bet peruersum in fide æque confessione, sed ne-
que in Ecclesiastica gubernatione & Canone.*
Non potuit Epiphanius expressius ho-
rum librorum auctoritatem commen-

dare. Duo sunt, quæ nostræ religionis summam continent. recta fidei sententia, & Ecclesiæ disciplina. in iis duobus (inquit Epiphanius) nihil habet absurdi Apostolorum ordinatio.

Q V O D si quis cõtenderet in sequenti tempore hos libros fuisse deprauatos, cùm priùs integri fuissent: primùm accipio id, quod Canon apertè affirmat, libros esse Clementis, germanam & integram (vt paulò pòst Canon inquit) habuisse olim Apostolorum doctrinam. An verò ij libri fuerint postea hæreticorum erroribus aspersi, puto hoc melius posse lectione ipsa librorum iudicari, quàm cuiusquam auctoritate vel sententia statui. Iam pridem explosæ sunt omnes veterum hæreticorum sententiæ, omnia, de quibus aliquo tempore dubitatum est, ita nunc sunt certa atque explorata, vt vnusquisque, qui modò in Ecclesia educatus, catholicã normã tenere studeat, possit vera à falsis, integra à corruptis fecernere. Percurrat hos libros qui velit, & singulas eorù sentētias expendat: nihil profectò in iis inueniet, quod Christianæ pietati non sit maxi-

mè consentaneum, quòdque non appareat ab Euāgelij fontibus manasse. quin etiam multorū errorum labem iam tum ab hæreticis Ecclesiæ inuectam, in iis libris ita repulsam videbit, ea ad cauendum remedia adhibita, atque ita totius Christiani mysterij rationē expositam, vt Clemens non ab hæreticis deprauatus, sed ipse hæreticorum impietatem labefactū videatur.

ILLVD autem negandum non est, videri aliquando Clementem de Spiritu sancto exiliter loqui, de Verbo quoque, & si ille præclarè sentit, tamen duriores quasdam interdum voces fundere, quæ certè defendi omnia possunt, & suā propriam habent rationem atque sententiam: de quibus cū ad illum locū peruenero, dicam quid sentiam.

SED tamen vt concedamus Paulianos, Arianósue, siue etiam Macedonianos, aliquas vuculas iis libris inieciſſe, quibus opinionis suæ prauitatem possent defendere, eritne obsecro verum, vt ideo integrum amittamus Clementem? aut num minima eius cicatrix reliquum corpus obscurabit, & quia næuum in

P R A E F A T I O.

corpore non probamus, egregiam atque omnibus numeris absolutam speciem contemnemus? Si quid habet Clemens ab hæreticis incultatum, & resectum, id quanquam est exiguum, cum reliquis partibus comparatu, facîle cognoscitur. nam vt in nitidissima veste leuis macula, sic in hoc præclarissimo opere modica peruersio eminet atque apparet. Est autem illud cõsiderandum, quòd si libri hi, ab hæreticis (vt Canon ait) deprauati fuissent, id tantum ex ea parte accideret, quæ illorum sententias attingeret, quæ verò ad hæreticos nihil pertinerent, integra mansissent. Quare, cùm Ecclesiæ descriptionem ac disciplinam (quam ferè omnem Clemens iis octo libris est complexus) in controuersiam eius ætatis hæretici non vocauerint, vt qui vnam fidei sententiam perstrinxerint, non est cur suspicemur eam hæreticorum deprauatione minus sinceram relictam. Aërius autem, qui post primam Ecclesiæ ætatem, exæquare ordines, & plerasque obseruationes, quarum hîc mentio fit, euertere est conatus, tantum abest, vt hos libros corruperit, vt

nullis validioribus armis aduersus eius
 insaniam pugnare possimus. Si quis di-
 cat hæc de ceremoniis, & de diuino cul-
 tu præcepta, permixta his libris fuisse à
 superstitiosis, qui Euangelij & Chri-
 stianæ pietatis leges ignorarēt, primùm
 Canon testatur ab hæreticis deprauatos
 libros fuisse, qui vt suas sententias fide-
 libus probarent, eas horum librorum
 testimonio cōmendari voluerūt. Dein-
 de si externi cultus, & ceremoniarum
 vestigia in omni antiquitate nusquam
 apparerēt, possent, quæ à Clemente præ-
 cipiuntur, in eam venire suspicionem, vt
 ad Apostolicam institutionem minimè
 referenda viderentur. Sed cùm nullus
 ferè ex antiquis illis patribus reperia-
 tur, qui hos ipsos viuendi ritus à Cle-
 mente expositos, non vehemēter appro-
 bet, cōsq̃ue ad Apostolorum auctorita-
 tem, atque ad illius temporis consuetu-
 dinem pertinere non iudicet, plerāque
 etiam ab illo tradita (quod est omnium
 maximum) constanti perpetuāque om-
 nium gentium, omniūque sæculorum
 consensione sint in Ecclesiis obseruata,
 dubitandum non est, ea à Clemente ita
 fuisse

fuisse exposita, atque tradita, quemadmodum ipse ab Apostolis accepisset. Quòd si illud dicant Clementis vituperatores, satis esse ad eleuandam eius testimonij fidem, si minima ex parte ij libri sint deprauati, vel in aliquo suspecti: leuia enim errata fidei, & parua iis in rebus dubitationes, non solùm illam rē in qua est offensum, euertunt, sed etiam vniuersam sententiæ summam perturbant. Quod quidē dici posset, si ex Clementis libris noua pietatis dogmata cōstituēda essent. Quòd si antiqua & probata solùm cōfirmare, vel Apostolicam pietatis formam intueri sit in animo, nullus, credo, in Ecclesia liber tam receptus, tāmque omnium iudicio probatus reperietur, qui vberiore nobis harum rerum facultatem præbere possit. quem, vt scriptoris auctoritas non probet, saltem ita commendat vetustas, vt à nemine magis priscae Ecclesiae testimonium petendum censeam. Nemo enim iis libris vnquam adimet, quin detracto illis Apostolicæ auctoritatis nomine, sint tamen certi fidelēsque illorum temporum testes: à quibus, veluti ab inspecto-

P R A E F A T I O.

ribus earum rerum, quas narrant, primæui illius temporis ritus, mores, instituta, religionis originem, Ecclesiæ incunabula possimus cognoscere. Quæ certè amplam materiam nobis præbèt, non solùm Ecclesiæ constituendæ, sed etiam nouæ huius impietatis refutandæ.

ARGUMENTANTVR quoque detractores ex his ipsis libris, quòd in iis quædam reperiri asserunt, peruersa, atque inter se pugnantia: alia verò puerilia atque indigna omnino tanti auctoris nomine. Ad quæ respondebo, cùm de methodo agam, ostendámque (vt spero) ex via & ratione, quam auctór tenuit, nihil esse iis in libris non graue, non constans, nihilque quod viro Apostolico meritò non sit tribuendum.

Inscriptio libri

VENIO ad inscriptionis causam: nã ea quoque in prolegomenis quæri solet. Inscriptio semper ferè, libri scopum indicat. id fit, cùm ab eo, de quo tractandú est, appellatio ducitur. Quod in horum librorum inscriptione est seruatum. Dicuntur enim διατάξεις ἀποστόλων hoc est præscripta, & institutiones Apostolorum. Et, vt vox ad còmunem loquendi vsum

accommodetur, constitutiones, siue ordinationes possunt dici. Estque huius vocis ea vis, vt disciplina lexque ab aliquo praescripta significetur: quod totius operis instituto aptissimè conuenit.

REPERIO autem hos libros variè à patribus appellatos: nam, vt vidimus, Athanasius doctrinam Apostolorum nominat, Chrysostomus & Ioannes Damascenus Canones, Oecumenius Diatyposim, hoc est informationem & institutionem. Quae tamè voces, in inscriptione idem valent, atque in varietate nominum, eadem est rei vis, & significatio. communius verò & frequentius est, vt Diataxes inscribantur: quam vocem saepe, cum de iis ageret, usurpauit Ignatius, vsusque est ea Paulus, huiusmodi Ecclesiasticae oeconomicae leges praescribens.

NON est omittendus numerus eorum librorum Clemetis, qui quidem in cognitionem nostram peruenire potuerunt. Epiphanius, qui huius scriptoris libris praecipue est delectatus, eorum librorum, qui de Recognitionibus inscribuntur, mentionem facit, ex quibus, disputans contra Gnosticos, nonnulla

*Numerus librorum
auctoris*

P R A E F A T I O.

est mutuatus. Ij libri quòd còtinent Pe-
tri plerásque prouincias, docendi causa
obeuntis peregrinationes, Itinerarij no-
men obtinuerunt: quos erroribus refer-
tos esse, auctor est idem Epiphanius, &
in Apologia Origenis Ruffinus, qui eos
in Latinum conuertit. eis auté non mo-
dò permisti errores adimunt auctorita-
tem, sed etiam ille casus parétum & fra-
trum Clementis, qui cuiusdam fabulæ
potius argumentum, quàm vllam veri-
tatis similitudinem videtur còtinere: in
quo tamen illud ex Apostolicis consti-
tutionibus compertum habemus, Nice-
tam, & Aquilam Clemétis fratres fuisse.
Scripsit quoque decem libros, quorum
argumenta exposita sunt in calce libri
tertij de Recognitionibus. Agnouit an-
tiquitas eius epistolas, in quibus vna ad
Corinthios penè sacræ scripturæ aucto-
ritatem obtinuit. Canon tamé ille Apo-
stolorum duabus dat auctoritatem, quæ
vicio temporum interierunt. relictæ ve-
rò nobis sunt aliæ epistolæ Clementis
nomine inscriptæ, ex quibus Romani
Pontifices, & Triburiense Concilium,
atque Vasense, aliqua transtulerūt. Quas

lib. 6. c. 8.

tamen certum est, non esse eas, quarum meminit Epiphanius in primo contra hæreses libro: in quo scribit laudari in iis epistolis virginitatem, atque omnes Prophetas, ex eoque sumi argumentum contra Hebionem illos vituperantem. Quæ quidem in iis peruulgatis epistolis non legimus, leguntur autem in eis multa translata ex Itinerario, quæ illarum auctoritatem reddunt leuiorem: in quibus vnum de quotidiana lotione corporum, quasi ea ad mētis mundiciem pertineat, est omnino non ferendum. Hebionitæ enim cùm quotidianos baptismos haberent, corruptis Clementis libris, Petrum fecerunt illorum baptismorum auctorem. Tributi sunt etiam Clementi Dialogi quidam inter Petrum & Appionem habiti, quos Eusebius respuit. Libros autem Clementis à Hieronymo conuersos (vt ipse testatur in fine interpretationis commentariorum Origenis in Epistolâ ad Romanos) iudico has ipsas esse Apostolorum constitutiones. quid enim ille in vertendis Apocryphis tantopere insudaret, præsertim si sciret palmam sibi à Ruffino præreptam? Doctrina

verò Apostolorum, qua Latinæ Eccle-
siæ hæctenus caruissent, digna profectò
erat, in cuius interpretatione tantus vir
laboraret.

Diuisio istius libri QVANTVM attinet ad librorù diui-
sionè, huius operis argumentù digestum
est octo libris. In quorù primo tradùtur
officia pertinentia ad còmunè vitã. nam
primùm exponuntur aliqua præcepta
moralia veteris legis, quibus adiungun-
tur alia perfectiora ex Euangelio, quod
dicitur Caput & explemētù legis. Dein-
de proponuntur præcepta, quibus pro-
hibetur cultus & ornatus corporis, ad-
monentùrque fideles ne otiosi discurrãt,
sed domi suis rebus dent operã, præscri-
bitùrque eis, quid domi agere debeãt: in-
terdicitur ipsis lectio librorù Ethnico-
rum, dantùrque legendi libri ex veteri te-
stamento: admonētùr iidem, quid in iis
libris obseruare debeant: Traditur præ-
ceptum ex Solomone de cauenda illece-
bra mulierù: instituuntur vxores, quẽad-
modù viris obtēperare debeant, & erga
ipso fungi officio: quarù probitas etiã
Solomonis testimonio còmédatur. De-
niq; in balneis ab earù societate repel-

luntur viri, & quædã alia officia eis seruãda præscribuntur. In secundo libro exponuntur mores & officia Episcopi, in quibus copiosè agitur de illo graui ac præcipuo eius munere, quod versatur in recipiendis conciliãdísq; pœnitétibus: de quorũ statu multa præclarè scribuntur. Præterea tractatur diligéter de Decimis Episcopo debitis, déq; earum dispensatione. Ité de honore habédo, & de obedientia præstanda Episcopis, simúlq; de Presbyteris ac Diaconis: quã scilicet ij personã, siue figurã referãt. Præterea de iudiciis Episcoporũ iustè exercédis, quibus expositis, describitur forma, qua Ecclesiastici conuentus ab Episcopo celebrari debeant, ac quẽadmodum peregrini recipiendi sint, & laici ad conuentus inuitandi, quos bis in die Ecclesiam adire oporteat, ac templa dæmonum & ludos omnino vitare. De quibus multa vtilia præcipiuntur.

TERTIVS liber de viduis ac de illarum statu pertractat. In quibus quædam iniecta sunt de oblationibus, à quibúsnã hæ sint recipiendæ. In eodem libro interdicitur mulieribus docendi munus, re-

rúmque sacrarum administratio : quod etiam ad omnes Laicos pertinere ostenditur. Assignantur Episcopis & Presbyteris certæ quædam ac propriæ functiones, deinde redit oratio ad officium viduarum, in quo métio fit officij Diaconissarum in baptismo mulieribus administrando. Cuius rei occasione exponitur diuina initiatio baptismi, & præscribuntur mores illorum, qui sunt initiandi. Denique agitur de officio Diaconi, & de ordinatione Episcopi, atque de officio Presbyteri, quæ occasione quadam, atque obiter videntur allata.

Q V A R T V S liber tractat de pupillarum cura suscipienda, de collectis conferendis accipiendisque, de officio parentum & liberorum, dominorú & seruatorum, de subiectione & obediétia magistratibus exhibenda. denique de virginibus.

Q V I N T V S de Martyribus omni cultu atque officio prosequendis, de persecutionibus & æumnis pro Christi nomine perferendis, simúlque de moderatione adhibenda in morte pro fide obeunda: item de resurrectione, cui adiun-

Etæ sunt quædam morales admonitiones, de idolorum cultu fugiendo, de dierum festorum celebritate seruanda: cui sermoni accedit digressio de Passione Domini, & institutio certorum dierum in quibus ieiunium seruandum sit.

S E X T V S liber hæreticorum errores complectitur, quibus ex aduersò opponit Catholicam Apostolicæ fidei doctrinam, commédât legem à Mose scriptam, explanat legem naturalem, differt de humanis traditionibus, & de inductis obseruationibus, quas Euangelium vel sustulit, vel mutauit.

S E P T I M V S tradit præcepta de vita & moribus ex lege Mosis, quæ coniungit cum iis, quæ longè excellentius, atque perfectius lex Euangelica præcepit. Iis absolutis tractat de baptismo eiusq; ceremoniis, nec non de iis, qui baptismi sacris sunt initiandi: repetit quædam de ieiuniis, & festis diebus, quibus additæ sunt præclaræ quædam, & diuinæ formulæ rogandi Deum cum præconio laudum, & gratiarum actione. Instituit Catechumenos, exponens consecrationem aquæ, olei, & mystici chrisomatis: con-

numerat Episcopos ab Apostolis institutos: quibus postremò accedunt quædam preces solennes certis diei temporibus conceptæ.

OCTAVVS liber prosequitur omniù ferè rerum mysticarum argumentum. Primùm disputat de Chrismatibus, hoc est de iis muneribus, quæ Spiritus sanctus ad regendam & conseruandam Ecclesiam distribuit: in quibus Episcopatum numerat, cuius omnem mysticam institutionem præclarè exponit, cùm quo sermone simul omnem ritum sacrorum, omnem rei diuinæ rationem, ceremonias, solennes preces, admirabili Eucharistiæ sacrificio adiúctas complectitur. Deinde ad reliquorù graduum institutionem descendit. cui sermoni cùm inseruisset nonnullas alias mysticas benedictiones, & pauca quædam de oblationibus, descendit ad propria quædam præcepta certis personis atque officiis accommodata. Qui in cœtum fidelium sint admittendi, quiue repellendi: quando diu Catechumeni instituendi: quibus diebus ab operis cessandum sit: quando, ubi, quomodo supplicandum: iusta mor-

tuis quibus diebus soluēda: quibus nonnulla alia minuta sunt permista, quæ cum vix in summã colligi possint, suis locis lectori patebunt. Denique pulcherrima Ecclesiasticæ Hierarchiæ descriptione totum opus clauditur.

EST autem intelligendum hanc per capita, partitionē, & synopsis, quæ singulis capitibus præposita est, nouã esse, singuli enim libri ab Auctore perpetua oratione sunt continuati. quam rem illud maximè ostēdit, quòd sæpe sequentis capituli initium continuatur cum fine capituli superioris, vt ex utroque integra constet oratio. fit etiam in quadam synopsi, Hegesippi & Tertulliani mentio: quos Apostolicis temporibus inferiores fuisse neminem arbitror ignorare. Vidi ego codicem in quo capita non eodem modo diuidebãtur, & minùs interrupta erat oratio. Is verò, qui hanc Capitulum distributionē composuit, videtur interdum in synopsi scribēda negligens fuisse, vt quæ non semper capituli ex omni parte respondeat, nec contineat plenum & integrũ rei, qua de agitur argumentum.

290 *libroz*

SEQUITUR ordo librorum, qui nihil est aliud, nisi librorum inter se connexio & dispositio quædam, quæ cùm ratione & via tractatur, ita aptos efficit libros, vt sequens liber à priori pendeat. quod scriptor ita assequitur, si diuidendi arte aptè vtatur: Gaudeant enim (inquit Plato) qui hac methodo vti sciunt: mihì verò omnes hos libros, singulâsq; eorû partes diligenter consideranti, non videtur accurata vlla partitio à Clemente in iis libris disponendis adhibita. Nam si prima octo librorum argumenta expendere velimus, inueniemus ea nullo vinculo connexa esse, neque inter se ita cohærere, vt mutuus ordo sponte existat, & ex natura rei distributio nascatur. Quin etiam in ipsis libris videmus quædam crebrò inculcata, vt in eis collocandis diuisione ex arte vti nullo modo possimus. Necessè enim esset aliqua sæpe repetentes, partes ita diuidere, vt aliquando alia aliam cõtineret, quod est diuisionis vitium vel maximû. Tenuit igitur Clemens Christianam illam simplicitatem Apostolorum discipulo dignam, sicque ordinem est secutus, vt à

rebus confusionem tolleret, exquisitum illud artificium contemneret. non enim negari debet, aliquando ordinē in nonnullis locis notari posse, sed eum nec de industria quæsitum, neque summa arte elaboratum.

ERIT etiam utile, si scriptoris methodum cognouerimus. *Methodus* methodum autem voco docendi viam, & argumenti tractationem. quam ad subtilem illam Philosophorum rationem non reuoco. vt quærenda nobis sint demonstrationum genera, diffinitiones, componendi & resoluendi viæ, à notioribus nobis, vel naturæ progressiones. quibus modis & viis scientiæ & facultates vtuntur. non hæc instrumenta Apostolicus Philosophus ad docendum adhibuit, vt quæ Christianæ institutioni, quam sibi tractandam proposuerat, non ita erant accommodata. Omnia igitur rerum probandarum argumenta Clemens ducit à scripturarum auctoritate. nam siue vitæ ac morum præcepta tradat, siue rerum Ecclesiasticarum formam doceat, siue Christi Oeconomiam, ac rerum diuinarum rationem demonstret, singula ita efficit,

P R A E F A T I O.

vt ea, vel in sacris literis explicata ostendat, vel ex iis necessaria consecutione colligat. Atq; ea laus præcipua ac summa Clementi tribuenda est, quòd nemo ex scriptoribus sacris, scripturarum locis sit vsus tam propriis tamque ad docendum accommodatis. Quare ex multis utilitatibus, quas hi libri continent, hæc quoque magna habenda est, quòd ex iis plerásque veras ac germanas scripturarum sententias intelligimus. Scripturas autẽ duobus modis tractauit Clemens, nam aut earũ auctoritate est vsus, proferens ex iis testimonia, quibus sua dicta confirmãtur, aut eas in sua scripta ita transtulit, & in oratione inclusit, vt sentẽtias ex suis & scripturæ verbis contextas, perpetuo stylo continuauerit. quod cum sit, grauitas & sanctior quædam dignitas orationis existit. Eas verò frequenter composuit ex verbis Pauli, quem omni ex parte est imitatus, vt facile intelligatur disciplinam Clementis, præsertim eam, quæ pertinet ad mores, & vitã in omni statu regendam, ex Pauli præceptis translata, atque ad eius generis similitudinem expressam.

ILLVD quoque verè possumus dicere, Clementis libros ex coaceruatis, & in vnum locum collectis sacrarum literarum partibus constare. Vsus est autem veteris testamenti interpretatione septuaginta Interpretum, vt quæ illo tempore erat in vsu, & ab omnibus sacrosancta habebatur. nam Euāgelistæ quoque & Paulus Hebraicè doctus, ea vti voluerūt: nec erat illo tēpore (credo) alia interpretatio, quæ omnibus esset peruulgata, cū Apostoli Aquilam, Theodotionem, & alios, qui vetus testamentum sunt interpretati, atate longè antecesserint: quo fit, vt sententiæ plerunque ab hac cōmuni & vulgata interpretatione dissideant, aliquæ etiam ex iis in nostro Canone non reperiantur. Constat enim ex Epiphania septuaginta Interpretes in vertēdo, eam rationem secutos, vt veluti explanantes scripturā, aliqua de suo adderent, alia veluti superflua relinquerent. non solū enim interpretum, sed etiam Prophetarum (vt idem Epiphanius inquit) functi sunt munere.

QVATVOR docendi generibus scriptura frequenter vtitur. vnum est, quod

dogmaticum vocant, aliud in imperando ac precipiendo cōsistēs *προσαντιον* Græcè dicitur tertium quo aliquid definitur & quasi suis terminis describitur, proptereaque *δρησινον* appellatur. quartum est propheticum, quod pertinet ad prædictiones. Ex iis Clemens dogmaticum & præcipiens frequenter vsurpat, definiens non est ipsi adeò frequens. is enim docendi modus non præcipit, neque decreto statuit, sed quid ad rem aliquam adipiscendam vel fugiendam sit opus, designat & præscribit, cuiusmodi est illud, Qui non tollit crucem suam, & sequitur me, non est me dignus. Et illud, Nisi manducaueritis carnem filij hominis, & biberitis eius sanguinem, non habebitis vitam in vobis. Quærendum etiã esset an Prophetico genere aliquando sit vsus. fortasse enim nonnulla, quæ nondum viuis omnibus Apostolis acciderant, potuerunt ab ipsis, vt mox futura, præscribi, & prædictione designari.


QvOD attinet ad genus sermonum, cùm Clemens disciplinã ex Apostolorum sermonibus exceptam, atque fidelibus traditam in Ecclesiis vellet esse perpetuam,

tuam, eam iis octo libris est complexus, in quibus suppressa sua persona, omnē sermonem tribuit Apostolis, putās, opinor, maiorem auctoritatem habituram orationē, si quæ ab Apostolis præcepta accepisset, ea Apostolos ipsos faceret exponētes. Dixi autem eum suum nomen suppressisse, propterea quòd ex propria persona non est præfatus, quanquam se aliquando faciat ex cœtu loquentium vnum, socium Apostolorū, & in rebus agendis administrum. Ex quo intelligitur, huiusmodi scribēdi genus esse quasi mistum ex dialogo, & ex eo genere in quo perpetuo orationis cursu res narratur, quod *διεζοδικόν* vocāt. Nam ex ea parte, qua personæ loquentes inducuntur, videtur dialogi similitudinem habere: quatenus sermones non habentur inter ipsos loquentes, sed à principio in Apostolorum personam instituta oratio eandem formam cōseruat, quasi ipsi Apostoli hos libros conscripserint, potest in fufum illud & perpetuum genus referri.

IN iis sermonibus duo sunt diligentissimè animaduertēda, vnum est illud,

aliqua facta vel instituta Apostolorum,
non eo ordine à Clemente exposita esse,
quo ab ipsis sunt gesta vel præcepta.
 nam pro argumēto rei, quam tractabat,
 mentionem fecit Clemens earum actio-
 num, quæ ad rem propositam pertine-
 bant, in quibus euenit aliquando vt illa
 primo loco narrātes fecerit Apostolos,
 quæ tempore inferiora erāt iis, quæ post
 commemorātur. Alterum est attenden-
 dum, quæ à Clemēte in personam Apo-
stolorum dicūtur, non ita intelligi præ-
cepta ab Apostolis, vt omnes vno tem-
pore atque vnum in locum conuenien-
tes, vniuersa, quæ iis octo libris cōtinen-
tur, præscripserint, sed esse quædā, quæ
diuersis temporibus, separatim, ac non
ab omnibus præcepta sint, in quæ Cle-
mens cum incidebat, continuò illa refe-
rebat ad institutionis auctorem, cūmq;
more suo, loquētem inducebat. Iis dua-
bus rebus obseruatis, multa quæ viden-
tur pugnātia, vel præposterè dicta, con-
ciliantur, & ad distinctam rerum seriem
redigūtur. Ex hoc enim accidit, vt Cle-
mens, cū res postulat, loquētem faciat
Iacobum fratrem Domini, quem tamen

mortuum fatetur in quinto, & septimo ^{2. 8.}
 libro, & in secundo libro Ioannes sui
 Euangelij, & Apostoli Actorum men-
 tionem faciant, quæ tamen euidentis est,
 vltimo loco scripta fuisse. Ita anteuertit
 aliquando Clemens, & anticipat rerum
 Ecclesiasticarum institutiones, easdem
 nonnunquam in postremum locum rei-
 cit, præponens ea, quæ longo post tem-
 pore acciderunt. quod totum methodo,
 quam tenuit, tribuendum censeo. Nam
 cum, excluso nomine Auctoris, res nar-
 rentur ab Apostolis, quemadmodum ipsi
 eas gesserunt, atque instituerunt, necesse
 est, vt cum mentio fit certæ rei, ad vnum,
 vel plures Apostolos pertinentis, is, qui
 eius auctor extitit, loquatur, & sui facti
 se auctorem faciat, ita euenit, vt quæ tem-
 pore posteriora sunt, plerunque primo
 loco commemorantur, vel quæ multo
 antè acciderunt, ab iis dicantur, quos
 mortuos iam constat, propterea que non
 sunt quibusdam in locis (quo ad tempo-
 rum seriem attinet) sequentia cum supe-
 rioribus continuanda. Id si consideretur,
 quæ perturbata & confusa putantur, ap-
 parebunt aptissimè disposita, Clemensq;



vituperatorum reprehensione, atque calumnia facilè liberabitur. Dictione autem eam est secutus Clemens, quæ rerû, quas tractabat sanctitati cõueniret. Simplici vtitur oratione, casta, subtili, pressa, quam tamè concinnitate quadam ita climauit, vt nõ modò nihil habeat horridum, atq; ieiunum, sed etiam mediocri cultu expolita videatur. Attico more plerunque mutat numeros, etiã nonnunquã personas. sequitur ἀκατάλλιον illud & ἀνανταπόδοτον, quod fit, cùm vel orationi sequēs membrum non respondet, vel cùm oratio suspensa sustinetur, nec habet aliquid quo nixa consistat. In vertendo autem satisfacisse me suscepto muneri existimarem, si adhibita veritate sententiarum, aptisq; ad loquendum verbis Clementeum scribendi genus essem imitatus. Sed sententias (vt spero) ita expressi, vt in iis fidelis interpretis diligentia non desideretur. quod verò attinet ad verba, voluissem quidè semper iis vti idoneis, atq; huiusmodi, quæ à Latini sermonis consuetudine non abhorrent: sed cùm Ecclesiastica tractarem, nephas esse duxi, ab eis vocibus di-


scedere, quæ iam pridem ab Ecclesia receptæ, suam quandam habent religionem: cum præsertim eas loquentiû consuetudine tritas, vsus iam emolliuerit. Plerunque etiam cum mystica occurrerant, quæ penè in singulis verbis totidem continent sententias, verbum pro verbo necessariò reddès, non potui omnem orationem ad veterem illam purè loquendi normam dirigere. Ac cum frequenter in eas sententias inciderem, de quibus summæ sunt nobiscû cum Ecclesiæ aduersariis concertationes, malui in iis vertendis verba sequi Græcum quiddam olentia & peregrinum, quàm existimari, paululû à verbis deflectens, sententiarum integritatem deprauasse. De similitudine verò scriptorum, scio eam præcipuam haberi laudem interpretis, si is eius, quæ transferendum suscepit virtutes imitatione assequi studeat. In quod quidem studium me aliquid operæ, ac laboris contulisse non nego, sed non eo animo, vt sperarè interpretationé meam Clementis laudes assecuturam. nõ enim ad eò insaniebam, sed vt (quod à diligenti interprete præstari erat æquum)

P R A E F A T I O.

aliqua ex parte Latino stylo eius formæ
 similitudinem adumbrarem. In quo, &
 si intuens meam tenuitatem, atque in
 huius generis facultate inopiam, quic-
 quam laude dignum efficere me nō po-
 tuisse intelligo, sit tamen illud in opta-
 tis, vt cū illam politissimam elegan-
 tiā genere dicēdi meo attingere non po-
 tuerim, hoc saltem, *Λέντερον πλῶν* (quod
 aiunt) sim affecutus, vt opera mea Cle-
 mens quasi ciuitate Romana dona-
 tus, nostris hominibus, Græca
 non plenè intelligenti-
 bus, perspicuè atq;
 enucleatè lo-
 quatur.

C O N S T





I

CONSTITVTIONVM
SANCTORVM APOSTOLO-
RVM B. CLEMENTE RO-
mano auctore,

LIBER PRIMVS.

IO. CAROLO BOVIO
EPISCOPO OSTVNENSI,
INTERPRETE.

Catholica doctrina de laicis. CAP. I.



POSTOLI, & Presbyterii
omnibus, qui ex Gentibus
crediderunt in Dominum
Iesum Christum: gratia vo-
bis, & pax ab Omnipotēte
Deo per Dominū nostrum
Iesum Christum abundet
in cognitione ipsius. Dei plantatio est catholica
Ecclesia, & vinea eius electa: illi, qui crediderunt
in infallibilem pietatem ipsius, qui fruuntur æter-
no regno eius per fidem, qui acceperunt virtutem
ipsius, & armati sunt communicatione Sancti
Spiritus per Christum, & timorem eius induerunt,
participes preciosi, & immaculati sanguinis
Christi, qui fiduciam acceperunt, vt Omnipotentem
Deum inuocarent, cohæredes & confortes facti dilecti filij eius. Audite doctrinam
sacram, qui amplectimini promissionem eius,

A

ex mandato Saluatoris, æquiparandam gloriosis
 vocibus ipsius. Attendite filij Dei omnes, vt in
 obedientia Dei vitam agatis, estotéque in omni-
 bus placentes Christo Deo nostro: nam si quis
 iniquitatē secutus, faciat quæ volūtati Dei aduer-
 santur, is veluti gens iniqua à Deo aestimabitur.

CAP. II.

Exod. 20.

ABSTINETE animum vestrū ab omni cu-
 piditate, & iniquitate: nam in lege scriptum
 est, Non concupisces vxorem proximi tui, non
 agrum eius, non seruum, non ancillam, non bo-
 uem, non iumentum eius, neque aliquid, quod
 proximi sit: quoniam omnis harum rerum cupi-
 ditas à malo prouenit. Nam qui vxorem concu-
 piscit, vel seruum, vel ancillam proximi, iam
 mente adulter, ac fur censetur (nisi eū pœniteat)
 ac iudicatus est à Domino nostro Iesu Christo,
 per quem gloria Deo in sæcula, Amen. Inquit
 enim in Euangelio (in summam redigens, & sta-
 biliens, ac perficiens legis Decalogum.) In lege
 scriptum est, Non mœchaberis: ego autem dico
 vobis, hoc est in lege, quæ per Moysen scripta est,
 ego locutus sum: nunc verò, idem ille vobis di-
 co, Omnis, qui aspexerit vxorem proximi ad ex-
 petend^{am} eam, iam corde suo mœchatus est: ita
 mœchus iudicatur, qui animi cupiditate ardet.
 Qui verò bouem, vel asinum concupiscit, nōne
 in eam cogitationem venit, vt furetur? vt
 suum faciat? vt abducat? Rursus, qui agrum cupit
 perseuerans in huiusmodi affectione, nōne im-
 probè facit? vt cum fines proferre velit, cogat
 possessorem vilissimi vendere. Ait enim quo-

Matth. 5.

» dam in loco Propheta, Væ coniungentibus do- *Isa. c. 5.*
 » mum domui, & agrum agro continuantibus, vt
 » proximo auferant aliquid: propterea dicit, Nun-
 » quid habitabitis soli super terram? audita sunt
 » enim in aures domini Sabaoth hæc. Et alio in *Deut. 27.*
 » loco, Maledictus, qui transfert terminos proxi-
 » mi sui, & dicit omnis populus, fiat. Ideo, inquit
 » Moses, Non commouebis fines proximi tui, *Deut. 19.*
 » quos posuerunt patres tui: Ea de causa igitur
 » formidines, mortes, iudicia, damnationes à Deo
 » talibus hominibus imminet. Is verò, qui Deo
 » sunt obedientes, vna est Dei lex imposita, quæ
 » simplex, vera, viua existit. Quod in te ab altero
 » fieri non vis, id tu in alterum ne feceris. Non vis
 » vt aliquis in vxorem tuã turpiter coniciat ocu-
 » los, animo eam vitandã? nec tu in vxorem pro-
 » ximi tui improbè oculos defigas. Non vis ve-
 » stimentum tuum tolli? neque tu alterius vesti-
 » mentum tollas. Non vis percuti, contumeliam
 » ferre, petulantiam perpeti? neque tu in alium
 » hæc ipsa committas.

*De non referenda contumelia, & de non vlcis-
 scendo eum, qui iniuriam intulit. Cap. III.*

» **A**T maledicit aliquis tibi, tu benedic ei: quo- *Cap. 24.*
 » niam scriptum inuenitur in libris Numero-
 » rum, Qui benedicit tibi, benedictus est: & qui
 » maledicit tibi, maledictus est. Eodem modo in
 » Euangelio scriptum est, Benedicite maledicen-
 » tibus vobis. Cum iniuriam patimini, nolite in-
 » iuriam referre, sed æquo animo patis quoniam
 » inquit scriptura, Noli dicere, vlciscar inimicum

» meum de iis, quæ in me iniuste fecit, sed expecta
 » vt pro te vindicet Dominus, & ultionem inferat
 » iniuriam inferenti tibi. Etenim rursus in Euan-
Math. 5. gelio ait, Diligite inimicos vestros, & benefacite
 » iis, qui oderunt vos, & orate pro calumniantibus,
 » & persecuentibus vos, & eritis filij patris vestri,
 » qui in cælis est: quoniam solem suum oriri facit
 » super malos, & bonos, & pluit super iustos, &
 » iniustos. Attendamus igitur dilecti iis mandatis,
Ephes. 4. » vt eis obsequentes, filij lucis inueniamur. Ferte
 igitur serui, & filij Dei vos inuicem. Vir aduersus
 eius vxorem ne sit superbus, neque elatus, sed fa-
 cilis, ac benignus, cupiens tantum propriæ vxori
 placere, atque ei indulgere, cum honore illi stu-
 dens gratificari.

*De cultu, & ornatu, atque de peccato ex eo
 proueniente. Cap. IIII.*

NE QVE ornatui studebis, quo aliqua alia
 mulier in te capiatur. Nam, siue ab ea vi-
 ctus peccabis, mors à Deo aterna tibi parata est,
 & sensu doloris acerbè cruciaberis: siue flagitiū
 non facies, sed illa repulsa nō consenties. at hoc
 ipso peccasti, etiam si non feceris, quoniam so-
 lum propter ornatū tuum illaqueasti mulierem,
 vt tui cupiditate flagraret. Fecisti enim vt quæ
 hoc passa est, per concupiscentiam in te mæcha-
 retur. sed non ita es in culpa, quoniam non mo-
 rem gessisti ei, quæ tui amore irretita fuerat.
 Non enim tu illam concupiuiisti. Et quoniam illi
 non es obsecutus, misericordiā inuenies à Deo,
 qui dixit, Non mæchaberis, & non cōcupisces.

Nam si illa, cùm te vidit, vel intempestiuè obuiam tibi facta est, mente plagam accepit, & ad te misit, túque vt pius reiecasti eam, illa verò corde fauciata est, tu tamen quia iuuenis formosus es, & ornatus incedis, vt ideo illa tui amore capta sit, reus iudicaris peccati illius, tanquam iis qui causam scandalo illius dedisti, & in vā incidisti.

Quare roga Dominum Deum, vt nihil mali tibi

» propterea, contingat, non enim te hominibus *Gala. 3.*

» placere oportet in peccatum, sed Deo in sancti-

» tatem, & vitam, ac requietem æternam ample-

cti. Pulchritudinem tibi à natura, Deo auctore

collatam, noli adiecto cultu, exornare, sed hu-

militer eam aduersus homines ita cohibe: capil-

lum comæ non nutriens, sed potius illum deton-

dens, & adimens, ne tu pruritu vexatus, & caput

lacerationis expers conseruans, vel vnguentis

perfundens, inducas tibi mulieres, quæ hoc mo-

do illaqueant, vel illaqueantur. Neque verò ve-

stiti vti velis comparato ad decipiendum: neque

femoralia vel crepidas pedibus tuis improba ar-

te consuas, sed tantum iis vttere, quæ ad grauita-

tem, & vsus necessarios pertinēt. Neque auream

palam in digitos tuos induas, quoniam hæc om-

nia scortationis sunt argumenta, quibus qui pre-

ter id, quod decet, studet, iniuste facit. Fidelis

enim cùm sis, & homo Dei, non licet tibi nutri-

re capillum, & in vnum complicare, quod est

delicatum, & molle, vel discerniculo discrimi-

nare, neque verò intortum calamistris crispare,

vel flauum facere: quoniam quidem lex vetat in

Deuteronomio, inquiens, Non facietis vobis

Leu. 19.

rotunditatem ex coma capitis vestri, neque incisiones. Neque verò licet barbæ pilos corrumpere: neque hominis figuram præter naturam mutare. Non incidetis (inquit lex) superficiem

Leu. 21.

barbæ vestræ: Hoc enim mulieribus decens creator Deus statuit, viris indecorum esse iudicauit. Tu verò hæc faciēs, & vt tibi placeas legem violans, in odio eris apud Deum, qui creauit te secundum imaginem suam. Si igitur cupis Deo placere, contine te ab omnibus quæ odit ipse, & nihil facias, quod animo eius displiceat.

Quòd non oportet esse curiosum de iis, qui malè viuunt, sed proprio operi inuigilare. Cap. V.

NOLI quasi peruolare, discurrere, & vagari per plateas intempestiuus speculator eorū qui perditè viuunt: sed arti tuæ, & operi tuo incumbens, quære vt facias quæ sunt Deo accepta, & Christi sermones in memoriam reuocās, assidue meditare. Inquit enim scriptura, In lege eius meditaberis die, ac nocte: scilicet, cum in agro ambulas, cum domi sedes, cum in lectulo cubas, cum manè surgis: vt in omnibus intelligas.

Psalms. 1.

Quòd si diuitiis abundas, & vt te sustententes arte, opus non habes, noli circumcursare, & intempestiuè obambulare.

Quos scripturæ libros legere oporteat. Cap. VI.

SED siue ad fideles, & eiusdem sententiæ homines accedis conferēs cum iis, vitalia verba loquere: sin minus accedis, intrus sedens percurrere legem, Reges, Prophetas, psalle hymnos David,

lege diligenter Euangelium, quod est horum complementum.

Quòd oportet abstinere ab omnibus exteris libris. Cap. VII.

ABSTINE te ab omnibus Gentilium libris. Quid enim tibi cum externis libris, vel legibus, vel falsis Prophetis? quæ quidē leues à fide abducunt. Nam quid tibi deest in lege Dei, vt ad illas gētium fabulas confugas? Nam si Historica percurrere cupis, habes Reges, si Sophistica, & Poëtica, habes Prophetas, & Iob, & Prouerbiorum auctorem, in quibus omnis Poëticæ, ac Sapientiæ accuratam rationem inuenies: quoniam Domini Dei, qui solus est sapiens, voces sunt. Quòd si cantilenas cupis, habes Psalmos: si rerum origines nosse desideras, habes Genesim: si leges & præcepta, gloriolam Dei legem. Ab omnibus igitur externis, & diabolicis libris vehementer te contine: veruntamen legem quoque perlegens, inducta illa, atque adiecta, quæ appellantur, reiice. Quòd si non omnia, at quædam, quæ sunt in traditionibus seniorum, Deuteroseos quæ appellantur. Solùm autem historia causa illa lege, vt cognoscas, & glorifices Deum, qui te à talibus, ac tantis vinculis liberauit. Habeas autem præ oculis ad cognoscendum quid sit naturalis lex, quid sint traditiones, & illa inducta, atque adiuncta, quæ in deserto iis, qui vitulum conflauerunt, sunt imposta. Lex enim est, id quod locutus est Dominus, antequàm populus in Idololatriam incideret, & vitulum confla-

tilem faceret illum Ægyptiorum Apim: Hoc est Decalogus. Quæ verò illis peccantibus vincula accesserunt, illa tibi ne attrahas: Saluator enim noster nullam aliam ob causam venit, nisi vt saluaret reos referuata iræ, & impleret legem, & Prophetas, & vincula adiecta humanarum traditionum, & inductorū, vel solueret, vel mutaret. Ideo inuitans nos dicebat, Venite ad me omnes, qui laboratis, & onerati estis, & ego reficiā vos.

Matth. 11. Tu ergo perlegens legem cōsentaneam Euangelio, & Prophetis, lege etiam Reges, vt intelligas quot Reges iustè vixerūt, eos à Deo auctos fuisse, & iis promissionem vitæ aternæ apud ipsum permanisse. Quot verò Reges à Deo defecerūt, rebellionē suā breui tempore interiisse, iusto iudicio Dei, & vita eius priuatos fuisse, pro requiete aternū suppliciū consecutos. Hæc cū leges, multū fide auctus ædificaberis in Christo, cuius corpus, & membrum existis. In ambulans autem in foro, & lauare volens, vt ere virili balneo, ne si nudatum corpus tuum mulieribus turpiter aperueris, at speciem viris non conuenientem aspereris, vel irretitus inueniaris, vel ipse in te irretitas mulieres, quæ tam facile capiuntur. ^{ita} Cauē igitur ab iis ne laqueis impediās animam ~~meam~~,^{meam}

De Mulieribus malis. Cap. VIII.

Pro. 7. **D**ICAMVS enim in sapientia quid dicat sanctus sermo, Fili custodi sermones meos,
 » præcepta mea reconde tibi, dic sapiētia sororem
 » esse, & prudentiā amicā acquirere tibi, vt custodiat
 » te à muliere extranea, & mala, si te verbis blādis

» adoriatur. Nam à fenestra domus suæ prospiciens in plateas, quem viderit ex filiis insipientibus adolescentulum, vecordem prætereuntem in foro, in biuiis domus suæ, & loquentem in tenebris vespertinis, quādo quies nocturna fuerit, & caliginosa: mulier autem occurrit illi, ornatu meretricio ad faciendum iuuenē euolare à corde: vaga autem est, & dissoluta: domi non quiescunt pedes sui, Nam modò foris vagatur, modò in plateis per omnes angulos insidiatur. deinde, apprehensum osculata est eum, & impudenti vultu affata est eum, Hostia pacifica mihi est, hodie reddo vota mea, idcirco exij obuiam tibi, desiderans faciem tuam, inueni te: intexui funibus lectulum meum, stravi tapetibus ex Ægypto, aspersi cubile meum croco, domum meam cinnamomo: veni, & fruamur amicitia, donec illucescat dies: veni, & implicemur amore. & reliqua, quibus subiungit: Decepit illum multus sermo, & laqueis labiorum protraxit illum. Ipse autem sequitur eam delinitus. & rursus dicit, Noli attendere mulieri praua: mel enim stillat à *Prou. 5.*
 » labiis mulieris fornicariæ, quod breui tempore
 » impinguat guttur tuum, Postea amarius felle inuenies, & acutius gladio ancipiti. Et rursus, Fuge, & ne moreris, neque figas oculum tuum in illam: multos enim vulnerans percussit, & innumerabiles sunt, quos interfecit. Quod si non feceris, mutaberis, inquit, in nouissimis tuis, quando confumentur carnes corporis tui, & dices, Quomodo odio habui doctrinam, & redargutiones iustorum declinauit cor meum? non au-

” diui vocem erudientis me, & docenti me nō ac-
 ” commodauj aurem meam: propemodum factus
 sum in omni malo. Ne pluribus testimonia pro-
 ducamus. Quōd si aliqua omisimus, sapiētes ipsi
 vobis legentes bona, ex sacris scripturis confir-
 memini, fugientes omnia praua, vt sancti repe-
 riamini in vita æterna apud Deum.

*De subiectione mulieris studiosæ erga virum
 suum, & temperatæ. Cap. IX.*

MVLIER subdita esto viro tuo: quoniam
 caput mulieris vir est. viri ambulantis in
 via iustitiæ, caput est Christus: Christi caput est
 Deus, & Pater eius. Igitur post omnipotentem
 Deum nostrum, & Patrem præsentis, & futuri
 sæculi dominum, omnis spiritus, & omnis virtu-
 tis creatorem, & post dilectum eius filium Do-
 minum nostrum Iesum Christum, per quem glo-
 ria Deo, time tuum virum ô mulier, & reuerere,
illi soli placere studens, illi obsequens in mini-
steriis tuis: vt in te beatificetur vir per Sapientiã,
 ” dicentem per Solomonem hæc verba, Mulierẽ
 ” fortem quis inueniet? æstimabilius est lapidibus
 ” preciosis. Quæ talis est confidit in ea vir suus, ta-
 ” lis spoliis non indigebit. Operatur enim viro bo-
 ” na omnibus diebus vitæ suæ, ducens lanam & li-
 ” num: fecit vtilia manibus suis. Facta est quasi na-
 ” uis mercaturam faciens, de longè congregans vi-
 ” ctum suum. Et surgit de nocte, deditque cibaria
 ” domui, & opera ancillis. Considerans agrum,
 ” emit eum, & defructibus manuum suarum plan-
 ” tauit possessionem. Accingens lumbos suos su-

» stulit brachia sua, & gustauit quod bonum est
» operari, & non extinguitur lucerna eius in tota
» nocte. Cubitos suos extendit ad vtilia, manus
» suas firmat ad fufum. Manus suas aperuit paupe-
» ri, & palmã extendit mendico. Non curat de iis,
» quę sunt domi vir eius: omnes enim qui apud eũ
» sunt, vestiuntur stolis duplicibus. Chlamydes fe-
» cit viro suo: ex bysso, & purpura vestimenta. Cõ-
» spicius in portis vir eius quando sedet in con-
» fessu cum senioribus habitantibus. Sindones fe-
» cit, & vendidit Phœnicibus, cingula Chananais.
» Gloriam & honorem induit, & gauisus est in die-
» bus nouissimis. Os eius aperuit sapienter, & op-
» portunè, & ordinem misit linguę suę. Angustę
» sunt semitę domus suę, & panem ociosum non
» comedit. Aperuit os suum sapienter, & conue-
» nienter. Lex misericordię in lingua eius. Surre-
» xerunt filij eius, & ditatam laudauerunt eam: &
» vir laudauit eam: multę filię possederunt diui-
» tias: multę fecerunt virtutem. Tu autem super-
» gressa es, & superasti omnes. Falsa gratia, & vana
» pulchritudo mulieris ne sit tibi: mulier enim pia
» benedicitur, & timens deũ ipsa laudatur. Date ei
» de fructibus labiorum eius, & laudatur in por-
» tis vir eius. Et rursus, Mulier fortis corona viro
» eius. Et rursus, Multę mulieres ædificauerunt
» domum. Didicistis qualia encomia mulier tem-
» perata, & viri studiosa capit à Domino Deo. Si
» fidelis, & grata Deo cupis esse õ mulier: noli te
» ornare, vt placeas alienis viris, & meretricum pli-
» caturas, vestitus, calceamenta imitari, ad alliciẽ-
» dum eos, qui huiusmodi rebus tenentur. Nam

quanquam tu non peccandi studio hoc nefas
commisisti, sed tantum cultus causa, tamen non
ideo effugies pœnam, quia illo ornatu coëgisti
aliquem, vt ad te concupiscendum induceretur.
neque adhibuisti cautionem, vt neque tu in pec-
catum incideres, neque alij in scandalum. Quod
 si tu quoque peccabis, laxata libidine, & tu deli-
 quisti, & illius animæ rea facta es. deinde cum in
 vno peccaueris, veluti in desperationē adducta,
 in alio rursus delinques, vt quæ omnem sensum
 doloris amiseris, quemadmodum affirmat diui-
 nus sermo, Impius cum in profundum malorum

Pro. 18.

„ venerit, contemnit: aduenit ei tristitia, & oppro-
 „ brium. Talis enim mulier deinde, vltra modum
 „ faucia, illaqueat animas insipientium. Videamus

Ecl. 7.

igitur quomodo triumphum agat de talibus di-
 uinus sermo, Odi supra mortem mulierem, quæ

Pro. 11.

est laqueus, & plaga animæ. Ligatæ sunt manus

Pro. 25.

eius. Et alibi, Quasi in auris aurea in naribus suis,

Pro. 21.

„ sic mulieri insipienti pulchritudo. Et rursus, Si-
 „ cur in ligno vermis, sic perdit viros mulier male-
 „ fica. Et rursus, Melius est habitare in angulo
 „ aperto, quàm cum muliere procaci, & conten-
 „ tiosa. Nolite igitur imitari vos tales mulieres
 „ cum sitis Christianæ. Si verò fidem seruare velis
 „ viro tuo, stude vt illi tantum placeas. In plateis ve-
 „ rò caput tuum vela. Nam si te texeris, ab aspectu
 „ tui arcebis curiosos. Noli depingere os tuum,
 „ quod fecit Deus. nihil est enim in te, quod orna-
 „ tum desideret. quoniã omnia, quæ fecit Deus, erant
 „ valde pulchra: accessio autem ornamentum in pul-
 „ chro est importuna, & artificis laudem dedeco-

rat. Demissis oculis viam tuam ingredi, obuo-
tuto capite, quemadmodum decet mulieres.

Non debere mulierem lauare vnà cum viro.

Cap. X.

DEVITA confusam vnà cum viris in balneo
lotionem. multa enim sunt retia mali. Mu-
lier fidelis cum viris ne lauet: nam si contegit fa-
ciem, vt ab alienorum virorum aspectu os suum
verecundè occultet, quomodò nuda cum viris
talis mulier in balneum intrabit? Muliebri si sit
balneum, cum pudore ordinatè, & modestè la-
uet, neque superfluum lotionem faciat, neque
multam, neq; frequentem, neq; in meridie, sed
si fieri potest, neq; de die. Hora sit tibi constituta
balneo decima. Oportet enim te, fidelis cum
sis, omni occasione, & vndique superuacaneam
oculorum sedulitatem declinare.

*Hac duo ad
uerbia ordi-
natè et mo-
destè, vsur-
pauit. S.
Ignat. ad
Hieronem.*

De contentiosa, & procaci muliere.

Cap. XI.

CONTENTIONEM verò tuam aduersus o-
mnes, maximè verò aduersus virum præci-
de, fidelis cum sis, ne vir tuus si infidelis fuerit,
vel gentilis, propter te offensus, Deum blasphemet,
& tu illius væ hereditatem apud Deum ad-
pta reperiaris. Væ enim, inquit, ei, propter quem
nomen meum blasphematur inter gentes. Quòd
si fidelis vir tuus fuerit, cogetur tanquàm scri-
pturarum peritus dicere verbum, quod in Sapien-
tia inuenitur scriptum, Melius est habitare in de-

*S. Ignat. ad
Trall.
Isa. 52.*

Pro. 25.

45 ferto, quàm cum muliere procaci, & contentio-
sa. Quare mulieres per pudorem, & mansuetu-
dinem, religionem ostendite in conuersionem,
& exhortationem fidei externis omnibus, siue
mulieribus, siue viris. Et si his paucis admonitas
instituiamus vos sorores, & filia, & membra no-
stra, ipsæ quoque tanquàm sapientes absque vllò
vitæ probro permanete. Quærite vt disciplinam
cognoscatis, per quam poteritis ad Do-
mini nostri regnum bona ipsius
voluntate peruenire, &
requiescere.

CONSTITVTIONVM
SANCTORVM APO-
STOLORVM B.

CLEMENTE RO-
MANO AV-
CTORE,

LIBER SECYNDVS.

De Episcopis, Presbyteris, & Diaconis.

Cap. I.



EPISCOPI audiuimus
à Domino nostro, Pasto-
rem, qui constituitur Epi-
scopus per Ecclesias in om-
ni parœcia oportere esse si-
ne crimine, in quem non
cadat reprehensio, experte
omnis iniquitatis hominum, nō minorem annis
quinquaginta: quod quodammodo in hac ætate
iuueniles perturbationes, & externas calumnias
superauit aduersus blasphemias, quæ multis à
quibusdam falsis fratribus infliguntur, qui non
norunt verbum Dei, quod est in Euangelio, Qui *Mat. 12.*
locutus fuerit verbum ociosum, reddet de eo ra-
tionem Domino in die iudicij. Et rursus, Ex ver-
bis tuis iustificaberis, & ex verbis tuis condem-
naberis. Sit igitur, si fieri potest, eruditus, & peri-
tus in scientia verbi conuenienter ætati. Quod si
in parua parœcia grandior natu aliquis non repe-
ritur, qui testimonio probatus, & sapiens in Epi-
scopum constitui possit, iuuenis verò ibi est, testi-
monium habens eorū, qui cū eo vixerunt, Episcō

patus munere illum dignum esse, in mansuetudine, & modestia senectutem præ se ferens, & probatus talium testimonio commendetur, is cōstituitur in pace. Nam Solomon duodecimum agens annum, in Israele regnavit, & Iosias octo annos natus regnavit in iustitia. Item Ioias in septimo anno præfuit populo. Quare quanquam iuuenis, at mitis esto, timidus, & quietus. quoniam per Isaiam Dominus Deus inquit, Ad quē respiciam nisi ad humilem, & quietum, & timentem sermones meus per omnia? Item in Evangelio hoc modo, Beati mites, quoniam ipsi hæreditabunt terram. Sit verò & misericors, quoniam rursus dictum est, Beati misericordes, quoniam ipsi misericordiam consequentur. Sit etiam bonæ conscientie: omni malitia, atque improbitate vacuus: quoniam rursus dictum est, Beati mundo corde, quoniam ipsi Deum videbunt.

Qualem oporteat esse Episcopum, & reliquos Clericos. Cap. II.

1. ad Timo. 6. 3. SIT igitur sobrius, temperans, moderatus, constans, placidus, non vinolentus, non percussor, sed æquus, non contentiosus, non avarus, non neophytus, ne in superbiam elatus, in iudicium, & in laqueum incidat diaboli: quoniam omnis, qui se exaltat, humiliabitur. Talem verò oportet esse Episcopum, qui sit vnus vir vxoris, quæ quidem semel nupserit. Bene suæ domui præsideat. Sic enim probetur, cū ordinationē capiens in Episcopatus loco collocatur, si sit honestus fidelis, moderatus, si vxorē honestam habeat, vel habuerit:

Luc. 14.

si filios religiosé educatos, & in disciplina Domini institutos produxerit, si domestici venerabiliter, reuerentérque omnes illi obediunt. Nam si secundum carnem propinqui dissident ab eo, & parere ei nolunt, quónam modo, qui extra domum propinqui futuri sunt, ei parebunt?

In quibus oporteat probari propositum Episcopum. Cap. III.

PROBETVR igitur an vacet omni culpa in iis, quæ ad communis vitæ vsum pertinent. Scriptū est enim, Exquirite diligenter assumendum in sacerdotium. Sit igitur expers iræ, quoniam, inquit Sapia: Ira, sapientes perdit. Sit misericors, non illiberalis, charitate præditus: quoniam dicit Dominus, In hoc cognoscent omnes, quòd mei discipuli estis, si diligetis vos inuicem. Sit facilis ad communicandum, studiosus viduarum, hospitalis, promptus ad suppeditandum, ac ministrandum paratum se exhibens, sine pudore inseruiens, noscens quisnam dignior sit, vt accipiat.

Leu. 21.

Ioan. 13.

Quòd non oportet singulis viduis suppeditare, sed aliquando nupta præponenda est: et quòd voratori, ebrio, inertì non est ministrandum. Cap. IIII.

NAM si quæ vidua sit, quæ possit sibi necessarios vitæ vsus parare, alia verò sit non vidua, sed tamen quæ vel propter morbum, vel propter alendos filios, vel propter manuum imbecillitatē egestate laboret, in hâc potius manum porrigat. Si quis verò helluo, ebriosus, iners, inopia rerū

CONSTIT. S. APOSTOLORVM

Pro. 19.

*Ecc. 4.
Pro. 23.*

*Ignat. ad
Tharsen.*

vitæ necessariorum prematur, non est is subsidio dignus: neque verò Dei Ecclesia. Scriptura enim de iis inquit, Quoniam abscondens piger manū suam in sinu, non poterit admouere ipsam in os suum. Et rursus, Piger comprehendit manus suas, & comedit carnes suas. Omnis enim ebrius & fornicator mendicabit, & induetur scissa, & lacera somnolentus. Et alibi, Si dederis ad phialas, & calices oculos tuos, postea ambulabis nudior pistillo. Verè enim pigrizia mater est famis.

Quòd oportet Episcopum non esse acceptorem personarum in iudicando, & moribus moderatum, & victu frugalem.

Cap. V.

*Exo. 23.
Deu. 16.*

NE sit autem Episcopus acceptor personarū, neq; diuitem reueretur, vel assentetur ei, præter id quod decet, neque pauperem contemnat, vel opprimat. Non accipies enim, inquit Deus Mosi, personam diuitis: neque pauperis misereberis in iudicio, quoniam domini iudicium est. Et rursus, Iustè persequeris iudicium. In cibo & potu frugalem, & parcum se præbeat Episcopus, vt possit sobrius esse, dum corripit homines carentes disciplina, nec sit sumptuosus, nec delicatus, nec voluptuosus, neque bonorum ciborum vorator. Sit autem patiens, longanimis in admonitionibus, copiosus in docendo, meditatione, ac studio inuigilans in Dominicis libris, nimius in lectionibus, vt scripturas diligenter exponat. Euangelium interpretetur conuenienter Prophetis, & legi. Interpretationes ex lege,

& Prophetis procedāt ad conuenientiām, & similitudinē Euangelii. Ait enim Dominus, Scrutamini scripturas, quoniam ipsæ testimoniū perhibent de me. Et rursus, De me enim Moses scripsit. Præ omnibus autem discriminator bonus sit, legem, & traditiones diuidens, ac demonstrans, quæ sit lex fidelium, & quod sit vinculum infidelium, ne quis in vincula incidat. Attende igitur diligenter verbo, ô Episcopo, vt quatenus fieri potest, omnia ad verbum interpreteris. Et in multa doctrina abundè nutrias, & illumines populum tuum illuminatione legis. Immittite, enim, inquit Deus, ipsis lumē scientiæ, quod adhuc tempus est.

Quòd Episcopus non debet esse turpis lucri cupidus, nec fideiussor, neque Ad-uocatus. Cap. VI.

NÈ quæreat Episcopus turpe lucrum, maxime in gentibus, detrimentum patiatur potius, quàm inferat: ne sit iniuriosus, nec rapax, nec expilator, nec diuitiarum cupidus: ne inopes odio habeat, ne sit loquax, ne falsum testimoniū dicat, ne sit iracundus, ne contentiosus, ne vitæ negotiis impediatur, ne fideiubeat pro vlllo, nec sit aduocatus in pecuniarum litibus, ne sit ambrosus, nec duplicis mentis, neque bilinguis, neque ad calumniā, neque ad detrahendū præbeat aures, ne sit hypocrita: ad festa gentium ne accedat, vanis deceptionibus non vtens, ne sit cupidus, nec auarus: quoniā hæc omnia infesta Deo sunt, & dæmonibus amica. Hæc omnia Episco-

- pus laicis confirmando denunciēt, inducēs eos, vt eius mores imitētur. Timoratos enim, inquit,
- » facite filios Israël. Sit sapiens, humilis, præceptor in disciplinis Domini, bonæ mentis, qui abrenūciauerit omnibus, quæ sunt in vita, malis studiis, & omnibus ethnicis cupiditatibus. Sciat bene præcipere, sit acutus in cognoscendis malis, iisq; vitandis: amicus omnibus, iustus, iudicio præditus. Et denique quæcunque bona in hominibus reperiūtur, ea Episcopus in se possideat. Quoniã si vacauerit iniustitia Pastor, proprios discipulos coget, & consuetudine sua compellet, vt suarum actionũ digni imitatores existant, vt inquit quodam in loco Propheta, Et erit sicut sacerdos, sic & populus. Etenim Dominus noster, & magister Iesus Christus filius Dei, incæpit prius facere, &
- » postea docere, vt inquit Lucas, Quæ incæpit Iesus facere, & docere. Propterea dicit, Qui fecerit & docuerit, hic magnus vocabitur in Regno Dei. Speculatores enim oportet vos Episcopos fieri populo: quoniã & vos speculatore habetis Christũ. Igitur efficiamini vos quoque boni speculatores populo Dei: quoniã ait Dominus per
- Eze. 33.
- » Ezechielem, Speculatore dedi te domui Israël, et
- » audies de ore meo verbũ & custodies. Et annuncians eum ex me, dicente me iniquo, Morte morieris, & non locutus fueris, vt auerteres iniquum ab iniquitate sua. Iniquus ille in iniquitate sua morietur, & sanguinem illius de manu tua requiram. Tu verò si annunciaueris iniquo, vt auertatur à via sua, & non fuerit auersus, ipse in iniquitate sua morietur, & tu animam tuam

» liberaſti. Similiter ſi gladius belli venerit, &
 » conſtituerit populus ſpeculatorem ad cuſtodiam,
 » & videns eum venientem non indicauerit, &
 » ceperit animam, anima quidem peccato ipſius ca-
 » pta eſt, ſanguis verò de manu ſpeculatoris requi-
 » retur, quoniam non ſignificauit tuba. Si autē ſi-
 » gnificauerit buccina, & non cauerit, qui audiuit,
 » & venerit gladius, & ceperit eum, ſanguis ipſius
 » erit ſuper ipſum, quoniā non cauit audiēs bucci-
 » nam: qui verò cauit, animam ſuam liberauit, & ſpecu-
 » lator, quoniā ſignificauit, vita viuet. Gladius eſt
 iudicium: tuba ſacrum Euangelium: ſpeculator,
 conſtitutus in Eccleſia Epicoſopus, quem oportet
 annunciantem conſteſtari, & confirmare de iudi-
 cio. Niſi annunciaueritis, & cōteſtati fueritis po-
 pulo, in vos peccatum ignorantium recidet. Ideo
 carentes diſciplinā admonete, & redarguite cum
 libertate, ignorantē docete, ſcientē cōfirmate,
 errantes reducite. Eadem de iisdē rebus dicētes,
 non peccabimus fratres. Nam ex frequentibus
 ſermonibus veriſimile eſt, aliquos pudore deter-
 ritos, quanuis ſemel aliquid boni facturos, & ma-
 la declinaturos. Inquit enim per Prophetam Do-
 minus, Conſteſtare iſtis hæc, fortē audient vocē
 tuā: & ruruſum, Si fortē audiant, ſi fortē quieſcāt.
 Et Moſes dicit populo, Si auribus audiueris Do-
 minum Deum, & feceris bonum & rectū in o-
 culis eius. Et ruruſum, Audi Iſraël, Dominus Deus
 tuus vnus eſt. Et Dominus in Euangelio ſæpe in-
 culcat illud, Qui habet aures audiendi, audiat. Et
 ſapiēs Solomō dicit, Audi fili diſciplinam patris
 tui, & ne abiicias legē tuæ matris. Atque huc uſq;

*Ezech. 2.**Ezech. 3.**Exod. 15.**Exod. 20.**Luc 8.**Prover. 1.*

quidē non audiuerunt: nam cum audire viderentur, perperam audiuerunt, relinquentes vnum, ac solum verū Deum, in perniciosas, & graues hæreses inducti, de quibus alio loco dicemus.

Qualem oporteat esse initiatum. Cap. VII.

COGNITVM autem sit vobis, charissimi, quòd baptizati in mortem Domini Iesu, amplius peccare non debent. Nā vt mortui peccandi potestate sunt priuati, sic qui commoriuntur Christo, peccandi consuetudinem amittunt. Quare non credimus, fratres, eum, qui lauacrū vitæ est adeptus, postea iniquorum flagitia facturum: qui verò post baptismum peccauit, nisi peccati dolore sit affectus, & delictis finem faciat, condemnabitur in gehennam.

De eo, qui iniuste accusatur, vel de eo, qui redarguitur. Cap. VIII.

SI quis ab Infidelibus per calumniam accusetur, eo quòd vnà cum eis flagitiosè nō viuat, sciat quòd talis beatus apud Deum cēsetur, quē admodum in Euāgelio Dominus dicit, Beati eritis cum exprobrauerint vobis, vel persecuti vos fuerint, vel dixerint contra vos omne malū verbum, mentientes propter me: gaudete & exultate, quoniam merces vestra multa est in cælis. Si quis igitur blasphemiam patiat in re falsa, is beatus est existimandus. Dicit enim Scriptura, Vir reprobus intentatus apud Deum. Quòd si quis aliquam rem iniquam egisse conuincatur, is non modò sibi obfuit, sed etiam communi Ecclesiæ corpori, & doctrinæ blasphemiam intulit,

Mat. 5.

” Quasi non facientibus nobis illa, quæ bona esse
 ” dicimus, & arguemur à Domino: Quoniam di- *Mat. 23.*
 cunt, & non faciunt. Vnde tales verè conuictos,
 & redargutos vitabit cum libertate Episcopus, si
 mores non mutauerint.

Quòd integrum oportet esse Episcopum.

Cap. IX.

NON solùm enim offensione vacare Episco-
 pum oportet, sed etiam acceptorè non esse
 personarū, in bonitate corrigentem peccatores.
 Quòd si ipse non bona conscientia præditus, per-
 sonis gratificatus fuerit, propter turpem quandā
 & quaestuosam munerum perceptionem parceret
 impiè peccati, permittēs eum in Ecclesia mane-
 re, negligēs diuinam illam, & Dominicā vocem
 ” dicentem, Iustè quod iustum est persequeris, nō *Exo. 27.*
 ” accipies personam in iudicio, nō iustificabis im- *Deu. 16.*
 ” piū, non capies munera propter animā: munera
 ” enim obcæcant oculos sapiētū, & euertūt verba
 ” iustorū. Et in aliis inquit, Educite malū de vobis. *Ioan. 5.*
 ” Et Solomon dicit in Prouerbiis, Eiice pestilentē *Prou. 22.*
 de consilio, & exhibit cum eo contentio.

*Quòd Episcopus sine iudicio parcens peccato-
 ri, est in culpa. Cap. X.*

IS igitur rebus non attendens, inconsideratè
 parceret, cui debetur pœna. Quod Saul fecit in
 Agag, & Heli in filiis, qui nō nouerant Dominū,
 qui talis est, prophanauit propriā dignitatem,
 Dei Ecclesiā, quæ sua parœcia cōtinetur. Iniust
 est ille, & Deo, & sanctis hominibus, vt qui c.
 sam scandali dederit multis nuper illuminatis,

Catechuminis, atq; ætate iuuenibus, quæ vix manet, & mola asinaria in collo, & profundū, cui obnoxius factus est. Nā propter omissi iudicij iniquitatem, videntes talē virū sibi præesse, ipsi inter se disceptabunt, lapsique in eundem morbū, vnā cum illo interire cogentur, vt populus cum Roboā & cū Core, ij, qui eum adiuuerunt. Quòd si peccator cernet Episcopum, & Diaconos criminis expertes, & gregem purgatū, primū nō audebit per cōtemptum in Ecclesiā intrare, percussus conscientia. Quòd si id nihili faciēs ingredietur, continuò refutabitur, vt Ozar cū arcam attrectasset, & vt Achar in furto muneris, & vt Giezi in pecuniis Naamā: & statim pœnas dabit, vel correptus à Pastore in pœnitentiam reducet. Circumspiciens enim omnes sigillatim, & in nullo maculam inueniens, neq; in Episcopos, neq; in populo sibi subiecto, pudore affectus cū multis lachrymis egredietur, pacificè cōmotus, & grex relinquetur purgatus: ille verò ingemiscet in cōspectu Dei, & pœnitentiam aget de iis quæ peccauit, & habebit spem, græque totus videns illius gemitum, admonebitur, quòd peccator, si pœnitentiam egerit, non perit.

2. Reg. 6.

Ios. 7.

4. Reg. 5.

*modo oporteat Episcopum iudicare eos,
qui peccant. Cap. XI.*

QVARE, ô Episcopo, stude mundicie operū excellere, cognoscēs locum ac dignitatē tuā, tāquā locū Dei obtinēs, eo quòd præes omnibus Dominis, Sacerdotibus, Regibus, Prin-

cipibus, patribus, filiis, magistris, atque subditis simul omnibus. Sicque in Ecclesia sede cūni fermonem facis, vt potestatem habens iudicandi eos, qui peccauerunt: quoniam vobis Episcopis

dictum est, *Quodcunq; ligaueritis super terram, Matth. 18.*
erit ligatum in cælo, & quodcunq; solueritis
super terram, erit solutum in cælo,

Doctrina, quomodo oporteat se gerere cum pœnitentibus, & huius rei exempla

Varia. Cap. XII.

IVDICA igitur, ô Episcopo, cum potestate, tanquàm Deus, sed pœnitentes recipe. Deus enim, misericordiarū Deus est, Increpa peccantes, admone eos qui non conuertuntur, hortare

*Paul. 2. ad
Corinth.*

Itantes vt perseuerent in bonis, pœnitentes recipe: quoniam Dominus Deus cum iureiurando
promisit remissionem se concessurum pœnitentibus de iis, quæ peccauerunt. Dicit enim per ipsum Ezechiel, Dixi eis: Viuo ego dicit Dominus Adonai. Si voluero mortem peccatoris, sed vt conuertatur impius à via sua mala & viuat.
Conuertimini igitur à viis vestris malis, & vt quid moriemini domus Israël? Hic sermo fiduciam dedit peccatoribus, vt si pœnitentiam egerint, salutis spem habeant, ne aliquando sensu doloris amisso, se tradant iniquitatibus, sed habentes spem salutis, conuersi clament ad Deum pro peccatis suis, & pœnitentiam agant ex corde,

Quòd oportet fugere experientiam peccatorum. Cap. XIII.

Eos verò, qui non peccauerunt, tales manere oportet, neque descendere ad experientiam peccatorum, ne opus habeant dolore, tristitia, gemitu pro remissione. Quid enim scis homo cum peccasti, si vnum diem victurus es in hac vita, vt pœnitentiam agere possis? quoniam incertus est tuus è vita discessus, & in peccato moriēti, nulla pœnitētia relinquitur, vt inquit per Dauid, In inferno quis confitebitur tibi? Oportet igitur paratum esse in bonis, vt sine tristitia illud iter peragamus. Propterea hortatur diuinus sermo per sapiētem Solomonem dicens, Tibi præpara in exitum opera tua, & para in agrum, ne desit nobis aliquid ex bonis: quemadmodum quinque in Euangelio virginibus propter stultitiam defuit pietatis oleum, & extinctis diuinæ cognitionis lampadibus, expullæ sunt à sponso. Propterea securus manet omnis, qui vitæ suæ parcat, & perseuerat sine peccato, vt iustitias à se prius peractas, sibi conseruet. Tu igitur ita iudica tanquàm Deus iudicium exercens. Iudicium enim, inquit, Domini est. Primùm igitur potestate reum iudica, deinde cum misericordia, humanitate, & indulgentia eum concilia, promittens ei salutem, si morem mutauerit, & ad pœnitentiam redierit. Pœnitentem corripiendo recipe, memor Domini dicentis, Quòd gaudium fit in Cælo super vno peccatore pœnitentiam agente.

Psal. 6.

Prov. 24.

Matth. 25.

Exod. 23.

Luc. 15.

*De dicentibus, recipiendum non esse pœ-
nitentem. Cap. XIII.*

SI pœnitentem non receperis, insidiatoribus
Strades, oblitus Dauid dicentis, Ne tradas be-
stiis animam confitentem tibi. Ideo inuitans ad
pœnitentiam Ieremias inquit, Non cadens non
resurgit, vel se cõuertens non conuertitur? Quo-
niam conuersus est populus meus conuersione
audaci, & deuicti sunt in electione ipsorũ. Con-
uertimini, qui elongati estis, & ego medebor
contritionibus vestris. Recipe igitur pœniten-
tem, sine vlla dubitatione omnino, neque impe-
diaris ab iis, qui crudeliter dicunt, non oportere
cum iis coinquinari, neque sermonis commu-
nionem habere. Hæc enim consilia sunt homi-
num ignorantium Deum, atque eius prouidentiam
de agrestibus beluis, ferisque indomitis.
Non enim vident quòd oportet non cõmunio-
ne sermonis cauere à peccatoribus, sed operis.
Iustitia enim iusti super ipsum erit, & iniquitas
iniqui super ipsum erit. Et rursus, Terra si pec-
cauerit mihi, vt præuaricetur præuaricationem,
& extendam manum meam in illam, & conte-
ram super eam virgam panis, & immittam fa-
mem, & exterminabo ab ea hominẽ, & iumen-
tum. Et si fuerint tres viri in medio eius, Noë,
Iob, & Daniel, ij in iustitia sua saluabunt animas
suas, dicit Dominus Adonai. Manifestè declara-
uit Scriptura, quòd iustus si iixerit cum iniquo,
non perit cum eo. In hoc enim Mundo iusti, &
iniusti vnà congregantur societate vitæ, nō san-

Psal. 73.

Ierem. 8.

*Et eandẽ ha-
bet sensũ*

*Ignat. ad
Ephes.*

Ez. 18.

Ez. 14.

*Ignat. ad
Philadelph.*

Matth. 5.

”

”

”

”

1. Tim. 2.

Gen. 7.

Gen. 19.

Iosue 2.

ctitatis, neque in hoc peccant sancti. Imitatores enim sunt patris sui, qui est in Cælo, qui Solem suum oriri facit super iustos & iniustos: & pluit super bonos & malos, & nullum ex hoc periculum imminet iusto: nam in stadio & victores cernuntur, & victi, in corona soli, qui generosè certauerunt. Nemo verò coronatur, nisi qui legitimè certauerit. Vnusquisque de se confitebitur, & non perdet Deus iustū cum iniusto: quoniam apud eum expers peccati vita immunis est à supplicio: nam nec Noë aqua obruit, neque Lot incendio consumpsit, neque Raab vnà cum aliis interemit.

Quòd nemo pro alio punitur, sed vnusquisque pro se rationem reddit. Cap. XV.

QUOD si scire vultis ea quę nobis euenerūt. Iudas cūm esset nobiscum accepit sortem ministerij eam, quam nos accepimus, & Simon Magus accepit sigillum in Domino. Sed vterque cūm se prauum ostēdisset, alter suffocatus est, alter contra naturam volans attritus est. Et in arca Noë, & filij eius erāt, sed solus Cham improbus repertus, in filio pœnas dedit. Quamquam parentes pro filiis non puniuntur, neque filij pro parentibus, neque serui pro dominis, neque propinqui pro propinquis, neque amici pro amicis, neque iusti pro iniustis, sed vnusquisque de suis operibus rationē est redditurus. Nam neq; Noë pro Mundo pœnas pendit, neq; Lot pro Sodomitis igne flagrauit, neque Raab pro Ierichuntis interfecta est, neque Israël pro

Ægyptiis. Non enim cohabitatio condemnat iustos cum iniustis, sed eiusdem propositi, ac voluntatis consensio. Non oportet igitur ad eadem paratis, nec iis, qui odio homines habent, neque criminum studiosis, & per occasionem mortem inferentibus, mentem adhibere: alius enim pro alio mortem non subit, sed priorum peccatorum catenis unusquisque constringitur, & ecce homo & opus eius.

Quòd oportet infirmis in fide, opem ferre.

Caput XVI.

OPORTET autem vos opem ferre infirmis periclitantibus, & errantibus, & quoad fieri potest sermonis exhortatione sanare eos, & liberare à morte: non enim opus habent, qui valent, medico, sed qui ægrotant: quoniam non est voluntas coràm Patre, vt pereat vnus ex paruulis. *Matth. 18.*
 Non enim hominum duri cordis voluntatem expèdere oportet, sed Dei & Patris cunctorum, quæ est per Christum dominum nostrum, cui honor in secula. Amen.

Quòd non oportet Episcopum obsequi laico seditioso. Caput XVII.

NON enim est æquum, caput cum sis, ò Episcopo, caudæ obsequi, hoc est laico homini seditioso in alterius perniciem, sed Deo soli. Imperare enim debes subditis, non parere: nam, neque filius imperat patri secundum originis rationem, nec seruus domino secundum potestatis rationem, neque discipulus magistro, neque miles

Cap. 18.

Regi, ita neque laicus Episcopo: nam quod dicitur, Ne videantur cum iniustis consuetudinem habentes, sermonis doctrina quasi contagione inquinari, vel communicare cum eorum peccatis. Ezechiel præcidēs hanc improborum suspicionem, inquit: Quid vos dicitis ipsis parabolam hanc in terra Israël? Patres comederunt vnam acerbam, & dentes filiorum obstupescunt. Viuō ego dicit Adonai Dominus. Si dicetur in vobis hæc parabola in Israël, quoniam omnes animæ meę sunt: Quomodo anima patris, ita anima filij meę est: anima quæ peccauerit, ipsa morietur. Vir autem, qui erit iustus faciens iudicium & iustitiam. Et deiceps exponens reliquas virtutes concludit dicens, quod hic iustus est, vita viuet, dicit Dominus Adonai. Et si genuerit filium pestilentem fundentem sanguinem, & in via patris sui iusti non ambulauerit. Et subiungens reliqua, quæ sequuntur, tandem infert, Vita non viuet, omnes iniquitates has fecit, morte morietur. Sanguis eius super ipsum erit. Et dicere quod nō portauit filius iniquitatem patris, & iustitiam ipsius, qui iustitiam, & misericordiam fecit, & dices eis, Anima, quæ peccauit, ipsa morietur. Filius nō portabit iniquitatem patris, & pater non portabit iniquitatem filij. Iustitia iusti super ipsum erit, & iniquitas iniqui super ipsum erit. Et paulō post ait, Si auerterit se iustus a iustitia sua, & fecerit iniustitiam, secundum omnes iniquitates non recordabūtur: in præuaricatione, quam præuaricatus est, & in peccato, quo peccauit, in eo morietur. Et post pauca infert, Cum auerterit se

„ impius ab impietate sua, quam fecit, & fecerit
 „ iudicium, & iustitiam, hic animam suam serua-
 „ uit, & auertit se ab omnibus iniquitatibus suis,
 „ quas fecit, vita viuet & non morietur. Et infra,
 „ Secundū vias vestras iudicabo vos domus Israël,
 „ ait Dominus Adonai. Videte filij nostri charissi-
 mi quàm misericors cum iustitia sit Dominus &
 Deus noster, bonus & benignus, qui innocētem
 non absoluit, reum, & se conuertentem recipit,
 atque viuificat, non relinquēs suspicandi locum
 acerbè iudicare volentibus, ac omnino declina-
 re peccantes, & nullam societatem cum eis ha-
 bere sermonum consolatoriorum, qui ad pœni-
 tentiam possint inducere. Contra quos Deus per
 Isaiam inquit Episcopis, Consolamini consola-
 mini populum meum, Sacerdotes loquimini ad
 cor Ierusalē.

*Quòd oportet Sacerdotem neque contemnere
 peccata, neque esse promptum ad pu-
 niendum. Cap. XV III.*

O P O R T E T igitur vos, ipsum audientes, hor-
 tari eos, qui in peccatum inciderunt, & ad
 pœnitentiam inuitare, & bonam spem iniicere,
 ac non existimare vos delictorum communio-
 nem habituros ob charitatem, quæ erga illos
 ostenditur. Libenter verò pœnitentes admittite,
 gaudētes illorum causa cum misericordia, & hu-
 manitate, iudicantes eos, qui deliquerunt. Nam
si aliquem in ripa fluminis ambulantem, & labi
incipientem, baculo impuleris, & in flumen de-
ieceris, cui potius manum eras porrecturus, certè

*Ignat. ad
 Philad.*

occidisti fratrem cū labenti dexteram prebere
 debeas, ne penitus intereat, vt populus admonca
 tur, & ne, qui peccauit, omnino pereat. Oporter
 autem te, Episcopo, neque contemnere populū
 peccata, neque pœnitentes vitare, ne tanquam
 imperitus corrumpas gregem Domini, & vile
 efficias eius nomen nouum, quod est impositum
 eius populo, & exprobrabitur tibi, sicut antiquis
 pastoribus, de quibus Dominus per Ieremiam
 dicebat, Pastores multi corruperūt vineā meam,
 inquinauerunt hæreditatē meam. Et alibi, Con-
 tra pastores incitatus est furor meus, cōtra agnos
 irascar. Et in aliis, Vos sacerdotes, qui vilificatis
 nomen meum.

Iſa. 62.

Jerem. 12.

Jerem. 23.

Mal. 1.

*De pœnitētia, & quis sit eius modus, & quo-
 modo rectè peragatur. Cap. XIX.*

CV M aliquem peccauisse cognoueris, exacer-
 batus iube eum foras eici, & exeunte illo
 exacerbentur Diaconi, ac quæsitum detineant
 extra ecclesiam, ingressique pro eo te rogent: et-
 enim pro peccatoribus Saluator patrem rogauit,
 vt in Euangelio est scriptum, Pater dimitte eis,
 non enim sciunt quid faciunt. Tunc tu iubebis
 illum intrare, & expendens an pœniteat, & di-
 gnus sit, qui in Ecclesiam omnino recipiatur, af-
 flictum illum diebus ieiuniorū pro ratione pec-
 cati hebdomadas duas, vel tres, vel quinque, vel
 septem, dimitte, dicens ei quæcunque conueniūt
 ad peccatorem corripiēdum, & increpatū doce,
 & admone, vt maneat apud se, & humiliter se-
 gerat, rogētque Deum, vt sit sibi benignus, & di-
 cat.

Luc. 23.

cat, Si iniquitates obseruaueris Domine, Domine quis sustinebit? Quoniã apud te est propitiatio. Nam quiddã huiusmodi inuenit illud, quod in Genesi dictum est Cain. Peccasti, quiesce: hoc est, ne addas. Nam quòd eum, qui deliquit, oportet proprij delicti pudore affici, satis demonstrat sermo Mosis pro Maria dictus, quando rogabat vt ei peccatum remitteretur, ait enim Deus Mosis, Si pater eius spuisset in faciem illius, nõne verecũdia affecta esset? septem dies eiiciatur extra castra, & postea ingrediatur, idem nos facere debemus, & eos, qui se peccatorum pœnitere dicunt, segregare per certum tempus secundum proportionem peccati, deinde pœnitentia peracta, recipere tanquã patres filios. Gen. 4.
Num. 12.

Quòd sine reprehensione oportet esse Episcopum, tanquã formam subditorũ. Cap. XX.

QVOD si Episcopus ipse in offensione fuerit, quomodo amplius prodibit ad quærendum crimen alicuius? vel ad coarguendum aliquem, cum ob gratificationem personarum, vel ob munerũ perceptionem nec ipse, neque Diaconi bonæ consciẽtiæ præditi fuerint? Nam cum Magistratus petir, & iudex capit, nunquam ad finem perducitur iudicium. Quòd si cum furibus societatem habeant, & iudicio viduarum non attendant, non poterunt qui Episcopo subsunt, adiuuare Episcopum: dicent enim ei quod est in Euangelio scriptum, Quid aspicias, festucam in oculo fratris tui, trabem verò in proprio oculo non cõsideras? Caueat igitur Episcopus cum suis Matt. 7.

Diaconis, vt audiat sermonem huiusmodi, hoc est, ne det occasionem. Nam peccator cum videt aliquem similia suorum operum facientem, confirmatur, vt eadem faciat. Deinde improbus ex illo vno occasionem accipiens, cum aliis operatur (quod absit) atq; ita peruertitur ouile. Cum enim plures sunt peccates, maior existit improbitas, quæ ab illis committitur. Peccatum enim non repressum, fit deterius, & in alios grassatur:

Gal. 5.

Eccle. 10.

Prov. 19.

Quoniam paruum fermentum totam massam corrumpit, & fur vnus vniuersæ genti fraudem illam inuehit, & muscæ mortuæ corrumpunt vniuersi suauitatem, & Rex si audiat sermonem iniustum, omnes eius ministri fiunt iniusti: sic ouis scabiosa cum aliis communicat morbum, nisi separentur ab ea oues integræ: & homo pestilens à multis cauendus est: & canis rabidus, nisi coercetur, periculosus est omnibus, quos attigerit. Si igitur hominem iniquum ab Ecclesia non separemus, faciemus domum Dei speluncam latronum: non enim oportet in peccantibus conuiuere, sed coarguere, admonere, urgere, ieiuniis affligere, vt aliis timorem incutias:

Timoratos enim (inquit) facite filios Israël. Oportet enim Episcopum peccatorum prohibitorum per admonitionem effici, iustitiæ scopum, præparatorum à Deo bonorū præconem, & futuræ in iudicio iræ nuncium, ne Dei plantationem ob negligentiam contemnens, audiat quod in Osea dictum est, Quare reticuiistis impietatem, & fructum eius vindemiaistis?

Ose. 10.

Quòd oportet Episcopum curare, ne populus peccet, cùm sit eius scopus. Cap. XXI.

OMNÌ V M curam habeat Episcopus, eorum, qui non peccauerunt, vt perseuerent sine peccato, & eorum, qui peccant, vt pœnitentiam agant. Dicit enim Dominus vobis, Videte ne cõ- *Matth. 18.* temnatis vnum ex paruulis istis. Et pœnitentibus remissionem cõcedere oportet: nam eo ipso quo delinquens, vero affectu dicit, Peccaui in Dominum: respondet Spiritus sanctus, Dominus remittit tibi peccatum: confide, non morieris: Recognosce igitur, ô Episcope, dignitatẽ tuam, quòd sicut ligandi potestatem accepisti, sic etiam & soluendi. Obtinens igitur soluendi potestatem, recognosce te ipsum, & secundum dignitatem loci tui, in hac vita versare, sciens quòd de pluribus rebus ratio abs te requiretur. Cui enim (in- *Luc. 12.* quit) depositum est multum, abundantius repetetur ab eo. Nam peccati expers reperitur nemo, excepto eo, qui propter nos factus est homo: quoniam scriptum est, Nemo mûdus à sordibus, *Iob. 23.* neque si vnum diem vixerit. Atque ob hanc causam veterum iustorum, & Patriarcharum, vitæ consuetudinẽsque conscriptæ sunt, non vt his exprobremus, cùm illa legimus, sed vt nos pœnitentiam agamus, & bonam spem habeamus nos remissionem consecuturos. Nam in illorum sordibus nostra securitas, & admonitio consistit, quòd veniam obtinebimus. Scriptum est enim,

- ” Quis gloriabitur castum se habere cor? vel quis *Prov. 20.*
 ” confidit mundum se esse à peccato? Nemo igitur

sine peccato uiuit. Tu igitur, quo ad potes, conare reprehensione carere, & de omnibus sollicitus esto, ne quis propter te scandalum passus pereat. Laicus enim de se solo est sollicitus, tu autem de omnibus, ut qui maius onus habes, & grauius sustines pondus. Scriptum est enim, Et dixit Dominus ad Moysen & Aaron, Accipietis peccata sacerdotij. Quare tanquam de pluribus rationem redditurus, de omnibus curam suscipe: ac sanum quidem conserua, peccantem castiga, & ieiunio afflictum remissione releua, & ingemiscentem recipe, omni Ecclesia pro illo rogante, manūque ei imposita permitte, deinde illum esse in ouili. Somnolentos autem & inertes conuerte, confirma, hortare, cura, sciens quanta merces tibi parata sit, cum hæc facis, quemadmodum contra quantum periculum tibi immineat, si hæc negligas. Inquit enim negligentibus populum Episcopus Ezechiel, Vae pastoribus Israël, quoniam pascebant semetiplos: non greges pascebant pastores, sed seiplos. Lac comeditis, & lanis induimini, crassum occiditis, oues non pascitis. Quod infirmum fuit, non consolidastis: & quod agrotum, non sanastis: quod confractum, non alligastis: quod abiectum est, non reduxistis: & quod perierat, non quaesistis, sed in potentia corrigebatis illas, & cum superbia: & dispersæ sunt eo quod non esset pastor: & factæ sunt in deuorationem omnibus feris syluæ. Et rursum, Et non quaesuerunt pastores oues meas, & pascebant pastores seiplos, oues autem meas non pascebant. Et paulò post, Ecce ego aduersus pastores, & exquiram ego

Num. 18.

Cap. 34.

„ oues meas de manu ipsorū, & cessare faciam reos
 „ ne pascant oues meas, & non pascent ampliùs
 „ pastores se ipsos, & liberabo oues meas de ma-
 „ nu ipsorum, & non erunt ipsis in escam. Et sub-
 „ iungit, populo dicens, Ecce ego iudicabo inter
 „ ouem & ouem, arietem & arietem. Num parum
 „ erat vobis quòd pascua bona depascebatis, & re-
 „ liquias pascuarum conculcastis pedibus vestris,
 „ & oues cõculcationes pedum vestrorum come-
 „ debant? Et paulò post subiungit, Et cognoscetis
 „ quòd ego Dominus, & vos oues pascuarū mea-
 „ rum. Homines mei estis, & ego Deus vester, di-
 „ cit Dominus Adonai.

*Quòd pastor negligenter se gerens cum ouibus,
 pœnas dat, & ovis non obediens pastori,
 punitur. Cap. XXII.*

AVDITE Episcopi, & audite laici quomodo
 Adicit Deus, iudicabo inter arietem, & arietē,
 & inter ouem, & ouem. Et ad pastores dicit, Iu-
 dicabimini propter imperitiam vestram, & per-
 ditionem ouium. Hoc est, Inter Episcopum &
 Episcopum iudicabo: & inter laicum & laicum,
 & inter Principem & Principem. Sunt enim ra-
 tionales hæ oues, & hi arietes, non irracionales,
 ne fortè dicat laicus, ego ovis sum, non pastor, &
 nullam rationem mei habeo, sed pastor videbit,
 & ipse solus de me rationē est redditurus. Nam
 quemadmodum si ovis bonum pastorem non
 sequatur, lupis exponitur ad interitum: ita si ma-
 lum pastorem sequatur, in euidentem mortem
 incidit: vorabit enim eam pastor. *Quare fugiēdi*

CONSTIT. S. APOSTOLORVM
sunt pastores perniciosi.

Quomodo oporteat subditos obedire presidentibus Episcopis. Cap. XXIII.

LUC. 10.

PASTOREM bonum laicus honoret vt dominum, vt Pontificem Dei, vt magistrum pietatis. Nam qui illum audit, Christum audit: & qui illum spernit, Christum spernit: qui verò Christum non recipit, non recipit eius Deum
» ac patrem. Nam qui vos audit, inquit, me audit:
» & qui vos spernit, me spernit: & qui me spernit,
» spernit eum qui misit me. Item Episcopus laicos, vt filios diligit, fouens ac complectens charitatis studio tanquàm oua ad pullos procreandos, vel tanquàm pullos in vlnis tenens ad educandas gallinas: omnes admonens, omnes, qui quidem reprehensione opus habent, obiurgans, sed non percutiēs, adigens ad pudorem, sed non ad euersionem, castigas ad conuersionem, coariguens ad correctionem, & rectitudinem viæ.
Quod est validum conserua, hoc est, quod est firmum, fide securum custodi, populum pacificè pascens: infirmum consolida, hoc est, quod tentationem patitur, admonitione cõfirma. Ægrotum sana, hoc est, quod laborat ex fide in incertitudine, per doctrinam cura. Fractum alliga, hoc est, quod errauerat, vel quod comminutum, vel disruptum fuerat peccatis in errore viæ, alliga per consolatoriam admonitionem, leuatum delictis & bona spe iniecta recreatum: sic robustum ad Ecclesiam reuoca, reducens ad gregem. Abiectum restitue, hoc est, in peccatis repertum,

& in pœnam segregatum, non permittens foris manere, sed apprehendens, & conuertens reduc ad ouile, hoc est, ad populum immaculatæ Ecclesiæ. Quod perierat quære, hoc est, eum, qui ob multitudinem peccatorum de salute desperauerat: ne sinas funditus interire eum, qui ob multum torporem atque inertiam, somnolentus factus est, & qui propter grauem somnum, suæ vitæ est oblitus, & à proprio ouili ita longè discessit vt in lupos incideret, tu require, & correptum conuerte, & sobrium esse hortare, atque spem iniice, non permittens illum dicere id, quod à quibusdam dicitur, Quòd impietates nostræ in nobis sunt, & in ipsis tabescimus, & quònam modo inuenimus? Si igitur fieri potest, transferat in se Episcopus peccatum, & dicat ei, qui peccauit, Tu modò conuerrere, & ego mortem debitam tibi, in me suscipio, vt Dominus mortem nobis & omnibus dubitam, in se suscepit. Nam

” bonus pastor animam suam ponit pro ouibus
 ” suis: mercenarius autem, qui non est pastor, cuius
 ” sunt non sunt oues propriæ, videt lupum venientem,
 ” hoc est, diabolum, & relinquit oues, & fugit,
 & lupus diripit eas. Intelligere igitur oportet, quòd cum erga peccatores misericors sit Deus, cum iureiurando pœnitentiam promisit. Qui ergo peccat, & promissionem Dei pœnitentia ignorat, & longanimitatem, ac patientiam eius nescit: præterea verò sanctas Scripturas eam prædicantes, cognitæ non habet, vt qui abs te eas nō didicerit, is ad interitum ruit: tu verò tanquàm pastor beneuolus, & custos bonus, inue-

Ierem. 10.

stiga numerans gregem, & quod deest, quære, quemadmodum Dominus Deus, & bonus Pater noster, cùm misisset filium suũ pastorem bonum, & saluatorem, magistrum nostrum Iesum, mandauit ei vt relinqueret nonaginta nouem in montibus, & pergeret ad quærendam errantem, & inuētam, super humeros attolleret, & ad gregem ferret lætus quòd perditam ouem reperisset. Eodem modo te obediētem præbe, ô Episcopo, quærens quod perierat, dirigens, quod aberrauerat, reducens quod recesserat: potestatem enim habes reducendi, & absoluendi vulneratos in remissione. Propter te Saluator dicit paralytico in peccatis, Remittuntur tibi peccata. Fides tua te saluauit, vade in pace. Pax autem, & portus tranquillus est, Dei Ecclesia, cui absoluendo

» peccatores restitue sanos, immaculatos, alacres,
 » studiosos, laboriosos in operibus bonis. Vt per-
 » ritus & clemens medicus medere omnibus in
 » peccato errantibus: non enim opus habent, qui
 » valent, medico, sed qui ægrotant. Venit enim fi-
 » lius hominis saluare, & quære quod errauerat.
 » Quoniam ergo medicus es Ecclesiæ Dei, adhibe
 » medicamentum accõmodatum vnicique egro-
 » to: Omnibus modis cura, sana, saluos restitue
 » Ecclesiæ. Paſce gregem: noli cum ſuperbia præ-
 » eſſe tanquàm dominans, ſed tanquàm paſtor bo-
 » nus in ſinum congregans agnos, & pregnantes
 » conſolans.

Matth. 9.

Ignat. ad

Polyc.

1. Pet. 5.

Iſa. 40.

Periculosum esse, reo non audito, iudicare, & pœnam in reum statuere, antequàm sermone redargutus sit.

Cap. XXVIII.

SIT autem probus, bonus, māsuetus, simplex, verus, non durus, non contumax, non immanis, non gloriosus, non misericordiæ expers, nō inflatus, non acceptor hominum, non timidus, non duplex, non illudens populis subiectis, non abscondens ab eis Dei leges, & sermones de pœnitentia, non promptus ad eiiciendum, & expellendū, sed cautus: non obiurgator, non præceps, non admittens testimonium cōtra aliquem sine tribus testibus, iisque, quorum mores pridē sint testimonio probati, & qui neque inimicitis, neque inuidia ducantur. Reperiuntur enim multi, qui aliorum malis lætantur, dicaces, triplices linguæ, fratres odio habentes, operam dantes, vt Christi oues dissipent: quorum sermones si temerè audire voles, disperges tuum ouile, & trades lupis in cibum, hoc est Dæmonibus, & prauis hominibus: quin potius non hominibus, sed in figura humana feris, Ethnicis, Iudæis, & hēreticis impiis. Nam ad expulsū ab Ecclesia, statim accedunt perniciosi lupi, & eum tanquàm agnum vorare existimant, suum lucrum illius interitum credentes. Etenim horum pater diabolus homicida est. Et qui ob temeritatem iudicij tui iniustè damnatus est, mœstitia affectus, & imbecillitate animi oppressus, vel ad gentes transfugiet, vel hæresibus impediatur, & omnino ab

Ioan. 8.

Ecclesia atque à spe in Deum abalienabitur, & implicabitur impietati: tunc; illius interitus reus efficietis. Non enim est æquum promptum esse ad eiiciendum peccatores, tardum ad recipiendum reuertentem, & paratum ad abscindendum, durum ad ægrotos curandum. Nam de talibus diuina Scriptura dicit, Pedes eorum in malitiam currunt, veloces sunt ad effundendum sanguinẽ. Contritio & labor in viis eorum, & viam pacis nõ cognouerunt. Non est timor Dei ante oculos eorum. Via pacis est Saluator noster Iesus Christus, qui docuit nos cum dixit, Remittite, & remittetur vobis: date & dabitur vobis: hoc est, date remissionem peccatorum, & remittentur vobis delicta, quemadmodum & per orationem, nos instituit vt Deo diceremus, Dimitte nobis debita nostra, sicut & nos dimittimus debitoribus nostris. Nisi ergo vos dimiseritis peccatoribus, qua ratione remissionem peccatorum vestrorum obtinebitis? Nonne contra ipsi vos aligamini dicentes dimittere cum non dimittitis? Nonne vestro ipso ori aduersamini, dicentes, dimittimus, non dimittentes? Scitote enim quod, qui innocentem eiicit, vel redeuntẽ nõ recipit, interfectõ fratri existit, & eius sanguinem fundit, vt Cain sanguinem Abel fratris: languisq; eius clamans ad Deũ requiretur. Nam iustus ab aliquo iniuste occisus, in requiete apud Deum manebit in aternũ, Eodẽ modo si quis temerẽ ab Episcopo fuerit eiectus, Ille, qui eiicit innocentẽ, tanquã peccatorẽ, acerbior interfectõ censetur, cum non respiciat ad Dei mise-

Pro. 1.

Matt. 7.

ricordiã, nec memor sit illius erga pœnitentes bonitatis, neque talium rerũ scopos habeat eos, qui multitudinis peccatorum in pœnitentia remissionem impetrauerunt. Quare audacior existimandus est interfectore corporali is, qui infantem reiicit: eodem modo qui pœnitentes nõ recipit, dissipat quæ Christi sunt, contra illũ veniens. Nam vt Deus iustus est in peccatoribus cõdemnandis, sic etiam misericors in pœnitentibus recipiendis. Misericordiam enim, & iudicium canebat de eo pius Dauid.

Psal. 150.

Quòd magnum exemplum pœnitentiæ proponitur nobis Dauid, & Neniuite & Ezechias, & eius filius Manasses. Cap. XXV.

NECESSÈ est autem, Episcopo, vt ante oculos habeas exempla præteritorum, usque peritè vtaris ad regèdum eos, qui vel asperis, vel lenioribus opus habent sermonibus. Præterea verò æquum est vt in iudicando, Dei sententiam sequaris: & si Deus iudicat peccatores, vel conuersos, item tu eodem modo iudices. Etenim nõne Dauid lapsus increpatum per Nathan dicentemque se pœnitere, continuò morte liberauit? inquit, Confide, non morieris. Ionam nolentem Nineuitis prædicare, iussit à mari atq; à Cete deuorari, orantem in ventre Cete ab interitu in vitam reduxit. Ezechiam paululum in superbiam elatum cum lachrymis rogantem, crimine liberauit, Audite, ô Episcopi, utile ad tales res exemplum. Scriptum est enim in quarto Regum, & in secundo Paralipomenon libro dierũ,

2. Reg. 12.

Reg. 4. c.
21.

his verbis, Et mortuus est Ezechias, & regnavit
 filius eius Manassès: duodecim annorū erat cū
 regnare cœpisset, & quinquaginta quinque an-
 nis regnavit in Ierusalem: & nomen matris eius
 Epsiba. Fecitque malum in conspectu Domini,
 non abstinuit ab abominationibus gentiū, quas
 exterminavit Dominus à facie filiorum Israël: &
 conuersus est Manassès & ædificauit excelsa, quæ
 dissipauit Ezechias pater ipsius, & statuit colum-
 nas Baal, & erexit altare Baal, & fecit Lucos si-
 cut fecerat Achab Rex Israël. Et fecit altare in
 domo Domini, in quo dixit Dominus ad Dauid
 & ad Solomonem filium eius, Quoniam in ipso
 ponam nomen meum. Et statuit Manassès alta-
 re, & in ipso seruiuit Baal, & dixit, Erit nomen
 meum in æternum: & ædificauit altaria in duo-
 bus atrijs domus Domini militiæ cœli. Et ipse tra-
 duxit filios suos per ignem in Gebenænom, &
 ariolatus est, magicisque artibus operam dedit,
 & habuit Pythones, vates, coniectores, & Sera-
 phin: & abundauit vt faceret malū in oculis Do-
 mini, vt irritaret eum. Et posuit fusile, & sculpti-
 le luci imaginem, quam fecit in domo Domini
 in quo elegit Dominus ponere nomen suū illic
 in Ierusalem sancta ciuitate in æternum, & dixit,
 Non faciam pedem meum moueri à terra Israël,
 quam dedi patribus ipsorum. Verū si custodi-
 uerint omnia quæcunque mandauit ipsis secundū
 mandatum, quod mandauit seruus meus Moses,
 & non audiuerunt. Et seduxit eos Manassès vt fa-
 cerent malum in conspectu Domini super gen-
 tes, quas deleuit Dominus à facie filiorum Israël.

» Et locutus est Dominus ad Manassẽm, & ad po-
» pulum eius in manu Prophetarum seruatorũ eius
» dicens, Eo quòd fecit Manassẽs Rex Iuda abo-
» minationes has malas, ab omnibus, quæ fecit
» Amorræus in conspectu eius, & peccare fecit Iu-
» dá in idolis suis, hæc dicit Dominus Deus Israël,
» Ecce ego porto mala in Israël, & Iudá, vt omnis
» qui audit illa, perforent ambæ aures eius: & ex-
» tendam super Israël mensuram Samariæ, & pon-
» dus domus Achaab, & delebo Ierusalẽ tanquàm
» tabulam, quæ deletur: & euertam in faciem suã,
» & tradã reliquias hæreditatis meæ, & dabo eos
» in manus inimicorum ipsorum, erũntque in va-
» stitatem, ac in rapinam omnibus inimicis ipso-
» rum, eo quòd fecerunt mala in oculis meis, &
» sunt irritantes me à qua die eduxi patrem ipsorũ
» à terra Ægypti, vsque ad hanc diem. Insuper san-
» guinem innocentem effudit Manassẽs multum
» vehementer, donec impleuit Ierusalem vsque ad
» os, præter peccata ipsius, quibus peccare fecit Iu-
» dan, vt faceret malum in oculis Domini. Et edu-
» xit Dominus duces copiarum Regis Assur, cepe-
» rũntque Manassẽm in vinculis, & vinxerunt cõ-
» pedibus ferreis, duxerũntque Babylonẽ, & erat
» vinctus, & totus ferro circumdatus in carcere,
» & dabatur ei fufuraceus panis pondere modi-
» cus, & aqua cum aceto in mẽsura, vt viuere pos-
» set. Et erat oppressus, dolẽnsque valde. Et post-
» quàm vehementer afflictus est: quæsiuit faciem
» Domini Dei sui, & humiliatus est vehementer à
» facie Domini Dei patrum ipsius, & orauit ad
» Dominum dicens:

„ **D**OMINE Omnipotens Deus patrum no-
 „ strorum Abraham, Isaac, & Iacob, & seminis
 „ ipsorum iusti, qui fecisti cœlum, & terram cum
 „ omni ornatu eorum: qui ligasti mare verbo mā-
 „ dati tui, qui conclusisti abyssum, & consignasti
 „ eum terribili, & glorioso nomine tuo, quem o-
 „ mnia paudent, & tremūt à facie virtutis tuæ: quo-
 „ niam importabilis magnificentia gloriæ tuæ, &
 „ intolerabilis ira in peccatores comminationis
 „ tuæ, immēsa, & inuestigabilis misericordia
 „ promissionis tuæ, quia tu es Dominus miseri-
 „ cors, lōganimis, multæ misericordiæ, & pœnitēs
 „ super improbitates hominum. Quoniam tu
 „ Deus secundum bonitatem prōbitatis tuæ, pro-
 „ misisti pœnitentiæ remissionem peccantibus in
 „ salutem. Tu igitur Dominus Deus iustorum nō
 „ posuisti pœnitentiam iustis Abraham, Isaac, &
 „ Iacob, qui nō peccauerūt, sed posuisti pœnitentiā
 „ super me peccatore, quoniā peccaui super nu-
 „ merū arenę maris. Multiplicatæ sunt iniquitates
 „ meæ Domine, multiplicatæ iniquitates meæ: &
 „ nō ampliùs dignus sum figere oculos, & intueri
 „ altitudinē cœli à multitudine iniquitatum mea-
 „ rum: Incuruatus multo vinculo ferri, quoniam
 „ irritaui furorem tuum, & malum in conspectu
 „ tuo feci, statuens abominationes, & multiplicās
 „ offensiones. Et nūc inclinans genua cordis mei,
 „ rogās bonitatē tuā: peccaui Domine, & peccata
 „ mea ego cognosco, sed peto, rogans te, remitte
 „ mihi Domine, remitte mihi, & ne simul perdas

„ me cū iniquitatibus meis, neque in æternū ira-
 „ tus conserues mala mihi, neque condemnes me
 „ in infimis locis terræ. Quia tu Deus, Deus pœni-
 „ tētiū, & super me ostēdes bonitatē tuā, quoniā
 „ cūm sim indignus, saluabis me secundū multam
 „ misericordiā tuā, & laudabo te semper omnibus
 „ diebus vitæ meæ, quoniā te laudat omnis virtus
 „ Cœlorū, & tua est gloria in sæcula. Amen.

„ E T audiuit vocem suam dominus, & miser-
 „ tus est eius, & facta est circa ipsum flāma ignis,
 „ & liquefacta sunt omnia circa ipsum ferramēta
 „ & sanauit dominus Manassē à tribulatione
 „ eius, & reduxit eum Ierusalem ad regnum suū.
 „ Et cognouit Manasses quòd dominus ipse est
 „ deus solus, & seruiuit soli domino deo in toto
 „ corde eius, & in tota anima eius, & putatus est
 „ iustus. Et sustulit deos alienos, & sculptrile à do-
 „ mo domini, & omnia altaria, quæ ædificauerat
 „ in domo domini, & omnia altaria in Ierusalem
 „ eiecit extra ciuitatem, & direxit altare, & sacri-
 „ ficauit super ipsum sacrificium salutaris & lau-
 „ dis. Et dixit Manasses Iudæ, vt seruiret domino
 „ deo Israēl, & dormiuit in pace cū patribus suis,
 „ & regnauit Amon filius eius pro eo, & fecit ma-
 „ lum coram domino, secundum omnia quæcun-
 „ que fecerat Manasses pater eius in primis, & ir-
 „ ritauit dominum deum suum. Audistis, filij cha-
 „ rissimi, quemadmodum dominus deus eū, qui
 „ idola coluerat, & multos infantes occiderat, le-
 „ uiter castigatū recepit, & dimissis delictis, eū in
 „ regnum reduxit. Nō solum enim pœnitentibus
 „ indulget, sed etiā pristinam dignitatem restituit.

CONSTIT. S. APOSTOLORVM
Contra eos, qui ex contemptu pec-
cant, sit exemplum Amon.
Cap. XXVII.

4. Reg. 21.
NVLVM peccatum idolatria reperitur gra-
uius: ea est enim contra Deum impietas, sed
tamen ipsa quoque per veram pœnitentiam cõ-
donatur. Si verò quis de industria peccet tentãs
Deum, quasi non ultilcentem malis remissio-
nem non consequitur, quanuis secum ipse di-
cat, Sit mihi propitius Deus, quoniã ambulabo
in cuersione cordis mei prauis. Talis fuit Amon
Manassis filius. Inquit enim scriptura, Et cogi-
tauit Amon cogitationem transgressionis ma-
lam: & dixit, Pater meus à iuuentute multa ini-
quẽ fecit, & in senectute pœnitentiã egit, & nũc
ego ambulabo prout concupiscit anima mea, &
postea conuertar ad Dominum. Et fecit malum
in conspectu Domini supra omnes, qui fuerunt
ante ipsum, & exterminauit eũ Dominus Deus
cito à terra eius bona: & irruerunt in eum serui
sui, & occiderũt ipsum in domo ipsius, & regna-
uit annos duos solos.

*Quòd Christus Iesus venit peccato-
res saluare per pœnitentiam.*
Cap. XXVIII.

ATTENDITE laici, ne quis vestrum cogita-
tionem Amon in corde suo confirmet, &
breui tempore pereat. Eodem modo Episcopus
conferuet quantum potest, eos, qui non pecca-
uerunt,

23 uerunt, vt sine peccato perfeuerent: & eos, qui à
 24 peccatis conuertuntur, curatos recipiat. Si verò
 pœnitentem contra misericordiam non admise-
 rit, peccabit in Dominum Deum suum, iustificas
 se ipsum supra illius iustitiam, & non recipiens
 quem ille recepit per Christum: propter quem
 misit filium suum in terram hominibus tanquam ho-
 minem: propter quem voluit de muliere illum nasci
 cum esset factor mulieris & viri: cuius causa non
 parcens cruci, & morti, ac sepulture, permisit il-
 lum pati, cum esset natura impassibilis, filius di-
 lectus, Dei verbum, magni consilij angelus, vt
 morti subiectos, morte liberaret. Hunc irritant
 non recipientes pœnitentem. Is enim me Mat- *Mat. 9.*
thæum, cum essem prius publicanus, vocare non
 25 est veritus, & Petrum, qui eum ob timorem ter
 26 negauit, cum is per pœnitentiam ipsum placasset, *Mat. 26.*
 27 & amare fleuisset, in gratiam recepit, pastorémq;
 28 propriorum agnorum constituit. Et Paulum coa-
 29 postolum nostrum, qui multa nobis prius inu-
 30 lerat mala, & blasphemauerat in nomen sanctum: *Act. 9.*
 31 pro persecutore Apostolum fecit, vas electionis *Luc. 7.*
 illum instituens, & alteri cuidam mulieri peccatri- *Ioan. 8.*
 ci inquit, Remittuntur tibi peccata multa, quo-
 niam dilexisti multum. Quendam aliam pecca-
 tricem statuerunt seniores coram eo, & reiecto
 in eum iudicio, exierunt. Cognitor verò cordium
 Dominus, cum quesisset ab ea, num seniores ipsam
 condemnassent, illaque negasset, dixit mulieri,
 Vade, neque ego te condemno. Hunc Saluatorẽ,
 Regem, & Dominum, & Deum nostrum Iesum
 Christum, ô Episcopi, tanquam scopum vos habe-

re, huius imitatores vos esse oportet, mites, quietos, clementes, misericordes, pacificos, mansuetos, promptos ad docendum, ad conuertendum, ad recipiendum, ad cohortandum, nō percussores, non iracundos, non petulantes, non gloriosos, non superbos, non vinolentos, non ebrios, non inanes sumptus facientes, non delicatos, nō sumptuosos, non tanquā alienis, sed tanquā propriis Dei donis vtentes, tanquā bonos dispensatores factos, tanquā eos, à quibus Dominus rationē est postulaturus. Sufficientem habeat victum & vestitū Episcopus, vsui, & dignitati accommodatum: non vtatur Dominicis rebus tanquā alienis, sed moderatē: dignus est enim operarius mercede sua. Delicatus ne esto, ne leuis, sed tantū expetat, quæ faciunt ad conseruandam naturam.

Matr. 10.

De primitiis & decimis, & quomodo debeat Episcopus ex ijs ipse capere, vel eas cum alijs communicare.

Cap. XXIX.

QVÆ ex decimis, & primitiis secundū mandatum Dei dantur, vt Dei homo confirmat, voluntaria, quæ occasione pauperum offeruntur, rectē dispense orphanis, viduis, afflictis, & peregrinis egentibus: vt qui habet deum harū rerum rationē ab eo reposcentem, qui hanc dispensationem illi commisit. Omnibus egētibus cum iustitia tribuentes, ipsique iis vtentes, sed non abutentes: comedentes de iis, sed non soliorantes, egenisque impertientes, Dei offensio-

nem vitabitis. Nam si soli hæc consumetis exprobrabitur vobis à deo dicente, tanquàm insatiabilibus, & voratoribus, lac comedebatis, & lanis vestiebamini. Et in alio loco, Numquid habitabitis soli super terram? Propterea in lege præceptum est vobis, diliges proximum tuum sicut te ipsum. Atque hæc non ideò dicimus, vt non capiatis fructum laborum vestrorum. Scriptũ est enim, Non infrenabis os boui trituranti: sed moderatè, & cum iustitia, Vt igitur in area laborans in somnis bos comedit quidem, sed nõ torũ absumit, sic vos laborantes in area, hoc est in Ecclesia dei, de Ecclesia comedite, more Leuitarũ ministrantiũ in tabernaculo martyrij, quod per omnia Ecclesiæ figurã referebat, etiam vero ex nomine martyrium Ecclesiæ tabernaculũ designabat: Hic igitur leuitæ tabernaculo assidentes, de iis, quæ deo offerebãtur ab omni populo, donis, partibus, primitiis, decimis, sacrificiis, oblationibus sine prohibitione partẽ habebãt ipsi, & vxores eorũ, filij & filia eorũ. Quoniã autẽ eorum officium erat tabernaculo ministrare: propterea

Ex ec. 34.
Isa. 5.

Deu. 25.

sortem terræ nõ acceperunt in filiis Israël, quòd

Num. 8.

oblationes populi fors Leui, & fors tribus eius.

Vos igitur hodie, ò Episcopi, estis populo vestro sacerdotes. Leuitæ, qui ministrant sacro Tabernaculo sanctæ, & catholicæ Ecclesiæ, atque assistentes ad altare domini & dei nostri, & adducetes ei rationales & incruetas hostias per Iesum magnũ Põtificẽ. Vos laicis, qui inter vos sũt, estis Prophetæ, Principes, duces, & Reges, mediatores dei, & fideliũ ipsius, participes verbi ac nũcij,

cognitores Scripturarum ac tubæ Dei, testésque eius voluntatis, qui omnium peccata portatis, & de omnibus rationē redditis, quibus (vt audistis)

Luc 11.

- ” grauiter minatur sermo, Si absconderitis ab hominibus clauem scientiæ. quibus periculū damnationis imminet, nisi annunciaueritis voluntatem eius, populo vobis subiecto : quibus certa merces à Deo parata est, & gloria ineffabilis laudabiliter, & rectè ministrantibus in Tabernaculo sancto. Nam quemadmodum vestrū est onus, ita ministeria victus, atque alios necessarios vsus vos capitis. Imitatores enim estis Christi, & vt ipse omnium nostrum peccata portauit in ligno affixus, immaculatus pro iis, qui supplicio digni erant, sic vos populi peccata in vos ipsos trāstere oportet. Dictū est enim de Salvatore in Isaia, quod hic peccata nostra tollit, & pro nobis dolet. Et rursum, Ipse peccata multorum portauit, & propter iniquitates ipsorū est traditus. Quēadmodū igitur vos scopi estis, ira scopum habetis Christum. Vt igitur ille omnium vestrum scopus est, sic vos laicorum vobis subiectorum. Nolite enim existimare facile, vel leue esse Episcopatus onus. Conuenit igitur, vt quemadmodum onus sustinetis ipsi, ita quoque fructuū primi participes sitis, & egentibus partem suppeditetis, vt qui rationem reddaturi estis ei, qui falsas rationes à vobis non est accepturus. Oportet enim eos, qui Ecclesiæ assident, ali de Ecclesia. Quippè sacerdotes, Leuitas, assessores, ministros Dei, vt in libro Numerorū scriptum est de sacerdotibus, Et dixit Dominus ad AARŌ, Tu & filij tui

Ignst. ad Polycarpū.

Ia. 53.

- ” & filij tui

Nu. 18.

„ & domus patris tui accipietis peccata sanctorū
 „ sacerdotij vestri. Ecce dedi vobis custodiam pri-
 „ mitiarū de omnibus sanctificatis à filiis Israël. Ti-
 „ bi dedi ipsa in munus, & filiis tuis post te in legē
 „ æternā. Et hoc erit vobis à sanctificatis, à fructi-
 „ bus, & à donis, & ab omnibus sacrificiis, & ab om-
 „ ni delicto, & de peccatis, & quæcunque red-
 „ dunt mihi, ab omnibus sanctis tibi erunt & filiis
 „ tuis. in sanctuario comedite ipsa, Et paulò post,
 „ Omnes primitiæ olei, & vini, & frumenti, quæ-
 „ cunque dederint Domino, tibi dedi ipsa. Primo-
 „ genita omnia tibi dedi, & dices omne donum om-
 „ nne primogenitū hominis & iumentum mundi &
 „ immundi, & hostiæ, & pectoris, & humeri dex-
 „ teri ad sacerdotes pertinet, & reliquos inseruien-
 „ tes Leuitas. Audite hæc vos laici, & electa Dei Ec-
 „ clesia Dei. Etenim antea populus, dei populus &
 „ gens sancta vocabatur: vos quoq; igitur estis san-
 „ cta Dei & sacra Ecclesia descripta in cælo, regale
 „ sacerdotium, gens sancta, populus acquisitionis, *Exo. 19.*
 „ sponsa ornata Domino Deo, Ecclesia magna, Ec- *1. Pet. 2.*
 „ clesia fidelis. Quæ prius dicta sunt, nunc auribus
 „ percipe, primitiæ Pontifici Christo, & ministrā-
 „ tibus ei, decimæ salutaris initiū nominis Iesu. Au-
 „ di sacra catholica Ecclesia, quæ decē plagas effu-
 „ gisti, & decalogū accepisti, & legē didicisti, & fi-
 „ dē eis adeptā, & in Iesum credidisti, & de nomine
 „ eius appellata es, & in consummatione gloriæ
 „ ipsius firmata: quæ tūc victimæ erāt, nūc oratiōes
 „ sunt, preces & gratiarū actiones: quæ tūc primi-
 „ tiæ, & decimæ, partes & dona, nūc oblationes:
 „ quæ per sanctos Episcopos offeruntur domino

deo per Iesum Christū, qui pro ipsis mortuus est. Ii enim sunt Pontifices vestri, sacerdotes vestri, Presbyteri sunt Leuita vestri, qui nunc sunt diaconi, Lectores, Cantores, Ostiarij, diaconissae vestrae, viduae, virgines, orphani vestri: his omnibus superior Pontifex est.

In cuius figuram, & dignitatem quilibet de Clero sit constitutus. Cap. XXX.

EPISCOPVS verbi minister est, scientiae cultos, mediator inter Deum & vos in seruitute, quā Deo impendit: is pietatis magister est, is post Deū pater vester, qui per aquā vos regenerauit in adoptionē filiorū Dei, is Princeps & dux vester, is Rex vester & dynasta, denique, is terrenus deus post deum, cui à vobis honor debetur:

Psa. 18.

S. Ignat. fere eadē scripsit ad Magnos. & ad alios. in Epistola verò ad Trall. haec ipsa repetēs, mentionē facit apostolicarum consuetudin.

nā de eo & similibus Deus dicebat. Ego dixi dii estis, & filij excelsi omnes: & diis nō maledices. Episcopus enim supra vos sedeat, vt qui Dei dignitate ornatus est, quatenus clero praest & omni populo imperat. Diaconus huic assistat vt Christus patri, & ministret ei in omnibus sine reprehensione, quēadmodū Christus à se ipso nihil faciēs, quē grata sunt patri facit omnino. Diaconissa in figurā Spiritus sancti honoretur à vobis, nihil sine Diacono agens vel loquēs, quēadmodum nec paracletus à se ipso aliquid loquitur vel facit, sed glorificans Christum, expectat eius voluntatē. & vt nemo in Christū credere potest sine doctrina spiritus, sic sine Diaconissa nulla mulier accedat ad Diaconū vel Episcopū. Prefbyteri in formam Apostolorum à vobis censē-

tur: magistri sint sciētiæ Dei, quoni am Dominus
 » nos mittens dicebat, Euntes docet e omnes gen- *Mat. 28.*
 » tes, baptizantes ipsos in nomine Patris, & Filij,
 » & Spiritus sancti, docentes ipsos se ruare omnia,
 » quæ mandavi vobis. Viduæ & orphani in figurâ
 altaris existimentur à vobis, virgines in figuram
 turibuli & incensi honorentur.

Quòd res tremenda est hominem se ipsum de-
mittere ad dignitatem aliquam sacerdotalem
vt Coritæ, vt Saul, vt Ozias. Cap. XXXI.

QUEMADMODVM non erat licitum alie-
 nigenam, & eum qui non esset Leuita, ali-
 quid offerre, vel ad altare accedere sine sacerdo-
 tibus: ita vos sine Episcopo nihil facite. Quòd si
 quis sine Episcopo faciat aliquid, frustra illud fa-
 cit: non enim in opus ipsi imputabitur. Vt enim
 Saul cùm sine Samuele obtulisset, audiuit quo-
 niam frustra fecisti: sic laicus omnis sine sacer-
 dote perficiens aliquid, frustra facit. Et vt Ozias *1. Reg. 13.*
 Rez cùm non esset sacerdos, & sacerdotum sacra *4. Reg. 15.*
 administrasset, in lepram incidit propter iniqui- *2. Para.*
 tatem: sic omnis laicus non effugiet supplicium, *26. Sancto*
 si Deum contempserit, suosque sacerdotes de- *igna. in Ep.*
 spexerit, sibi que honorem arrogauerit, non imi- *al Magnes*
 tatus Christum, qui non ipse se glorificauit vt fie- *Psa. 109.*
 ret sacerdos, sed expectauit vt à patre audiret, Iu-
 rauit dominus & non pœnitebit eum, Tu es sa-
 cerdos in æternum secundum ordinem Melchi-
 sedech. Quòd si sine patre Christus ipse se non
 glorificat, quomodo fieri potest vt homo ipse se
 in sacerdotium proiciat, non accepta dignitate à

N^o. 16.

N^o. 17.

superiore, & ea faciat, quæ solis licita sunt sacerdotibus? Nonne Coritæ quanquam de tribu leui erant, incēdio consumpti sunt cū in Mosen & in Aaron insultassent, & de iis, quæ ad se non spectabant, pugnassent? & Dathan, & Abiron viui in Infernū descēderunt? Et virga cū germinasset multorum insaniam cōpressit, & à deo Pontificem institutū indicauit. Decet igitur & vos fratres sacrificia vestra, siue oblationes Episcopo afferre, vt Pontifici vel per diaconos: etiam verò primitias, & decimas, & volūtaria ei afferre. Ipse enim cognoscit oppressos & cui libet tribuit, quantū satis est, ne quis sæpe eodem die, aut eadem hebdomada accipiat, alius uerò nihil omnino. Aequum est enim iis, qui verè oppressi sunt, potius in vsus suppeditare, quàm iis, qui oppressi esse existimantur.

De conuiuio, & quemadmodum oporteat singulos Cleri ordines ab inuitantibus honorari. Cap. XXXII.

Luc. 14.

S. Ignat. ad

Smyr.

QVI ad Agapas, siue (vt Dominus nominauit) ad conuiuium instituerunt vocare Presbyteras: quam norunt Diaconi oppressam, eam frequenter vocent. Seponatur autem in cōuiuio quod pastori consuetum est dari, dico autē id quod ad primitias pertinet, veluti sacerdoti, etiā si cōuiuio nō adsit, in honorē dei, qui ei sacerdotiū commisit. Quantū autem vnicuique Presbyterarum datur, eius duplūm detur diaconis in honorem Christi. Presbyteris verò, vt qui laborant in verbo doctrinæ, duplex quoque le-

S. Ignat. ad

Mag.

seponatur pars in gratiam Apostolorum Domini, cuius locum sustinent, tanquam consiliarij Episcoporum, & Ecclesiæ corona. Sunt enim ij Senatus & confessus Ecclesiæ. Si Lector sit, capiat partem vnam in honorem Prophetarum. Eodem modo Cantor & Ostiarius: vnique igitur gradui, laici debitum honorem tribuant, in donis atque in omni vitæ veneratione. Non autem facile molesti sint præpositis, sed per ministros, quæ voluerint, significant, hoc est per Diaconos, quibus cum maiori libertate poterunt vti. non enim ad Omnipotentem Deum accedere licet, nisi per Christum: ita laici omnia, quæ volent, per Diaconum manifesta Episcopo faciant, sicque de illius sententia ea perficiant. Neque enim olim in sacro sanctuario offerebatur vel gerebatur aliquid sine sacerdote. Labia enim sacerdotis custodient scientiam, & legem exquirēt de ore ipsius, ait quodā in loco Propheta. Quoniam Angelus Domini Omnipotentis est: nam si ij, qui dæmones colunt, in nefariis & abominandis impurisque eorum sacris, etiam nunc sancta imitantur (ac longo quidem interuallo piaculum si in comparisonem veniat, à pietate distet) veruntamen si ij in illis impiis religionibus sine sacerdote nihil offerunt, nihil faciunt, sed os lapidearum statuarum sacerdotem putant, à quo expectant sibi præcipi quid facturi sint, & quæ ille præceperit omnia exequuntur, nihilque nisi de eius sententia agunt, in honoréque habent sacerdotem, cuiusque nomen sacrosanctum existimant in honorem inanimarum statuarum, cul-

Mala. 1.

rúmque improborum spítuum: si inquam illi, cum inania falsaque opinentur, in nullaque re firma spem suam collocent, tamen sanctitatem imitari conantur, quanto est æquius vos, qui clarissimam fidem certissimamque spem obtinetis, & gloriosam æternam infallibilem promissionem amplectimini, in præpositis colere Dominum Deum, existimantes os Dei, esse Episcopum.

Quæ sit dignitas Episcoporum, & Diaconorum. Cap. XXXIII.

NAM si Aaron postquam nunciauit Pharaoni sermones nomine Mosis, Propheta dictus est, Moses verò Pharaonis Deus, scilicet vti Rex simul, & Pontifex (vt inquit ad eum Deus) Deum posui te Pharaoni, & Aaron frater tuus erit tuus Propheta: cur non vos quoque internuncios verbi Prophetas esse existimetis, eosque vt Deos reueramini?

Quomodo oporteat laicos parere Diaconis. Caput XXXIIII.

NVNC enim vobis loco Aaron Diaconus est, loco Mosis Episcopus: quòd si Moses à Domino appellatus est Deus, à vobis quoque Episcopus Dei loco in honore habeatur, & Diaconus sit tanquam eius Propheta. Nam quemadmodum Christus sine Patre nihil agit, ita Diaconus nihil agit nisi de sententia Episcopi. Et quemadmodum Filius sine Patre non est, ita neque Diaconus sine Episcopo. Et quemadmodum

Filius est obediens Patri, ita Diaconus omnis Episcopo paret. Et quemadmodum Filius nuncius est & Propheta Patris, ita Diaconus nuncius est & Propheta Episcopi. Propterea omnia quæ à Diacono geruntur, significantur Episcopo, & per eum ad exitum perducantur.

Quòd non licet Diaconum sine Episcopo aliquid agere. Cap. XXXV.

IN summa autè nihil agat Diaconus sine Episcopo, nec cuiquam quicquam det, nisi de illius sententia. Nam si clam Episcopo alicui egenti præbuerit aliquid, in contumeliam Episcopi præbebit, eumque calumniæ subiiciet, ut qui negligere videatur eos, qui egestate oppressi sunt. Qui verò Episcopo sermone vel factis detrahit, Deum offendit, non audiens eum, qui dixit: Diis non maledices. non enim de lapidum & lignorum piaculis legem ferebat, quæ suo falso nomine sunt abominabilia, sed de sacerdotibus, & iudicibus, quibus dixit, Dij estis, & filij excelsi omnes.

Exod. 22.

Psal. 81.

Quòd non oportet Diaconum præter Episcopi sententiã dare aliquid; nam in caluniam Episcopi hoc ager. Cap. XXXVI.

SI vides, Diacone, aliquem inopia premi, admonito Episcopo illi suppedites, nec clam in eius contumeliam quicquam agas, ne murmurationem in illum excites. Non enim cõtra illum murmuratio orta videbitur, sed contra Dominum Deum, & audiet Diaconus & alij, quæ Aaron &

„ Maria in Mosen oblocuti, audiuerunt. *Quomo-*
 „ do non timuistis loqui contra Mosen seruum
 „ meū? Et rursus idem Moses iis, qui in eum con-
 „ spirauerant, inquit, Non enim contra nos mur-
 „ muratio vestra est, sed contra Dominum Deum
 „ nostrum. Nam cum laicus, qui dixerit rasan, vel
 „ stulte, non impune abiturus sit, vt qui nomen
 „ Christi contumelia affecerit, quid dicemus de
 „ Episcopo? per quem Dominus in ordinatione
 „ Spiritum sanctum vobis dedit: per quem sanctā
 „ doctrinam didicistis, & Deum cognouistis, & in
 „ Christum credidistis: per quem cogniti estis à
 „ Deo: per quem consignati estis oleo exultatio-
 „ nis, & chrismate sapientiae: per quem filij lucis
 „ facti estis: per quem Dominus in illuminatione
 „ vestra, Episcopi manus impositionem testimo-
 „ nio suo comprobans, in singulis vestrum suam
 „ sacram vocem emisit, dicens, Filius meus es tu,
 „ ego hodie genui te. Per Episcopum, ô homo, ad-
 „ optat te Deus in filium. Cognosce fili dexteram
 „ matris tuae, & dilige eum, qui secundum Deum
 „ tuus pater est, & illum reuerere.

*Quomodo oporteat honorare sacerdotes, &
 venerabiles existimare, cum sint patres
 spirituales. Cap. XXXVII.*

„ **N**AM si de parentibus secundum carnem lex
 „ diuina inquit, Honora patrem tuū, & ma-
 „ trem tuam, vt bene tibi sit, & qui maledixerit
 „ patri vel matri, morte moriatur. quanto magis
 „ de spiritualibus parentibus vobis præceptum est,
 „ vt eos honoretis, & diligatis tanquam beneficos

legatósque ad Deum, qui vos per aquam regenerauerunt, verbo quasi lacte educauerunt, in doctrina nutriuerunt: in mandatis confirmauerunt: salutaris corpore, & precioso sanguine dignos reddiderunt: à peccatis soluerunt, & sacrosanctę Eucharistię participes effecerunt: diuinę promissionis consortes, cohæredésque statuerunt? Hós venerabiliter colite variis honorib⁹: ij enim à Deo vitę & mortis potestatem acceperunt in peccatoribus iudicandis, damnandísque in mortem ignis æterni, nec non in liberandis iis, qui redeunt, & in vita illis præstanda.

Quòd sacerdotes sunt præstantiores Principibus, & Regibus. Cap. XXXVIII.

Hos Principes & Reges vestros putatore, & tributa tanquàm Regibus penditore. De vestro enim illos, & domesticos illorũ ali oportet, quemadmodum Samuel præcepit populo de Rege in primo Regum, & Moses de sacerdotibus in Leuitico, eodem modo nos de Episcopis vobis præcipimus. Nam si tunc populus proportionem, tanto Regi munera præbebat, quanto magis nunc Episcopus decreta sibi à Deo stipendia capere debet ad se alendum, & clericos, qui apud eum sunt? Quòd si aliquid orationi addendum est, plura hic capiat, quàm ille olim. Ille enim rem militarem tantum administrabat, belli pacisque moderator ad tuenda corpora, hic verò Dei sacerdotium administrans, corpus, & animã periculis liberat. Quanto igitur anima corpore est excellentior, tanto sacerdotium Regno præ-

stat. Ligat enim id & soluit supplicio, vel indulgentia dignos. Ideo Episcopum diligere debetis, ut patrem timere, ut Regem, honorare, ut dominum. Fructus vestros & opera manuum vestrarum in vestram benedictionem illi offerentes primitias vestras, decimas, partes, dona vestra dantes ei ut sacerdoti Dei: primitias inquam frumenti, vini, olei, pomorum, atque omnium, quæ Deus præbet vobis. Et erit oblatio tua accepta in odorem suauitatis Domino Deo tuo, & benedicet Dominus operibus manuum tuarum, & multiplicabit Dominus bona terræ tuæ, quoniam benedictio in caput tribuentis reuertitur.

Quòd quemadmodum leges decimas dare præcipiunt, ita & Euangelium. Cap. XXXIX.

INTELLIGENDVM est autem, quòd quantum Dominus liberauit vos à seruitute adiectorum vinculorum, & eduxit vos in refrigerium, non amplius sinens vos sacrificare bruta animalia pro peccatis, solutos illis expiationibus, emissariis, assiduis lotionibus, & asperisionibus: non tamen oblationibus vos liberauit, quas sacerdotibus debetis, & beneficentius erga eos, qui egēt. ait enim Dominus noster in Euangelio, Nisi abundauerit vestra iustitia plusquam scribarum & Phariseorum, non intrabitis in regnum Cælorum. Ita ergo abundabit iustitia vestra, si de sacerdotibus, orphanis, viduis maiorem curam suscipietis, ut scriptum est, Dispersit, dedit pauperibus, iustitia eius manet in sæculum sæculi. Et rursum, Per eleemosynam & fidem delentur pec-

Leu. 16.

Matth. 5.

Psal. 3.

Prou. 15.

Prou. 11.

cata. Et rursus, Anima benedicta omnis simplex. Ergo ita facies quemadmodum Dominus præcepit, & dabis sacerdoti iusta sua, primitias de area & torculari pro peccatis tanquam mediatori, atq; internuncio posito inter Deum & eos, qui expiationibus & deprecationibus opus habent. Te enim dare oportet, illum distribuere tanquam œconomum, & dispensatorem rerum Ecclesiasticarum. Neque enim ab Episcopo tuo rationem petere debes, neque eius dispensationem obseruabis quomodo eam peragat, quãdo, cum quibus, ubi, bene, vel malè, vel conuenienter. Habet enim iudicem Deum, qui in eius manus hanc dispensationem commisit, & dignum eum effecit sacerdotio tanti loci.

Admonitio decem mandatorum. Cap. XL.

HABE præ oculis timorem Dei, memor omni tempore decem Dei mandatorum.

- 1 Diligito Deum vnum, ac solum omnibus viribus tuis.
- 2 Noli attendere Idolis, & huiusmodi aliis tanquam diis inanimis, vel ratione carentibus, vel demonibus.
- 3 Intellige Dei opera diuersum sumpsisse exordium per Christum, & sabbatizabis per eum, qui cessauit ab operando, non autem à prouidendo sabbatismũ, qui est meditatio legum, non manuum cessatio. *S. Ignas. ad Mag.*
- 4 Omnem absurdam cupiditatem abiice.
- 5 Omnem iniuriam, quæ ad hominum perniciem pertinet, iram omnem.

- 6 Honora parētes tanquàm ortus tui auctores.
 7 Dilige proximum, sicut teipsum.
 8 Impartire victum egentibus.
 9 Periurium & iusiurandum vanum vita: non enim innocens iudicaberis.
 10 Non appareas coràm sacerdotibus vacuus, & voluntaria assiduè offer, nec ab Ecclesia Dei absis: summo mane, ante omne opus, & iterum vespere gratias agens Deo, eo quòd tibi vitam est largitus. Operare, perseuera, labora, offer Domino voluntaria tua. Honora enim, inquit, Dominum tuis iustis laboribus, præbe peregrinis vnum, vel duo, vel quinque minuta. Congrega tibi cœlestes diuitias, quas nec tinea, neque fur demolitur. Sicque faciēs noli iudicare Episcopum tuum, neque collaieum: nam si fratrem iudicas, factus es iudex, à nullo ad hoc munus electus. Nam solis sacerdotibus concessum est vt iudicet, quoniam dictum est eis, Iustum iudicium iudicate, Et rursus, Estote trapezitæ probati. Vobis enim permissum non est, imò contrà iis, qui iudicandi potestate carent, dictum est, Nolite iudicare, & non iudicabimi.

Matth. 6.

”
 ”
 ”
 ”
 ”
 ”

Deute. 1.

Ioan. 7.

Damascen^o
 de f. Ortho.
 lib. 4.

Matth. 2.

De accusatoribus, & calūniatoribus, & quòd non oportet iudicem iis facile credere, vel non credere, sed cum diligenti inquisitione. Cap. XLI.

OPORTET tamen vt Episcopus rectè iudicet, sicut scriptum est, Iustum iudicium iudicate

dicare. & alio loco, Cur à vobis ipsis non iudicatis quod iustum est? Imitamini ergo peritos argentarios. Vt enim ij improbos numos reiciunt, probatos recipiunt, sic Episcopus debet quæ à reprehensione absunt, retinere: quæ vitium habent vel curare, vel si immedicabilia fuerint, proiicere, & non statim abscindere, neque cuius temere fidem habere. Accidit enim vt aliqui vel propter æmulationem, vel propter inuidiam contra fratrem falsam accusationem instituant, quod duo senes Babylone fecerunt in Susannam, & Ægyptia mulier in Ioseph. Tu igitur cum sis homo Dei, noli tales criminationes facile admittere, ne perdas innocentem, & occidas iustum. Nam qui talia recipere vult, iræ magis, quàm pacis pater est. Vbi autem ira reperitur, inde abest Dominus: nã ira cum sit Satanae amica (illam inquam, quæ præter rationem excitatur) per falsos fratres nunquam in Ecclesia concordia esse patitur. Quare quos tales cognoscitis dementes, contentiosos, alienis malis gauderes, iis nolite fidem habere, sed caute ne quid à raliibus contra fratrem audiatis: quoniam in oculis eorum nihil insidet, præterquam cædes, & in quo minus quis suspicatur, confodiunt virum. Tu ergo mentem adhibe accusatori, sapienter obseruans eius vitæ consuetudinem, quæ, ac cuiusmodi fuerit: & si comperies eum verum dicere, fac secundum præceptionem Domini, apprehensumque accusatum remotis arbitris corrige, vt ad pœnitentiam redeat. Quod si obsequi noluerit, vocatis duobus, vel tribus viris, monstra

Ioan. 7.

*In secunda
auctoritate,
videtur allu-
dere ad præ-
ceptum Pauli
in prima ad
Cor. cap. 6.*

Prov. c. 14. ei delictum, admonens eum in mansuetudine, & disciplina. Quoniam in corde bono requiescet sapientia, & in corde insipientum non cognoscitur.

Quòd oportet peccatores separatim increpare, & pœnitentes recipere secundum ordinationem Domini. Cap. XLII.

S igitur persuasus fuerit in ore trium vestrum, bene habet: quòd si obdurauerit, dic Ecclesie: si Ecclesiam non audierit, sit tibi tanquam Ethnicus & publicanus, nec illum amplius veluti Christianum in Ecclesiam admiseris, sed veluti Ethnicum vitaueris. Pœnitentiam agere volentem recipe: non enim prius Ethnicum vel Publicanum in communionem recipis, quàm eum prateritæ impietatis pœniteat. nam pœnitentibus locum pœnitentiæ statuit Dominus noster Iesus Christus.

Exempla de pœnitentia. Cap. XLIII.

E T ENIM ego Matthæus vnus ex duodecim, qui in hac doctrina loquuntur vobis, sum Apostolus, & cùm prius publicanus essem, nunc per fidem misericordiam consecutus sum, pœnitentiamq; egi de prateritis actionibus, & dignus factus sum, vt essem Apostolus, ac prædicator verbi. Et Zachæus, quem Dominus recepit in pœnitentia illi supplicantem, item Publicanus antea fuerat. Iam verò milites, & publicanorum turba, cùm accederent ad dominicum de pœnitentia sermonem, audierunt à Propheta Ioanne

post baptismum, Nihil plusquam quod ordina- Luc. 3.
 tum est vobis, facite. Eodem modo Ethnici spem
 vitæ non amiserunt, si per pœnitentiam incredi-
 litatem abiecerint. Quare vti Publicanum &
 Ethnicum habeas illum, qui de opere malo cor-
 reptus, pœnitentiam agere recusat. Et Ethnici,
 si postea dolere, & ab errore redire volent, eos
 in Ecclesiam recipimus, vt verbum audiant, non
 tamen communionem habemus cum eis, quo-
 usque recepto baptismi sigillo, initiati sint. Eo-
 dem modo pœnitentes, quousque pœnitentiæ
 fructum non ostenderint, permittimus Ecce-
 liam ingredi, quò verbum audientes funditus
 non intereant: non habeant autem communi-
 onem orationis, sed discedant post lectionem le-
 gis, Prophetarum, & Euangelij: vt per discessum
 meliores euadant in vitæ consuetudine, studen-
 tes ad conuentus quotidie venire, & precibus
 operam dare, quò & ipsi recipi valeant, & eos,
 qui vident compungant, cautioreque fiant, ve-
 rentes ne in similia incidant.

*Quòd non oportet inimicum animum habere
 aduersus illos, qui semel bisue pec-
 cant. Cap. XLIII.*

Noli tu abominari, ô Episcopo, cum, qui
 vno alterove peccato lapsus est: nec illum
 Dominico sermone prohibeto, neq; a communi
 victu reiicito: quoniam neq; Dominus recusabat
 cum Publicanis & peccatoribus cibum capere.
 quod cum ei à Phariseis obiiceretur, dicebat, Math. 9.
 Non opus habent, qui valent, medico, sed qui

Heb. 12. 6

ægrotaut. Versamini igitur, & consuetudinem habete cum iis, qui propter peccata segregati sunt, eos procurantes, consolantes, confirman- tes, dicentisque iis, Corroboramini manus dis- solute, & genua debilitata. Consolari enim oportet lugentes, & parui animi hominibus alacritatem inuicere, ne ob magnitudinem mœstitiæ in dementiam incidant, quoniam pusillanimis valde insipiens est.

Quomodo oporteat recipere pœnitentem, & quomodo cum peccatoribus agendum sit, & qui sint ab Ecclesia abscin- dendi. Cap. XLV.

SI quis conuersus pœnitentiæ fructum ostenderit, ad orationem eum admitti oportet, vti filium illum perditum & prodigum, qui consumptis bonis cum meretricibus, porcos pascebat, & siliquis satur fieri expetebat, cum nemo illi daret. Deinde cum pœnitentia ductus, & ad patrem reuersus, dixisset: Peccaui in Cœlum, & coram te, & non sum amplius dignus vocari filius tuus, eum amantissimus pater cum musicis recepit, redditâque illi veteri stola, anulo, & calceamentis, atque occiso vitulo faginato, lætatus est cum amicis. Idem fac tu Episcopo. Sed quemadmodum Gentilem per lauacrum recipis, post eius institutionem, ita hunc per manuum impositionem vti per pœnitentiam purgatum, omnibus pro eo rogantibus, in pristinum statum restitues, & erit ei in locum lauacri impositio manuum. Nam per impositionem manuum no-

strarum credentibus Spiritus sanctus dabatur. Ac si quis ex firmis fratribus obiiciat tibi, quòd
 ” hunc in gratiam recepisti, dic ei, Tu semper mecum es, & mea omnia tua sunt: gaudere debebas *Luc. 15.*
 & letari quòd frater hic tuus mortuus erat, & reuixit, perierat, & inuentus est. Quòd autem
 Deus pœnitentes non modò recipit, sed etiam eos in pristinum gradum restituit, idoneus testis
 est sanctus dauid, qui post commissum in Vriam *Psal. 50.*
 ” delictum, rogabat Deum, dicens: Redde mihi
 ” exultationem salutaris tui, & spiritu principali
 ” confirma me. Et rursum, Auerte faciem tuam à
 ” peccatis meis, & omnes iniquitates meas dele.
 ” Cor mundum crea in me Deus, & spiritum re-
 ” ctum innoua in visceribus meis. Ne proicias
 ” me à facie tua, & Spiritum sanctum ne auferas à
 me. Tu igitur uti clemens medicus, peccatores
 omnes cura, vtens accomodatis ad salutem me-
 dicamentis, non modò secando, vrendo, noua-
 culam adhibendo: sed etiam alligando, exic-
 cando, iniiciendo medicamenta leuia, cicatri-
 cem obducentia, emolliendo sermonibus con-
 solatoriis. Si vulnus altum fuerit, reficito suau-
 vnguento, vt repletum reliquis partibus æque-
 tur. Si sordes collegerit, nouacula perpurgato,
 hoc est, sermone ad incidendum idoneo. Si intum-
 uerit, id acri collyrio complanato, hoc est, iu-
 dicij minis. Si serpat, cauterio cohibeto, tabem-
 que excidito, ieiunij acrimonia. Quòd si hæc
 feceris, videris que à pedibus vsque ad caput non
 prodesse fomenta: non oleum, non fascias, sed
 serpere tabem superaræque omnem medicinam,

veluti cancrum omnia membra exedētem, tunc re multum considerata, ac deliberata, adhibitifque aliis peritis medicis, tabidum mēbrum abscindito, ne totum Ecclesiæ corpus contabescat. Noli igitur esse facilis ad abscindendum, neque cito ad dentatam terram curras, sed primum vtaris cultello abscessum diuidens, vt causa, quæ dolorem faciebat expulsa, corpus sine dolore conseruet. Quòd si aliquem impœnitentem, atque obduratum videris, tunc cum tristitia &

Exod. 23.

” luctu medicinam respuētem, ab Ecclesia abscinde. Tollite enim malum de vobis, & timoratos facite filios Israël. Et rursus, Non accipies personam diuitis in iudicio, & pauperis nō misereberis in iudicio, quoniam iudicium Domini est.

Quòd oportet Iudicem, non esse acceptorē personarum. Cap. XLVI.

QVOD si falsa fuerit criminis accusatio, vòfque pastores vnà cū Diaconis vel ob personarum gratiam, vel ob munerum pactionem falsum pro vero acceperitis, volētes criminatori gratificari, reūmque accusatum illum quidem, sed innocentem ab Ecclesia eieceritis, rationem reddetis in die Domini. Quoniam scriptum est,

Exod. 23.

” Innocentem & iustum non occides: non capies munera vt percutias animam. Munera enim excæcant oculos sapiētum, & perdunt verba iusta.

Isa. 5.

” Et rursus, Iustificantes impium pro donis, & quod iustum est à iusto tollentes. Cauete igitur à condemnando aliquo iniustè, & ab improbis defendendis. Vx enim dicenti bonum malum,

Isa. 5.

- » & malum bonum: amarum dulce, & dulce amarum: ponēti lucem tenebras, & tenebras lucem. Nam si alios iniuste cōdemnatis, ipsi contra vos pronuntiatis: quoniam ait Dominus, *Quo iudicio iudicatis, iudicabimini, & quo condemnatis, condemnabimini.* Quare si nulla personarum ratione habita, iudicaturi estis, cognoscite eum, qui falso testimonio accusat proximum, ostenditēque esse calumniatorem, inuidum, interfectorem, perturbatorem, oratione incōstantem, sibi pugnantem in iis, quæ loquitur, & verbis proprij oris conuictum. Laqueus enim validus insidet in eius labiis: quem refutatis eius mendaciis, seuerè iudica, & gladio ignis trade, facque tu in eum, quemadmodum ille cogitabat in proximum facere. Nam quod locutus est, quantum ad eum attinet, occidit fratrem, iudicis auribus occupatis. Scriptum est autem, quod fundens sanguinē hominis, pro sanguine ipsius effundetur, & tolles sanguinem innocentem à te effusum.

*Math. 7.**Deut. 19.*

Quomodo oporteat calumniatorem punire.

Caput XLVII.

EIIcite eum extra cætum vestrum veluti fratris interfectorem: deinde interiecto tempore, si se pœnitere cōfessus fuerit, premite eum ieiuniis, postea manu ei imposita recipite, prius tamen fide accepta, se neminem posthac turbaturum. Quod si reuersus in Ecclesiam, eodēmodo seditionē moueat, & studio cōtentionis comparans crimina, non desinat fratrem perturbare, & vexare: exterminate eum, veluti hominem

pestilentem, ne Ecclesiã Dei cuertat. Talis enim homo ciuitatem perturbat, & si intra Ecclesiam manet (quod decorum non est) illi existit inutilis, & superfluus, inquinans, quantum in se est, Christi corpus. Nam si quidam homines, qui à suo ortu superflua membra reliquo corpori adiuncta habent, veluti digitos, vel carnis processus, propter turpitudinem illas eminentias abscindunt, nihilque fit iis indecorum, cum per artificem naturalem corporis habitum recipiunt, quãto magis id facere debetis, vos Pastores, cum sit Ecclesia corpus perfectum constans ex integris membris in Deũ credentibus in timore Domini & charitate: scilicet cum inuenitur membrum aliquod superfluum, improba sapiens, & reliquum corpus deturpans, atque perturbans, seditione, contentione, detractione: afferens ei timores, molestias, maculas, detractiones, crimina, perturbationes, & huiusmodi diaboli opera: operam dans veluti ad id delectus à diabolo vt nihili fiat Ecclesia per blasphemias, tumultus, contentiones, dissensiones. Is igitur extra Ecclesiam iterum eiectus à cœtu Domini meritò abscinditur: ornatiórque est Dei Ecclesia, quàm antea, cum illud superfluum, & à se alienum membrum nutriebat. Ideo neq; in blasphemiam amplius, neq; in contemptum incurrit, liberata improbis, dolosis, contumeliosis, ferocibus, proditoribus, honestati infestis, voluptuosis, vanæ gloriæ cupidis, deceptoribus, ostentatoribus, qui sibi proposuerunt dispergere, imò verò dissipare agnos Domini. Tu auté, Episcopo, stude vnà cum

clero tibi subiecto, rectè tractare verbum veritatis, quoniam dicit Dominus, Si obliquè contra me ambulatis, & ego contra vos obliquè ambulo. Et alio in loco, Cum sancto sanctus eris, & cum innocente innocens eris, & cum peruerso peruerteris. Sanctè igitur ambulate, vt laude potius à Domino, quàm contrà reprehensione digni iudicemini.

*Leu. 26.
Psa. 17.*

*Quòd oportet Diaconum leuare onus
Episcopi & leuiora gubernare.
Cap. XLVIII.*

CONCORDIAM tenentes, ô Episcopi, pacè inter vos seruate, misericordes & fratrum amantes, accurato studio pascite populum, vnanimi mente docentes vobis subiectos eandem sententiam habere, & idem de iisdem rebus sentire. Ne sint in vobis schismata: sitis autem vnū corpus & vnus spiritus perfectus eadem mente, & eadem sententia secundum Domini mandatum. Atque omnia quidem Diaconus ad Episcopum referat, vt Christus ad patrè refert, sed quæ potest ipse, per se gubernet, accepta ab Episcopo potestate, vt Dominus à patre & creandi & prouidendi potestatem accepit. Grauiora Episcopus iudicet. Verùm esto Diaconus Episcopi auditus, oculus, os, cor, anima. Ne sit in multis sollicitus Episcopus, sed tantùm in præcipuis, quemadmodum Ithor Molen admonuit, & eius consilium probatum fuit,

*Ignat. ad
Trall. ad
Mag. ad
Smym.*

CONSTIT. S. APOSTOLORVM
*Quòd non est conueniens Christiano con-
trouersia, & altercatio.*
Cap. XLIX.

PRÆCLARA Christiani laus est, cum nul-
lo habere negocium. Quòd si ex aliqua ve-
xatione, vel tentatione lis alicui oriatur, curet vt
ea tranligatur, etiam si detrimētum pati debeat:
nec ad Ethnicum iudicium accedat, sed nec pa-
tietur mundanos magistratus de nostris ius di-
cere. Nam per illos diabolus Seruos Dei vexat,
& nobis notam inurit, quasi non habeamus nos
vnum sapientem, qui possit inter partes ius ad-
ministrare, & controuersias componere.

*Quòd non oportet fideles coràm Infidelibus
litigare, neque ex iis aliquem reſtem
vocare aduersus Christianum.*

Cap. L.

NON cognoscant ergo gentes controuer-
ſias, quæ inter vos oriuntur, neque contra
vos infidelium testimonia recipiatis, neque ab
iis iudicari velitis, neque iis aliquid tribuatis cõ-
modi, metusve causa: Sed reddite quæ sunt Cæ-
ſaris Cæſari, quæ Dei Deo: veluti tributum, cen-
ſum, didragmum: quemadmodum Dominus no-
ſter cùm dedisset ſtaterē, molestia liberatus est.
Opta igitur potius detrimentū pati, & iis, quæ
ad pacē pertinent, intende non solū erga fra-
tres, sed etiam erga infideles. Nam si in commo-
dis vitæ iacturam pateris, in iis, quæ ad Deum

Mat. 12.

Mat. 17.

pertinent, damni nihil facis, cum pius sis, & se-
 cundum Christi mandatum viuias. Quod si fra-
tres inter se de iis rebus controuersias habent
(quod ablit) hoc ipso Prapofiti intelligere de-
betis, quod qui tales sunt, fratrum in Domino
officio non funguntur, sed potiùs, infensorum
inimicorum: atque vnus quidem ex ipsis inue-
nietur, mitis, probus, filius lucis, alius verò im-
manis, contumax, iniustus. Condemnatus igi-
tur, mulctetur, segregetur, pœnas odij aduersus
fratrem pendat. Deinde si eum pœniteat, reci-
piatur, sicque castigati homines leuiora vobis
reddent iudicia. Oportet etenim inter se condon-
nare iniurias, non eos, qui iudicant, sed eos, qui-
bus iniuria illata est, quemadmodum Dominus
pronunciauit cum ego Petrus eum interrogas-
sem, Quoties in me frater meus peccabit, & re-
mittam ei vsque septies? Et ipse respondisset,
Non dico tibi vsque septies, sed vsque septuagies
septies. Tales enim Dominus vult suos esse dis-
cipulos, nihilque omnino eos habere aduersus
quenquam veluti effrenatam iram, vel immanẽ
furorem, vel iniustam cupiditatem. Ira pertur-
batos igitur reduce in amicitiam, inimicitias ir-
retitos in concordiam, quoniam ait Dominus,
Beati pacifici, quoniam ipsi filij Dei vocabuntur. „

*Quod oportet in secunda sabbatorum
 cognoscere causas.*

Cap. LI.

IUDICIA vestra fiant in secunda sabbatorum,
 vt si qua controuersia ex sententia vestra oria-

tur vsque ad sabbatum, libera sit vobis facultas, qua possitis illam controuersiam componere, & pacem conciliare inter eos, qui litigant. Adfint autem iudicio Diaconi & Presbyteri integrè iudicaturi, veluti Dei homines cum iustitia. Cum vtraque persona venerit, prout lex iubet, ambo qui litigant, statuatur in medio tribunali, iisque auditis, sanctè iudicium pronunciate: studentes ante sententiam Episcopi, eos conciliare, ne exeat supra terram iudicium in peccatorem, prout in tribunali consortem participemque causæ habet Christum Dei. Quod si qui, eo quod non rectè ambulant in Domino, de blasphemiiis erunt ab aliquo redarguti, eodem modo audite vtramque personam, accusatoris & rei non corrupti muneribus, neque in alteram partem propensi, sed cū iustitia tanquàm vitæ æternæ mortisque sententiam ferentes. Iustè enim (inquit) Quod iustum est, persequeris: nam qui iure à vobis supplicio afficitur, atque eiicitur, à vita, gloriæque æterna expellitur, & apud homines sanctos, infamia notatus, & apud Deum iudicatus habetur.

Dant. 16.

*Quòd non oportet pro omni delicto eandem
pœnam inferre, sed differentem
pro varietate peccati.*

Cap. LII.

NOLITE pro omni peccato eandem sententiam ferre, sed vnicuique propriam pœnâ statuite cum multa prudentia, iudicantes singula

delicta parua ac magna: atque aliter quidē æstimabitur peccatū operis, vel sermonis: aliter propositi vel conuicij, vel suspicionis. Atque alios quidem minis sebiicias, alios subsidiis pauperū, alios ieiuniis affliges, alios segregabis pro delicti magnitudine. Nam lex quoque non omnibus delictis eandem pœnam decreuit, sed aliter puniebat quæ in Deum, & quæ in sacerdotem, & in sacrum, & in hostiam committebantur: aliter quæ in Regem, & Principem, atque ea, quæ in militem, & in subditum æqualē, siue quæ in seruum vel in bona, vel in bruta delinquebantur: & rursus non erat eadem ratio peccati in parentes, atque consanguineos, & non eodem modo vindicabantur, quæ ex proposito fiebant, & quæ casu, atque illis quidem mors per cruceim, vel per lapides pœna statuebatur, iis multa vel verbera, vel talionis pœna. Quare vos quoque diuersis delictis diuersas pœnas imponatis, ne forte aliqua iniuria interueniens, prouocet Deum ad iram. Nam si quod iniustum iudicium exercibitis, eius à Deo mercedem capietis. Sicuti *Matt. 7.*
 enim iudicio iudicatis, iudicabimini.

Quales oporteat esse accusatores, & indices.

Cap. LIII.

SEDENTES igitur pro tribunali, præsentibus ambabus personis (non enim eos dicemus fratres, quousque pacem inter se conciliauerint) exquirite diligenter de iis, quæ in iudicium adducuntur. Et primùm de accusatore, an nunc primùm accusauerit, an aliorum nomen detulerit:

clemens, & ad largiendum paratus.

Quòd fieri potest, vt alicui ex prioribus malis in secundis habeatur fides.

Cap. LIIII.

SI enim ille præteritorū delictorū habet præiudicium, iam ex parte aliqua vera putanda sunt crimina, quæ ei nunc obiciuntur, nisi ius ipsi faueat. Fieri enim potest, vt ille aliquando peccauerit, à præsentis verò crimine innocens sit. Quare in iis diligenter inuigilantes, in reum cautas firmasque sententias proferte: ac si post segregationem is veniã petat, procumbatque Episcopo, & peccatum confiteatur, recipite ipsum, neque illum calumniatorem impunitum dimittatis, ne in alium rectè viuentem calumniam excogitet, nèue aliquem alium inuitet ad eadem faciendū. Neque verò conuictum sine nota relinquatis, ne alius in eadem culpam incidat. Nam nec testis prauorum impunitus manere debet, neque delinquens pœnam effugere.

Quòd non oportet in iudicijs alteram tantum partem audire.

Cap. LV.

DICIMVS non oportere iudicia ex altera tantum parte constituere: nam si vnã tantum personã audiueritis absente altera, neque se defendete aduersus obiectum crimen, temerèque sen-

tentiam damnationis tuleritis, rei interitus, & participes criminatoris esse apud Deum iustū iudicem reperiemini. Nam qui alterius iudicio præest, similis est eius, qui caudam canis manibus tenet. Quòd si Babylonios senes imitati fueritis, qui falso testimonio dicto Susannam morti addixerunt, illorum iudicio ac pœnæ obstructi eritis, quoniam Susannam Dominus per Danielem è manu iniquorum eripuit: eos verò, qui sanguinis illius rei erāt, igni adiudicauit: vos autem per ipsum increpauit, dicens: Sic fatui filij Israël

Dan. 13.

- ” non iudicantes, neque, quod verum est, cognoscetes, condemnastis filiam Israël, reuertimini ad iudicium, quia falsum testimonium locuti sunt contra eam.

Exempla iusti iudicij, externorum iudicium in sententijs castio.

Cap. LVI.

ASPICITE mundana iudicia, quorum potestate videmus tradi homicidas, adulteros, veneficos, sepulchrorum perfossores, latrones: de quibus cū quæsiuerūt præfecti iudicio, ab iis, qui illos in iudicium adduxerunt, demum interrogant reos, an illa ita se habeant? Quibus affirmatibus, non continuò eos ad supplicium mittunt, sed per plures dies quæstiones exercent cū multo consilio, & velo interiecto. Tandem verò is, qui sententiam mortis in reum pronunciaturus est, sublatiis manibus aduersus solem, se innocētē ab illius sanguine contestatur. Quod illi faciunt quan

quanquam Ethnici, & diuini numinis ignari, vltionisque à Deo propositæ propter innocentium damnationem.

Quòd non oportet fideles contra se inuicem aliquid habere. Cap. LVII.

Vos verò cum sciatis quis sit Deus vester, & cuiusmodi sint eius iudicia, quònam modo poteritis prauo animo in aliquem iudicii vestri sententiam ferre: quæ statim à Deo cognoscitur? Ac si iustè iudicatis, iusta præmia capietis nunc & in futurum: si iniustè, paria consequimini. Nos ergo fratres consulimus vobis, vt à Deo potius laudem, quàm vituperationem consequi velitis: quoniam laus hominum à Deo vita æterna est, quemadmodum cōtrà mors æterna paratur. Quare estote iusti iudices, pacifici, iracundia vacantes: nam qui sine causa irascitur fratri, reus erit iudicio. Quòd si accidat ex casu *Eph. 4.* aliquo commoueri vos in aliquem, sol non occidat super iracundiam vestram. Irascimini (inquit *Psal. 4.* David) & nolite peccare. hoc est cito conciliamini, ne ira confirmata, recordatio offensionum fiat, & peccatum efficiat. Animæ enim recordantium mala in mortem, inquit Solomon. Dicit autem Dominus noster & Saluator Iesus Christus in Euangelio, Si offers donum *Mat. 5.* tuum ad altare, & ibi recordatus fueris quòd frater tuus habet aliquid contra te, dimitte ibi munus tuum ante altare, & vade prius & reconciliare fratri tuo, & tunc veniens offer donum tuum. Donum autem, quòd Deo offertur, est cu-

iusque oratio & Eucharistia, Quare si quid aduersus fratrem tuum habes, vel ipse aduersus te, nec orationes tuæ exaudientur, neque Eucharistiæ tuæ recipientur propter subiectam iracundiam. Oportet autem assidue orare fratres. Sed quoniam Deus eos, qui in iracundia iniuste cum fratribus inimicitias habent, non exaudit etiam si ter in hora orauerint: ideo necesse est omnes inimicitias, & animi imbecillitatem deponere, ut corde puro & immaculato orare valeamus. Quanquam inimicos quoque diligere Dominus præcepit: minimè verò amantes odio habere. Et legislator inquit, Non odio habebis omnem hominem: non habebis odio fratrem tuum mente tua: redargutione redargues fratrem tuum, & non accipies per ipsum peccatum: non odio habebis Aegyptium, quoniam advena fuisti apud eum: non odio habebis Idumæum, quoniam frater tuus est. Et Dauid dicit. Si retribuui retribuendis mihi mala. Quare si vis Christianus esse, sequere legem Domini: solue omne vinculum iniquitatis: in te enim Dominus potestatem reposuit dimittendi peccata fratri, quæ in te commissa sunt usque septuagies septies, hoc est ad quadringenta nonaginta. Quoties igitur dimisisti fratri tuo, ut nolis eidem etiam nunc dimittere? Quanquam Zachariam audiistis dicentem, Vnusquisque malum proximi vestri ne cogitetis in cordibus vestris. Tu verò tamen iniuriarum memor es, & conseruas inimicitias, & ad iudicium vocas, atque iram respicis, & oratio tua impeditur. Quod si quadringentas nonaginta offensio-

Leu. 19.

Deut. 23.

Psal. 7.

Zach. 8.

nes dimisisti fratri tuo, tamē auge præterea mā-
fuetudinem tuam in bonitatem per te ipsum : &
quāuis ille nō faciat, tu tamē stude dimittere
proximo, vt efficiaris filius Patris tui, qui est in
cælis, & cūm oraueris, exaudiaris tanquām ami-
cus Dei.

*Quòd oportet Episcopus ea, quæ pertinet ad pa-
cē, suggerere laicis per Diaconos. Ca. LVIII.*

IDEO, o Episcopi, cūm ad orationē peruenietis
post lectionē, post psalmodiam, post Scriptu-
rarum doctrinam, Diaconus astans prope vos,
alta voce dicat, Ne quis cōtra aliquem: Ne quis
in hypocrisi. Vt si inter aliquos dissentio reperta
fuerit, cōscientia perculsi rogent Deum, cōciliē-
tūrque cum fratribus, Etenim si domum aliquam
intranses ante omnia dicere debēt, Pax huic do- *Matt. 10.*
mui, veluti pacis filij, pacem largientes iis, qui
ea digni sunt, vt scriptum est, vicinis & longin-
quis, quos nouit Dominus, quòd sunt sui, mul-
tò magis eos, qui Ecclesiam Dei ingrediun-
tur. Oportet in primis pacem precari. Quòd si
quis aliis eam precatur, multò magis ipse in pa-
ce reperiatur, veluti filius lucis. Nam, qui il-
lam in se non possidet, non est dignus, qui eam
aliis concedat. Ideò opus est vt in primis habeat
pacē ipse. Nam, qui ipse secū non dissidet, neque
cum alio cōtendet, sed erit pacificus, amicabile,
cōgregans quæ Domini sunt, cooperatur eius fa-
ctus ad multiplicandū ei illos, qui salui fiunt in
concordia. Qui enim inimicitias & dissidia ex-
cogitant, nec non contentiones ac iudicia, im-
probi & alieni à Deo iudicantur.

*Connumeratio variæ providentiæ, & quem-
admodum Deus à principio per quamlibet
generationem vocavit omnes ad pœ-
nitentiam. Cap. LIX.*

DEVS enim cùm misericordiæ Deus sit, à principio singulas generationes ad pœnitentiam vocavit per iustos ac Prophetas. Atque illos quidem, qui ante diluuium fuerunt, per Abel, & Sê, & Seth, præterea per Enos, & per Enoch, qui fuit translatus, instituit: eos, qui in diluuiio reperti sunt, per Noë: qui erant Sodomis, per hospitalem Lot: eos, qui post diluuium nati sunt, per Melchisedech, per Patriarchas, per sanctum Iob: qui in Aegypto fuerunt, per Mosen: Israëlitas per eundem Mosen, & per Iesum Leb, Phinees & reliquos: eos, qui post legem fuerunt, per angelos, & per Prophetas: eosdem per propriam incarnationem ex Virgine factam: illos, qui fuerunt paulò ante eius corporalem manifestationem, per præcurso- rem Ioannem: eosdem per eundem, etiam post natiuitatem ipsius (Dicebat enim, Pœnitentiam agite, appropinquauit enim regnum cœlorum) eos, qui post eius passionem fuerunt, per nos duodecim, & per vas electionis Paulum. Nos ergo, qui digni facti sumus, ut essemus testes aduentus ipsius cum Iacobo frater Domini, & aliis septuaginta duobus, & septem Diaconis eius ex ore Domini nostri Iesu Christi audiui- mus, & perfectè scientes dicimus, quæ sit voluntas Dei bona, placens & perfecta per Iesum Christum nobis demonstrata, ut nullus intereat, sed vni-

Mat. 3.

Iacobus frater Dni
p. no. fuit de. 12.
apostolis i. d. 1.
lib. 6. c. 12.

uersi homines vnanimi sentētia credentes ei, & vnanimē laudē ferentes in eū, viuant in æternū.

Quòd voluntas Dei est, vt omnes homines sint concordēs in pietate ad imitationem cœlestium Virtutum.

Cap. LX.

Hoc est enim illud, quod docuit nos Dominus dicere Patri suo, cū oramus, Fiat voluntas tua sicut in cœlo & in terra, vt quemadmodum cœlestes naturæ incorporearum virtutum omnes concorditer glorificant Deum, ita & in terra omnes homines vno ore, vnôque affectu glorificent solum Deum, vnum, ac verum per vnigenitum Christum. Voluntas igitur sua est laudari ipsum concorditer, adorari vnanimiter. Ea est enim voluntas ipsius in Christo, vt multi sint, qui saluentur in ipso. nec ei damnū demus, neque Ecclesiam extenuemus, neque numerum minuamus per vnā animam hominis à nobis interemptam, quæ cū potuisset saluari per pœnitentiam, periit non modò per propriam iram, sed etiam per vestras insidias, & impleuistis quod scriptum est, *Qui non congregat* *Matt. 12.* *meum, dispergit.* Ac cum talis dissipator fueris, eris etiam ouium aduersarius, Dei inimicus, agnorum corruptor, quorum Dominus pastor fuit: nos congregatores ex variis gentibus & linguis in multo labore, in periculo, in fatigatione assidua, in vigiliis, & ieiuniis, humi cubationibus, persecutionibus, plagis, carceribus, vt Dei voluntati obsecuti implemus tricliniū recum-

bentium, hoc est sacram & catholicam Ecclesiã
gaudentibus & exultantibus iis, qui sunt vocati:
laudantibusque, & glorificantibus Deum, qui
illos per nos ad vitam vocauit. Vos igitur quoad
per vos fieri potuit, disperistis, vos verò laici pa-
cè inter vos seruate, studentes Ecclesiam ampli-
ficare, & eos, qui putantur agrestes, ad illam re-
ducere: mansuefacere, atque restituere. Eaque
summa promissionis merces à Domino propo-
nitur. Si separaueris ab indigno dignum, & pre-
ciosum, quasi os meum eris.

100. 3.

*Descriptio Ecclesiæ & Cleri, & quid vnus
quisque ex cōgregatis Clericis & Laicis in
Synaxi facere debeat. Cap. LXI.*

Tv verò, ô Episcopo, esto sanctus, vacans cul-
pa, nō percussor, nō iracundus, nō immanis,
sed ædificator, cōuerfor, paratus ad docendū, pa-
tiens, benignus, mitis, longanimis, monitor, cō-
solator tanquàm Dei homo. Cùm verò Ecclesiã
Dei conuocas, veluti magnæ nauis gubernator,
iube cū omni sciëntia cœtus celebrari, præcipiens
Diaconis tanquàm nautis, vt disponant loca fra-
tribus, tanquàm Epibaris cū omni diligētia & san-
ctitate. Ac primùm sit longa domus, ad Orientē
cōuersa, ex vtrāque parte p̄astophoria habens ad
Orientem, quæ nauis habeat similitudinem: In
eius medio sit Episcopi sedes, ad cuius vtrūque
latus conlideant Presbyteri, & Diaconi assistant
succincti & expediti. Hi enim sunt ad nauarum
& muralium præfectorum similitudinem. Ho-
rum cura laici in altera sedeant cū omni quiete

& ordine: mulieres quoque separatim sedeāt, si-
 lentium seruātes. Medius Lector è loco superio-
 ri stans, legat libros Mosis, Iesu Nauæ, Iudicum,
Regnorum, Paralipomenon de reditu: præterea
Iob, Solomonis, sexdecim Prophetarum: seruata
lectionum vicissitudine. Alius Dauid hymnos
canat, & populus initia versuum concinat. Post
hæc acta nostra, & Epistolæ Pauli cooperantis
 nostri, quas ad Ecclesias misit secundum institu-
 tionē Spiritus sancti. Deinde Diaconus vel Pres-
 byter legat Euāgelia, quæ ego Matthæus, & Ioā-
nes vobis tradidimus, & cooperatores Pauli Lu-
cas, & Marcus accepta vobis reliquerūt. Ac cū
Euangeliū legitur, omnes Presbyteri, Diaconi,
& Laici assurgant cū magno silentio: Scriptum
 est enim, *Tace & audi Israël.* Et rursus, *Tu verò*
hîc sta, & audies. Deinde verò moneāt Presby-
 teri populū, vt sedeat, sed non omnes, ac postre-
 mus omniū Episcopus, qui gubernatori est simi-
 lis. Maneāt autē Hostiarii ad introitus virorum,
illos custodiētes: Diaconissa ad introitus femi-
narū more nauticorum custodū. Nam in taber-
 naculo testimonii eadē seruabatur forma cū po-
 pulo Deo. Si quis inueniatur extra locū sedere,
inrepetur à Diacono veluti proreta, & in suū
locū reducatur. Nō solū enim nauis, sed etiam
 mādræ habet Ecclesia similitudinē: nā sicut pa-
 stores pecudes, capras inquā, & oves secūdū ge-
 nera & ætates separāt, & quælibet sui generis si-
 miles sequitur, sic in ecclesia iuniores seorsū se-
deāt si fuerit locus, alioqui maneāt recti, grādio-
res natu ordine sedeāt, pueros stātes recipiāt eo-

Deut. 27.
et. 5.

rum patres & matres. Adolescentulæ rursus, si sit locus, seorsum maneat: cæteroqui post mulieres stent: nuptæ, & quæ iam liberos habent, seorsum maneat: Virgines & viduæ & anus primæ omnium vel stent, vel sedeat. Diaconus autem loca videat, ut quilibet ingrediens in suum locum concedat, ac præter decorum ne sedeat. Eodem modo Diaconus attendat in populo ne quis murmuret, neue conuiueat, vel nutet. Oportet enim in Ecclesia accuratè, sobriè, vigilanter manere, attentas aures habentem ad Domini sermonem. Post hæc omnes simul assurgentes, & ad Orientem conuersi post Catechumenorum, & pœnitentum exitum supplicent Deo cælum cæli tenenti, idque ad Orientem, in memoriam veteris possessionis Paradisi ad Orientem positi, unde primus homo contempto mandato, serpentis consilio obtemperans, expulsus fuit. Diaconi, absoluta oratione, alij oblationi Eucharistiæ sint intenti, ministrantes corpori Domini cum timore, alij turbas videant, quietemque illis imperent. dicat autem qui assistit Pontifici diaconus populo, NE QVIS CONTRA ALIQUEM. NE QVIS IN HYPOCRISI. deinde salutet inter se viri, & inter se mulieres osculo in domino, sed caueant ne quis dolose id faciat quemadmodum Iudas dominum osculo tradidit. Postea diaconus oret pro omni Ecclesia, proque vniuerso Mundo: pro suis partibus ac membris, item pro sacerdotibus, pro Principibus, pro Pontifice, pro Rege, atque pro cõmuni pace. Deinde Põtifex populo precatu pacè, eidè

benedicat, quemadmodum Moses mandauit sacerdotibus, vt benedicerent populo his verbis,
 „ Benedicat tibi Dominus, & custodiat te, ostendat Dominus faciem suam super te, & det tibi pacem. Item Episcopus oret, ac dicat, Saluum fac Domine populum tuum, & benedic hæreditati tuæ, quam possedisti, & acquisiisti precioso sanguine Christi tui, & vocasti regale sacerdotium, & gētem sanctam. His perfectis sacrificium peragatur astante omni populo atque secretò orante. Ac postquàm oblatum fuerit, accipiāt singuli per se, ordine, dominicum corpus, & preciosum sanguinem gradatim cum pudore, ac timore tanquàm ad Regis corpus accedētes: mulieres quoque velato capite, quemadmodū eas decet, ordine accedant. Custodiantur portæ, ne quis infidelis, vel nondum initiatus ingrediatur.

*De commendatis peregrinis Laicis, Clericis,
 Episcopis. Cap. LXII.*

SI quis venit à parœcia frater: vel soror commendatitias literas afferens, cognoscat de iis Diaconus: exquirens, an fideles sint, an Ecclesiastici, an ab hæresi non deprauati: & rursus sit nupta vel vidua, atque ita cùm perspexerit illorū statum, quòd sunt verè fideles & concordēs in dominicis rebus, deducat vnūquēque in conuenientem sibi locum. Si Presbyter à parœcia venerit, recipiatur à Presbyteris in communionem: Si Diaconus, recipiatur à Diaconis: Si Episcopus, vnà cùm Episcopo sedeat, & eundem ab illo obrinens honorem. Rogabisq; eum, ô Episcope,

vt sermones habeat ad populum ad docendum
 accommodatos, peregrinorum enim adhortatio,
 & admonitio valde accepta, atque vehementer
 utilis esse consuevit. Nullus enim Propheta, in-
 quit, acceptus est in patria sua. Permittes etiam ei
 Eucharistiam offerre: si propter reuerentiam ve-
 luti sapiens, scilicet honorem tibi reseruans, no-
 luerit Eucharistiam offerre, coges eum vt vel po-
 pulo benedicat. Si cum sedet is, alius quidam in-
terueniat honestus & clarus in vita peregrinus,
vel indigena: tu Epilcope, qui fortè vel verbum
Dei prædicas, vel Cantorem aut Lectorem au-
dis, noli illius personæ obsequio ministeriū ver-
bi relinquere, vt illi primū confessum præcipias,
sed mane quietus non interrumpens sermonem,
vel auditionem tuam: fratres autem per Dia-
conos eum recipiant. Si locus desit, Diaconus ex-
citato eo, qui iunior fuerit, non tamen iram ad-
hibens, sed persuasionem, illum in sede collocet.
 Est autem æquum vt beneuolus frater id per se
 faciat. Quòd si renuerit, illum vi deturbatū post
 omnes statuatur, vt discant reliqui præstantioribus
 cedere. Si inops aliquis vel obscurus, vel aduena
 venerit, siue senex, siue adolescens ætate is sit, lo-
 cūque desit, ei locum ex toto corde prouideat
 Diaconus, ne personis gratificari videatur, sed à
 Deo ministerij gratiam inire. Idem seruet Dia-
 conissa cum aduenientibus mulieribus pauperi-
 bus siue diuitibus.

Quòd oportet manè & vespere cœtus fre-
quentare. Cap. LXIII.

CVM doces, ô Episcopo, iube & hortare populum Ecclesiam frequentare manè ac vespere quotidie, nunquamque abesse omnino, sed assidue vnumquemque cōuenire, nec Ecclesiam mutilare se ipsum subtrahētem, neque truncum Christi corpus reddere. Non enim solū de sacerdotibus dictum est, sed quilibet Laicus de se id audiat cogitans dictum à Domino, Qui non est mecum, contra me est: & qui non congregat mecum, dispergit. Nolite ergo vos, mēbra Christi cum sitis, dispergi, cœtus non celebrādo, Christum caput habentes, secundum promissionem suam, adiunctum & consociatum vobis. Nec ipsi vosmet negligatis, neque Saluatorem propriis membris destituatis, neq; eius corpus scindatis, neque ipsius membra dissipetis, neq; huius vitæ necessaria diuino verbo anteponatis, sed quotidie cōueniatis manè ac vespere psallentes atque orantes in dominicis, manè dicentes Psalmum sexagesimum secundum, vespere centesimū quadragesimū, maximè verò hoc seruetis in sabbato & in die resurrectioni dicato. Verū in die dominico diligētius conuenite, laudem Deo laturi, qui per Iesum cuncta condidit, & illum ad nos misit, atq; mori permisit, & à mortuis excitauit. Nam quam excusationē asserre potest Deo, qui in hoc die non conuenit ad audiendū salutarem de resurrectione sermonem, in quo tres orationes stantes concipimus in memoriam illius, qui tertia die resurrexit, in quo Prophetarum lectio habetur, & Euangelij predicatio, & sacrificij oblatio, atque sacri cibi dispensatio?

*Exemplum nos ad imitationem inducens, du-
ctum ex Græcorum, & Iudæorum vano
concurſu ad templa, & Synagogas.*

Caput LXIIII.

QUOMODO non hostis Dei habendus est
iis, qui in temporalibus diu noctūque
est occupatus, æterna verò contemnit? ac balnea
quidem & caducum cibum quotidie frequentat,
que verò perpetuò manent, non curat? **Quomo-**
do non dicet Dominus huic, Iustificata sunt gen-
Matth. 11. tes supra vos: quemadmodum Israëlī imprope-
rans dicebat, Iustificata est Sodoma ex te. Nam
si gentes de somno quotidie excitatæ concurrūt
ad Idola, vt illa venerentur, & priusquàm opus
actionémve aliquam instituunt, illis supplicat,
& à festis celebritatibúſque eorum se non sub-
ducunt, sed in iis sunt intenti non solūm indige-
næ, sed etiam qui longè absunt, atque in Theatra
tanquàm in Synagogas cōueniunt. Eodem mo-
do qui frustra Iudæi nominātur, post sex dierum
cessationem, septimo die in Synagogam conue-
niunt, & vacationis Synagogæque suæ rationem
habent (qui tamen in sua infidelitate virtute ver-
bi sunt priuati, præterea verò ipsius nominis, quo
appellantur, vim proprietatémque amiserunt,
Iudas enim, confessio est, ij autem non sunt cō-
fidentes Deo, cū Christi passionem per scelus
effecerint, vt per pœnitentiam salutem adipiscā-
tur) si igitur qui non saluantur in iis, quæ sine fru-
ctu faciunt, sunt assidui: tu qua excusatione vte-
ris cum Deo, qui Ecclesiam eius derelinquis, nec

gentes imitaris: sed eo derelinquis, vel quia te das ignauix, vel quia deficere cogitas, vel alicui malo studes. Quibus dicit Dominus per Ieremiam, Iustitias meas non custodistis, sed neque secundum iustitias gentium ambulastis: paulò minus & superastis illos. Et rursus, Iustificauit animam meam Israèl ab incomposita Iudæ, & deinceps, Si mutabunt gentes deos ipsorum, & ij non sunt dij, quoniam pertransistis ad Insulas Chetim, nisi & videtis. Et in Cedar misistis. & cogitate vehementer si facta sunt hæc, quoniam illa non mutât sua legitima, populus etiam meus mutauit gloriam ipsius, de qua non iuuabitur. Ergo qua defensione vtetur is, qui negligit, vel deserit Ecclesiam Dei?

Hæc sententia est in Ez. 16. Terem. 3. Ierem. 2.

Quòd nefas est res mundanas diuinis præferre.

Caput LXV.

QUOD si quis occasionè proprij operis opponens, negligens fuerit, excusando excusationes in peccatis: sciat is, artes fidelium succisivas, propriam eorum operam, pietatem esse. Artes igitur vestras in succisuiuis subsecundariisq; operis ponite, vt victui vestro inseruiant: opere autem pietatem colite, quemadmodum Dominus dicebat, Operamini nõ cibum, qui perit, sed manentem in vitam æternam. Et rursus, Hoc est opus Dei vt credatis in eum, quem misit ille. Conamini igitur nunquam Ecclesiam Dei relinquere. Quòd si quis ea neglecta, in gentium cõscelerata templa fuerit ingressus, vel in Iudæorũ Synagogam, vel Hæreticorum, is quam excusa-

Ioan. 6.

tionem apud Deum inueniet in die iudicij? quia verba Dei viuentis reliquit, viuentia ipsa vitamque tribuentia, quæ possunt æterno supplicio liberare, & ad adæm Dæmoniorum se contulit, vel ad Synagogam interfectorum Christi, vel ad Ecclesiam malignantium, non audito eo, qui dixit,

Psal. 25.

Psal. 1.

Odi Ecclesiam malignantium, & cum iniqua gerentibus non ingrediare. Et rursus, Beatus vir, qui non ambulauit in consilio impiorum, & in via peccatorum non stetit, & in cathedra pestilentium non sedit, sed in lege Domini voluntas eius, & in lege eius meditabitur die ac nocte.

Tu verò relicto Fidelium cœtu, Dei Ecclesia ac legibus, respicis speluncas latronum, sancta ducens, quæ ille nefaria esse voluit, & communia faciens, quæ ille, separauit: non solùmque in factis, sed etiam ad Græcorum ludos curris, & ad Theatra properas, expetens vnus ex venientibus eò numerari, & particeps fieri auditionum turpium ne dicam abominabilium: nec audisti Ieremiam dicentem, Domine non sedi in consilio ludentium, sed timui à conspectu manus tuæ. neq;

Ier. 15.

Iob. 31.

Iob dicentem similia, Si verò & cum irrisoribus ambulauit aliquando, appendor enim in statera iusta. Quid verò cupis Græcos sermones percipere hominum mortuorum, afflatu Diaboli tradentium ea, quæ mortem asserunt, fidem euerunt, ad deorum multitudinē credendam inducunt eos, qui ad illa attentionem adhibent. Vos verò diuinis legibus inuigilantes, vitæ huius necessitatibus putate eas præstantiores, maioremque iis honorem deferetes, conuenite ad Eccle-

siam Domini, quam acquisiuit sanguine Christi dilecti primogeniti omnis creaturæ. Ea est enim altissimi filia, quæ parturit nos per verbum gratiæ, & formauit in nobis Christum, cuius participes facti sacra membra existitis, & electa, non habentia maculam neque rugam, neque aliquid huiusmodi, sed tanquam sancti & irreprehensibiles in fide perfecti estis in ipso, secundum imaginem eius, qui creauit vos. *Eph. 5.*

Quòd oportet declinare omnes Græcorum impietates. Cap. LXVI.

CAVETE igitur ne conuentus celebretis cum iis, qui pereunt, quæ est Synagoga gentium ad deceptionem & interitum. nulla est enim societas Dei cum Diabolo : nam qui congregatur vnà cum iis, qui cum Diabolo idem sentiunt, vnus ex ipsis connumerabitur, & væ habebit. Fugite quoque indecora spectacula, Theatra (inquam) & Græcorum ludos, incantationes, ariolationes, vaticinia, lustrationes, aruspicinam, auguria, necromatiam, inuocationes: quoniam scriptum est, Non erit augurium in Iacob, neque vaticinium in Israël. Et rursus, Augurium peccatum est. Et alibi, Non augurabimini, & ariolationes, diuinationes, & Pythones non sequimini, lustratores non acquiretis. Ideo monet Ieremias, dicens, Secundum vias gentium ne ambulaueritis, & à signis cæli ne timueritis. Propterea oportet fidelem fugere impiorum cætus Græcorum ac Iudæorū, reliquorūq; Hæreticorum, ne vbi vnà cum eis degimus, animis nostris laqueos *Deut. 18.*
Ier. 10.

nostris laqueos paremus, & ne vbi in eorum festis versamur, quæ in honorem Dæmonum celebrantur, cum eis habeamus societatem impietatis. Vitandi quoque sunt illosum mercatus, & qui in iis fiunt ludi. Fidelem enim oportet ad mercatum tantum comparere, vt corpusculum emat, & animam acquirat, atque alia quædam ad vsus necessarios comparet. Vitare igitur omnem Idolorum pompam, speciem, mercatum, conuiuia, gladiatores, denique omnia dæmoniaca spectacula.

Quòd non oportet otiosum comedere. sicuti Petrus Piscator, & alij Apostoli: Paulus verò & Aquila scenas faciebant, Iudas, & Iacobus agricolæ erant. narrat Hegesippus & Tertullianus Romanus.

Cap. LXVII.

QVI in Ecclesia iuuenes estis curate in omnibus rebus necessariis sedulo ministrare, cum omni sanctitate operis vestris vacate, vt omni tempore, & vobis & egentibus suppeditare possitis, ne Ecclesiâ Dei oneretis. Etenim nos quoque vacantes verbo Euâgelij succisinas operas non negligimus. Alij enim ex nobis piscatores sunt, alij scenarum artifices, alij agricolæ ne vnquam otiosi simus. Dicit autem quodam in loco Solomon, Vade ad formicam, ô piger, & imitare videns vias ipsius, & fias illa sapientior. Illi enim cum agricolatio non sit, neque cogentem

Prov. 6.

» tem habeat, neque Domino subdatur, parat in
 » ætate cibum, multamque in messe facit congre-
 » gationem. Et accede ad apem, & disce quàm
 » operaria sit, & opus quàm graue negocietur, cu-
 » ius labores Reges & idiotæ ad sanitatem adhi-
 » bent. est autem desiderabilis & gloriosa quem-
 » admodum est viribus infirma. Et deinceps, Quo-
 » usque tandem piger iacebis, quando de somno
 » excitaberis, parum dormis, parum sedes, paulu-
 » lum dormitas, paulum autem suffarcinas mani-
 » bus pectora, postea adest tibi sicut malus viator
 » paupertas, & egestas tanquàm bonus cursor. Si
 » verò impiger fueris, veniet sicut fons messis tua,
 » & egestas tanquàm malus vir transfugiet. Et
 » rursus, Qui laborat terram suam, replebitur pa-
 » nibus. Et alio in loco, Piger complicat manus
 » suas, & comedit carnes suas. Et deinceps, Abscõ-
 » dens piger manus suas, non poterit applicare ad
 » os suum. Et rursus, Propter pigritiam manuum
 » humiliabitur contignatio. Laborate ergo assi-
 » duè, est enim otiosi reprehensio irreparabilis.

*Prou. 12.
 Eccl. 4.*

Prou. 19.

Eccl. 10.

Si quis non laborat, hic apud vos non
manducet, otiosos enim odit Do-
minus Deus noster: Nemo
enim ex iis, qui Deo va-
cant, esse debet
otiosus.

CONSTITVTIONVM
SANCTORVM APO-
STOLORVM B.

CLEMENTE RO-
MANO AV-
CTORE,
LIBER TERTIVS.

De Viduis. Caput I.

1. ad Tim. 5



VIDVAS constituite non
minores annis sexaginta,
vt quodammodo propter
illarum atatem sitis certi
eas bigamix suspitione va-
care. Si iuniorem in vi-
duali statu constitueritis,
& illa non ferens in iuuentute viduitatem, nu-
pserit, dedecorabit gloriam vidualis gradus, &
rationem Deo reddet, non quoniam secundas
nuptias secuta est, sed quoniam suam professio-
ne non seruauit, luxuriata Christo. Quare oport-
et non temere facere professionem, sed cum
consilio & consideratione: praestat enim eam
non vouere, quam vouere & non reddere. Si au-
tem aliqua adolescentior sit, quae cum breui tem-
pore virum suum habuerit, illumque vel per obi-
tum, vel per aliquam aliam occasionem amiserit, per
se manere voluerit, donum habens viduitatis, bea-
ta haec inuenietur imitata Sidoniam illam vi-
duam in Sarephtha, cuius hospitio sanctus Dei
propheta Helias est usus. Talis mulier similis erit
Annæ filiae Phanaelis de tribu Aser, quae à tem-

Eccl. cap. 5.

3. Reg. 17.

plo non discedebat diu noctúq; inuigilans precibus, & supplicationibus: quæ nata annos octuaginta quatuor, à virginitate cum viro vixerat annos septem, Christique aduentum glorificans, confitebatur Domino, & loquebatur de illo omnibus, qui expectabant redemptionem in Israël. Quæ talis fuerit, testimonio accepto honorabitur, adepta in terra apud homines gloriã, & in cælo apud Deum æternam laudem.

*Quòd cauendum est à constitutione
Vidux iunioris propter suspi-
tionem. Cap. II.*

ADOLESCENTIORES Vidux ad vidua-
lem statum ne ordinentur, ne fortè ea occa-
sione, qua non possunt florem ætatis cohibere,
ad secundas nuptias descendentes, negocium ha-
beant. Adiuuentur autem & subleuentur, ne oc-
casionem modestiæ carnis, ad secundas nuptias de-
lapsæ, in re indecora detineantur. Nam hoc quo-
que scire debetis, quòd primæ nuptiæ, si legitimæ
sint, iustæ censentur, vt quæ secundum Dei vo-
luntatem sunt. Bigamia post professionem, ini-
qua habenda est, non propter coniunctionem,
sed propter mendacium. Trigamia incontinen-
tiæ est argumentum. Id, quod supra trigamiam
fit, manifesta fornicatio iudicatur, & non dubia
intemperantia. Deus enim vnã mulierem vni
viro tradidit in creatione, Erunt enim duo in
carne vna. Adlescèntioribus verò post primi viri
obitum concedatur secundus, ne incidant in iu-
diciũ Diaboli, & in laqueos multos, atque in

CONSTIT. S. APOSTOLORVM
libidines insanas inutilésque animis, quæ sup-
plicium potius, quàm iucunditatem afferunt.

*Quales esse oporteat Viduas, & quomo-
do adiuuandæ sint ab Episcopo.*

Caput III.

VERÆ sunt Viduæ, quæ vni nuptæ fuerūt plu-
rimorum testimonio probatæ, bonis ope-
ribus intentæ: viduæ re vera temperatæ, castæ,
fideles, piæ, quæ bene liberos educauerunt, &
laudabiliter hospites receperunt, quibus opem
ferre oportet tanquàm Deo dicatis. Sed etiam
pauperum, ô Episcope, memor esto, ipsis quo-
que adiutricem manum præbens, curamque eo-
rum suscipe veluti Dei æconomus, opportuno
tempore vnicuique tribuens, quæ sibi sunt ne-
cessaria, viduis, orphanis, vitæ subsidia non ha-
bentibus, & in tribulatione constitutis.

*Quòd cuilibet indigenti bene facere
oportet. Cap. IIII.*

QUID enim si quædam Viduæ non sint, &
quidam vxoribus non careant, cum tamen
subsidio egeant ob inopiam, vel ob morbum,
vel ob liberos alendos, omnes debes respicere,
omnium curam suscipere. Nam qui dona dant,
non præcisè illa destinant viduis, sed in vniuer-
sum conferunt, voluntaria ea appellantes: quo-
tu sciens eos, qui præmuntur, vt bonus æcono-
mus diligenter impertias eis de munere. Deus
enim cognoscit eum, qui dedit, quamuis absens
per te egentibus impertiat: atque ille quidem

habet beneficentiæ mercedem, tu verò probatæ
 œconomix laudem: dícque illis, quis dederit, vt
ex nomine pro eo orare valeant. Oportet enim
omnibus hominibus benefacere, non facientes
delectum huius quisnam sit, vel illius. Inquit *ENC. 6.*
 enim Dominus, *Omni petenti te da.* nimirum
 re vera egenti, etiam si amicus sit, etiam si ini-
 micus, si consanguineus, si alienus, si sine vxore,
 „ si cum vxore viuat. In omni enim scriptura Do-
 „ minus de pauperibus præcipit per Isaiam, Fran- *Cap. 58.*
 „ ge esurienti panem tuum, & egenos vagósque
 „ introduc in domum tuam. Si videris nudum,
 „ cooperi illum, & propinquos seminis tui ne def-
 „ pexeris. Et per Daniëlem dicit potenti, Ideo *Cap. 4.*
 „ Rex consilium meum placeat tibi, & peccata
 „ tua eleemosynis redime, & iniquitates tuas in
 „ miserationibus pauperum. Et per Solomonem, *Prou. 14.*
 „ inquit, Per eleemosynam & fidem purgantur
 „ peccata. Et per Dauid rursus ait, Beatus qui
 „ intelligit super inopem, & pauperem, in die ma-
 „ la liberabit eos Dominus. Et rursus, Dispersit *Prou. 19.*
 „ dedit pauperibus, iustitia eius manet in sæculum.
 „ Et Solomon inquit, Qui miseretur pauperis,
 „ Domino fœneratur, & secundum donum ipsius
 „ retribuetur ei. & deinceps, Qui obtura taures *Prou. 21.*
 „ suas, ne audiat indigentem, & ipse inuocabit, &
 „ non erit, qui exaudiat eum.

*Quòd oportet Viduam probitati mo-
 rum studere. Cap. V.*

SIT omnis vidua mitis, placida, proba, mali-
 tia expers, non iracunda, non loquax, non

vociferatrix, non procax, non maledica, non verborum auceps, non bilinguis, non curiosa.

Si quid vidit vel audiuit, quod fuerit minùs re-
ctum, perinde sit, atque si id non viderit, nec au-
diuerit: neque vlla alia res viduæ sit curæ, quàm
orare pro iis, qui subsidia ministrant, & pro vni-
uersa Ecclesia. Si quid ab aliquo rogetur, nolit

facilè respondere, nisi in iis, quæ ad fidem, iu-
stitiam, spem in Deo habendam pertinent, reii-
ciatque ad præpositos, illos, qui in disciplina
pietatis institui volunt, eaque sola respondeat,
quæ faciunt ad euertendum errorem de Deo-
rum multitudine, explicetq; rationem de vnus
Dei principatu: de reliquis non temerè respon-

Mat. 13.

pondeat: ne si quid indoctè dixerit, blasphemiam
impingat verbo. Grano enim sinapis simile
esse verbum Dominus docuit: id verò ardorem
habet, quo si quis imperitè vtatur, amarum in-
ueniet: oportet enim in mysticis non prodito-
rem esse, sed cautum: admonet enim nos Do-

Mat. 7.

minus dicens, Nolite proiicere margaritas ve-
stras ante porcos, ne fortè conculcent eas pedi-
bus, & conuersi dilanient vos. Nam infideles si
audiant sermonem de Christo non perfectum,
sed imminutum, & maximè eum, qui de incar-
natione atque passione habetur, deridebunt nos
veluti eos, qui falsa opinantur. Itaque rea fiet te-
meritatis & blasphemix Præsbytera, & væ ha-
bebit: Væ enim (inquit) ei, per quem nomen
meum blasphematur in gentibus.

Is. 52.

Ad Ro. 2.

Quòd non oportet mulierem docere: indecorum est enim, & quæ mulieres sequebantur Dominum. Cap. VI.

NON permittimus igitur mulieres in Ecclesia docere, sed tantum orare, & magistros audire. nam magister ipse & Dominus Iesus Christus cum nos duodecim ad docendum populum gentesque misisset, nusquam mulieres misit ad prædicationem, quanquam non deerant. Erat enim nobiscum mater Domini, & sorores eius, præterea Maria Magdalena, & Maria Iacobi, & Martha, & Maria sorores Lazari & Solome, & quædam aliæ. Nam si necesse fuisset mulieres docere, ipse primus iis quoque præcepisset, ut vnà nobiscum populum instituerent. Si enim caput mulieris vir est, non est æquum ut reliquum corpus capiti imperet. *Intelligat vidua se Dei altare esse, sedeatq; domi apud se, non frequentans fidelium domos cum occasione aliquid capiendi: altare enim Dei non circumcursat, sed in vno loco stabile manet. Igitur virgo quoque, & vidua non circumcursent, neque vagentur per alienas domos, quoniam vagæ impudentesque non consistunt vno in loco, eo quod non viduæ sed peræ potius sunt, paratæ ad capiendum, garrulæ, maledicæ, contentiones ferentes, impudentes, inuerecundæ: quæ sunt huiusmodi, non habendæ sunt dignæ illo, qui eas vocauit. Nam ad communem Synagogæ quietem in die dominico non conueniunt, ut ii, qui vigiliant, sed vel dormitant, vel garrunt, vel lenoci-*

I. Cor. 14.

S. Ign. ad
Tarsen.S. Ign. ad
Phylad.

nantur, vel petunt, vel alios captiuos faciunt, inducentes eos ad malum, neque permittentes sobrios in Domino esse, sed ita illos præparant, vt tales excant, quales intrauerunt, scilicet inanes, cum non audiant eos, qui docent, neque qui legunt verbum Domini. De iis enim Isaias propheta inquit, Auribus audietis, & non intelligetis: & videntes videbitis, & non cognoscetis: incrustatum est enim cor populi huius.

Quales sint falsæ Viduæ. Cap. VII.

EODEM modo talium viduarum obturatae sunt aures cordis, ne intra suos parietes sedentes, cum Domino colloquia habeant, sed circumcursantes, animo quæstum per nugas faciendi, aduersarij desideria expleant. Tales igitur viduæ non pertinent ad Christi altare: sunt enim viduæ, quæ in opere hanc rem ponunt, & quod impudenter petunt, & ultra modum capiunt: ideo iam multos ad dandum segniores reddiderunt: nam cum deberent propter modestiam propositi, Ecclesiasticis rebus esse contentæ, per ditium domos circumcursantes, pecuniã extorquunt, sibi cumulantes, atq; acerbo fœnore mutuam dant, nihilque præter mammonam curant: quarum Deus crumena est: quæ escam & potum omni virtuti anteponunt dicentes, Comedamus, & bibamus, cras enim morimur. Nam, quæ in quærenda pecunia est exercitata, pro Deo mammonam colit, hoc est quæstui seruit. Deo autem grata esse non potest, neque eius cultui inseruire, cum

nequeat assiduè illum interpellare, ad parandam pecuniam mente animoque intenta: quoniam vbi est thesaurus, ibi & cor suum. Cogitat enim aliquò accedere quæstus gratia, vel quòd illa sua amica eius oblita est, & aliquem sermonem ad illam referre oportet. Quæ vero talia cogitat, nõ potest orationi intenta esse, sed occurrenti cogitationi. Ideò quamuis aliquando pro aliquo orare velit, non exaudietur: non enim ex toto corde offert orationem Domino, sed distracta cogitatione. Quæ verò vult Deo intendere, intus sedens cogitat quæ sunt Domini, diu noctuque incessabili ore offerens preces mundas. *Jud. 9.* Ut igitur sapientissima Iudith temperantiæ testimonio commendata, diu noctuque supplicabat pro Israël Deo: sic similis illi vidua continuatans pro Ecclesia interpellationem Deo offeret, quæ illam exaudiet: quoniam eius mens ad hoc solum fixa est, neque ad sumptuosam cupiditatem, neque ad insatiabilitatem se proiicit. Huius casti sunt oculi, aures purgatae, manus purae, pedes quieti, os neque ad ingluuiem, neque ad loquacitatē paratum, sed loquens quantum est opus, capiēs quæ sunt solum ad conseruandam naturam necessaria. Ita cum grauis fuerit & sedata, grata erit Deo & simul accipiet aliquid, præueniet eam concessio. Adhuc enim te, inquit, loquere, dicam, Ecce adsum. *Isa. 52.* Talis cum sit, careat auaritia, superbia, turpi lucro, ne sit insatiabilis, ne gulosa, sed continens, mitis, quieta, verecunda, pudens, domi sedens, psallēs, orans, legens, vigilans, ieiunans, ex omni parte cum Deo colloquia habens, canticis & hymnis:

Luc. 21.

lanam accipiens, aliis potius ministret, quàm ipsa ab aliis petat : memor commendata à Domino, in Euangelio viduæ, quæ cum ad templum accessisset, misit in gazophylacium duo minuta, hoc est quadrantem : quam intuitus cordis scrutator Christus Dominus, & magister noster dixit, Amen dico vobis, quòd hæc vidua plusquàm
 „ omnes in gazophylacium misit, quoniam omnes
 „ ex abundantia miserunt, hæc ex eo quod deest il-
 „ li, totum quem habebat victum misit. Sanctas
 „ igitur viduas esse oportet, obediens Episcopis,
 Presbyteris & Diaconis, eam Diaconissas venerantes, verètes, timentes, non libertate vtentes, neque contra mandatum aliquid facere volentes, præter sententiam Diaconi: veluti si pergere velit ad aliquem, vt apud eum comedat, & bibat, vel si ab aliquo quidpiam capiat. Quòd si iniusta aliquid horum fecerit, puniatur ieiunio, vel segregetur veluti temeraria.

*Quòd non oportet ab indignis capere, neque
 viduam, neque Episcopum, neque
 alium fidelem.*

Cap. VIII.

QUID enim scit qualis sit ea, à qua accipit, vel à quali ministerio victum suppeditat? num de rapina, vel de aliquo non honesto studio? ignorat vidua quòd de vnaquaque harum rerum rationem Deo reddet, recipiens quæ Deo sunt indigna. Nam neque sacerdotes talis mulieris voluntariam oblationem vnquam recipient, veluti furis vel meretricis. Scriptum est enim, Non

concupifces res proximi, & non offeres mercedem meretricis Domino Deo. Non est igitur à talibus capiendum, neque etiam ab excommunicatis. Sint autem viduæ paratæ ad obediendum iis, quæ eis à præpositis sunt præcepta, & ad præscriptum Episcopi faciant, veluti Deo obediētes. nā qui ab huiusmodi excōmunicato, vel extra Synagogam eiecto accipit, & pro tali orat, qui in malis perseverare sibi proponit, nec aliquando vult ad pœnitentiam redire, communicat cum eo in oratione, & offendit Christum, qui impios declinat, & confirmat cum per indignam largitionem, & contaminat se cum eo, nō finens illum ad pœnitentiam venire, vt ingemiscat, & roget Deum.

*Quòd non oportet mulieres baptizare:
impium est enim, & à Christi doctrina alienum.*

Cap. I X.

DE mulieribus autem an hæc baptizare debeant, significamus vobis, quòd non paruum periculum imminet eis, quæ hoc faciunt. Ideo non consulimus: periculosum est enim, in dō iniquum & impium. Nam si mulieris caput est vir, is verò ad sacerdotium promouetur, non est æquum opificium contemnere, & principium relinquentem, ad infimum corpus venire. Mulier enim viri corpus est, de costa conflatum, subiectumque illi, à quo est abscissum ad filiorū pro-

1. Cor. 15.

creationem. Ipse enim inquit, Tui dominabitur. Principium enim mulieris vir est, quoniam eius est caput. Quòd si in præcedentibus docere eas non permisimus, quomodo quis eas præter naturam sacra facere concedat? Hæc est enim inscitia ad Græcorum impietatem pertinens, fœminis deabus sacrificulas instituere. Sed non est Christi ordinationis proprium: nam si à mulieribus baptizandum fuisset, omnino Dominus à propria matre baptizatus fuisset, non à Ioanne: aut cum nos ad baptizandum misit, vnà nobiscum ad id mulieres misisset. nunc autem id nusquam ordinauit, neque scriptum reliquit, cognoscens & naturæ conuenientiam, & rei ipsius decorum, vt qui naturæ auctor erat & ordinationis legislator.

Quòd non oportet laicum sacerdotale officium facere, baptisma, sacrificium, manus impositionem, & benedictionem.

Cap. X.

SED neque laicos concedimus aliquod sacerdotale munus exercere, veluti sacrificium, baptismum, manus impositionem, vel benedictionem magnam, siue paruam. Non enim sibi quis sumit honorem, sed qui vocatur à Deo. Nam per Episcopi manus datur hæc dignitas. Qui vero ad eam promotus non est, sed eam sibi usurpat, Oziæ pœnam sustinebit.

*Quòd excepto Episcopo vel Presbitero, nemini
ex reliquis clericis concessum est, sacerdotalia
exercere: ordinare autem soli Episcopo
conuenit: alij nemini.*

Cap. XI.

Sed neque reliquos clericos baptizare permit-
timus, veluti Lectores, Cantores, Ostiaros, mi-
nistros: sed solos Episcopos, & Presbyteros, mi-
nistrantibus illis Diaconis. Qui hoc ausi fuerint,
Coritarum supplicium patientur. Non concedi-
mus autem Presbyteros ordinare Diaconos,
Diaconissas, Lectores, ministros, Cantores, Osti-
arios, sed solos Episcopos: is est enim ordo, &
harmonia Ecclesiastica.

Dehortatio ab Inuidia.

Cap. XII.

DE Inuidia, obtrectatiõe, detractione, simul-
tate, contentione antea dictum est vobis,
quòd hæc à Christianis aliena sunt, maximè vi-
duis: quoniam quidem agitator diabolus mul-
tiplex, variúsque cum sit, de non viduis trium-
phum quærit, veluti olim de Cain. Quædam
enim viduas se esse dicunt, officia autem digna
viduitate non faciunt, quemadmodum nec Cain
fraterna iusta faciebat. Ignorant enim quòd non
viduitatis nomen in regnum ipsas introducet,
sed fides vera & opera sancta. Si verò aliqua no-
men viduitatis possideat, aduersarii studia exer-
ceat, viduitatis eius ratio non habebitur, sed re-

gno expulsa, eterno supplicio tradetur. Audimus enim quasdam esse viduas obrectatrices, inuidas, calumniatrices, dolentes aliorum commodis. Tales Christi non sunt, neque eius doctrinae discipulae. oportebat enim eas, cum conuidua ab aliquo vestitur, vel argentum capit, vel cibum, vel potum, vel calceamenta, videntes sororem recreatam dicere.

Quomodo oporteat viduas orare pro ministrantibus vitae subsidia.

Cap. XIII.

BENEDICTVS es Deus, qui consolatus es viduam: Benedic Domine & glorifica ministrantem ei & opus eius, vt ascendat in veritate ad te, & memor esto eius in bonum in die visitationis suae. Et Episcopo, qui bene ministravit & docuit, opportunam cleemosynam nude conuiduae meae fieri, addas gloriam, & des ei coronam gloriae in die reuelationis visitationis suae. Eodem modo vidua, quae misericordiam accepit, precetur pro eo, qui victum ipsi ministravit.

Quod non oportet gloriari, & esse ferre suum nomen eam, quae fructificat secundum Domini ordinationem.

Cap. XIIIII.

ILLA tamen, quae benefecit, occultet proprium nomen, veluti sapiens, non canens tuba coram

- se, vt sit eleemosyna in occulto apud Deum, sicut
 ” dicit Dominus, Cū facis eleemosynā, nō cogno- *Matt. 6.*
 ” scat sinistra tua quod facit dextera tua, vt eleemosyna tua sit occulta: & vidua oret pro eo, qui dedit. quicumque tandem ille sit, cū sanctum Christi altare referat, & Pater in occulto vidēs, beneficienti in aperto reddet. Sed quæ secundum Dei mandatum viduę viuere nolunt, exquirere student, quæ sit illa quæ ministravit, & quæ accepit, quod cū cognouerint accusant ministrantem illam dicentes, Nesciebas quod ego eram tibi viciniore, & quod magis egebam quàm illa? Cur igitur anteposuisti eam mihi? Hæc dicit stulta, non intelligens non hominis voluntate id factum, sed diuino consilio. Nam cū ipsa testetur se viciniorem & maiori inopia oppressam, magis que nudam fuisse, etiam animaduertere debuit, diuinam ordinationem, tacitamque, non accusantem præbitricem illam, domum ingredi, & in faciem procumbentem rogare Deum vt remittatur sibi peccatum. Deus enim facienti bonum præcepit, ne opus bonum peruulgaret. hæc autem illam accusauit quod suum nomen non indicauit, vt illo cognito ad capiendum posset accurrere, ac non solum accusauit, sed etiam illi maledixit, oblita eius, *Gen. 12.*
 ” qui dixit, Benedicens tibi, benedictus est: & ma- *Matt. 10.*
 ” ledicens tibi, maledictus. Dicit autem Dominus, Cum intraueritis in domum, dicite, Pax huic domui: & si fuerit ibi filius pacis, pax vestra requiescet super eum: Si non fuerit dignus, pax vestra ad vos reuertetur.

Quòd indecorum est conuicio afficere proximum: alienum enim Christiano est maledicere.

Cap. XV.

QUOD si pax ad eos redit, qui eam miserunt, cum ipsa dignos non inuenerit, multo magis maledictum in caput illorum reuertetur, qui iniuste id miserunt, cum non sit dignus ut in maledictum incurrat is, in quem est iactum. Nam qui inaniter conuicium facit, ipse sibi maledicit, ut ait Solomon, *Quemadmodum aues volant, & passeret, ita maledictum vanum, in neminem superueniet.* & rursus dicit, *Qui profertur contumelias, insipientissimi sunt.* Atque ut apes robore suo imbecilla, ubi aliquem percussit, amittit aculeum, sicque sterilis: eodem modo vos iniuriam, quam in alios facitis, in vos ipsi recipitis. Lacu enim aperuit, & effodit eum, & incidet in foueam, quam fecit. *Qui fodit foueam proximo, incidet in eam.* Igitur qui maledictum fugit, alteri ne maledicat. Nam quod in te fieri non vis, nec tu id in alium feceris. *Quare castigate inobedientes: increpate inuerecundas: hortamini pusillanimes: confirmate infirmas: laudate in sanctitate ambulantes: benedicant potius, & non conuiciantur: pacem componat, & non excitent bellum.* Quare nec Episcopus, nec Presbyter, nec Diaconus, neque alius quisquam de sacro numero, maledicto linguam contaminet, ne pro benedictione consequatur

Prov. 26.

Prov. 10.

Prov. 26.

Eccle. 10.

maledictionem. Adhibeat autem studium diligentiãque, vt nec laicus maledictum proferat.

Omnium enim curam suscipere debet Clericorum, virginum, viduarum, laicorũ. Ideo, ò Episcopo,

coadiutores vitæ tuæ, & iustitiæ operarios Diaconos Deo acceptos gratosque elige,

quos ex omni populo probatos iudicas esse dignos, & ad vsus ministerii idoneos. Elige quoque

Diaconissam fidelem & sanctam ad mulierum ministeria, nam accidit aliquando, cùm in

aliquorum domos Diaconum ad mulieres mittere non potes, propter infideles, mittes igitur

mulierem Diaconissam propter improborum cogitationes, nam ad multos vsus muliere Diaconissa indigemus: ac primùm cum illuminantur

mulieres, Diaconus vngit frontem ipsarum oleo sancto, deinde Diaconissa eas abstergit. Nõ

est enim necesse mulieres aspici à viris, sed solum in manus impositione caput illius vngit Episcopus,

quemadmodum sacerdotes, & Reges antiquo tempore vngebantur. non quòd, qui nunc

baptizantur sacerdotes ordinantur, sed quòd à

» Christo Christiani dicuntur: regale sacerdotium, *1. Pet. 2.*

» & gens sancta. Ecclesia Dei, columna & firma-

» mentum thalami sponsi: qui aliquando non populus, nunc autem dilecti & electi, super quos

inuocatũ est nomẽ ipsius nouũ, vt testatur Isaias *Isa. 62.*

propheta dicens, Et vocabunt populum nomen eius nouum, quod Dominus nominabit eum.

De diuina initiatione sancti Baptismi.

Cap. XVI.

H

T ergo, Episcopo, illa figura vnges caput illorum, qui baptizantur, siue ii viri sint, siue mulieres, oleo sancto in figuram spiritualis baptismi. Deinde vel tu Episcopus, vel tibi subiectus Presbyter sacram super ipsos dicens ac nominans inuocationem patris & Filij, & Spiritus sancti, baptizabis eos in aqua: ac virum suscipiat Diaconus, mulierem Diaconissa, vt decore traditio infrangibilis sigilli administretur. Postea Episcopus liniat baptizatos vnguento.

Quam causam habeat baptismus in Christum cum assignatione cause eorum, que in eo dicuntur, ac fiunt.

Cap. XVII.

DATUR igitur baptismus in mortem Iesu, aqua pro sepultura: oleum pro Spiritu sancto: sigillum pro cruce: vnguentum est confirmatio professionis, mentio fit Patris vti cause & mittentis: Spiritus sancti vti testis: demersio significat quod commorimur: emersio quod resurgimus. Pater qui est super omnia Deus, Christus vnigenitus Deus, dilectus Filius, gloriæ Dominus, Spiritus sanctus, Paracletus, qui à Christo mittitur & ab illo docetur, & illum prædicat.

Qualis esse debeat is, qui initiatur.

Cap. XVIII.

Qvi baptizatur sit ab omni impietate alienus, mortuus peccato, amicus Dei, hostis

Diaboli, hæres Dei Patris, cohæres filij sui, qui abrenunciauerit Satanæ & Dæmonibus, & fraudibus suis, castus, mundus, sanctus, pius, filius Dei orans tanquàm filius patrem & dicens vt à communi fidelium conuentu in hunc modum, Pater noster, qui es in Cœlis, sanctificetur nomē tuum: Fiat voluntas tua sicut in Cœlo & in Terra. Panem nostrum super substantialem da nobis hodie, & dimitte nobis debita nostra, sicut & nos dimittimus debitoribus nostris: Et ne nos inducas in tentationem, sed libera nos à malo. Quoniam tuum est regnum, virtus, & gloria in sæcula. Amen.

Pater noster

Qualis debeat esse Diaconus.

Cap. XIX

SINT Diaconi nulla ex parte reprehendendi, quemadmodum & Episcopus: tantum sint faciliores, accommodari ad multitudinem Ecclesie, vt infirmis ministrare valeant, veluti operarii, qui pudore non deterreantur. Ac mulier quidem mulieres curare studeat: vterque nunciandi, curfandi, ministrandi, inseruendi officia absoluar, vt de Domino Isaias dicebat iis verbis, Iustifica *Isa. 53.* iustum bene seruientem multis. Vnusquisque igitur suum locum agnoscat, & eum expleat diligenter, concorditer, vnanimiter, cognoscens Diaconatus mercedem. Sint Diaconi à pudore alieni in ministrando egentibus, quæadmodum Dominus noster nõ venit ministrari, sed ministrare, & dare animã suã in redemptionẽ pro multis. Idem ipsos facere oportet: quanquã animã pro

fratres exponere opus foret, nolint dubitare: nam Dominus & Saluator noster Iesus Christus non dubitauit animam suam ponere (vt ipse inquit) pro amicis suis. Quod si cœli & terræ Dominus omnia propter nos pertulit, quomodo vos ministrare indigentibus verebimini? cùm eius imitatores esse debeatis, qui seruitutem, paupertatem, plagas, crucem propter nos est passus. Quare oportet vos quoque vt Christi imitatores inseruire fratribus. Qui vult enim (inquit) inter vos esse magnus, sit vester minister. Et qui vult inter vos esse primus, sit vester seruus: Ita enim ille opere præstitit vt inseruiret multis, nõ sermone, nam cum accepisset linteum præcinxit se, deinde misit aquam in pleuim, nobisque recumbentibus accedens, omnium nostrum lauit pedes, & linteo absterxit. Quod faciens demonstrabat nobis fraterni amoris charitatem, vt nos quoque inter nos idem faceremus. Cum igitur dominus noster ac magister adeo semet exinaniuerit, quare ratione vos pudebit idem facere in infirmos, & imbecillos fratres, cùm sitis operarij veritatis, & pietatis patroni? Ministrare igitur amanter, non murmurantes, nec discordias excitantes: nõ enim propter homines hæc facitis, sed propter Deum, & ministerij mercedem ab illo consequemini in die visitationis vestræ. Necessè est igitur vos Diaconos omnes inuisere, qui quidẽ visitatione opus habent, & de oppressis referre Episcopo vestro. Vos enim anima eius sensusq; esse debetis, prompti, & obediens in omnibus rebus ei, vt Episcopo vestro & patri, ac magistro.

Mat. 20.

”

Quòd à tribus, vel duobus Episcopis debet
ordinari Episcopus, & non ab vno:
irritum est enim.

Ca. XX.

EPISCOPVM mandamus ordinari à tribus
Episcopis, vel ad minus à duobus: non licere
autem ab vno vobis constitui: nam duorum vel
trium testimonium firmitus, tutiusque existit.
Presbyterum, & Diaconum, & reliquorum cle-
ricum ab vno Episcopo. Nec Presbyterum neque
Diaconum iubemus ordinare ex laicis clericos,
sed Presbyterum tantum docere, offerre, bap-
tizare, benedicere populo: Diaconum mini-
strare Episcopo, & Presbyteris, hoc est,
diaconatum exercere, non
tamen reliqua
peragere.

Presbyteri officia
Diaconi officia

H iij.

CONSTITVTIONVM
SANCTORVM APO-
STOLORVM B. CLE-
MENTE ROMANO
AVCTORE,
LIBER QVARTVS.

De Orphanis. Cap. I.



SI Quis Christianus Orphanus fiat, siue puer, siue virgo, bene erit si aliquis ex fratribus carens liberis puerum suscipiat, & filij loco habeat. virginem verò, qui filium habuerit ducendæ vxori idoneum, ei in matrimonium collocet: hoc enim qui faciunt, opus magnum præstant, orphanorum patres facti, & à Domino Deo consequentur huius officii mercedē. Quòd si quis secundum gratiam hominum ambulans despexerit, cum sit diues, orphanatus membra, orphano quidem providebit orphanorū pater, & viduarum iudex: illi verò occurret aliquis, qui ipsius parsimoniam deuorabit: fietque in illum, quod dicitur, Quæ non comederunt sancti, comederunt Assyrij sicut Isaias dicit, Viduam vestrā coràm vobis, alieni deuorant eam.

*Quomodo Episcopus debeat orphanis
providere. Cap. II.*

Vos, Episcopi, solliciti estote de eis alendis, in nullo deficientes, orphanis præstantes munera parentum, viduis virorum, adultis nuptias, artificio opus, infirmo misericordiam, esurienti cibum, sitienti potū, nudis vestitum, ægrotis medicinam, in carcere inclusis opem. Præterea verò maiorem curam de orphanis suscipite, ne quid illis desit: virgini quoad ad nubilem ætatem perueniat, & eam in matrimonium fratri detis: puero vt sit subsidium, quo artem discat, & alatur ex ministerio: vt cùm in arte profecerit, tunc possit artis instrumenta sibi emere, ne amplius molestus sit veræ fratrum erga se charitati, sed sibi suppeditet. Etenim verè beatus dicendus est is, qui cum possit sibi in sumptus ministrare, orphani, viduæ, & aduenæ locum non occupat.

*Quibus debeant subsidia ministrari secundum
Domini mandatum.*

Cap. III.

QVONIAM & Dominus beatiorem esse dixit Act. 20.
eum, qui dat, quàm qui accipit. Etenim rursum ab eo dictum est, Væ habentibus, & in hypocritis accipientibus, vel iis, qui sibi opitulari valent, & ab aliis accipere volunt, vterque reddet rationem domino Deo in die iudicii. Nam qui vel propter pupillarem ætatem, vel propter senectutis imbecillitatem, vel propter morbi casum, vel propter filiorū numerū capit, nō solūm

reprehēdendus non est, sed etiam laude dignus cēletur. Pro altari enim deo dicato existimatus, à Deo honorem consequetur, diligenter & assidue pro iis, qui ei præbent, preces fundens, qui non segniter accipit, sed doni quoad potest gratiam refert per orationem. Talis igitur homo in vita æterna à Deo beatitudinem consequetur. Qui verò de suo habet, & propter hypocrisim capit, vel propter inertiam, cùm tamen laborando aliis opem ferre debuisset, Deo pœnas dabit, quoniam pauperum escam surripuit.

De Avaritia. Cap. IIII.

Eccle. 6.

Prov. 11.

NAM qui argētum habet, & aliis non impartitur, nec ipse vitur, serpentis locum obtinet, quem aiunt in thesauris dormire: & de eo vera est Scriptura, quæ ait, Cōgregauit diuitias, ex quibus non comedet, & nihil ei proderunt pereunti à vindicta. Non enim iuuabunt, inquit, existentes in die iræ: nam qui talis est, in Deum non credit, sed in aurum, existimās illud Deum, & in illo confidens. Veritatis hypocrita is est, personarum acceptor, perfidus, dissimulato, timidus, debilis, leuis, facilis, morosus, tristis, sibi infestus, nemini amicus: huius pecuniæ peribūt, & vir aduena eas consumit, vel à viuo sublatas, vel illo mortuo perceptas: diuitiæ enim iniuste congregatæ euomentur.

Cum quali timore oporteat dominicarum collectorum participem esse. Cap. V.

MONEMVS igitur viduas & orphanos, vt cum omni timiditate, ac verecundia percipiant de iis, quæ ipsis præbentur, gratiasque agant Deo, qui dat esurientibus escam, & in eum oculos attollant. Quis enim, inquit, vestrum comedet, vel quis bibet sine ipso? Ipse enim aperit manum suam, & implet omne animal benedictione, frumentum adolescentibus, & vinum virginibus, & oleum in hilaritatem viuētium, fenum iumentis, herbam seruituti hominū, carnes bestiis, semina auibus, & omnibus accommodatam escam. Ideo, inquit Dominus, Videte volatilia cœli, quoniam non seminant, neque merunt, neque congregant in horrea, & Pater vester nutrit illa: nonne illis meliores estis vos? Nolite igitur esse solliciti dicentes, Quid comedemus, quid bibemus: nouit enim Pater vester, quod iis omnibus indigetis. Cum igitur tanta prouidentia vobis consulat, bonaque ab illo percipiatis, laudibus efferre debetis orphanum & viduam suscipientem, omnipotentē Deum per dilectum filium eius Iesum Christum Dominū nostrum, per quem gloria Deo in spiritu & veritate in sæcula Amen.

Quorum oblationes recipienda sint, & quorum non sint. Cap. VI.

EPISCOPVM scire oportet quorum debeat recipere fructus, & quorū non debeat. Cauendi enim sunt illi in capiendo caupones: non iustificabitur enim caupo à peccato. De iis Isaias improperans Israëlī dicebat, Caupones tui mi-

„ scent vinum aqua. Fugienda quoque sunt scorta:
 non offeres enim Domino mercedem meretricis. Rapaces quoque vitadi, & rerum alienarum
 Dent. 23. cupidi, & adulteri: abominabilia enim horum
 sacrificia sunt apud Deum. Sed etiã opprimen-
 tes viduas, & orphanum affligentes, & carcerem
 implentes innocentibus. Illi quoque, qui seruos
 suos malè tractant, verberibus inquam & fame,
 atque acerba seruitute: fugiendi quoque sunt ti-
 bi, ô Episcopo, ij, qui ciuitates totas perdūt, quo-
 rum oblationes sunt abominandæ. Vitabis quo-
 que deceptores, & Rhetores iniuriã defenden-
 tes, idolorum artifices, fures, iniustos, publica-
 nos, pondera & mensuras fraudantes, militem
 calumniatorem non contentum stipendiis, sed
 pauperes concutientem. Homicidam quoque &
 carnificem, iudicemque iniustum, rerum euerso-
 rem, hominum insidiatorem, in sceleribus ver-
 satum, ebrium, blasphemum, cinædum, scenera-
 torem, denique quemcunque improbum & Dei
 voluntatis aduersarium: quoniam inquit Scri-
 ptura, tales homines apud Deum esse abomina-
 biles. Nam qui ab iis aliquid capiunt, & alunt de
 eo viduas, & orphanos, rei in iudicio Dei effi-
 cientur: quemadmodum Adonias in libro Re-
 3. Reg. 13. gnum, Propheta cum Deo non paruisset: pan-
 „ nẽmque comedisset, & aquam bibisset in loco à
 „ Domino prohibito, propter impietatem Hiero-
 „ boami, à Leone est interemptus. Nam viduæ
panis labore partus iustior est, quamuis paucus
& exiguus, eo, qui de iniquitate & calūnia quaeritur,
quamuis multus sit, & elaboratus. Inquit

- » enim Scriptura, Melius est modicum iusto, super *Psal. 36.*
 diuitias peccatorum multas. Quòd si ab impiis
 pasta vidua, & satura facta, pro eis supplicauerit,
 non exaudietur, quoniam scrutator cordiũ Deus
 » cum iudicio pronuntiauit de impiis dicens, Si *Isa. 15.*
 » steterit Moyses & Samuel ante faciem meam pro
 » eis, non exaudiam ipsos: & tu ne ores pro po-
 pulo isto, & noli misereri eorum, & non accedas
 ad me pro ipsis, quoniam non exaudiam te.

*Quòd indignorum oblationes quousque ij
 tales manserint, non modò Deum non
 placant, sed potius contrà illum ad
 iram prouocant. Cap. VII.*

VERVM etiam ij, qui in peccatis versantur, nisi
pœnitentiam egerint, non solum non exau-
diuntur, cum supplicat, sed etiam Deum irritant,
in memoriam ei reducẽtes suam improbitatem.

- Vitate igitur talia ministeria, tâquàm canis pre- *Deut. 23.*
 tium, & mercedem meretricis. Vtrunque enim
 in lege est prohibitũ: nam nec Elifeus ab Azæle, *4. Reg. 8.*
 munera allata accepit, nequẽ Achias à Ieroboa-
 mo. Quòd si Dei Prophetæ ab impiis oblata *3. Reg. 11.*
 munera reiecerunt: item vos reiicite, ô Episco-
 pi, Sed etiam Simon Magus mihi Petro, & Ioan-
 ni pecunia afferens, conatus est pretio inæsti-
 mabilem gratiam emere, quibus reiectis, execra-
 tionibus perpetuis illum deuinximus, quoniam *Act. 8.*
 donum Dei non beneuolentia erga Deum, sed
 » pecunia existimauit possideri. Fugite ergo obla-
 » tiones altaris Dei à mala conscientia prouenien-

Isa. 54. tes, quoniam, Abstine, inquit, ab iniusto, &
 non timebis, & pavor non appropinquabit tibi.

*Quòd præstat de proprio labore viduis sup-
 peditare, quamuis pauca, & exigua,
 quàm ab impijs multa, & magna:
 præstat enim fame perire, quàm ab im-
 pijs oblationem accipere.*

Cap. VIII.

SED si dicatis quòd ij sunt, qui elemosynas
 dant, à quibus nisi capiatur, non erit, vnde vi-
 duis ministretur, & inopes populi alantur: au-
 dietis à nobis quòd ideo accepistis donum Le-
 uitarum, vt suppeditaretis, & vobis, & egètibz,
 ac ne inopia laborantes ab improbis caperetis.

Psa. 140. Quòd si aded egebunt Ecclesiæ, præstat perire,
 quàm ab inimicis Dei aliquid capere in contu-
 meliam & irrisionem amicorum eius. Nam de
 iis Propheta dicit, Oleum peccatoris non im-
 pinguet caput meum. Probatione igitur talium
 facite, atque ab iis, qui sanctè viuunt, capite, &
 oppressis præbete, ab iis, qui foris sunt, nolite
 capere, priusquam Ecclesiæ membra efficiantur.
 quòd si desit quòd detur, significa fratribz,
 ex quorum collectis ministra orphanis, & vi-
 duis in iustitia.

*Quòd oportet incitari populum à sacerdote
 ad benefaciendum pauperibus, vt
 sapiens Solomon dicit.*

Cap. IX.

- ” **D**ic populo tuo quæ sapiens Solomon ait, *Prov. 3.*
 ” Honora Dominum de tuis iustis laboribus,
 ” & primitias da illi de tuis fructibus iustitiæ, vt
 ” impleantur horrea tua repletionem frumenti, vi-
 no torcularia tua redundant. Quare de iusto la-
 bore fidelium alite, & vestite inopes, & quæ ex
 eo, vt ante dictum est, cogitur pecunia, statuite
 vt conferatur in redemptionem sanctorum, li-
 berantes seruos, captiuos, vinctos, ignominia
 notatos, damnatos propter nomen Christi de
 Tyrannorum sententia ad monomachias & ad
 ” mortem. Inquit enim Scriptura, Libera qui du-
 ” cuntur ad mortem, & redime occisos, ne parcas. *Prov. 24.*

*Constitutio vt si quis impius vi obtu-
 dat pecuniam sacerdotibus, in ligna,
 & carbones eam consumant,
 & non in victum.*

Cap. X.

SI necesse sit aliquando ab aliquo impio inui-
 stos pecuniam capere, in ligna & carbones
 illam consumite, ne vidua, vel orphanus de ea
 fumens, cogatur præter phas cibum, vel potum
 sibi emere: æquum est enim talia quæ ab impiis
 veniunt, ignis pabulum, non piorum escam fieri.
 Hæc quoque lex præcipit, quæ sacrificium se-
 rotinū non comedendum appellat, & igni con-
 sumi iubet: non enim sua natura mala sunt, quæ
 offeruntur, sed sententia illorum, qui illa addu-
 cunt. Hoc verò præcipimus, ne omnino vite-
 mus illos, qui ad nos accedūt, cū sciamus con- *Leu. 19.*

fuetudinem sæpè piorum impiis vtilem esse, obesse tantum cultus, & superstitionis societatem. Hæc hæctenus, dilecti, dicta sint vobis propter cautionem vestram.

De Parentibus, & filijs. Cap. XI.

PATRES instituite filios vestros in Domino, educantes eos in disciplina atque præceptis Domini, erudientes in artibus idoneis, atque accommodatis verbo, ne otio lasciuiantes, & à parentibus non correpti, atque ante tempus libertatem adepti, honestati aduersentur. Quare ne vereamini eos grauius castigatos corripere: non enim occiditis eos cum castigatis: quin potius seruatis illos, vt Solomon in Sapia inquit, Castiga filium tuum, & requiescere te faciet, hic enim erit tibi bonæ spei: tu enim virga percuties eum, animam autem eius à morte liberabis, & idem, Qui parcat baculo, odit filiū. Et alio in loco, Tunde latera ipsius dum est infans, ne aliquando induratus non obediat tibi. Qui igitur negligit admonere & castigare filium, cum odio habet. Docete ergo filios vestros sermonē Domini, corripite verberibus, obsequētes facite ab infantia, erudientes eos sacris literis vestris, diuinisque: atq; in omni diuina Scriptura instituentes, attendentes, ne in vos potestatem habeant præter vestram sententiam, cum æqualibus in conuiuū non permittentes eos cōferre. Ita enim in intemperatiam labentur & in fornicationem incident. Et si parentum incuria id patientur, genitores rei illarum animarum fient. Si enim ne-

Prov. 23.

”

”

”

Prov. 13.

”

Eocl. 30.

”

6

gligentia parentum filij cum intemperantibus peccati consuetudinē habebunt, non solū ipsi intemperantes erunt, sed etiam pro eis parentes iudicabuntur. Ideo date operam vt cū ad adultam ætatem peruenerint, matrimonio iungantur, ne illi feruore ætatis in consuetudinem fornicandi incurrant, cuius vos in die Iudicij rationem Domino Deo essetis reddituri.

De Seruis, & Dominis. Cap. XII.

DE Seruis quid præterea dicere possumus, nisi quod seruus beneuolentia prosequatur Dominum, quamuis impium, quamuis improbum? non tamen concordiam cum eo habeat religionis. Et Dominus diligat seruum, ac quamuis illo prester, tamen se æqualem iudicet quatenus homo existit. Qui fidelem habet Dominū, saluo eius dominio, diligat vt Dominum, vt eiusdem fidei consortem, vt patrem, non vt seruus ad oculum, sed vt Domini studiosus, & amans: sciens Deum sibi redditurum seruitutis mercedem. Eodem modo Dominus fidelem habens seruum, salua sibi seruitute, diligat vt filium, vel vt fratrem propter fidei societatem.

In quibus oporteat subiectos esse mundanis potestatibus. Cap. XIII.

OMNI Regno, ac Magistratibus subditi estote in eo, quod Deo placet, tanquā Dei ministris, & impiorum vltoribus: timorē illis debitum præstate, omne vectigal, omne tributum,

67

CONSTITVTIONVM
SANCTORVM APO-
STOLORVM B.

CLEMENTE RO-
MANO AV-
CTORE,

LIBER QVINTVS.

De Martyribus. Caput I.



I QVIS Christianus pro-
pter nomē Christi, & cha-
ritatē erga Deum, ac fidem
ab impiis ad ludos, aut ad
bestias, aut ad metallum
fuerit damnatus: illum ne
deseratis, sed de labore atq;
sudore vestro illi in victum mittatis, & militibus
in stipendium, vt subleuetur, & cura aliqua cola-
tur, atque, quantum in vobis est, ne ærumnis præ-
matur beatus frater vester. Nam qui propter no-
men Domini Dei condemnatur, is Martyr san-
ctus est, frater Domini, filius Altissimi, habitacu-
lum Spiritus sancti, per quem vnusquisque fide-
lis illuminationem gloriæ sancti Euangelij ac-
cepit, eo quòd meruit incorruptibilem coronam
martyrij passionum ipsius, & societatem sangui-
nis ipsius, cõfiguratus morti Christi in adoptio-
nem filiorum.

» riu enim & dedistis mihi manducare : sitiui, &
 » dedistis mihi bibere : hospes eram, & collegistis
 » me : nudus, & cooperuistis me : infirmus eram,
 » & visitastis me : in carcere eram, & venistis ad
 me. Tunc respondebunt ei iusti dicentes, Do-
 mine quando vidimus te esurientem, & aluimus:
 vel sitientem, & dedimus tibi bibere : quando te
 vidimus nudum, & cooperuimus: vel infirmum,
 & visitauimus : quando te vidimus hospitem, &
 collegimus : vel in carcere, & accessimus ad te?
 Et respondens dicet eis, Quod fecistis vni ex iis
 fratribus meis minimis, mihi fecistis. Et ibunt ij
 in vitam æternam. Tunc dicet iis, qui à sinistris
 erunt, Discedite à me maledicti in ignem æter-
 num, qui est paratus Diabolo, & angelis suis.
 » Esuriui enim, & non dedistis mihi manducare:
 » sitiui, & non dedistis mihi bibere : hospes eram,
 » & non collegistis me : nudus, & non cooperui-
 » stis me : infirmus, & in carcere, & non visitastis
 » me. Tunc respondebunt & ipsi dicentes, Domi-
 ne quando te vidimus esurientem, vel sitientem,
 vel hospitem, vel nudum, vel infirmum, vel in car-
 cere, & non ministrauimus tibi? Tunc respon-
 debit eis dicens, Amen dico vobis, Quod non
 » fecistis vni ex iis minimis, nec mihi fecistis : &
 » ibunt ij in supplicium æternum.

*Quòd fugienda est falsorum fratrum con-
 suetudo, quando perseverant in
 malitia. Cap. III.*

SI QVIS dicens se fratrem esse, deceptus à
 Diabolo malum fecerit, conuictusque, morti

- » vestra multa est in cœlis. Sic enim persecuti sunt
 » Prophetas ante nos. Et rursus, Si me persecu- *Ioan. 15.*
 » ti sunt, & vos persequentur. Et deinde, Si perse-
 » quentur vos in hac ciuitate, fugite in aliam, quo-
 » niam in mundo tribulationem habetis. Tradent
 » enim vos in Synagogas, & ante Præsides, & Re-
 » ges ducemini propter me in testimonium ipsis.
 » Et qui perseverauerit vsque in finem, hic saluus
 » erit: nam qui propter fidem persecutionem pa-
 » titur, & illi testimonium exhibet, ac perseuerat,
 » is reuera homo Dei est.

*Quòd tremenda, & exitiabilis res est ne-
 gare Christum. Cap. V.*

- Q**VI se Christi esse negat, ne hominibus sit
 in odio, & suam animam magis diligit,
 quàm Dominum, in cuius manu spiritus eius est
 positus, is denique miserabilis, atque infœlix est:
 nefarius, & abominandus, qui hominibus ami-
 cus esse vult, Deo inimicus: partem habens non
 ampliùs cum Sanctis, sed vnà cum execratis: qui
 in locum regni benedicti expetit ignem æter-
 num, paratum Diabolo & angelis eius: & qui
 non ampliùs ab hominibus odio habetur, sed à
 Deo repellitur, & à conspectu ipsius eiicitur.
 » Nam de hoc locutus est Dominus dicens, Qui *Mat. 23. 10.*
 » negauerit me coràm hominibus, & erubuerit
 » nomen meum, negabo & ego ipsum, & erube-
 » scam coràm Patre meo, qui est in cœlis. Et ite-
 » rum nobis discipulis inquit, Qui amat patrem
 » vel matrem supra me, non est me dignus, & qui

mortem indecoram, quid est causæ cur nos eius
 passiones non imitemur, deseramusque præ eo
 vitam ipsam præstante illo nobis patientiam? Ille
 enim propter nos, nos propter ipsosmet pati-
 mur: non enim nobis opus habet ipse, sed nos
 illius misericordia indigemus. Solum autem à
 nobis fidem germanam liberamque flagitat. In-
 quit Scriptura, Si iustus es quid dabis ipsi? vel *Iob. 35. 6.*
 quid de manu tua accipiet? viro, qui est similis tui
 impietas tua & filio hominis iustitia.

*Quòd non debet fidelis se periculis expo-
 nere, neque propter ignauiam timere,
 sed cautè fugere, & si in discrimen
 incidat, certare propter repositam co-
 ronam.* Cap. VII.

RENVNCIEMVS ergo parentibus, consan-
 guineis, amicis, vxori, filiis, possessionibus,
 denique omni vitæ, si quidem aliquid horū im-
 pediat pietatem. Oportet enim orare nos ne in-
 tremus in tentationem. quòd si ad martyrium
 vocemur, constanter cõfiteri pretiosum nomen,
 ac si propter hanc causam supplicio afficiamur,
 lætemur, quòd ad immortalitatem properamus,
 persecutionē patientes nolimus quasi in re noua
 obstupescere, ne diligamus præsens sæculū, nec
 humanas laudes, neque principū gloriam atque
 honorem more quorundam Iudæorum, qui Do-
 mini opera admirantes, metu Pontificum & re-
 liquorū principū, in eum non credebāt: Dilexe- *Ioh. 12.*

latus discedat: passio enim, quam pro Christo sustinet, cedit ei veriolem baptisimum, quoniam ipse re ipsa commoritur Christo, alij in figura. Gaudeat igitur quod imitatur magistrum,

- ” quoniam de eo mandatum habemus. Perfectus sit omnis sicut magister eius: magister autē eius, *Luc. 6.* ac noster Iesus Dominus propter nos cæsus est, maledicta pertulit, & contumelias cum longanimitate, sputa, & alapas accepit, post flagella cruci affixus est, aceto & felle potatus, perficiens omnia, quæ de se scripta erant. Dixit Deo Patri, In manus tuas cōmendo spiritū meum. Quare, qui illius discipulus esse cupit, æmuletur eius certamina, imitetur patientiā: sciens quāuis ab hominibus igne comburatur, nihil tamē se passurum, veluti illi tres pueri. quod si patiat̄ aliquid, tamen præmium à Domino consequetur, fidē habens vni, & soli vero Deo, ac patri per Iesum Christum magnum Pontificē, & redemptorem animarum, certaminūque remuneratorem, Cui gloria in sæcula Amen.

De Resurrectione. Cap. VIII.

IPSE enim nos exitabit omnipotens Deus per Dominum nostrum Iesum Christum, propter promissionem ipsius veram: exitabit autem cum omnibus, qui à principio dormierunt, tales quales modò sumus præsentī figura, nil mancum habentes, nec corruptioni obnoxium: quoniam immortales resurgemus. Quamuis enim in mari moriamur: quamuis in terra discerpamur: quamuis à feris, vel ab auibus lanicmur, ta-

- men excitabit nos virtute sua: quoniam Mundus totus Dei manu continetur. Capillus, inquit, ex capite vestro nō perit. Ideo monet nos inquiēs,
- Ier. 21.* ” In patientia vestra possidete animas vestras. De resurrectione autem mortuorum, deque Martyrum remuneratione, Gabriel Danieli inquit,
- Dan. 12.* ” Et multi de iis, qui dormierunt, de terræ pulvere resurgent: alii enim in vitam æternam, alii in turpitudinem & opprobrium æternum. Et intelligentes fulgebunt quasi sol, & quasi firmamentum, & stellæ. Quasi luminaria splendorem habituros Sanctos prædixit Sanctis. Gabriel, ipsos enim intelligere veritatem testatur, & sacrum nomen eius. Non solum autem Martyribus promisit resurrectionem, sed etiam omnibus hominibus iustis, atque iniustis, piis, atque impiis, vt singuli pro meritis pendant. Adducet enim, inquit, Deus vniuersam creaturam in iudicium in omni neglecto, siue bonum id fuerit, siue malum. Hanc resurrectionem non credentes Iudæi olim dicebant, Auertunt ossa nostra, & dissensimus. quibus Deus respondens dicit, Ecce ego aperio tumulos vestros, & educam vos ex ipsis, & dabo spiritum meum in vobis, & viuetis, & cognoscetis, quoniam ego Dominus locutus sum, & faciam. Et per Isaiam inquit, Resurgent mortui, & excitabuntur qui sunt in sepulchris: & lætabuntur quiescentes in terra, quoniam ros tuus medicina ipsis est. Multa alia de resurrectione dicta sunt, & de iustorum in gloria permanētia, deque impiorum supplicio, casu, auersione, pœnæ, infamiae, ignis æterno, verme

non pereunte. Quòd verò si voluisset homines immortales manere, hoc facere potuerit: ostendit in Enoch, & in Helia, quos mortem experiri non permisit. Item quòd potuerit quolibet tempore, si voluisset, eos in vitam reducere, id facere, & per se, & per alios, manifestum fecit, cùm filium viduæ per Heliam excitauit, & Sunamitidis filium per Helissæum. Persuasi autem sumus mortē, supplicium non esse, ex eo quòd sancti eam sunt passi: imò ipse sanctorum Dominus Iesus Christus vita fidelium, & resurrectio mortuorum. Quare veluti in magna ciuitate versantibus nobis, post certamina, inducit breuis temporis dissolutionem, vt postea vnumquemque in vitam excitatum vel reprobet, vel coronet. Nam qui Adæ & reliquorum corpora ex terra coagmentauit, post dissolutionem ea reparabit, quoniam debetur hæc res rationali hominum naturæ: Perpetuitatem inquam, qui igitur corpus dissoluit, idem restituet. Et qui dixit quòd accepit Dominus puluerem de terra, & formauit hominem, & inspirauit in faciem eius spiritum vitæ, & factus est homo in animam viuentem: & qui post inobedientiam dixit, Terra es, & in terram reuerteris. Idem postea nobis resurrectionem promissit. Audient enim, inquit, qui sunt in monumentis vocem filij Dei, & qui audiuerint, viuent. Præterea credimus resurrectionē futurā, ex Domini resurrectione; Ipse enim, qui Lazarū quatrduanū in vitā reduxit, & Iairi filiam, ac viduæ filium, seq; ipsum etiā mandato Patris tertia die excitauit, quod est pignus & ar-

Gen. 2.

Gen. 3.

Ioan. 5.

Matt. 9.

tur. Quanquàm aiunt in vnica specie* se resur-
 rectionem ostendere, non credentes iis, quæ
 ipsimet narrant. Aiunt enim auem quandam esse
soligenam, vberem præbentem resurrectionis
demonstrationem, quam dicunt comparè nō
habere: solamque in Mundo reperiri, Phœni-
cem appellant: narrantque eam post quingente-
simum annum in Aegyptum aduolantem, se-
cūmque copiam cinnamomi, castæ, xylobalsami
adducentem, in loco, qui dicitur, Solis ara, confi-
stere, ibique conuersam ad aspectum Solis, ei
(vt aiunt) supplicem sponte conflagrare, redigi-
que in puluerem. Ex cineribus autem vermem
existere, eūmque concalesfactum, in nouam
phœnicem formari, alitēque factum in Ara-
biam, quæ est vltra Aegyptiacum saltum, aduo-
lare. Cum ergo (vt ipsi aiunt) per auem rationis
expertem, probetur resurrectio, cur temerè no-
stratia calumniantur, cum fateamur, qui poten-
tia sua effecit, vt quod non erat, esset, cum quo-
que facere posse vt id post eius interitum resti-
tuatur? Nam propter hanc persuasionem verbe-
ra, persecutiones, mortes perferimus. nam fru-
strā ea didicissemus, nisi firmiter nobis hære-
rent ea, quæ aliis prædicanda suscepimus. Quæ-
 admodum igitur credimus Mosi dicenti, In
 principio fecit cælum, & terram: & cognosci-
 mus, non materiæ inopia, sed voluntate sola
 Christum, quæ constituit, ea produxisse cælum
 inquam, terram, mare, lumen, noctem, lumina-
 ria, astra, volatilia, aquatica, quadrupedia, repti-
 lia, plantas, herbas: eodem modo excitabit nos

*Phœnix sequens.
 in stat. 10. 20. 21. 22.
 024.*

sua voluntate, ope aliena non indigens. Eiusdem enim facultatis munus est, producere mundum atq; mortuos excitare. Atque tunc quidem hominem, qui nullus erat, ex diuersis constantem rebus effecit, data ei anima de nihilo: nunc autem existentibus animis, dissoluta corpora restituet. Rerum enim manentium est resurrectio, non in nihilum redeuntium. Ille igitur, qui prima corpora de nihilo effecit, ex iisque varias naturas composuit, idem mortuos vita reddita excitabit. Nam qui in utero hominem de pusillo semine fingit, animamque illi nondum existentem, creat, & (ut ipse inquit quodam in loco Ieremix) Antequam te formarem in utero, noui te. Et alio in loco, Ego Dominus firmans caelum, & fundans terram, & formans spiritum hominis in eo. idē ipse omnes homines excitabit, cum eius sint opera, quemadmodum diuina Scriptura testatur dixisse Deū vnigenito Christo, Faciamus hominem ad imaginem & similitudinem nostram. Et fecit Deus hominem, secundum imaginem Dei fecit illum, masculum & foeminam fecit eos. Et diuinissimus & patientissimus Iob. de quo Scriptura ait, quod scriptum est cum resurrectorum cum iis, quos Dominus suscitabit, sic inquit ad Deum, Nonne sicut lac mulisti me, & sicut caseum me coagulasti? pelle, & carnibus vestisti me, ossibus, & neruis compegisti me. vitam & misericordiam posuisti apud me, & uisitatio tua custodiuit spiritum meum. Hæc habens in me ipso, scio quod omnia potes. Ideo inquit Saluator ac magister

Ier. 1.

Zac. 11.

”

”

”

Gen. 1.

”

”

”

Iob. 10.

”

”

”

”

”

noster Iesus Christus, Quod hominibus est im- *Pfal. 118.*
 possibile, Deo possibile est. Dicitque Deo cha-
 rissimus Dauid, Manus tuæ fecerunt me, & plas- *Pfal. 102.*
 mauerunt me. Et iterum, Tu nosti figmentum *Pfal. 138.*
 nostrum. Et deinceps, Tu plasmasti me, & posui-
 sti super me manū tuā. Mirabilis facta est scien-
 tia tua, ex me confortata est, non potero ad eā.
 Imperfectum meū viderunt oculi tui, & in libro
 tuo omnes scribentur. Sed etiam Isaias illi sup- *Isa. 64.*
 plicās dicit, Nos lutum, & tu fictor noster. Qua-
 re si opus eius homo est per Christū effectus,
 omnino mortuus per eum resurget, vel ad rectē
 factorum præmia, vel ad scelerū supplicia. Quod
 si Iustitia iudicat veluti legislator, quēadmodū
 impios punit, ita seruat fideles, atq; eos, qui pro
 Christo ab hominibus sunt interfecti, alios qua-
 si astra decorās, alios quasi luminaria illustrās, si-
 cuti Danieli dicebat Gabriel. Quare cū fideles
 Christi discipuli omnes simus, eius promissioni-
 bus credimus. verus est enim qui promisit. Dicit
 autem beatus Propheta Dauid, Fidelis Dominus *Pfal. 144.*
 in omnibus sermonibus suis, & sanctus in omni-
 bus operibus suis. Nam qui de Virgine sibi cor-
 pus parauit, is reliquorū hominū instituit origi-
 nē, qui ipse se è mortuis excitauit, is omnes sepul-
 tos in vitā reuocabit: qui ex vno grano multum
 tritici de terra excitat, & abscissæ arbori regermi-
 nantes surculos restituit, & arefactæ virgæ Aa-
 ron reddidit viriditatem, ille ipse nos quoque
 suscitabit in gloria: & qui paralyticum incolumen
 restituit, aridam manum habentem cura-
 uit: cæco à natiuitate, luto de sputo ac terra facto

maneam partem reddidit, idem ille nos in vitam reducet: quique ex quinque panibus, & duobus piscibus, quinque millia hominum satiavit, ut duodecim cophani superessent: & in vinum aquam conuertit, & ex ore piscis per me Petrum eductum staterem censum petentibus misit, is quoque mortuos suscitabit. Hæc enim omnia nos de eo testamur, alia contestantur Prophetæ. Nos qui cum illo comedimus, & bibimus, & spectauimus eius miracula, vitam, consuetudinem, sermones, passionem, mortem, resurrectionem à mortuis, versatque cum eo sumus postea per quadraginta dies, mandatūque habuimus ut prædicaremus Euangelium in vniuerso Mundo, & doceremus omnes gentes: baptizaremūque in morte eius in virtute Dei cunctorum, qui est pater ipsius, & testimonio Spiritus, qui est paraclitus: iidem illi docemus vos hæc omnia, quæ cum nobis præciperet, in cælum ab oculis nostris sublatus est, rediens ad eum, qui ipsum miserat. Quæ si credetis, beatitudinem assequemini, cæteroqui ipsi sine culpa inueniemur, nec nos contaminabit infidelitas vestra. De Martyribus dicimus vobis, ut apud vos in omni honore sint, quemadmodum & apud nos in honore habiti fuerunt, beatus Iacobus Episcopus, & Sanctus noster condiaconus Stephanus, ii enim & à Deo sunt beatitudinem consecuti, & ab hominibus honorem: expertes omnis delicti: obfirmati aduersus peccatum: immutabiles in bonis: securi in laudibus, de quibus Dauid dicebat, Pretiosa in conspectu Domini

S. Iacobus
S. Stephanus

Domini mors Sanctorum eius. Et Solomon,
 Memoria iusti cum laude. De quibus propheta *Prov. 10.*
 quoque dicebat, Viri iusti tolluntur.

De falsis Martyribus. Cap. IX.

OMNIA iam dicta sunt, quæ ad eos, qui pro
 Christo verè Martyres sunt, pertinebant,
 nihil de falsis martyribus, de quibus scriptura di-
 cit, Nomen Impiorum extinguitur. Testis enim *Prov. 10.*
 fidelis non mentitur, & profert falsa testis in- *Prov. 14.*
 quus: nam qui sine mendacio martyrium pro de-
fendenda veritate est executus, is verax martyr
putatur, fidelisque, eo quòd verbo pietatis per
proprium sanguinem est patrocinarus.

Moralis admonitio. Cap. X.

HORTAMUR vos fratres, & conserui, vt re-
 linquatis inania & turpia verba, facetias,
 ebrietates, libidines, delicias, immoderatam ira-
 cundiam cum stultis sermonibus: quoniam ne-
que in Dominicis diebus, qui sunt hilaritatis &
lætitiæ, cōcedimus vobis præter sanctitatem ali-
quid dicere vel facere. Ait enim quodam in loco
 scriptura, Seruite Domino in timore, & exultate *psal. 2.*
 ei in tremore. Exultationes igitur vestras cum
 timore & tremore celebrari oportet. Christia-
nus enim fidelis nec carmen Ethnicum, neque
meretriciam cantilenam canere debet, quoniam
 continget eum in cantione, dæmoniacorum no-
 minum Idolorū mentionem facere, & in locum
 spiritus sancti inuadet in eum spiritus malus.

Admonitio erudiens fugiendam Idololatriam abominationem. Cap. XI.

PROHIBITVM est autem iurare per illa, & in ore habere illorum abominabilia nomina, vel ea colere, vel timere veluti Deos: nō enim dij sunt, sed improbi dæmones, & ridicula opera. Dicit enim quodā in loco Dominus de Israëlitis, Reliquerunt me, & iurauerunt in diis, qui non sunt, & reliqua. Tollam nomina idolorum ex ore ipsorum. Et alio in loco, Ipsi me prouocauerunt in iis, qui non sunt dij: irritauerunt me in Idolis suis, atque in omnibus scripturis hæc prohibita reperiuntur à Domino Deo.

Jer. 5.

Zach. 13.

Dent. 32.

*Quod non oportet Cælum & astra colere,
neque per ea, aut per alias creaturas
iurare secundum Domini mandatum. Cap. XII.*

NEC solum enim de Idolis prohibitum est, sed etiam de luminaribus lege est sancitū, ne quis per illa iuret, neque ea colat: inquit enim, Ne aspiciens Solem, & Lunam, & astra, in errorem inductus ea adoret. Et alio in loco, Secundum vias gentium nolite discere, & à signis Cæli nolite timere: astra enim & luminaria ut luceant hominibus, non ut colantur data sunt. Et si Israëlita, vitio morum, pro creatore adorabant creaturam, Opificem contemnentem, creaturam plusquam oportuit admirantes: qui quan-

Dent. 4.

„

„

„

„

Jer. 10.

doque vitulum conflauerunt, vt in deserto: aliquando Beelphegor adorauerunt: aliquando Baal, & Thammas, & Sidoniam, Astartem, ac rursum Moloch, & Chamos: & aliquando Solem, vt in Ezechielè scriptum est. Iam verò bruta quoque coluerunt, vt Ægyptium Apim & hircum, Desium, ac deos argenteos & aureos: quod factum est in Iudæa. Quocirca minitans illis per Prophetam aiebat, Parùmne est hoc domui Iu-

3. Reg. 11.

Ezech. 9.

» dæ, quòd faciunt abominationes istas, quas fecerunt, quando impleuerunt terram iniquitate, eo quòd irritauerunt me? Et ecce ipsi sunt, quasi sublannantes, & ego faciam cum furore: non parceret oculus meus, neque miserebor, & clamabunt in auribus meis voce magna & non exaudiam eos.

Videte dilecti quanta aduersus Idololatrias, & colentes Solem, ac Lunam pronùtiet Dominus. Quare debet homo Dei, vt Christianum decet, nec per Solem iurare, neque per Lunam, neque per astra, neque verò etiam per Cælum, neque per terram, vel per aliquod elemētum magnum siue paruum. Nam si magister per verum Deum nos iurare prohibuit, vt oratio vestra iureiurando firmior sit, neque verò per Cælum (pertinet enim ad Græcorū impietatem) neque per Israë-

Mat. 23.

lem, vel per Dei sancta, vel per altare, ac donum, vel per templi ornatum, vel per proprium caput. Est enim Iudaici abusus consuetudo, ideòque prohibetur: fidelibus verò præcipit illorum sermonem esse, Est, est, Non, non, quòdque præter id fit, esse à malo: quanto damnabiliores sunt qui falsa nomina adhibent ad iusiurandum & existi-

CONSTIT. S. APOSTOLORVM
mata pro veris colunt? quos Deus propter mali-
tiam tradidit in reprobum sensum, vt operentur
quæ non oportet.

*Numerus dierum festorum Domini, quos
oportet custodire, & quando qui-
libet ex ijs sit celebrandus.*

Cap. XIII.

DIES festos custodite fratres. In primis diem
Natalem, qui celebretur à vobis vigesima
quinta noni mensis. Post quem Epiphaniæ dies
sit vobis in maximo honore, quo die Dominus
propriam diuinitatē ostendit. Celebretur is sexta
decimi mensis. Postquem, seruandum est à vo-
bis ieiunium quadragesimæ, continens memo-
riam conuersationis & legillationis Domini.
Celebretur hoc ieiunium ante ieiunium Paschæ,
quod incipiens à secunda sabbati, desinat in pa-
rasceuem. Post quos dies soluto ieiunio, aggre-
dimini sanctam Paschæ hebdomadam: ieiunan-
tes in ea omnes cum timore, & tremore, orantes
per eos dies, pro iis, qui pereunt.

De Pascha. Cap. XIII.

AGGRESSI enim sunt consilium aduersum
Dominum in secunda sabbati men-
se primo, qui est xanthicus, & ad tertiam sabbati du-
rauit deliberatio, quarta decreuerunt eum cruce
interimere.

De Iuda. Cap. XV.

AC Iudas hoc cognouit, qui pridem deprauatus, tunc etiam à diabolo auaritia corruptus fuit: quanquam antea cum ei loculi traditi essent, & pauperum res furaretur, non reiectus fuit à Domino propter longanimitatem, sed aliquando comedentibus nobis cum eo, volens illum ad sanitatem reducere, nosque erudire, eius prædictione præfatus est inquit, Amen amen dico vobis, quod vnus ex vobis me tradet. Et quolibet nostrum dicente, nunquid ego sum? Dominoque tacente: consurgens ego vnus ex duodecim, qui plus aliis ab illo diligebam, & ad pectus eius recumbens, ei supplicabam vt diceret, quis eum esset traditurus: neque tamen hoc modo indicauit nobis illius nomen bonus Dominus, sed duo signa proditoris dedit, vnum dicens, Qui intingit mecum panem in catino. alterum, Cui ego intincta buccellam dabo. quanquam illo dicente, Nunquid ego sum Rabbi? tamen non dixit Dominus, etiam, Sed tu dixisti. Illumque de hoc perterrefacere volens, ait: Vx homini illi, per quem filius hominis tradetur: melius esset ei si natus non fuisset. Quæ cum audiuiisset, discessit, dixitque sacerdotibus, Quid vultis mihi dare, & ego illum vobis tradam? Illi verò constituerunt ei triginta argenteos: & impleta est Scriptura dicēs, Et acceperunt triginta argenteos pretium appretiati, quod parauerunt à filiis Israël, & dederunt eos in domum figuli. Itaque quinta die cum comedissemus apud cum

Pascha, & intinxisset ille manum in catinum, & buccellam accepisset, exiuissetque nocte, dixit nobis Dominus, Venit hora, qua dispergamini, & me solum relinquatis. Et quolibet cõtendente, se eum nõ deserturũ, mēque Petro promittente, cum illo me commoriturum, dixit: Amē dico vobis, antequā gallus cātet, ter me negabis nosse.

Quòd non aderat Iudas cùm Dominus discipulis tradidit mysteria.

Cap. XVI.

CVM verò antitypa mysteria pretiosi corporis & sanguinis sui nobis tradidisset, quibus non aderat vnā nobiscum Iudas, exiit ad montem oliuarum prope torrentem Cedron, vbi erat hortus: aderamus cum eo etiam nos, hymnũque de more diximus: cùmque longè à nobis secessisset, rogauit patrem dicens, Pater transfer à me calicem: verumtamen non mea voluntas fiat, sed tua. Quod cùm ter fecisset, nõsque propter mœstítiam in somnũ incidissemus: accedens ipse ad nos, Venit, inquit, hora, & filius hominis tradetur in manus peccatorum. Et ecce Iudas & cum eo turba impiorũ: signũque proditiõis illis ostēdit dolosum osculum, qui signo accepto ceperunt Dominum, vincitũque in domũ Pontificis Caiphæ duxerunt, in qua frequēs conuenerat non populus, sed colluies: nec sacrũ Presbyterium, sed cõfessus iniquorum & impiorum consilium. Qui cùm multa contra eum facerēt, nullum petulantiae genus omittebant, despuen-

tes, deridentes, cædentes, conuiciantes, tentantes, diuinationes pro Prophetis quærètes, simulatorem, blasphemū, Mosis violatorem, templi euerforem, sacrificiorū extinctorem, Romanorum hostem, Cæsaris aduersarium eum appellantes. Cúmque vsque ad primum diluculum ei ita insultassent, tauri illi & canes ad Annam eum ducunt, qui Caiphæ gener erat: cúmque ibi similia egissent, & esset illo die Parasceue, Præsidi Romanorum Pilato tradunt, multa ac grauia ei obiicientes, quæ probare non potuerunt. Quare indignatus Pilatus nullam, inquit, aduersus hunc causam reperio. Itaque illi duobus falsis testibus productis, Dominum criminari voluerunt. Qui cum varij & inter se dissentientes reperti fuissent: ad maiestatem rem reuocauerunt, dicentes, Hic iactat se regem esse, prohibetque tributa dari Cæsari. fiuntque iidem accusatores, testes & iudices: sententiæque auctores, dicentes, Crucifige crucifige eum: vt impleretur quod de eo in Prophetis erat scriptum, Congregati sunt super me testes iniqui, & mentita est iniquitas sibi. Et

» rursus, Circundederunt me canes multi, concilio malignantium complexi sunt me. Et alio in loco, facta est hæreditas mea mihi: sicut leo in sylua, dedit super me vocē suā. Igitur Pilatus ob animi molliciem, dedecorato magistratu, ipse se improbitatis coarguit, qui turbas, quàm iustitiā colere maluerit: testatusque sit, illū esse innocentē, & vtī nocentē, tamē eum crucis supplicio tradiderit, quanquam Romanorū legibus prohibentibus quenquam indicta causa supplicio affici.

Psal. 26.

Psal. 21.

Ier. 12.

Carnifices porrò comprehensum Dominum gloriæ, ligno confixerunt: sexta enim hora illum in crucem egerunt, tertia sententiam acceperunt, postea acetum ei ad bibendum felle mistum obtulerunt: tum vestimenta sorte partiti sunt, duosque maleficos ex vtraque parte cum eo crucifixerunt, vt impleretur quod dictum est, Dederunt in escam meam fel, & in sitim meam potauerunt

Psal. 68.

me aceto. Et rursus, Diuiserunt sibi vestimenta mea, & super vestem meam miserunt sortem.

Psal. 21.

Et alia in loco, Et cum impiis reputatus sum. Deinde per tres horas tenebræ extiterunt à sexta ad nonam. Rursus lux orta est vergente Sole ad Occasum, sicut scriptum est, Nonne dies, & non

Zac. 14.

nox & ad vesperam erit lumen? Quæ omnia intuiti qui cum eo in crucem acti fuerant latrones, alter ex eis maledicta in eum iaciebat, vt qui ob imbecillitatem sibi opem ferre non posset, alter huius inscitiam increpabat: ad Dominumque conuersus vt illustratus ab eo, sciensque qui nam esset qui pateretur, rogabat eum vt postea in regno, sui memor esset. Ipse verò cõcessa illi rerum præteritarum obliuione, in Paradisum eum introduxit ad fruendum mysticorum bonorum suauitate. Circa verò horam nonam exclamans, Deus meus, inquit, cur me dereliquisti? Et paulò post voce magna clamans, Pater, inquit, dimitte eis: non enim sciunt quid faciunt. Et subiungens, In manus tuas commendo spiritum meum. Spiritum emisit: sepeliturque ante Solis occasum in monumento nouo. Illucescente verò vna sabbatorum, surgens à mortuis præstitit illa, quæ

S. Ign. ad Trall.

antè passionem nobis prædicebat, quòd oportebat filium hominis in corde terræ per tres dies, & per tres noctes manere. Excitatusque à mortuis, priuùm Mariæ Magdalenaë, & Mariæ Iacobi se se ostēdit, postea Cleophæ in itinere, deinde nobis suis discipulis, qui quidem propter metum Iudæorum fugiebamus, clanculum autem de illo exquirebamus. Hæc in Euāgelio quoque

scripta sunt, præcepit igitur nobis vt ieiunaremus sex his diebus propter Iudæorum impietatem atque iniquitatem: admonens nos vt eos ob interitum lugeamus, atque deploremus. Et enim ille quoque illacrymatus est, ignorantibus tempus visitationis suæ. In quarta feria & Parasceue nobis ieiunium indixit: in illa ob proditionem, in hac ob passionem: desinere autem ieiunium in septima die in galli cantu. Iussit in ipso sabbato ieiunare, non quòd oporteat in sabbato ieiunium seruare, cum in eo cessatio conditi operis sit, sed quòd in illo tantum ieiunare oportet, in quo opifex ipse subtus terram mansit. In ipso enim festo suo detinuerunt Dominum, vt impleretur ille sermo, Posuerunt signa sua in medio festiuitatis eorum, & non cognouerunt. Debemus igitur pro ipsis lugere, quòd cum venisset Dominus, ei credere noluerunt: iudicantesque se salute indignos, eius doctrinā reiecerunt.

„ Beati nos igitur sumus, qui aliquando populus, nunc verò gens sancta, liberata Idolorum errore, ignorantia, impietate: qui non misericordiam consecuti, nunc propter obedientiam cordis vestri misericordiam impetrauistis. Vobis enim

Psal. 73.

qui ex gētibus venistis, apertum est ostium vitæ, qui aliquando non eratis dilecti, nunc in gratiam atque amorem recepti estis, populus acquisitionis Dei, designatus ad eius virtutes enuntiandas: de quibus dixit Saluator, Inuentus sum à non

Isa. 65.

„ quæren tibus me, manifestatus sum à non in-
 „ terrogantibus me. dixi, Ecce adsum genti, qui
 non inuocauerunt nomen meum. Nam cùm il-
 lum non quæreretis, tunc ab illo quæsi estis.

Quare cùm in eum credideritis, obedite eius vo-
 cationi, relinquētes multorum deorū insaniam,
 atque ad vnum verum & omnipotentem Deum
 confugientes per Christum, qui effecti estis sup-

Dan. 7.

plementum numeri eorum, qui saluantur decem
 millia myriadum, & millia millium, vt scriptum
 „ est in Dauid, Cadent à latere tuo mille, & à
 „ dextris tuis decem millia. Et rursus, Currus Dei

Psal. 67.

decem millibus multiplex millia latantium. Ad

Isa. 65.

Israëlem verò infidelem dicit, Tota die expandi
 „ manum meam ad populum non obedientem,
 „ & contradicentem, ambulantem in via non bo-
 „ na, sed post peccata sua: populum irritantem me
 „ in conspectu meo.

*Connumeratio propheticarum prædictio-
 num, quæ Christum prædicant, quarum
 exitum Iudæi cernentes, tamen ob mali-
 tiam credere noluerunt, eum esse Chri-
 stum Dei, & ad crucē, gloriæ Dominum
 condemnauerunt. Cap. XVII.*

VIDE TE quomodo irritauit Dominum po-
 pulus, cùm ei credere noluerit. Ideo dicit,

- Irritauerunt Spiritum sanctum, & conuersus est *Psal. 106.*
 eis in odium: tenebræ enim eis offusæ sunt pro-
 pter suam improbitatē, quoniam cernentes Do-
 minum, non crediderunt eum esse Christū Dei,
 ante omnia sæcula ex ipso genitum, filium vni-
 genitum, propter infidelitatem verbum Deum
 non agnouerunt: neque ex operibus suis, neque
 ex prophetis de eo scriptis. Nam quod de Virgi-
 ne nasci debebat, legerant, Ecce virgo concipiet,
 & pariet filium & vocabunt nomen eius Ema- *Isa. 7.*
 nuel. Puer natus est, filius natus est, cuius princi-
 pium super humerū eius, & vocatur nomen eius
 magni consilij angelus, admirabilis, consiliarius,
 Deus fortis, dominator, princeps pacis, pater fu-
 turi sæculi. Quod verò propter summam vitio-
 sitatem non erant obediētes futuri, ait, Domine *Isa. 53.*
 quis credidit auditui nostro, & brachium Do-
 mini cui reuelatum est? Et deinceps, Auribus au-
 ditis, & non intelligitis: & videntes videtis, &
 non cognoscitis. Induratum est enim cor popu- *Isa. 6.*
 li huius. Quare crepta est iis notitia, quoniam *Act. 28.*
 cum vidissent, despexerunt, & cum audiissent,
 attendere noluerūt. Vobis verò à gentibus pro-
 fectis assignatū est regnū, quoniam cum Deum
 ignoraretis, per prædicationē credentes cogno-
 uistis: imò verò ab eo cogniti estis per Iesum
 Saluatorem & redemptorem omnium, qui in eo
 spem collocant. Nam relicta inani prioris tem-
 poris consuetudine: despectis que inanimis Ido-
 lis, illisque Dæmonum tenebris dispulsis, com-
 plexi verū lumen, cognitō que per id vno & solo
 atque vero Deo, ac patre, regni eius hæreditatem

estis consecuti. Nam baptizati in nomē Domini, atq; in eius resurrectionē, veluti infantes nuper nati nullū peccati sensum, actionēq; habere detis. Non enim in vestras estis potestate, sed eius, qui sanguine suo vos redemit. Nā de veteri Israël propter eius infidelitatem (inquit Dominus) Tolle-
 tur à vobis regnum Dei, & dabitur genti facienti fructus ipsius: id est à vobis ab illo olim longè ab alienatis, concesso regno, recipit rectæ sententiæ fructus. Vos enim estis, qui ad vineam olim missi fuistis, & obtemperare ei noluistis: sed vos peccati dolore ducti, nunc in ea laboratis, illi ægrè ferentes conditiones, non modò vineam incultam reliquerunt, sed etiam interfecerunt procuratores Domini, alium lapidibus, alium ferro: quendam etiam dissecuerunt: alium interemerunt inter templum & altare. Denique ipsum hæredem extra vineam expulsū occiderunt, qui ab illis veluti lapis inutilis est reiectus, à vobis vt angularis receptus. Ideo de vobis dicit, Populus, qui me non cognouit, seruiuit mihi, ad aurem auditus obediuit mihi.

Mat. 21.

”

Psal. 17.

Quomodo agendum sit Pascha. Cap. XVIII.

OPORTET ergo vos fratres, qui pretioso Christi sanguine redēpti estis, dies Paschæ accuratè & cum omni diligentia celebrare. Post æquinoctium, ne bis in anno vnus passionis memoriam colatis, sed semel in anno eius, qui semel mortuus est, memoriam renouctis, cauentes ne cum Iudæis festum agamus. Nulla enim nunc est nobiscum cum illis societas. Versantur enim in errore, atque in ipso diei calculo, quem

Super isto cap. no omittas vice re solia

putant se obseruare, vt ex omni parte errare, & à veritate discedere inueniantur. Vos autem obseruate subtiliter æquinoctium verni temporis quod est XXII. duodecimi mensis, qui dicitur Dystrus * obseruantes vsque ad vigesimum primæ Lunæ, ne in aliam hebdomodam incidat quartus decimus Lunæ, atque illo errore lapsi per ignoratiam, bis in anno celebremus Pascha, vel in alio die festum peragamus resurrectionis Domini nostri Iesu Christi, præterquam in dominico solo.

Dispositio de magna Paschæ hebdomada.

Cap. XIX.

IN diebus Paschæ ieiunate incipientes à se-^{S. Ign. ad Philippens.} cunda sabbati vsque ad Parasceuem & sabbatum dies sex, solo pane vtentes, sale, atque ole-
ribus, & aqua in potum. A vino & carnibus vos abstinete in iis diebus: sunt enim dies luctuosi, non festi. Parasceuem tamen & sabbatum integrum ieiunet, qui quidem possunt, nihil gustantes vsque ad galli cantum noctis. Quòd si quis non potest duorum dierum ieiunium continuare, seruet saltem sabbatum: ait enim quodam in loco de se Dominus. ^{Mat. 9.} Quando discedet ab eis sponsus, ieiunabunt in illis diebus: iis igitur diebus sublatus est à fallis Iudæis, & crucifixus est, & cum impiis reputatus.

De pernoctatione magni sabbati, & de die Resurrectionis. Cap. XX.

QVARE monemus vos vt ieiunetis per hos dies, quemadmodum nos etiam ieiunau-

mus cū nobis ipse creptus est, vsque ad vesperam. In reliquis verò diebus ante Parasceua nona hora, vel vesperi quilibet cibum capiat, vel quemadmodum quisque poterit: à vespera autem quinti dici vsque ad galli cantum vigilantes, atque in Ecclesiam conuenientes vigilare orantes ac rogantes Deum, legentes in vestra pernotatione legē, Prophetas, psalmos, vsque ad galli cantum: baptizatisque Cathecumenis vestris, & lecto Euangelio in timore ac tremore, luctū desinite, rogatēque Deum, vt conuertatur Israël, & inueniat pœnitētiæ locum, atque impietatis remissionem: quoniam Iudex alienigena lotis manibus dixit, Innocens sum à sanguine iusti huius,

- » vos videritis. Israël verò exclamauit, Sanguis eius super nos & super filios nostros. Pilatōque dicente, Regem vestrum crucifigam? Ipsi exclamauerunt, Non habemus Regem nisi Cæsarem.
- » Crucifige crucifige eum: omnis enim qui se Regem facit, contradicit Cæsari: & si hunc dimittis, non es amicus Cæsaris. Et Pilatus Præses, & He-

Psal. 7. rodes Rex, iusserunt eum crucifigi: & impletus est ille sermo: Quare fremuerūt gētes, & populi

- » meditati sunt inania. Astiterunt Reges terræ & Principes conuenerūt in vnū aduersus Dominū, aduersus Christū eius, & proiecerunt dilectū veluti mortuū irrisum. Ipsōq; crucifixo & suscitato, illucescente die dominico, impleta est Scriptura, quæ dicit, Exurge Deus iudicans terram, quoniam tu hæreditabis in omnibus gentibus.

Psal. 81.

Psal. 12.

- Et rursus, Exurgam dicit Dominus, ponam in salutari, fiducialiter agam in eo, & tu Domine

miserere mei, suscita me & retribuam eis. Quare vos quoque suscitato Domino offerite sacrificiũ vestrum, de quo vobis præcepit per nos, dicens,

» Hoc facite in meam commemorationem. Deinde ieiunium soluite læti, & festum diem agentes, quoniam pignus resurrectionis nostræ Iesus Christus à mortuis est excitatus: idque sit vobis legitimum solennèque in perperuum vsque ad consummationem sæculi, quoad venerit Dominus. Iudæis enim Dominus etiam nunc mortuus, Christianis iam surrexit, illis propter perfidiam, iis propter fidei certitudinem. Quoniam spes in eo sita immortalis æternæque vita habenda est. Post octo dies iterum veneranda Octauæ celebritas seruetur: in qua me Thomam resurrectionem credere nolentem confirmauit, demonstratis mihi fixuris clauorum laterisq; lancea percussu vulnere. Ac rursum à prima dominica numeratis quadraginta diebus à dominica vsque ad quintam, celebrate festum Ascensionis Domini, in quo perfecta omni dispensatione atq; dispositione, in Cælum ad eius Deum ac Patrem est receptus, sedens à dextris Virtutis, & expectans donec ponantur inimici sui sub pedibus suis. Qui in consummatione sæculi cum virtute & gloria multa venturus est ad iudicandum viuos & mortuos, ac reddendum vnique secundum opera sua. Tùmque videbunt dilectum filium Dei, in quem confixerunt, illóque cognito percutient se tributim, mulierésque eorum seorsum.

*Ign. ad Ma
gnesios.*

Prædictio prophetiæ de filio Dei.

Cap. XXI.

ET ENIM nunc quoque decima mensis goryzi conuenientes, lamentationes Ieremiæ legunt in ea parte in qua dictum est, Spiritus faciei nostræ Christus Dominus comprehensus est in corruptionibus ipsorum. Et quod scriptum est in Baruch,

Baruch. 3.

» alius aduersus eum : inuenit omnem viam scientiæ, & ostendit illam Iacob puero eius, & Israël dilecto eius. Post hæc in terris visus est, & cum hominibus conuersatus. Cùmque hæc legunt se cædunt, & deplorant vt ipsi arbitrantur, solitudinem, quæ sub Nabuchodonosor contigit. Vt autem se habet veritas, futuri luctus inuiti initia ordiuntur.

Post decem Assumptionis dies, qui est à prima dominica quinquagesimus, sit vobis magnus dies festus Penthecostis. In eo die hora tertia misit nobis Dominus Iesus donum Spiritus sancti, repletique sumus eius operatione, linguisque nouis locuti, quemadmodum eius afflatus nobis suggerebant, & prædicauimus Iudæis & gentibus eum esse Christum Dei cõstitutum iudicem viuorum & mortuorum. Hoc Mõses testatus dicebat, Accepit Dominus ignem à Domino, & pluit. Hunc vidit Iacob vti hominem, & dixit, Vidi Deum facie ad faciem, & saluata est anima mea. Hunc Abraham hospitio acceptũ iudicem, suũmque Dominum cõfessus est. Hunc Mõses in rubo vidit: de hoc in Deuteronomio dicebat, Prophetam vobis excitabit de fratribus

Gen. 19.

S. Ignat. ad Antioch.

hæc eadẽ ferẽ omnia.

Gen. 32.

Deut. 18.

vestris: tanquàm me, ipsum audite in omnibus,
 quæ locutus fuerit vobis: & omnis anima, quæ
 non audiuerit Prophetam illum, exterminabi-
 tur è populo ipsius. Hunc vidit Iesus Nauæ dux
 exercitus Domini, armatum simul pugnantem
 ad Hiericho, quem procidens adorauit vti domi-
 nū seruū. Hunc Samuel cum vidisset, Sacer-
 dotes ac Reges Christos appellauit. Hunc Dauid
 cū vidisset, cecinit pro eo canticū appellans can-
 ticū pro dilecto: subiungensq; in personā illius
 » dicebat. Accingere gladium tuum ad femur tuū *Psal. 44.*
 » potentissime: specie tua & pulchritudine tua, in-
 » tende, procede prosperè, & regna, propter veri-
 » tatem & mansuetudinem, & iustitiam, & ducet
 » te mirabiliter dextera tua. Sagittæ tuæ acutæ po-
 » tens, populi sub te cadent in corde inimicorum
 » Regis: propterea vnxit te Deus Deus tuus oleo.
 » lætitiæ iuxta participes tuos. De eo quoque So- *Prou. 8.*
 » lomon dicebat vti in personam ipsius, Dominus
 » possedit me principium viarum suarum, ad ope-
 » ra ipsius ante sæcula fundauit me, in principio
 » antequàm terram faceret, antequàm venirent
 » fontes aquarum, antequàm montes stabiliren-
 » tur, ante omnes colles generat me. Et rursum, *Prou. 9.*
 » Sapientia ædificauit sibi domum. De eo quoque
 » Isaias dicebat, Egredietur virga de radice Iessæ,
 » & flos de radice ascendet, & erit radix Iessæ, &
 » qui surgit vt dominetur gentibus, in cum gen-
 » tes sperabunt. Zacharias, Ecce Rex tuus ve- *Zac. 9.*
 » nit iustus, & saluans, ipse mitis, & sedens su-
 » per asinam, & pullum filium iumentum. Hunc
 Daniel filium hominis esse, inquit, venientem

ad patrem, & omne iudicium atque honorem ab illo recipientem, & lapidem sine manu à monte abscissum, factum in montem magnum, & replentem vniuersam terram, contententem imperia prouintiarum, multitudinè que Deorum, nuntiantem vnum Deum, & constituentem Imperium Romanum. De hoc Ieremias prædicebat: Spiritus, inquit, faciei nostræ Christus Dominus comprehensus est in corruptionibus ipsorum, cui diximus: In umbra eius viuemus in gentibus. Et Ezechiel atque alii deinceps Propheta: vbique prædicant hunc esse Christum, Dominum, Regem, iudicem, legislatorem, angelum Patris, vnigenitum Deum. Hūc igitur nos quoque prædicamus, atque nuntiamus vobis Deum verbum ministrans Deo eius, ac patri, in condenda rerum vniuersitate: in hunc credentes viuetis, non credentes plectemini: qui enim non obedit filio, non videbit vitam, sed ira Dei manebit super illum. Post festum Pentecostis celebrate vnā hebdomadam, post quam ieiunate alteram hebdomadam: æquum est enim & lætari Dei dono, & ieiunare post hilaritatem. Etenim Moses & Helias ieiunauerunt per quadraginta dies, & Daniel hebdomadas dierum treis panem cupiditatum non comedit, nec caro, neque vinum in os eius intrauit. Et beata Anna rogans Samuelem, dicebat: Vinum, & omne quod inebriat non bibi, & effundam animam in conspectu Domini. Niveuitæ quoque, cum per tres dies & tres noctes ieiunassent, iræ Dei periculum effugerunt. Esther quoque

Ier. 4.

1. Ioan. 5.

„ qui enim non obedit filio, non videbit vitam,
 „ sed ira Dei manebit super illum. Post festum
Pentecostis celebrate vnā hebdomadam, post
quam ieiunate alteram hebdomadam: æquum
 est enim & lætari Dei dono, & ieiunare post hi-

Exod. 24.

34.

Dan. 10.

1. Reg. 1.

Ioan. 1.

Esth. 4.

Mardocheus, Iudith impiorum insultationem, *Iudith. 9.*
 id est Olophernis, & Amon ieiunio declinauerunt. *Psal. 108.*
 Dauidque dicit, Genua mea infirmata sunt
 à ieiunio, & caro mea immutata est propter oleum.
 Vos quoque per ieiunium supplicationes vestras Deo offerite. Post hebdomadam ieiunii in
omni quarta feria, & Paralceue præcipimus vobis
ut ieiunetis, idque quod à ieiunio superest,
pauperibus præbeatis. In omni sabbato excepto
vno, atque die dominico conuentus celebrates
exilaramini: obnoxius enim peccato est, qui die
dominico ieiunat, cum sit dies resurrectioni
dicatus, qui que in Pentecoste
 etque omnino in die festo
 Domini mæstitiam præfert: per hos enim dies
 exhilarari oportet,
 nõ lugere.

CONSTITVTIONVM
SANCTORVM APO-
STOLORVM B.

CLEMENTE RO-
MANO AV-
CTORE,

LIBER SEXTVS.

De Schismate. Cap. I.



ANTE omnia caute Epif-
copi à formidãdis , graui-
bus , atque impiis hæresi-
bus , fugientes eas veluti
ignem adurentem eos, qui
ad illum accedunt. Fugite
quoque schismata: nã nec
ad nepharias hæreses fas est inclinare mentem,
neque ab eiusdem sententiæ fratribus ob impe-
randi cupiditatem licitũ est recedere. Hæc enim
cũ quidam olim aggredi ausi fuissent , non ef-
fugerunt supplicium. Dathan enim , & Abiron
cũ aduersus Mosen se opposuissent , terræ mo-
tus absorbit , & Core cum ducentum quinquaginta
viris , qui in Aaron seditionem commoue-
runt , incendio sunt consumpti. Maria cum ex-
probrasset Mosen , à castris septem diebus ablega-
tur : dicebat enim Mosen vxorem Aethiopif-

*Num. 16.
S. Ignat.
ad Mag.
Num. 16.*

Num. 12.

fam duxisse: sed etiam idem factum est in Azaria, & Ozia Rege Iuda, qui cum vsurparet sibi sacerdotium, ac vellet adolere incensum, quod ad se non attinebat, prohibereturque ab Azaria Pontifice, & ab octuaginta senioribus, neque illis obtemperaret, lepra in fronte est pertusus. Itaque continuo exiuit, quoniam refutauit eum Dominus.

Quòd nec Regno, neque sacerdotio licet insultare. Cap. II.

ATTENDAMVS, ô dilecti, quæ sit seditiosorum gloria, & qui euentus. Nam si Reges inuadēs supplicio dignus iudicatur, quamuis filius, vel amicus sit, quanto magis qui sacerdotibus insultat? Quanto enim sacerdotium regno est excellentius, cùm regendarum animarum officio præsit, tanto grauiori supplicio punitur, qui aduersus id aliquid temerè fecerit, quàm qui aduersus Regnum: quàmquam nemo impunè discedit. Nam nec Absalon, & Beddam impuniti manserunt, *2. Reg. 25.* nec Core & Dathan. Illi enim aduersus Dauid de Regno, ij aduersus Mosen de principatu pugnam susceperunt, atque omnes aduersariis maledixerunt. Absalon Dauid pater iniustum iudicè illum appellans, dicènsque, Vnicuique sermones tui pulchri sunt, & non est qui iustificet te, quis me faciet principem? Abeddà Verò, Nō est mihi, inquit, pars in Dauid, neque hæreditas *2. Reg. 26.* in filio Iessæ: scilicet indignum iudicans, Dauid imperio parere, de quo dixit Dominus, Inueni Dauid filium Iessæ virum secundum cor meum,

Num. 16. qui faciet omnem voluntatem meam. Dathan
 ” autem & Abiron, & Coritæ dicentes in Mosen,
 ” Num parum est quòd eduxisti nos de terra Aeg-
 ” ypti fluente lacte, & melle, & quid? quòd erui-
 ” sti oculos nostros, & tu imperas nobis? & con-
 ” gregauerunt in eum Ecclesiam magnam. Et Co-
 ” ritæ, Num Mosi locutus est Dominus soli? quid
 ” quòd Aaron soli dedit sacerdotium, nõne om-
 ” nis Synagoga Domini sancta? & quid quòd so-
 ” lus Aaron sacerdotio fungitur. Et ante hos aliis
 ” dicebat, *Quis te constituit iudicem principem,*
 ” & iudicem nostrum?

*De virtute Mosi, deque infidelitate gentis
 Iudeorum, & quòd Deus admirabilia
 edidit per eum. Cap. III.*

ET inuecti sunt in Mosen seruum Dei, omniũ
 mitissimum, & fidelissimum, despexerũtque
 ingratiſſimi tantum virum legislatorem, custo-
 dem, Pontificem, & regem, interpretem diuina-
 rum rerum, quasi conditorem cùm conditoris
 opera ostenderit, clementissimum, humiliſſimũ,
 patientissimum, humanissimum, qui eos multis
 periculis liberauerat, & à vario mortis genere
 sua sanctitate eripuerat: qui tot tantaque signa
 atque prodigia populo ediderat: qui præclara &
 admirabilia opera in eorum beneficium effece-
 rat: qui decem plagas Aegypto intulerat: qui
 mare rubrum transmiserat, aquasque veluti mu-
 rum vtrinque diuiserat: qui per arida deserta po-
 pulum duxerat, Pharaonemque, & Aegyptios

cum omnibus, qui eos sequebantur, demerferat: qui eis fontem iniecto ligno dulcem reddiderat, & ex petra dura sitientibus eis aquas eduxerat, qui manna eis de cælo dederat, & carnes de ære collegerat: columnam igneam noctu ad illustrandum monstrandumque iter præbuerat, & de die columnam nubis ad umbram faciendam, frangendosque solis ardores parauerat: qui legem Dei tabulis lapideis incisam eis tradiderat, perfecti numeri Decalogum, quem Deus facie ad faciem alloquebatur, veluti si quis cum suo amico loqueretur: de quo dixit, Non surrexit Propheta vt Moses. Huic Coritæ, & Rubelitæ insultauerunt, & in Mosen lapides iactauerunt rogantem ac dicentem, Ne intendas in sacrificium ipsorum. Atque apparens gloria Dei, alios in terram demersit, alios incendio consumpsit. Itaque duces erroris & schismatis dicentes, Cōstituiamus ducem nobis, aperiens se terræ hiatus deuorauit cum tabernaculis suppellectile-
que ipsorum, & viui in Infernum descenderunt. Coritæ igne sunt interempti.

Deut. 34.

*Quòd schisma effecit non qui ab impijs se-
cessionem facit, sed qui à pijs re-
cedit. Cap. IIII.*

QUOD si iis, qui imperandi cupiditate se se-
parauerunt, statim Deus supplicium in-
tulit, quāto grauiori pœna afficiet impiarum hæ-
resum auctores improbātes illius prouidentiam,
& operum institutionem? Sed vos, fratres, Scri-

pturis eruditi, nolite facere schismata sententiæ,
 neque verò vnitatis vestræ: quoniam, qui nefariæ
 opinionis sunt auctores, scopi interitus popu-
 lis statuuntur. Eodem modo laici cum iis, qui
 contraria sententiæ Dei dogmata defendunt, no-
 lite societatem habere, neque participes illorum
Num. 16. impietatis fieri. Ait enim Dominus, Recedite è
 „ medio horum hominum, ne cum eis pereatis. Et
 „ rursus, Egredimini è medio ipsorum, & segre-
 „ gamini, dicit Dominus: & immundum ne tan-
 „ gatis, & ego recipiam vos.

*Demonstratur ex prophetica prædictione,
 quare falsi nominis Israël reie-
 ctus fuerit. Cap. V.*

VERE enim fugiendi sunt, qui Deo blasphemiam dicunt, quàm plurimi enim ex impiis Deum ignorant, ij verò tanquàm Deo infensi malitiæ improbitatisque morbo laborant: nam ex malitia hæreticorum prodiit contaminatio in omnem terram, vt inquit Ieremias propheta. Cum enim expulerit synagogam prauam Dominus Deus, domumque reiecerit, vt dicit quodam in loco, Reliqui domum meam, dimisi hæreditatem meam. Et rursus, Relinquã vineam meam, & non putabitur, neq; fodietur, & ascendet in eam tanquàm in terram incultam spina, & nubibus imperabo ne pluant super eam imbrẽ. Cum igitur reliquerit populum sicut tentorium in vinea, & sicut pomorum custodiam in cucumerario, sicut ciuitatem obsessam, subtraxeritq;

S. Ign. ad Philadelph.
Ier. 12.
Isa. 5.
Isa. 1.

ei Spiritum sanctum, imbrémque propheticum: repleuit gratia spiritali Ecclesiam ad similitudinem fluminis Ægypti in diebus noualium, & extulit eam quasi domum in monte collocatam, & quasi in montem excelsum, quasi montem abundantem caseo, quasi montem pinguem in quo complacuit sibi Deus, vt habitaret in eo. Etenim Dominus in ea commorabitur vsque ad

» finem. Et in Ieremia dicit, Solium gloriæ exaltatum sanctificatio nostra. Et Isaias, Et erit in nouissimis diebus manifestus mons Domini, & domus Dei in summis montium, & exaltabitur super collés. Quoniam igitur populum reliquit, & templum desertum dimisit, abscisso velo templi sublatóque ab eo Spiritu sancto: Ecce enim, inquit, relinquitur vobis domus vestra deserta: Contulit vobis, qui de gētibus venistis, spiritua-

» lem gratiam, vt inquit per Ioël, Et erit post hæc, ait Dominus, & effundam de spiritu meo in omnem carnem, & prophetabunt filij vestri, & filia vestra visiones videbunt, & senes vestri somnia somniabunt: omnem enim sermonis facultatem, & actioné, atque huiusmodi officium ereptum populo Deus in vos gentium sobolem transtulit: idcòque Diabolus inuidés sanctæ Dei Ecclesiæ excitauit in nos ærumnas, persecutiones, perturbationes, blasphemias, schismata, hæreses. Nam populum illum propter Christum interfectum sibi subegit: nos qui ab eius vanitate recessimus, variis modis tētat, vt olim beatum Iob: nam & summo Pontifici Iesu filio Iosedec restitit, & nos sæpè cribrare voluit, vt deficeret

*Eccle. 24.**Isa. 2.**Psal. 67.**Ier. 17.**Isa. 2.**Mat. 23.**Ioel. 2.**Zach 3.**S. Ignat.**Smyrn.*

- » fides nostra : sed magister noster illum in iudi-
 » cium adducens dicebat, Increpet in te Domi-
 zach. 3. nus Diabole, & increpet in te Dominus, qui eli-
 git Israël, nōne ecce hic est auulsus tāquā
 titio? & qui dixit tunc iis, qui apud Pontificem
 » aderant, Detrahite ei vestimenta sordida : sub-
 » iunxitque, Ecce abstuli iniquitates tuas abs te:
 idem dicet nunc, quod olim congregatis nobis
 » dicebat de nobis, Quòd rogauit ne deficeret fi-
 des nostra.

*Quòd apud Iudeos constabat impia do-
 ctrina variarum hæresum.*

Cap. VI.

HABVIT quoq; Iudaicus populus hæresum
 prauitates : nam Sadducæi ex illis prodie-
 runt, qui negabant mortuorum resurrectionem:
 & Pharisæi, qui fortunæ & fato peccatorum
 actiones tribuunt. Et Basmothei, qui prouiden-
 tiam tollunt, affirmantes fortuito casu omnia
 constare, iique animæ immortalitatem negant.
 Sunt quoq; Hemorobaptistæ, qui quotidie nisi
 in aqua mergatur, cibum non capiunt, sed etiam
 lectis, tabulis, crateris, calicibus, scabellis nisi
 aqua purgatis non vtuntur : & qui nostris tem-
 poribus orti sunt Ebionæi, filium Dei nudum
 hominem fuisse contententes, viri libidine, &
 Ioseph, ac Mariæ concubitu genitum : qui ab iis
 omnibus separatur, & patrias leges seruant, sunt
Hessæi. Atque hæc quidem in veteri populo fue-
 runt, sed nunc quoque improbus dæmon efficax

ad malefaciendum, & bonū cuiusmodi sit igno-
rans, ex nobis quibusdam excitatis, hærefes &
schismata in iis effecit.

*Vnde ortæ sint hærefes, & quis fuerit au-
ctor impietatis. Cap. VII.*

NOVÆ autem hærefes hoc habuerunt exor-
dium. Cùm inuasisset Diabolus Simonem
quendam è vico Gitthon appellato, Samaritanum,
arte magum, suæ prauæ sententiæ eum ad-
ministrum effecit: quo autem tempore coapo-
stolus noster Philippus, Domini dono, atque sui
spiritus afflatu virtutes curationum Samariæ ad-
ministrabat: ita vt obstupefacti Samaritani in
fidem venerint cunctorū Dei & Domini nostri
Iesu Christi, baptizatiq; sint in nomine ipsius:
cùmque iam Simon ipse signa & prodigia intui-
tus, sine vlla magica arte perfecta, admiratuf-
que credidisset, & baptismum accepisset, atque
ieiunio & orationi esset intentus: audientes nos
gratiam Dei ad Samaritanos per Philippum per-
uenisse, ad eos accessimus, multisq; ad doctrinæ
sermonem collatis, omnibus baptizatis imposi-
tis manibus, oratione, gratiam ei Spiritus sancti
impartiebamus. Vidensque Simon impositione
nostrarum manuum dari credentibus Spiritum,
obtulit nobis pecuniã, inquiens: Mihi quoq; hanc
potestatem datæ, vt cui ego imposuero manus, is
habeat spiritū sanctū. volens scilicet, vt quemad-
modū Adam gustato ligno, promissa immorta-
litate priuatus fuit: sic nos accepta pecunia deli-

*Simon magus primus
Hæreticus de quo
vi. in Act. apost.
c. 8.*

niti, Dei munere excluderemur, quo per commutationē, pecuniam ei traderemus, inestimabilem Dei gratiam. Quare perturbatis omnibus nostris, conuiciens ego Petrus oculos in maleficum serpentem, qui illum detinebat, respondi Simoni, Argētum tuū tecum sit in perdicionem, quoniam donum Dei putasti pecunia possideri: non est tibi pars in sermone isto, neque fors in ista fide: cor enim tuum non est rectum coram Deo. Pœnitentiam itaque age à tanta nequitia, & roga Dominum si fortè remittatur tibi hæc cogitatio cordis tui: in felle enim amaritudinis, & in vinculo iniquitatis video te esse. Tūcque Simon perterritus, Rogo, inquit, precamini vos pro me Dominum, vt nihil in me veniat eorum, quæ dixistis.

Qui fuerint successores impietatis Simonis, & quibus hæresibus præfuerint. Cap. VIII.

Hæresici alij

CVM verò ad gentes exiimus ad prædicandum verbum vitæ, tunc Diabolus molitus est in populo, vt post nos Pseudapostolos mitteret ad sermonem labefactandum. Itaque produxerunt Cleobium quendam, & adiunxerunt Simoni: ij verò discipuli fuerunt eiusdem Dosithei, quem reprobatum eiecerunt principatu, deinde alij aliorum absurdorum dogmatum auctores extiterunt Cerinthus, Marchus, Menander, Basilides, Saturninus. Ex iis alij plures Deos esse opinantur: alij tres inter se contrarios sine

origine, semper congregantes: alij infinitos, & ignotos: quidam verò nuptias tollunt, arbitran- tes non esse eas opus Dei: alij quosdã cibos abo- minantur: alij inuerecundè fornicantur, quod nunc faciunt falsi nominis Nicolaitæ. Veruntan- men Simon cum me Petrum primùm cõuenif- set Cæsareæ Stratonis, vbi Cornelius fidelis per me in Dominum Iesum crediderat, cum esset Ethnicus, verbũ Dei conatus est peruertere, cum vnà mecum adessent sacri filij Zachæus olim pu- blicanus, & Barnabas: item Niceta, & Aquila fratres Clementis Episcopi, & ciuis Romani, Pauli coapostoli nostri discipuli, & in Euãgelio coadiutoris. Cũque tertio cum eo disputassem de Propheta, deque Dei Monarchia, illum vir- tute Domini conuictum, atque repressum, in Ita- liam aufugere compuli.

*Cornelius
Zachæus, Barnabas
Niceta et Aquila
Clemens author
istius libri
Disputant ter s. Pe-
trus cum Simone*

Quemadmodum Simon præstigijs quibus-
dam cum voluisset volare, precibus Pe-
tri ab alto deiectus fregit pedes, & ma-
nus: Narrat Clemens, Hegesippus, Iusti-
nus, Irenæus. Cap. IX.

ROMAM cum venisset Ecclesiam vehemen- ter perturbauit, multos euertens, atque in suam adducens sententiam, gentes verò com- mouebat magicis artibus. Itaque quadam die cum in Theatrum in meridie processisset, iussit- setque suis operis, vt me in Theatrum arriper- ent, pollicitus est se in aëre volaturum. Cũque

*Simon volare volens
fuit ab alto deiectus
petri dei eius de hoc
placit: pluribus relatis
meminit Baroni. To. 1.
Annal. Anno. 68 vers.*

Simon magus

omnes hac re erecti essent, ego seorsum orabam, itaque sublatus à Dæmonibus, volabar sublimis, dicens in cælum se ascendere, vnde illis bona suppeditaturus esset, populo illi, veluti Deo, acclamante optima: attollens ego manus in cælū, tota mēte supplicabam Deo, vt per Iesum Christum Dominum frangeret scelestum illum, & Dæmonū vim labefactaret, in fraudem ac perniciem hominum, illa vtentium: illūque perfractum nō occideret, sed comminueret. Tuncque Simonem intuitus, Si Dei (inquam) homo ego sum, Apostolus vero Iesu Christi verus, doctorque pietatis non erroris, cuiusmodi & tu Simon: impero improbis virtutibus apostatae pietatis, quibus vehitur Simon Magus, vt remittant suas vires, vt ab alto hic decidat in risum eorum, qui ab ipso decepti sunt. Cūque hæc dicerem, desertus à virtutibus Simon, cum magno fragore corruit, vehementerque concussus tregit coxendicē, & pedum tarfos, clamorque plebis ortus est, quo ferebatur vnum esse Deum, quem iuste Petrus nuntiaret, tantū veritate fretus, multique ab eo defecerunt. Quidam cū essent illius perniciæ digni, remanserunt in eius praua disciplina. Atque hoc modo primū inducta Romæ est impia Simonianorum hæresis, atque per reliquos Pseudapostolos operabatur Diabolus.

Quomodo hæreses & inter se, & cum veritate dissideant. Cap. X.

His omnibus vnus, atque idem erat propo-
 situs impietatis finis. Omnipotenti Deo
 maledicere: igitur Deum celebrare: nec esse
 Deum patrem Christi, neque Mundi condito-
 rem, sed ineffabilem, atque innominabilem per
 se genitum, legis & Prophetarum oraculis non
 locutum: prouidentiam nullam esse: resurrecti-
 onem non futuram, nec Iudicium, neque retri-
 butionem: animam esse mortalem: voluptatem
 solam sequendam: omnem cultum sine delectu
 amplectendum. Aliqui enim plures Deos esse
 putant, alii tres principio carentes, alii duos
 ingenitos, alii infinita æua inducunt, ac quidam
 nuptias respuunt, carnem item & vinum, quæ in
 rebus abominandis ponunt: item nubere, & li-
 beris operam dare prohibent, ac quosdam cibos
 capere, scilicet vt hac continentia suæ sententiæ
 prauitatem facilius probare possint. Quidam
 verò ex iis docent abstinendum carnibus, non
 quòd percant animantibus ratione carentibus,
 sed quòd ea animam rationis participem habe-
 re existimant, eosque pœnas cædis daturus, qui
 ea occidere audent. Alij suilla tantùm carne ab-
 stinent, iis, quæ lege munda censentur, vescun-
 tur: putantque circumcisionem ex lege seruan-
 dam. In Christum credendum veluti in virum
 sanctum, ac Prophetam. Alii docent sine pudore
 libidini inseruiendum, & carne abutendum,
 animamque ea sola ratione Mundi principes
 posse effugere, si omnem impuram actionem
 exequatur. Ij omnes Diaboli organa sunt, &
 iræ filij.

Contra has Hærese
 hæreses pra
 clarè dispu
 tat S. Igna
 tius in Epis
 tolis, non dō
 scedens à
 Clemente.

*Doctrina aposto-
loy cõditiõis pã-
cis sãcra*

Nos verò Dei soboles, & filii pacis, sacrum
 ac rectum prædicantes pietatis sermonem,
 vnum solum nuntiamus Deum, legis, ac Pro-
 phetarum Dominum: rerum omnium auctorẽ,
 Christi patrem: non qui sit sibi ipsi origo, & per
 se genitus, sed æternum: & principii expertem:
 & lumen inhabitantem inaccessibilem: non con-
 geminatum vel multiplicem, sed solum in ater-
 nitate: non ignotum vel silentio abditum, sed
 per legem, ac prophetas proditũ, omnipotentẽ,
 omnium opificem: omnium potestatem haben-
 tem: Deum & patrem vnigeniti & primogeniti
 omnis creaturæ: vnum Deum, vnus filii patrem,
 non multorum: vnus Paracleti per Christum,
 aliorum ordinum effectorem: vnum cõditorem
 variarum creaturarum per Christum: factorem
 eundem, rectorem ac legislatorem, per ipsum:
 resurrectionis auctorem, iudicii retributionis,
 per eundem Christum. Hunc ipsum voluit ho-
 minem fieri, qui versatus est cum hominibus si-
 ne peccato, passus est, à mortuis surrexit, & ad
 illum, qui eum miserat, reuersus est: Atque om-
 nem creaturam Dei bonam fatemur, nihilque
 respuendum, omnẽque, quod ad naturæ necessi-
 tatem pertinens iustẽ sumitur, id optimum du-
 cimus. Omnia enim secundum scripturam erant
 valde bona. Nuptias legitimas, & liberorum
 procreationem honestam, nec contaminatam
 credimus: nam ad propagandum genus homi-
 num,

num, sexuum differentia formata est in Adam & in Eua. Animam incorpoream, & immortalem affirmamus, nec interire eam veluti corpora, sed perpetuò manere, vti rationis participem, & libertate præditam. Omnem iniustum concubitus, maximè eum, qui contra naturam à quibusdam exercetur, respicimus vt nepharium, & sceleratum: resurrectionem futuram fatemur, iustorum & iniustorum, nec nõ retributionem. Christum non confitemur purum hominem, sed Deum verbum, & hominem, mediatorem Dei & hominum: Pontificem Patris. Neque verò vnà cum Iudæis circumcidimur, scientes venisse eum, cui repositum esset, & per quem custodirentur generationes, expectationem gentium. Iesum Christum, ex Iuda ortum, de Iessæ florem, cuius imperium super humerum eius.

Contra eos, qui Christum confitentur, & tamen Iudæizare volunt.

Cap. XII.

SED quoniam tunc hæc hæresis magnas ad de-
Sciendum vires videbatur habere, totaque
Ecclesia in periculo verlabatur, nos duodecim
cùm conuenissemus Hierosolymis (nam in lo-
cum proditoris Mathias Apostolus factus est)
qui sortem Iudæ accepit (vt scriptum est, Et
Episcopatu eius accipiat alter) vnà cum Iacobo
fratre Domini deliberabamus quid faciendum
esset: visumque est ipsi & Presbyteris, sermoni-

M

*Concilium cōgre
pat. totiq ecclia*

Matthias

*Jacoby per omnes
numerat. inter. 12.
apostolos idē s. lib.
2. c. 59. et vi. n. in
Ies. 1. 1. 1.*

Act. 15.

bus doctrinæ alloqui populum. Etenim quidam à Iudæa Anthiochiam profecti, docebant fratres, affirmantes nisi circumciderentur secundum morem Moſis, alióſque ritus, quos ille præceperat, ſeruarent, ſaluos fieri non poſſe. Cùm ergo ſeditio, quæſtióque non parua commota eſſet, & fratres, qui erant Anthiochiæ, & cognouiſſent nos conueniſſe, vt de hac re quæreremus: miſerunt ad nos viros fideles, & ſacrarum literarum peritos, vt de hac quæſtione cognocerent, qui cum ad nos venerunt, nuntiarunt nobis quæ in Anthiochæna Eccleſia quærebantur, aliquos affirmare, oportere circumcidi, aliásque ceremonias ſeruare. Atque aliis alia dicentibus, Ego Petrus cum conſurrexiſſem, Viri fratres (inquam) ſciitis vos ab antiquis diebus in nobis elegiſſe Deum, vt per os meum audirent gentes Euangelii ſermonem, & crederent. Et qui nouit corda Deus testimonium perhibuit iſis. Cornelio enim Centurioni imperij Romani, viſus eſt aliquando Angelus Domini, qui ei dixit vt me acceſſeret, ac de ore meo verbum vitæ audiret. Is verò à Ioppe Cæſaream Stratonis me vocauit. Cùmque me ad iter pararem, volui cibum capere: qui cùm pararetur, interea eram in cœnaculo orans: quo tempore vidi cœlum apertum, & vas quoddam quatuor initiis vinctum, veluti ſplendidum linteum in terram ſubmitti: in quo incluſæ erant omnes quadrupedes, atque reptiles terræ, & alites cœli: auditaque eſt vox de cœlo, Surge Petre, ſacrifica, & manduca. Et ego reſponſi, Nequaquam Domine, quoniam nihil cõmune,

*Petri oratio conſpicua
ea que continet.
in Act. apoſt.*

vel immundum vnquam comedi. Iterúmque au-
 dita vox est, *Quæ* Deus purgauit, ne tu immun-
 da existimaueris. Quòd cùm ter esset factum,
 vas in cælum receptum est. Cùmque in dubio
 essem, quónam spectaret visa species, dixit mihi
 Spiritus, Ecce viri te quærunt, surge & vade cum
 eis. nihil dubitans: quoniam ego illos misi. Ij ve-
 rò à Centurione missi fuerant. *Quæ* cùm mecù
 euoluerem, agnoui sermonem Domini scriptũ,
 Omnis, qui inuocauerit nomẽ Domini, saluus
 erit. Et rursus, Recordabuntur & conuertentur
 ad Dominum omnes fines terræ, & adorabũt
 coràm eo omnes Tribus gentium, quoniam Do-
 mini est regnum, & ipse dominatur gentibus.
 Cogitansque vbique de vocatione gentium scri-
 ptum esse, surrexi, & cum eis sum profectus, at-
 que domum illius intraui. Me verò ad huc nun-
 tiantem sermonem, cecidit Spiritus sanctus in eũ,
 atque in illos, qui vnà cum eo ibi aderant: quẽ-
 admodum nobis in principio acciderat: nullũm-
 que discrimen statuit inter nos, & illos, fide pu-
 rificans corda: & cognoui ego non esse accepto-
 rem personarum Deum, sed in omni gẽte eum,
 qui timet, ipsum, & operatur iustitiam, illi esse
 acceptũ. Commoti autẽ hac re sunt qui ex cir-
 cuncisione fideles erãt. Nunc igitur quid tentatis
 Deũ, vt imponamus iugũ graue collo discipulo-
 rum, quod nec nos, neque patres nostri ferre po-
 tuerũt, sed per gratiam Domini credimus salua-
 ri, quemadmodum & illi? liberauit enim nos
 vinculis Dominus, & leuauit nos onere nostro,
 iugũmque clemẽtia dissoluit. *Quæ* cùm dicerẽ,

*Ioel. 2.**Psal. 21.*

Jacobus

filuit omnis multitudo, respondit autem Iacobus frater Domini iis verbis, Viri fratres me audite, Simon narrauit quemadmodum primùm Deus statuit sumere de gētibz populum nomini suo, cui rei consentiunt verba Prophetarum quemadmodum scriptum est, Post hæc reuertar, & restituā tabernaculum Dauid collapsum, & ruinas illius reparabo, & excitabo illud vt requirant cæteri homines Dominum, & omnes gentes, super quas inuocatum est nomen meum, dicit Dominus faciēs hæc, nota sunt à sæculo Deo omnia opera sua. Quare ego iudico non grauādos eos, qui à gentibus ad Deum se conuertunt, sed scribendum ad eos vt se abstineant à contaminationibus gentium, Idolothytiis, sanguine, suffocato, & fornicatione: quæ etiam olim seruabantur ante legem ab iis, qui secundum naturam viuebāt, Enos, Enoch, Noë, Melchisedech, Iob, vel si quis alius huiusmodi fuit. Tūcque visum est nobis Apostolis, & Episcopo Iacobo, atque Presbyteris cum vniuersa Ecclesia, delectos ex nobis viros mittere vnā cum Barnaba, & Paulo gentium Apostolo, Tarsensi, & Iuda cognomento Barsabbano, ac Sila, viris præcipuis inter fratres, scriberéque epistolam eorum manu iis verbis.

Apostoli & Presbyteri, & fratres, his, qui sunt Antiocheæ in Cilicia, & Syria fratribus, ex gentibus, salutem.

» QVONIAM audiuimus quòd quidam ex nobis conturbauerunt vos sermonibus, peruertentes

» res animas vestras iis, quæ non mandauimus: vi-
 » sum est nobis in vnum congregatis, delectos vi-
 » ros ad vos mittere cum dilectis nostris Barnaba
 » & Paulo, hominibus, qui animas suas tradiderunt
 » pro Domino nostro Iesu Christo pro iis, quæ si-
 » gnificastis: misimus etiam cum iis Iudam, & Si-
 » lam, qui verbis eadem vobis referent. Visum est
 » enim Spiritui sancto, & nobis nihil plus imponi
 » vobis oneris, quam horum necessariorum, vt
 » abstinere ab Idolothytis, sanguine, suffocato,
 » & fornicatione, à quibus si continebimini, be-
 » ne ageatis. Valet. Atque epistolam quidem mi-
 » simus, nos verò per aliquot dies mansimus Hie-
 » rosolymis, simul deliberantes quæ ad communẽ
 » vtilitatem, & ad corrigendas res pertinebant.

Quòd oportet separari ab hæreticis.

Cap. XIII.

POSTEA intercessit aliquod tempus, visitatis
 fratribus, iisque in sermone pietatis confir-
 matis, admonitisq; fugere eos, qui sub nomine
 Christi & Mosis aduersantur Christo, & Mosis,
 & in pelle ouina includunt lupum: ij enim sunt
 Pseudochristi, & Pseudopropheta, & Pseudapo-
 stoli, deceptores, corruptores, vulpibus similes,
 humi iacetes, vinearum calamitas: propter quos
 refrigescet multorum charitas. qui verò perseue- Mat. 24.
 rauerit vsque in finem inflexibilis is, saluus erit.
 » A quibus vt caueremus, Dominus nobis denun- Mat. 27.
 » tiabat, Venient, inquiēs, ad vos viri in vestimen-
 » tis ouium, intus autem sunt lupi rapaces: à fru-

estus non debent esse qd in his opibz erat in illis et Jacob.
folij

CONSTIT. S. APOSTOLORVM

- » cibus eorum cognoscetis eos. Attendite ab ip-
- » sis. Surgent enim Pseudochristi, Pseudoprophe-
- ta, & decipient multos.

Qui sint, qui catholicam doctrinam prædica-
uerint, & que sint illorum præcepta.

Cap. XIII.

Doctrina catho-
lica. 12. Apostolorum
et Jacobi et Pauli

IGITUR horum causa nunc in vnum conue-
nientes Petrus, & Andreas, Iacobus, & Ioan-
nes filij Zebedæi, Philippus, & Bartholomæus,
Thomas, & Matthæus, Iacobus Alphæi, & Le-
bæus cognomento Thadæus, & Simon Canani-
tes, & Mathias Iudæ Iuffectus, & Iacobus frater
Domini, Hierosolymarum Episcopus, & Pau-
lus doctor gentium, vas electionis, vnà congregati
scripsimus ad vos hanc catholicam doctrinam ad vos confirmandos, quibus in vniuersa Ecclesia Episcopatus munus est commissum: in qua declaramus vobis, Deum Omnipotentem vnum esse, præter quem nullus est, atque vt illum solum colatis, & adoretis per Iesum Christum Dominum nostrum in sancto spiritu: vtamini-
que sacris Scripturis, lege, & Prophetis, parentes reuereamini: omnes nefarias actiones fugatis: resurrectionem & Iudicium credatis, retributionem expectetis: omnibus eius creaturis cū gratiarū actione vtamini: veluti eius operibus, nihilque in se continentibus mali, legitime con-
nubia iungatis: vituperatione enim carēt huius-
modi nuptiæ, quoniam & à Domino iungitur
viro mulier, atque Dominus dicit. Qui fecit ab

Mat. 17.

- » initio masculū, & fœminam, fecit eos & dixit,
 » Propterea relinquet homo patrem & matrem,
 » & adhærebit vxori suæ, & erunt duo in carne
 » vna. Neq; verò post nuptias liceat eam indénatā
 » eiicere: Custodiet enim, inquit, spiritu tuo, &
 » vxorem iuuentutis tuæ ne reliqueris: quoniam
 » ipsa est particeps vitæ tuæ, & reliquiæ spiritus *Mal. 2.*
 » tui, & ego feci, & non alius: inquit enim Domi-
 » nus, Quod Deus coniunxit, homo ne separet.
 » Mulier enim est vitæ consors ac socia, in vnum
 » corpus à Deo cõflata. Qui verò contrā scindit in
 » duo id, quod est in vnum à Deo concretū: ratio-
 » nē rerum à Deo conditarum euertit, & illius pro
 » uidentiæ aduersatur. Eodē modo retinens eam,
 » quæ naturæ legem violat, iniustè facit: quoniam
 » qui adulteram retinet, insanus atque impius est,
 » Abscinde enim eā, inquit, à carnibus tuis: non
 » enim est adiutrix, sed insidiatrix ad alium desle-
 » ctens mentē. Neque etiam circuncidamini: con-
 » tentique sint fideles circuncisione cordis in spi-
 » ritu. Circuncidimini enim, inquit, Deo vestro, *Ecl. 25.*
 » & circuncidite præputium cordis vestri. *Iere. 4.*

*Quòd non oportet baptismum iterare, neque
 recipere baptismum ab impiis datum,
 qui baptismus non est, sed potius
 contaminatio. Cap. XV.*

EODEM modo contenti sint vno solo bap-
 tismo, qui in Domini mortē traditur, nō mini-
 sterio abominandorum hēreticorum, sed proba-
 torum sacerdotum in nomine Patris, & Filij, &

Spiritus sancti. Neque impiorum baptismus recipitur, neque is, qui per sanctos administratur, altero baptismo, debet irritus effici, vt enim vnus est Deus, & vnus Christus, & Paracletus vnus: sic vnus est baptismus, qui in eius nomine datur. Qui verò ab impiis piaculum accipiunt, eorum sententiæ socij fiunt: non enim illi sunt sacerdotes: dicit enim iis Deus, Quoniam tu abiicisti sententiam, abiiciam & ego te, vt non sis sacerdos mihi. Neque verò baptizati ab iis, initiati censentur, sed potius inquinati, cum non peccatorum remissionem accipiant, sed impietatis vinculum induant. Verumtamē initiatos iterum baptizare tentantes, crucifigunt Dominum, iterum eum interimunt, derident diuina, eludunt sancta, insultant Spiritui, sanguinē sanctum veluti communem contemnunt, peccant in mittentem, in passum, & in testificantē. Sed etiam, qui ob negligentiam baptizari contemnit, veluti infidelis condemnabitur, & ei exprobrabitur

I. R. 1.

IOAN. 3.

” veluti ingrato. Ait enim Dominus, Nisi quis
 ” baptizatus fuerit ex aqua & Spiritu sancto, non
 ” ingredietur in regnum cœlorum. Et iterum, Qui
 ” crediderit, & baptizatus fuerit, saluabitur: qui
 ” verò non crediderit, condemnabitur. Qui verò

PROV. 3.

” dicit, Baptizabor cum ad finem vitæ peruenero,
 ne peccem, & baptismum inquinem: is Deum
 ignorat, & suæ naturæ est parum memor. Noli
 ” enim differre cōuerti ad Dominum: nescis enim
 quid sequens dies pariat. Baptizate quoque pue-
 rulos vestros, & educate eos in disciplina & præ-
 ceptis Dei. Sinite enim, inquit, paruulos venire

ad me, & nolite eos prohibere.

De libris falsò in scriptis. Cap. XVI.

HÆc omnia mandauimus vobis, vt nostram sententiã cognosceretis cuiusmodi sit, atque nostro nomine inuulgatos ab impiis libros ne receperitis: non enim nominibus Apostolorum attendere debetis, sed naturæ rerũ, & rectæ sententiæ: nouimus enim à Simone & Cleobio pestilentes sub nomine Christi & Apostolorum compositos libros circumferri in fraudẽ vestri, qui Christum, nõsque eius seruos diligitis. Prius quoque temporibus quidam libros Apocryphos scripserunt Mosis, Enoch, & Adæ, Isaia quoque, Dauidis & Helia, atque trium Patriarcharum perniciosos & veritati infestos. Tales modò libros effecerũt execrãdi homines, damnantes rerum originem, nuptias, prouidentiam, liberorum procreationem, legem, Prophetas, barbara quædam nomina inserẽtes, vt ipsi aiunt, Angelorum, re vera autem dæmonum in ipsis loquentium. Quorum doctrinam fugite, ne supplicij eorum participes sitis, qui illos conscripserunt, vt deciperent ac perderent fideles, & laudandos Domini Iesu discipulos.

De Clericis. Cap. XVII.

EPISCORVM & Presbyterũ, ac Diaconum dicimus vnus vxoris debere constitui, siue viuant eorum vxores, siue decesserint: non licere autem iis, si post ordinationem sine vxore fue-

CONSTIT. S. APOSTOLORVM
rint, ad nuptias transire, vel si vxores habeant,
cum aliis coniungi, sed contentos esse ea, quam
habentes ad ordinationem venerunt: ministros
quoque, Cantores, Lectores, Ostiarios vnus
vxo- ris viros esse iubemus. Si ante nuptias ad cle-
rum venerunt, concedimus eis vt vxores ducere
possint, siquidem hoc expetent, ne si peccaue-
rint, pœna afficiantur: statuimus autem nemini
licere ex clero amicam, vel ancillam, vel viduã,
vel repudiatam ducere, vt etiam lex vetat. Dia-
conissa sit virgo, casta, sin minus, saltem vidua
eligatur, quæ vnum virum habuerit, fidelis &
honestâ.

*Adhortatio, admonens fugiendam impio-
rum hæreticorum societatem.*

Cap. XVII.

PŒNITENTES recipite: hæc est enim Dei
voluntas in Christo. Cathecumenos, post in-
stitutionem baptizate. Impios hæreticos, qui
impœnitentes fuerint, segregatos à fidelibus eii-
cite, atque à Dei Ecclesia exterminate, præcipi-
tèque fidelibus, vt ab eorum consuetudine om-
nibus modis se abstineant, nec sermonis cum
iis, neque precû communionem habeant vllam.
Ii enim aduersarij, insidiatorésque sunt Eccle-
siæ, qui gregem labefactât, & hæreditatem con-
taminant. Ostentatores, atque ex omni parte de-
prauati, de quibus dicebat Solomon, in impieta-
te eos simulare pietatē. Est enim, inquit, via quæ
videtur quibusdam recta, sed extrema eius respi-

Prov. 14.

»
» videtur quibusdam recta, sed extrema eius respi-

ciunt profunda Inferni : hi sunt illi, de quibus Dominus amarè seuerèque pronuntiauit, dicēs: Quòd sunt Pseudochristi, & doctores falsi, qui blasphemia affecerūt Spiritum sanctum, eiusque donum post adeptam gratiam reiecerūt, quibus non remittetur, nec in hoc sæculo, neque in futuro: qui Iudæos falsa religione superant, Græcos impietate: qui Deo, qui est super omnia, maledicunt, & Filium eius despiciunt, atque doctrinam Spiritus contemnunt : qui diuinos sermones negant , & per hypocrisim se eos recipere simulant in cõtumeliam Dei, fraudémque corū, qui eos sequuntur, qui sacram scripturam derident, & iustitiã, quæ tandē illa sit, ignorant: qui Ecclesiam Dei labefactant, veluti vulpeculæ vineam: quos monemus vt fugiatis, ne laqueis animas vestras impediatis. Nam qui cum iustis ambulat, iustus erit : & qui cum insipientibus ambulat, cognoscetur: nec enim cum furibus currere oportet, neque cum adultero partem ponere, quoniam sanctus Dauid, inquit, Domine qui oderunt te, eos odio habui, & aduersus inimicos tuos contabui : perfecto odio oderam illos : inimici facti sunt mihi. Et Iosaphat Deus exprobrat amicitiam, societatemq; initam cum Ahabo, & Ozia, per Ionam Prophetam inquires, Si cum peccatore tu amicitia iungeris, & auxilium præbes ei, qui odio habetur à Domino, ideo statim ira Domini facta esset in te, nisi inuentum fuisset cor tuum perfectum erga Dominũ : propterea pepercit tibi Dominus: veruntamē interrupta sunt opera tua, & fractæ sunt naues tuæ.

*Eccle. 9.**2. Par. 19.*

Isa. 57.

Vitate igitur illorum societatem, atque ab eorum pace abalienamini: de iis enim Propheta loquebatur iis verbis, Non est gaudere cum impiis, dicit Dominus: ij enim sunt occulti lupi, no-
 ui canes, qui nō possunt latrare, qui quidem modò sunt pauci, sed progrediente, atque appropinquante cōsummatione, plures grauiorésque sunt
 „ futuri: de quibus dicebat Dominus. Nunquid si-
 „ lius hominis cum venerit, inueniet fidem in ter-
 „ ra? & eo quòd abundabit iniquitas, refrigescet
 „ charitas multorum, & venient Pseudochristi, &
 „ Pseudoprophetæ, & dabunt signa in cœlo, vt si
 „ fieri possit etiam electi decipiantur: quorū fraude liberabit nos Deus per Iesum Christum, qui est spes nostra. Etenim nos quoque cūm peragrarem^{us} gentes, Ecclesiásque confirmarem^{us}, alios quidem multis admonitionibus & sermonis medicina curatos ad sanitatem reduximus, cūm morti essent vicini, & tantūm non animam efflarent: eos, qui nullo remedio curari potuerunt, ab ouili ciecimus, ne morbi contagione valentes agni contabescerent, sed puri, mundi, sani, integri Domino conseruarentur. Atque hæc quidem vbique toto orbe terrarum in singulis ciuitatibus præstitimus. Reliquimus verò vobis Episcopis, & reliquis sacerdotibus iure, ac merito huius catholicæ doctrinæ monumentum pro confirmatione illorum, qui Deo crediderunt. Quam doctrinam misimus per Clementem cooperatorem nostrum fidelissimū, & filium vnanimem in Domino vnā cum Barnaba & Timotheo filio optatissimo, & Marco Germano, cum

Clementis auctor
 Barnabas
 Timotheus
 Marcus germanus

quibus Titum vobis dedimus, & Lucam, Iasonem quoque & Lutium, & Sosipatrum, per quos hortamur vos in Domino, ut à veteri consuetudine recedatis, vinculorum, inanum, exterminationum, obseruationum, delectus ciborum, baptismorum quotidianorum: vetera enim recesserunt, ecce noua sunt omnia.

*Titig. Lucas. Iaso
Lutij. Sosipater*

Contra improbantes legem. Cap. XIX.

COGNOSCITIS enim Deum per Christum; vniuersamque eius dispensationem à principio institutam, quod dedit nobis legem simplicem ad auxilium naturalis legis, puram, salutarē, sanctam, in qua & proprium nomen reposuit, perfectam, absolutam, decem præcepta continentem, plenam, reprehensione carentem, conuertentem animas, cuius inimemores Hebræos
 „ per Malachiam prophetam admonet, dicēs: *Re-Mal. 4.*
 „ cordamini legis Moſis hominis Dei, qui præcepit nobis mādāta & iuſtitias: qui ad eū ſanctus ac
 „ iuſtus eſt, ut cūm Dominus leproſum vnum curauiffet, poſteāque nouem alios, dixerit priori,
 „ Vade & oſtende te Pontifici, & offert munus, *Luc. 5.*
 „ quod præcepit Moſes in teſtimonium ipſis: nouem verò illis ruſum, Ite & oſtendite vos ſacerdotibus. Non enim legē diſſoluit, ut Simon opinatur, *Mat. 5.*
 „ ſed impleuit. Inquit enim, Iota vnum, & vnus apex non præteribit à lege, quouſq; omnia ſiant: non enim veni, inquit, ſoluere legem, ſed adimplere. Etenim Moſes legiſlator ſimul ac Pontifex, idēmq; Prophetā, & Rex, Helias quoque zelator Prophetarum adfuerūt in tranſfigu-

ratione Domini in monte, incarnationis, passionisq; testes, vt amici familiarisque Christi, nō vt inimici, & alieni. Ex quibus perspicuum fit, legem bonā sanctāque esse vnā cum Prophetis.

*Quæ sit naturalis lex, & quæ sit inducta,
atque adiecta, & quam ob causam
inducta sit. Cap. XX.*

Exo. 20.

LEX est Decalogus, quàm antequàm populus
Lvitulum, hoc est, apim Ægyptium faceret,
Deus tulit voce, quæ auribus audiretur. Hæc lex
iusta est: ob quam causam lex dicitur, quoniam
secundum naturam iustè iudicia facit, quam Si-
mon improbat, putans se ab ea iudicatum, sup-
plicium effugere non posse. Hæc lex bona est,
sancta, libera: inquit enim, Si feceris mihi alta-
re, ex terra facies mihi ipsum: non dixit Fac, sed,
si feceris: non necessitatem imposuit, sed liberæ
potestati permisit: non enim sacrificio opus ha-
bet Deus, cùm nulla re suaptè natura indigeat,
sed quemadmodum iam superiori tempore Deo
charus Abel, & Noë, atque Abraham, & reliqui
non rogati, sed naturali lege commoti, sua spon-
te Deo sacrificia offerebant à grato animo pro-
fecta, ita permittit modò Hebræis, non iubendo,
sed si voluerint concedendo: ac si recta ani-
mi sententia obtulerint, benignè recipiendo sa-
crificia ipsorum. Ideo, inquit, Si sacrificare desi-
deras, non indigenti mihi sacrificia: nulla enim
re opus habeo: meus est enim orbis terrarum, &
perfectio eius. Cùm verò eius populi homines

huius rei immemores fuerunt, & vitulum pro Deo Deum inuocauerunt, eique causam profectio- nis ab Ægypto tribuerunt, dicentes: Hi sunt Dei tui Israël, qui eduxerunt te de terra Ægypti. Et colentes similitudinē vituli comedētis fœnū, negauerunt Deum, qui per Mosen visitaauerat ipsos in tribulatione ipsorū, Mosen (inquam) qui in manu & virga signa effecerat, Ægyptios decē plagis percusserat, mare rubrū diuisis aquis trāsmiserat, eos per mediam aquam vt equitatū per campum duxerat, inimicos, & insidiatores eorū demerserat, fontem amarum ad Maran dulcem reddiderat, ex duro lapide aquam ad satietatem eduxerat: columna nubis propter æstus magnitudinem eos contexerat: columna ignea illustrauerat, viamque monstraerat ignorantibus quò pergerent: qui manna de cælo dederat, à mari carnis copiam miserat inuecta ortygometra: qui in monte leges eis dederat. Cuiusque vocem audire meruerant, cum abnegauerunt dicentes, Fac nobis Deos, qui præeant nos: vitulūque conflauerunt, & sacrificauerunt Idolo. Tunc verò ira incensus Deus, vt qui eos ingratos videbat, obligauit eos vinculis arctissimis oppressionem onerum, atque duricie catenæ, & non ampliùs dixit, Si feceris, sed Fac altare, & assiduè sacrificata: immemor es enim gratia. Offer igitur iuge holocaustum, vt memor sis mei. Nam quoniam malè vsus es libertate, posthac tibi impono necessitatem, atque certis cibus te prohibeo, & animalium mundorum & immundorū delectū tibi præscribo, quanuis omne animal bonitatem

Exo. 22.

habeat, vt quod à me factum sit, & exterminationes tales tibi impero, expiationes, assidua bap-
 tismata, aspersiones, lustrationes, cessationes
 varias, atque iis singulis, nisi obtemperaueris,
 pœnam statuo, vt æquum est inobedienti, vt hoc
 modo vexatus, & catena enectus, à multitudine
 deorum recedas: omissòque illo, Hi sunt dij tui
 Exod. 32. Israël. Recorderis illius, Audi Israel Dominus
 Deus tuus Dominus vnus est, confugiásque ad
 illam legem, quam ego natura hominibus indidi,
 vnum solum esse Deum in cœlo & in terra, hūc-
 que diligendum ex toto corde, ex omnibus vir-
 ribus: atque ex omni mente, & excepto illo ne-
 minem timendum: neque aliorum deorum no-
 men mente concipiendum, neque lingua pro-
 nuntiandum. Nam ob duritiem obligauit eos, vt
 sacrificando, cessando, se expiando, atque talia
 obseruando, in cogitationem eius venirent, qui
 hæc ipsis præcepisset.

*Quòd sub gratia sumus, & non in serui-
 tute legis inductæ in Christum cre-
 dentes. Cap. XXI.*

VESTRI, qui credidistis in vnum Deum, ac nõ
 necessitate, sed recta sententia, ei, qui vos vo-
 cavit, paruistis, beati sunt oculi, quoniam vident:
 & aures, quoniam audiunt. Soluti enim estis
 vniculis, & seruitute liberati. Non ampliùs enim
 (inquit) dico vos seruos, sed amicos, quoniam
 omnia, quæ audiui à Patre meo, manifestauì vo-
 bis. Illis enim nolentibus loqui vel audire, non
 defectu

defectu pœnarum, sed abundantia nequitia, de-
 di mandata non bona, & iustitias, in quibus vi-
 cturi non sunt. Non bona autem ex proposito
 ipsorum, quoniam cauteria, gladius, medicamē-
 ta infesta sunt non valentibus: non seruatur au-
 tem propter inobedientiam, vnde non seruata
 mortem eis afferunt.

*Quòd lex de sacrificio inducta erat, quam
 adueniens Christus, sustulit.*

Cap. XXII.

Vos igitur beati estis, qui maledictione estis
 liberati. Christus enim Dei filius cùm ve-
 nisset, legem ratam habitam impleuit, inducta
 sustulit, si non omnia, at grauiora: legem confir-
 mans, iis finem imponens, voluntatēque hu-
 manam rursus dimisit liberam, vt non hic tem-
 poraneæ mortis iudicium exerceat, sed in alio
 statu rationes sit cogniturus. Ideoque dicit, Qui
 vult venire post me, veniat. Et rursus, Num &
 vos vultis abire? Iam verò ante quoque eius ad-
 uentum recusabat populi sacrificia, sæpenumerò
 in eum peccantis, atque existimantis sacrificiis
 cum non pœnitentia placarum iri. Ita enim, in-
 quit, Vt quid mihi incensum de Saba affers, &
 cinnamomum de terra longinqua? Holocausto- *Jerem. 6.*
 mata vestra non sunt accepta, & sacrificia vestra
 non placent mihi. Et deinceps, Holocausto- *Jerem. 7.*
 mata vestra congregate cum sacrificiis vestris, & co-
 medite carnes, quoniam non mandauit vobis,
 quando eduxi vos de terra Aegypti. De holocau-

- stis, & sacrificiis per Isaiam quoque, Quid mihi
Isa. 1. multitudo victimarum vestrarum? dicit Domi-
 nus. Plenus sum holocaustis arietum : adipem
 agnorum, & sanguinem taurorum, & hircorum
 nolo, neque veneritis apparere mihi. Quis enim
 quaesivit hæc de manibus vestris? calcare atrium
 meum non addetis amplius. Si obtuleritis filiginem,
 vanum, incensum, abominatio est mihi. Neome-
 nias vestras, & sabbata vestra, & diem magnum
 non feram. Ieiunium, & cessationem, & festiuitates
 vestras odit anima mea. Facti estis mihi in satie-
Amos. 5. tatē. Et per alium dicit, Discede à me, sonum car-
 minum tuorum, & psalmum organorum tuorum
 non audiam. Et Sauli, qui sacrificare constituerat
1. Reg. 15. Samuel dicit, Bona auscultatio super sacrificium,
 & obedientia super adipem arietum. Ecce enim
 non vult Deus sacrificium sicut obtemperari si-
 bi, & per David dicit, Non recipiam de domo
 tua vitulos, neque de gregibus tuis hædos. Si
Psal. 49. esuriero, non dicam tibi: meus est enim orbis
 terrarum, & perfectio eius. Num manducabo
 carnes taurorum, aut sanguinem hircorum bibam?
 Sacrifica Deo sacrificium laudis, & redde altissi-
 mo vota tua. Atque in omnibus scripturis eorum
 sacrificia reiicit, quoniam ij in ipsum peccauerunt.
 Sacrificia enim impiorum, abominatio apud
Prov. 15. Dominum. Etenim iniquè offerunt ea. Et iterum,
 Sacrificia ipsorum tanquam panis ipsis, omnes
 comedentes ea inquinabuntur. Quod si ante suum
 aduentum, loco sacrificij cor mundum postula-
 bat, & spiritum contritum, modo cum iam vene-
 rit, multo magis hæc, quæ per sanguinem fiebant,

eum dicimus sustulisse. Sustulit autem cum prius illa impleuerit: etenim circumcisus est, & aspersus, sacrificia quoque obtulit, & holocausta, atque aliis moribus usus est: ipseque legislator effectus est perfectio legis, non sublata lege naturali, sed extinctis iis, quæ per Deuterolim inducta fuerant, quanquam non omnibus.

Quomodo Christus impleuerit legem, & quæ extinxerit, quæ commutauerit, vel transtulerit. Cap. XXIII.

LEGEM enim naturæ non sustulit, sed confirmauit: nam qui dixit in lege, Dominus Deus Deut. 6. tuus, Dominus vnus est: idem dicit in Euāgelio, Ioan. 17. Vt cognoscant te solum Deum: & qui dixit, Diliges proximum tuum, sicut te ipsum: in Euāgelio renouato præcepto. Ioan. 13. Mandatum nouum do vobis, vt diligatis vos inuicem. Qui tunc cædem prohibuit, modò prohibet inconsideratam iram: qui tunc adulterium, modò illicitam cupiditatem: qui tunc latrocinium, modò magis commendauit eum: qui de propriis laboribus inopibus præbet: qui tunc odium prohibuit, nunc inimicorum dilectionem præcepit: qui vindictam, nunc præcipit patientiam, non quòd iniusta sit vindicta, quæ iuste sumatur, sed quòd præstantior sit patientia. Neque verò naturales affectiones excidi iussit, sed illarum exuperantiam, qui colendos parentes præcepit, ipse iis subiectus erat, qui Sabbatum seruari voluit, vt ille dies consumeretur in legum meditatione,

nunc quotidie iussit nos cogitantes conditæ naturæ prouidentia que legem, gratias agere Deo. Circumcisionem sustulit, cum eam in se expleffer. Ipse enim erat, cui reposita erat expectatio gentium, qui iusiurandum præceperat, & periurium prohibuerat, omnino iurare vetuit. Baptisimum, sacrificium, sacerdotium, localem adorationem alio modo mutauit: pro quotidiano baptismo, vnum solum baptismum instituit, qui in eius mortem perficitur pro vna tribu. De qualibet natione præcepit optimos deligi, nec corporum integritatem spectari, sed religionem ac vitam. Pro sacrificio cruëto, rationale, & incruentum, ac mysticum sacrificium instituit, quod in mortem Domini per symbola corporis, & sanguinis sui celebratur: pro adoratione locali, ab ortu Solis vsque ad occasum in omni loco imperij sui, nomen suum celebrari statuit. Quare non sustulit à nobis legem, sed vincula: nam de lege

- Deut. 6.* Moses inquit, Meditaberis verbum, quod ego tibi mando, sedens domi, surgens & ambulans in via. Et Dauid ait, In lege Domini voluntas eius, & in lege eius meditaberis die ac nocte:
- ” vbiq; enim nos legibus obsequentes esse vult,
- ” non legum contemptores. Beati enim (inquit)
- Psal. 1.* immaculati in via, qui ambulant in lege Domini: Beati qui scrutantur testimonia eius: in toto
- ” corde exquirent eum. Et iterum, Beati sumus
- ” Israël, quoniam quæ placent Deo, cognita sunt
- ” nobis. Et Dominus inquit, Si hæc cognouistis,
- ” beati estis si feceritis ea.

Quòd per Romanos quoque voluit Dominus iustitiæ legem demonstrari.

Cap. XXIII.

NON solum per nos Iustitiæ legem vult demonstrari, sed etiam placuit sibi, vt ea per Romanos appareret, atque luceret : nanque ij quoque credentes in Dominum, à deorum errore, atque iniquitate recesserunt, & bonos receperunt, improbòsque puniunt, & Iudæos vectigales habent, atque suis iustis eos vti non permittunt.

Quòd Deus Iudæos ob impietatem, qua aduersus Christum vsi sunt in seruitutem redactos, tributo subiecit.

Cap. XXV.

QVONIAM sponte seruitutem sibi imposuerunt dicentes, Non habemus Regem nisi Cæsarem: & nisi occidamus Christum, omnes in eum credent, & venient Romani, & tollent locum nostrum & gentem. Atque inuiti, vera prædixerunt : nam & in eum gentes crediderunt, ipsiq; à Romanis potestate spoliati sunt, prohibitiq; ea facere, quæ sibi patriis legibus præcepta fuerant : Maledictus enim, inquit, qui non manet in *Gal. 3.* omnibus scriptis in libro legis vt ea faciat : fieri autem non potest, vt cum dispersi vagiq; inter gentes viuant, omnia faciant, quæ lex præscribit. Verat enim diuinus Moses altare extra Hierosolyma constitui, legemque extra Iudææ fines legi. Sequentes igitur nos Christum, benedictio-

CONSTIT. S. APOSTOLORVM
num hæreditatem adipiscamur, legi & Prophe-
tis per Euangelium obsequamur. Fugiamus eos,
qui Deos colunt, interfectores Christi, & Pro-
phetarum, nephandos atque impios hæreticos,
obtemperemus Christo vt Regi, qui potestatem
habet inducendi varias leges, ac tanquàm sapiēs
legislator nouas ferendi, vbique naturalibus im-
mobilibus conseruatis.

*Quòd fugere oportet hæreticos tan-
quàm animarum pestem.*

Cap. XXVI.

*Hæreses illig
ois*

CAUETE ab hæreticis omnibus Episcopi &
laici, qui legem, & Prophetas improbant.
Deo enim Omnipotenti infesti non parent, &
Christum non confitentur filium Dei: negant
enim eius generationem secundum carnē. Cru-
cem erubescunt, passionem ac mortem contem-
nunt, resurrectionē ignorant, æternam eius ge-
nerationem præcidunt. Alij ex iis in alio impie-
tatis genere versantur: opinari Dominum pu-
rum hominem esse ex anima tantum & corpo-
re constantem, alij Iesum illum ipsum Deum,
qui est super omnia, esse existimāt, putantes eum
sibi ipsi patrem esse: quibus quid potest esse ma-
gis impium? alij rursus cibos quosdam vitupe-
rant, nuptiāsque cum liberorum procreatione
improbant: quòd opus sint diaboli: cumque ob
suam improbitatem sint impij, nolunt à mortuis
resurgere: propterea resurrectionē labefectant,
dicentes, nos eximios quosdam fore, si comede-

re, & bibere noluerimus, fingentes dæmonia quædam nudata carnibus, à mortuis excitatum iri, qui damnabuntur ad ignem æternum. Quare fugite ab iis, ne vnà cum illorum impietate pereatis.

De Iudaicis & Græcis obseruationibus.

Cap. XXVII.

QVOD si quidam Iudaicas consuetudines obseruant, fluxum seminis, nocturnas pollutiones, legitimos concubitus: dicant nobis his horis, vel diebus, quibus horum aliquid ipsis accidit, abstinèntne se ab oratione vel à libro tangendo? si affirmabunt, perspicuum est eos Spiritu sancto destitui, qui semper cum fidelibus versatur: nam de Sanctis ait Solomon, vt vnusquisque se præparet, vt cum dormit, custodiat eum, & cum expergiscitur, colloquatur cum eo. Nam si existimas, ô mulier, septem diebus te in puerperio manentem, Spiritu sancto priuatam esse, num quoque si repenti mortem obires, vacua Spiritu sancto, & destituta spe erga Deum decederes? vel potius spiritum habes omnino inseparabilem, vt qui locum non occupet? necessaria est autem tibi oratio, & spiritus afflatus, cum nihil in eo pecces. Nam nec legitimus concubitus, nec cubile, nec sanguinis fluxus, nec nocturna pollutio potest hominis naturam contaminare, vel Spiritum sanctum auferre, sed sola impietas & actio iniusta. Nam Spiritus sanctus semper manet cum iis, qui cum adepti sunt, quousque digni fuerint, & à

quibus se subtrahit, eos desertos, & spiritui nequam cōtraditos dimittit. Homo autem omnis, alius Spiritui sancto plenus est, alius impuro, nec potest alterum effugere, nisi aliquod cōtrarium patiatur. Paracletus enim odit omne mendaciū, Diabolus omnem veritatem. Vnusquisque autem qui baptismum verè est adeptus, à diabolico spiritu recessit, & Spiritum sanctum obtinuit, atque bonum agēti adest Spiritus sanctus, complens eum sapientia & intellectu, nec permittit spiritū malum ad eum accedere, obseruans illius inuasiones. Tu ergo mulier si quemadmodum dicis, in diebus puerperij Spiritu sancto vacua es, certè plena es impuro: nam nec orans, neque legens inuitum illum aduocas: amat enim is ingratos, si vllus alius, inertes, negligentes, somnolentos, quoniā ipse quoque ingrato animo malignus à Deo spoliatus est dignitate, qui pro Archàngelo, diabolus esse maluerit. Ideo mulier varios sermones desere, sempérque memor esto Dei, qui te creauit, atq; ei supplica. est enim tuus quoque, qui cunctorum est Dominus: meditaréque illius leges, nihil obseruans, nec naturalem purgationem, neque concubitū legitimū, neque partum, neque abortum, neque corporis maculam: quoniā huiusmodi obseruationes, sunt stultorum hominum inania commēta, ac mente carentia: nam nec funus, nec cadauer, nec sepulchrum, nec cibus, nec pollutio potest animam hominis inquinare, sed sola aduersus Deum impietas & iniquitas, atque proximi iniuria, vt rapina, & vis atque omne quod est Iustitiæ cōtra-

rium, adulterium, fornicatio. Quare iis vitatis, deferite obseruationes dilecti, Græcorum enim sunt propriæ: non enim mortuū abominamur vt illi, sperantes illum iterum victurum, neque legitimū cōcubitum improbamus. Est enim eorum consuetudo vt in iis impié sentiant: Dei enim voluntate conciliatur viri & mulieris iusta coniunctio. Nam qui fecit ab initio masculum, & fœminam fecit eos, & benedixit eis, ac dixit, Cre-
 » scite & multiplicamini, & replete terrā. Quare
 » si Dei voluntate sexus sunt ad sobolem propa-
 » gandam cōgeminati, ergo de illius quoque sententia facta est maris & fœminæ congressio.

*De masculorum concubitu, adulterio,
 fornicatione. Cap. XXVIII.*

AT non ille abominabilis concubitus, qui contra naturam fit, neque praua actio, quæ Deo infesta est? nam contra naturam est Sodomorum peccatum, & cum bestiis coniunctio, praua actio adulterium, & fornicatio, quorum factorum aliud est scelus, aliud est iniustitia, vltimum est peccatum, nullum verò impunitum relinquitur pro suo genere. Nam primi quærunt mundum dissolui, iis, quæ secundum naturam sunt, contra naturam abutentes. Secundi iniuste faciunt, qui alienas nuptias corrumpūt, & quod à Deo in vnum coniunctum est, in duo diuidunt, filiosque suspectos faciunt, & naturalem virum inuidius exponunt. Fornicatio est propriæ carnis

corruptio quæ non causa liberorum expetitur, sed voluptatis: quod est incontinentiæ signum, non argumentum virtutis. Hæc autem omnia legibus prohibita sunt, inquit enim Scriptura,

Leuit. 18.

& 20.

Leuit. 18.

& 20.

Deut. 22.

Non dormies cum masculo coitu muliebri: maledictus enim est talis, & lapidibus obruite eos: abominationem fecerunt. Omnem dormientem cum iumento, interficite eum: iniquitatem fecit
 „ in populo. Et si quis mulierem nuptam vitiaue-
 „ rit, occidite vtrumque, iniquitatem fecerunt,
 „ rei sunt: moriantur. Et deinceps, Non erit, qui
 „ fornicetur in filiis Israël. Et non erit quæ fornicetur de filiabus Israël. Non offeres mercedem

Deut. 23.

meretricis Domino Deo tuo ad altare, nec pretium carnis. Non enim, inquit, castæ sunt preces de mercede meretricis. Hæc leges prohibuerunt,
 „ nuptias commendauerunt, benedictas eas ap-
 „ pellantes: quoniam benedixit eis Deus, qui fœ-
 „ minam cum masculo coniunxit. Ait quodam
 „ in loco sapiens Solomon, A Domino copulatur mulier viro. Et Dauid inquit, Vxor tua sicut viris abundans in lateribus domus tuæ: Filij tui sicut nouellæ oliuarum in circuitu mensæ tuæ. Ecce sic benedicetur homo, qui timet Dominum. Nuptiæ igitur honestæ & commendabiles sunt, ipsaque liberorum procreatio pura est: nihil enim mali inest in bono. Neque verò naturalis purgatio odiosa Deo est, qui illam instituit in mulieribus per menstrua spatia, valetudinis, firmitatisque causa, cum otiosæ sint, ut quæ magna ex parte domi sedent, sed etiam (ut habetur in Euangelio) cum illa, quæ patiebatur flu-

Prov. 19.

Psal. 127.

ris abundans in lateribus domus tuæ: Filij tui sicut nouellæ oliuarum in circuitu mensæ tuæ. Ecce sic benedicetur homo, qui timet Dominum. Nuptiæ igitur honestæ & commendabiles sunt, ipsaque liberorum procreatio pura est: nihil enim mali inest in bono. Neque verò naturalis purgatio odiosa Deo est, qui illam instituit in mulieribus per menstrua spatia, valetudinis, firmitatisque causa, cum otiosæ sint, ut quæ magna ex parte domi sedent, sed etiam (ut habetur in Euangelio) cum illa, quæ patiebatur flu-

xum sanguinis, valetudinis gratia salutarem sim-
 briam attigisset, non moleste tulit Dominus, ne *Mat. 9.*
 que omnino illam accusauit, imò potius eam
 ” curauit dicens, Fides tua te saluam fecit. Men- *Ezech. 18.*
 ” struisque apparentibus mulieribus, virum cum eis
 ” ne cocant, vt filij sine morbo nascantur: prohi-
 ” buit enim hoc lex inquiring, Ad mulierem men-
 ” struatam ne accedas. Neque verò cum prægnã-
 ” tibus consuetudinem habeant: non enim sulci-
 ” piendorum filiorum, sed voluptatis causa hoc
 ” faciunt. Oportet autem Dei amicum, non appe-
 ” tere voluptatem.

*Quomodo oporteat mulieres viris suis
 subiectas esse, & viros diligere
 suas vxores.*

Cap. XXIX.

MVLIERES subiectæ estote viris vestris, eòs-
 que in honore habete, ac timore, & chari-
 tate illis inseruite: quemadmodum sancta Sarra
 Abraham honorabat, quæ nec nomine ipsum
audebat appellare, sed dominum illum vocabat:
 Dominus meus, inquit, senex est. Item viri di-
 ligite vestras vxores vt propria membra, vt vitæ
 ” focias, in filiisque generandis adiutrices. *Prou. 5.*
 ” enim inquit, cum muliere, quæ est à iuuentute
 ” tua, cerua tuæ amicitia, & pullus tuarum gratia-
 ” rum conuerfetur tecum, propria verò præeat te,
 ” & adsit tibi in omni tempore. In huius enim
 ” amicitia implicatus, multiplicabilis eris. Diligi-

Mal. 2. te ergo eas vti membra propria, vti corpora ve-
 ” stra. Scriptum est enim hoc modo, Dominus te-
 ” stificatus est, inter te & mulierem adolescentiæ
 ” tuæ, & hæc consors tua, & non alius fecit, & reli-
 ” quia spiritus tui, & custodite in spiritu vestro.
 ” Et mulierem adolescentiæ tuæ ne deseras. Vir
igitur & vxor iustis nuptiis coniuncti, mutuo se
excitantes, sine obseruationibus orent, & quan-
uis non lauent, tamen erunt lustrati. Qui verò
alienam vxorem corruperit, vel cum meretrice
se inquinauerit, neque si toto mari, atque omni-
bis fluuiis se abluerit, expiari poterit.

*Quòd Iudæorum & Græcorum mos est
 ob seruare naturales purgationes, & mor-
 tuorum reliquias vitare: à Christianis ve-
 rò hoc est alienum.*

Cap. XXX.

NOLITE obseruare legalia, nec naturalia pia-
 cula, existimantes iis contaminari, nec se-
 quamini Iudaicas separationes, nec assiduos ba-
 ptismos, neque expiationes in contactu mortui,
 sine vllaque exceptione conuenite in cæmete-
ria, sacros libros in iis legentes & psallentes pro
iis, qui dormierunt, Martyribus, atque omnibus
sanctis, qui à sæculo fuerunt: proque fratribus
nostris, qui in Domino obierunt: Et antitypum
regalis corporis Christi, acceptabilemque Eu-
charistiam offerte in Ecclesiis & cæmeteriis
vestris. Atque in exitu mortuorum psallentes,

*Sacra ficia
 mortui*

„ eos deducite, si fideles fuerint in Domino, Pre-
 „ ciola enim in conspectu Domini mors sancto-
 „ rum eius. Et iterum, Reuertere anima mea in re-
 „ quiem tuam, quoniam Dominus benefecit tibi.
 Et alio in loco, Memoria iustorum cum laude.
 Et iustorum animæ in manu Dei. Nam, qui in
 Deum crediderunt, quanquàm obierunt, tamen
 non sunt mortui. Dicit enim Dominus Saddu-
 cæis de resurrectione mortuorum, Non legistis
 „ quod scriptum est, Quoniam ego Deus Abraham, *Mat. 11.*
 „ Deus Isaac, Deus, Iacob: nō est Deus mortuorū,
 sed uiuorum, omnes enim in ipso uiuunt. Igi- *4. Reg. 6.*
 tur eorum, qui in Deo uiuunt, nec reliquiæ sine
 honore manent. Nam Helissæus Propheta post
 discessum è vita, mortuum quēdam excitauit in-
 terfectum à Piratis Syriæ. Attigit enim corpus
 eius Helissæi ossa, atque excitatus vixit: quod fa-
 ctum non esset, nisi Helissæi corpus sanctum fu-
 isset. Et Ioseph complexus est Iacob post mortē
 cū iaceret in lectulo, & Moses ac Iesus Nauæ
 Iosephi reliquias secum duxerunt, quod mini-
 mē putauerunt piaculum. Quare, vos quoque
 Episcopi & alij sine metu piaculi contingentes
 mortuos, nolite putare quod eorum contactus
 vos inquinat: neq; eorū reliquias vitetis, omnis
 huiusmodi insanis obseruationibus, ornaminū-
 que sanctitate & temperantia, vt participes im-
 mortalitatis, & consortes Regni Dei efficiami-
 ni, & promissionem Dei assequamini, requies-
 centes in æternum per Iesum Christum Salua-
 torem, qui potest aperire aures cordis vestri, ad
 recipiendum acute Dei eloquia per Euāgelium,

*Psal. 115.**Psal. 114.**Sap. 3.**Prou. 10.**Reliquia Sancto*

& per Doctrinam Iesu Christi Nazaræi. Qui crucifixus est sub Pontio Pilato, & Herode: mortuus ac suscitatus à mortuis, & iterum venturus in consummatione sæculi cum gloria ac virtute multa. Qui mortuos est excitaturus, Mundo finem impositurus, & vnicuique pro meritis tributurus. Qui dedit nobis se ipsum pignus resurrectionis, atque in Cælum assumptus est per potentiam Dei & patris ipsius in cōspectu nostro. Qui per quadraginta dies comedimus & bibimus vnà cum illo, postquam à mortuis resurrexit: quique sedet à dextris Throni maiestatis Omnipotentis Dei super Cherubin. Qui audiuit, Sede à dexteris meis, donec ponam inimicos tuos scabellum pedum tuorum. Quem vidit beatissimus Stephanus stātem à dextris virtutis, & exclamans, dixit: Ecce video cælos apertos, & filium hominis stantem à dextris Dei, vti Pontificem omnium rationalium ordinum, per quem honor, maiestas, & gloria omnipotenti Deo, nunc, & in sæcula.
Amen.

Psal. 109.

Stephanus

Act. 9.

CONSTITVTIONVM
SANCTORVM APO-
STOLORVM B.
CLEMENTE RO-
MANO AV-
CTORE,

LIBER SEPTIMVS.

De conuersatione, & vitæ moribus, de que
gratiarum actiõs. Cap. I.



VM legislator Moses di-
xerit Israëlitis, Ecce po-
sui in conspectu vestro *Deut. 30.*
viam vitæ, & viã mor-
tis. Et subiunxerit, Eli-
ge vitam vt viuas. Et
Helias Propheta dixerit
populo, Quousq; clau-
dicatis vtroque poplite? Si Deus est Dominus, *3. Reg. 18.*
sequimini eũ. Meritò quoq; dicebat Dõminus,
Nemo potest duobus dominis seruire, vel enim
alterumodio habebit, alterũ diliget, vel vni hæ- *Mat. 6.*
rebit, alterum contemnet.

*De via naturali, & inducta, & quòd
vna à Deo, altera ab errore prouenit
ex insidiis Diaboli. Cap. II.*

NCESSARIO NOS etiam secuti magistrum
Christum, qui omnium hominum Salua-
tor est, maximè fidelium, dicimus duas esse vias,

vnam mortis, vitæ alteram, quæ inter se comparationem non habent: magna est enim earum differentia, imò omnino dissident: ac naturalis quidem est vitæ via, inducta verò via mortis, quæ non voluntate Dei accidit, sed insidiis aduersarij.

Deut. 6. Prima est igitur via vitæ, atq; hæc ipsa est, quam præscribit lex, diligere Dominum Deum ex tota mente, ex tota anima, atque illum solùm, præter quem nullus est, & proximum sicut te ipsum:

Mat. 7. & quodcunque tibi fieri non vis, id alteri ne feceris. *Mat. 5.* Benedicite maledicentibus vobis. Orate

pro calumniantibus vos. Diligite inimicos vestros: quæ est enim merces vestra, si ametis, qui amant vos? nam & Ethnici hoc faciunt: vos verò amate illos, qui odio vos habent, & inimici

Deut. 23. cum non habebitis. Nullum hominem, inquit, odio habebis, non Ægyptium, non Idumæum: omnes enim sunt Dei creaturæ. Fugite autem improborum non naturam, sed propositum.

1. Pet. 4. Abstinetes vos à carnalibus & mundanis cupiditatibus. Si quis percusserit te in vna maxilla, verte ei alteram, non quòd vindicta in malis sit, sed quòd

Mat. 5. patientia præstantior. Ait enim Dauid, Si retribui retribuentibus mihi mala. Si quis te angariauerit vnum milliare, vade secum alterum. Volenti tecum certare, & tunicam tuam accipere, dimitte etiam pallium. Et ab eo, qui tollit tua, ne repetas. Petenti à te, da. Et volenti abs te mutuum accipere, noli claudere manum. Vir enim

Psal. 7. iustus misericordia mouetur, & accommodat, *Mat. 5.* omnibus enim vult dari Pater, qui Solem suum oriri facit super malos & bonos, & pluit super iustos

iustos

iustos & iniustos. Omnibus igitur æquum est suppeditare de iustis laboribus. Honora enim, inquit, Dominum, de tuis iustis laboribus : præferendi autem sunt Sancti.

Morales exhortationes dominicarũ præceptionum concordēs cum antiquis mandatis diuinarum legum. Prohibitio iræ, inuidiæ, corruptelæ, adulteriij, atque omnis vitæ actionis. Cap. III.

NON occides, hoc est, non perdes tibi similem hominẽ: dissoluis enim quæ bene cogmētata sunt, non quòd omnis cædes in malis habenda sit, sed quia solùm illa prohibetur, quæ innocenti infertur, iusta verò magistratibus re-
 ” seruatur. Non mæchaberis: diuides enim carnẽ *Exod. 20.*
 ” in partes duas. Erunt enim, inquit, duo in carne vna: vnum enim sunt vir & mulier natura, consensione, societate, amore, vita, more, separantur autem sexu, & numero. Pueros nõ vitiabis: contra naturam enim est hoc vitium, profectum à Sodoma, quæ à Deo misso incendio conflagrauit: is enim est execrabilis, & dicet omnis populus fiat. Non fornicaberis: non enim erit fornicator inter filios Israël. Non furaberis. Achaz *Ios. 7.*
 enim cùm in Israële furatus esset, in Hiericho lapidibus oppressus interiit, & Giezi furatus, mentitusque, Neemani lepram adeptus est. Et Iudas *4. Reg. 8.*
 cùm surriperet pauperum facultates, Dominum *Ioan. 12.*
 gloriæ Iudæis tradidit, & peccati dolore se suspẽ- *Xij. 1.*

Act. 5. dit, & crepuit medius, diffusaq; sunt viscera eius. Ananias quoque & Saphira eius vxor furati res proprias, cum tentassent Spiritum Domini, sententia Petri coapostoli nostri statim sunt mortui.

*Prohibitio magiæ, interemptionis filiorum,
periurij, falsi testimonij.*

Cap. IIII.

NON dabis operam magicæ arti: non lustrabis: lustratores enim non sinetis viuere. Non interficies filium tuum in interitu, nec quod natum erit, occides: omne enim quod formatam animam à Deo accepit, vindicabitur, si iniuste interimatur. Non concupisces res proximi tui, veluti vxorem, filium, bouem, agrum. Non peccabis: dictum est enim ne iures omnino, quod si non feceris, saltem iustum iusiurandum iures, quoniam laudabitur omnis, qui iurat in idipsum. Falsum testimoniū non dices, quoniam qui criminatur pauperem, irritat eum, qui illum creauit.

Exo. 20.

Mat. 5.

Psal. 62.

*Prohibitio detractionis iracundiæ, morum
subdolorum, sermonis otiosi, mendacij,
iniuriæ hypocrisis.*

Cap. V.

NON maledices, Ne diligas, inquit, maledicere. Ne tollaris: neque iniuriarum memor eris. Vix enim recordantium iniuriarum in mortem. Non eris ancipitis sententiæ, neque bilin-

Prou. 12.

Prou. 6.

gus: laqueus enim fortis viro, propria labia. Et vir loquax non rectificabitur super terram. Non erit sermo tuus vacuus: omnis enim sermonis otiosi reddes rationem. Non mendacium dices: Perdes enim, inquit, omnes, qui loquuntur mendaciū. Non eris iniuriosus neq; rapax, Væ enim, inquit, opprimenti proximum iniuria mala.

*Psal. 139.**Mat. 12.**Psal. 80.**Isa 45.*

*Prohibitio improbitatis, personarum
acceptationis, iræ, odij, inuidiæ.*

Cap. VI.

NOLI esse hypocrita, ne partem tuam cum ipsis ponas. Nec improbus, nec superbus: Superbis enim Deus resistit. Non accipies personam in iudicio, quoniam Domini est iudicium. Non odio habebis omnem hominem, redargutione redargues fratrem tuum, & non accipies per eum peccatum. Et redargue sapientem, & diliget te. Fuge omne malum, & omne quod est simile ipsi. Abstine enim, inquit, ab iniusto, & tremor non appropinquabit tibi. Noli esse iracundus, inuidus, obrectator, neque esto furiosus, aut audax, ne tibi accidat, quod Cain, quod Sauli, quod Ioab: quoniam ille quidem occidit fratrem Abel, quod is præstabilius iudicatus fuerat à Deo, & quod eius sacrificium fuerat prælatum: alter sanctum David persequatur, qui vicerat Goliath Philistæum, cum illi inuidisset in acclamatione à Choro puellarum celebrata. Tertius duos duces exercitus interemit, Abenner Israël, & Amessam Iudæ.

*Deu. 10. 16.**Leu. 19.**Prov. 9.*

De augurali carmine. Cap. VII.

*1. Reg. 15.
Num. 21.
Deut. 18.
Leu. 19.*

NOLI augur esse, quoniam ducit hoc studium ad Idololatriam. Augurium enim, inquit Samuel, peccatum est. Et non erit augurium in

- » Iacob, neque vaticinium in Israël. Non eris incantans, neque lustrans filium tuum. Noli ariolari, neque augurari, neque disciplinis prauis studere: hæc enim omnia lex prohibuit. Noli esse malorum cupidus: perduceris enim ad immensam peccatorum multitudinem. Noli uti verborum obscœnitate, vel oculis alludere, vel violentiã expetere: hæc enim scortationes & adulteria pariunt. Noli auarus esse, ne pro Deo mammonæ seruias. Noli duci gloriæ cupiditate, neq; elatus sis, neque excelsos spiritus habeas. Ex iis enim omnibus oriuntur iactantiæ. Memor esto

Psal. 130.

- » eius, qui dixit, Domine non est exaltatum cor meum, neque elati sunt oculi mei, neque ambulauit in magnis, neque in mirabilibus super me, nisi quòd humiliatus sum!

Prohibitio murmurationis, insolentiæ, superbiæ, audaciæ. Cap. VIII.

NOLI murmurator fieri, memor supplicij, quod pertulerunt qui contra Moſen murmurarunt. Noli insolens esse, neque prauã mentem, neque cor durum habeas. Neque sis iracundus, aut pusillanimis. Omnia enim hæc ad blasphemiam perducunt. Sed esto mitis, sicut fuerunt Moſes & Dauid, quoniam mites hæreditabunt terram.

Mat. 5.

- » Sed esto mitis, sicut fuerunt Moſes & Dauid, quoniam mites hæreditabunt terram.

De longanimitate, simplicitate, mansuetudine, patientia. Cap. IX.

EST O longanimis. Qui enim talis est, prudentia præstat, quoniam pusillanimis valde est insipiēs. Præbe te misericordem: Beati enim misericordes, quoniam ipsi misericordiam consequentur. Sis simplex, quietus, bonus, timens sermones Dei. Noli te extollere, sicut ille Pharisæus. Quoniam omnis, qui se exaltat, humiliabitur. Et quod est excelsum inter homines, abominatio est apud Deum. Non addes animæ tuæ audaciam. Quoniam homo audax in mala incidet. Non ambulabis cum insipientibus, sed cum sapientibus, ac iustis. Qui enim ambulat cum sapientibus, sapiens erit: & qui ambulat cum iustis, cognoscetur. Accidentes tibi calamitates, æquo animo patere, & casus sine molestia, sciens mercedem tibi à Deo datum iri, sicut Iob & Lazaro data est.

Quòd oportet, magistros secundum Christum, parentibus pluris ducere.

Cap. X.

EXPLICANTEM tibi sermonem Dei honora, eumque in memoria habe diu noctuq; in honore autē habe eum, non vt ortus vitæq; tuæ auctorē, sed vt eum, qui tibi dedit, vt bene ac laudabiliter viueres: vbi enim viget Doctrina de Deo, ibi adest Deus. Exquires quotidie faciē sanctorum, vt acquiescas in sermonibus ipsorum.

Quòd non oportet separari à sanctis.

Cap. XI.

NOLI à sanctis secedere, memor Coritarum:
Deut. 10. Ninter pugnantes pacem compone, sicut Mo-
 ses, concilians concordiam. Iustè iudica. Domi-
 ni enim est iudicium. Non accipies personam
 in redarguèdo de peccato, quemadmodum He-
 lias, & Michæas redarguebant Acahab: & Abde-
 melech Aethiops Sedeciam, & Nathan Dauid,
 & Ioannes Herodem.
3. Reg. 18.
Ier. 38.
2. Reg. 12.

De infirmo siue pusillanimi. Cap. XII.

NOLI esse pusillanimis in oratione tua, si fu-
 tura sit, vel secus: inquit enim Dominus mi-
 hi Petro in mari, Modice fidei, quare dubitasti.
Noli ad capiendum producere manum, ad dan-
 dum contrahere.

De Beneficentia. Cap. XIII.

SI habueris quod manibus tuis tibi paraueris,
 præbeto, vt labores tui consumatur in redem-
 tionè peccatorum tuorum: elemosynis enim
 & fide purgantur peccata. Noli dubitare in ero-
 gando in pauperes, nec cum das murmurato: co-
 gnoscet enim quisnam is sit, ille qui præmia tri-
 buit. Nam qui miseretur, inquit, pauperi, scæne-
 ratur Domino. Perinde enim atq; donum illius
 erit, retribuetur ei. Noli auertere oculos ab indi-
 gente. Qui enim, inquit, claudit aures suas, ne

- „ audiat indigentem, & ipse inuocabit, & non erit,
 „ qui exaudiat eum. Communica omnia cum fra-
tre tuo, neque dicito propria esse : communis
enim perceptio, vltique à Deo omnibus homi-
nibus paratus est. Noli manum tuam tollere de
filio tuo, vel à filia tua, sed à pueritia institue eos
 „ in timore Dei. Institue enim, inquit, filiū tuum, *Prou. 19.*
 „ ita enim tibi erit bonæ spei.

*Quemadmodum à dominis serui tractandi
sint, & quomodo serui debeant
dominis subiecti esse.*

Cap. XIII.

NE domineris seruo tuo, & ancillæ tuæ, qui in
 eundem Deum fidem posuerunt, in acerbi-
 tate animæ : ne aliquando suspirent aduersus te,
 & in Dei, iram incidas. Vosq; serui subiecti esto-
 te dominis quasi in figura Dei, in oratione, ac ti-
 more, veluti Deo, & non hominibus.

*De hypocrisi, attentione legis, &
confessione.*

Cap. XV.

ODI O habeto hypocrisim, & omne quod
 optimum sit, Domino facito: mandata Do-
 mini ne contempnito : quæ ab eo accepisti ser-
 uato, nec addens aliquid, nec detrahens. Non
 addes enim sermonibus eius, ne redarguat te &
 mendax fias. Confitere Domino Deo tuo pec-

Deut. 12.

CONSTIT. 5. APOSTOLORVM
cata tua. Et non ampliùs addas ad ea, vt bene ti-
bi sit à Domino Deo tuo, qui non vult mortem
peccatoris, sed pœnitentiam.

De cultu parentum. Cap. XVI.

Exo. 20.

PATREM tuum & matrê tuam honora, cùm
sint auctores originis tuæ, vt sis longæuus su-
per terram, quam Dominus Deus tuus dat tibi.
Fratres tuos & consanguineos tuos ne contem-
nas. Propinquos enim seminis ne despexeris.

*De subiectione erga Regem &
Magistratus.
Cap. XVII.*

REGEM timeto, sciens Domini esse electio-
nem. Magistratus eius in honore habeto, vt
ministros Dei: vltiores enim sunt omnis iniuriæ:
quibus penditote triburum, vectigal, atque om-
nem collationem grato animo.

*De pura conscientia orantium.
Cap. XVIII.*

NON accedes ad orationem in die iniquitatis
tuæ, priusquàm solueris amaritudinê tuam.
Hæc est via vitæ, quam vt possitis allequi, con-
cedatur vobis per Iesum Christum Dominum
nostrum.

*Quòd via quæ insidiis Diaboli inducta est,
impietatis, & iniquitatis est plena.*

Cap. XIX.

VIA mortis ea est, quæ in vitiosis actionibus cernitur: in ea enim ignoratio Dei, & multorum Deorum coaceruatio reperitur, à quibus proueniunt cædes, adulteria, fornicationes, periuria, iniustæ cupiditates, furta, idololatriæ, magiæ, veneficia, rapinæ, falsa testimonia, hypocrisis, cordis duplicitas, dolus, superbia, vitiositas, insolentia, iniuria, obscantitas, obtrectatio, audacia, alti spiritus, iactantia, temeritas, bonorum persecutio, veritatis odiũ, mendacij studium, ignoratio iustitiæ: quæ qui agunt, non adhærent bonitati, nec recto iudicio, inuigilant non virtuti, sed uitio, à quibus longè abest mansuetudo & patientia. Qui inania diligunt, sectantur retributionem, non mouentur misericordia pauperis, non dolent cum dolente, ignorant suum conditorem, interfectores filiorum, interemptores plasmatis Dei, auertentes se ab indigentibus, affligentes oppressum, diuitum aduocati, pauperum contemptores, vndique peccatis obruti. Cauete filij ab iis omnibus.

*Quòd non oportet nec ad dextram, nec ad
sinistram pietatis declinare: monet enim
hoc legislator. Cap. XX.*

VIDE ne quis te abducat à pietate. Non declinabis enim, inquit, ab ipsa nec ad dextram, *Eccl. 5.*

CONSTIT. S. APOSTOLORVM

nec ad sinistram, vt intelligas in omnibus, quæ agas. Non enim, nisi deflexeris à via recta, impius eris.

*Quòd non est improbandum aliquid, ex
uis, quæ ad victum sunt accommodata,
sed cum gratiarum actione, & ordinate
omnia sunt percipienda. Cap. XXI.*

*S. Ign. ad
Heronē.
Isa. 1.
Gen. 9.*

DE escis dicit Dominus, Bona terræ comeditis, & omnem carnem edite vt olera herbarum: sanguinem autem effundes: non enim quæ intrant in os, coinquinant hominē, sed quæ exeunt, blasphemias inquam, & detractiones, ac si quid est huiusmodi. Tu verò comedas medullam terræ cum iustitia, quoniam quodcunque bonum ipsius est, frumentum iuuenibus, & vinum odore fragrans virginibus. Quis enim comedit vel bibit sine ipso: admonet quoque te sapiens Esdras, Ite, inquit, & comedite pinguedines, & bibite dulcedines, & ne tristemini.

*Zac. 9.
2. Esdras. 8*

*Quòd abstinendum est ab Idolothytis.
Cap. XXII.*

FVGITE ab Idolothytis: in honorem enim Dæmonum ea sacrificant, in contumeliam videlicet Dei, qui vnus est, atque ita non eritis participes Dæmonum.

*Ordinatio Dominica: quomodo sit bapti-
zandum, & in cuius mortem.
Cap. XXIII.*

DE Baptismo, ô Episcopo & Presbyter, iam antea præcepimus, ac nunc quoque dicimus, quòd baptizare debes, quemadmodum Dominus præcepit nobis dicens, Euntes docete omnes gentes, baptizantes eos in nomine Patris, & Filij, & Spiritus sancti, docentes eos seruare omnia, quæ præcepi vobis: Patris, qui misit: Christi, qui venit: Paracleti, qui testimonium dedit. Vnges autem prius oleo sancto: deinde baptizabis aqua. Postremò consignabis vnguento, vt vnctio sit participatio sancti Spiritus: aqua sit symbolum mortis: vnguentum sigillum pactionum. Si desit oleum, vel vnguentum, sufficit aqua, & ad vnctionem, & ad sigillum, & ad promissionem morientis, vel potius comorientis. Ante baptismum ieiunet qui est baptizatus. Etenim Dominus prius baptizatus à Ioanne, & in desertum ductus, postea ieiunauit quadraginta diebus, & quadraginta noctibus. Baptizatus est autem, & ieiunauit non ad eluendas sordes, vel quòd ieiunio sibi opus esset, vel purgatione, qui natura purus ac sanctus erat, sed vt Ioanni veritatem comprobaret, & nobis regulam præscriberet. Quare Dominus in suam passionem non est baptizatus, neque in mortem, neque in resurrectionem: nihil enim horum adhuc venerat, sed ad aliorum institutionem, ideòque ex potestate post baptismum ieiunat, vt Dominus Ioannis: qui verò in eius mortem initiatur, primùm ieiunare debet, & postea baptizari: non est enim aequum commortuum & suscitatum sub ipsam resurrectionem mortuum esse. Homo enim non est dominus insti-

CONSTIT. S. APOSTOLORVM
tutionis Saluatoris, quoniam is dominus est, ip-
se verò subiectus.

*Quibus diebus hebdomada sit ieiunandum,
& quibus non ieiunandum, & quam ob
causam. Cap. XXIII.*

*S. Ign. ad
Magn. &
ad Phil.*

IEIUNIA vestra aliena sint à consuetudine hy-
pocritarum, qui ieiunant in secunda & quina-
ta Sabbati. Vos verò vel per totos quinque dies
ieiunate, vel in quarta feria, & Parasceue, quo-
niam in quarta iudicium contra Dominum pro-
diit, cum Iudas pecunia accepta promisit eum
tradere: in Parasceue verò, quoniam in ea Domi-
nus, crucis supplicium passus est sub Pontio
Pilato. Sabbatum & dominicum diem, festum
agite, quoniam illud naturæ conditæ est monu-
mentum, hic resurrectionis. Vnum autem Sab-
batum seruandum vobis est in toto anno, quod
pertinet ad sepulturam Domini, in quo ieiuna-
re oportet, non festum agere: nam quo tempore
naturæ auctor subter terram degit, validior est
de eo luctus, quàm de natura instituta, lætitia,
cum opifex natura, ac dignitate suis operibus sit
præstantior.

*Quales debeant esse ij, qui orationem Domi-
nicam dicunt. Cap. XXV.*

Pater n^r

CVM oratis, nolite imitari hypocritas, sed
Corate quemadmodum Dominus in Euan-
gelio instituit, Pater noster, qui es in cœlis, fan-
ctificetur nomen tuum, adueniat regnum tuum,

fiat voluntas tua sicut in cœlo & in terra. Panem nostrum quotidianum da nobis hodie, & dimitte nobis debita nostra, sicut & nos dimittimus debitoribus nostris: Et ne nos inducas in tentationem, sed libera nos à malo: quoniam tuum est regnum in sæcula Amen. Ter in die ita orate. præparantes vos ipsos, vt sitis digni adoptione filiorum Patris, ne si indignè vos illum patrem vocetis, exprobretur vobis id, quod Israël filius primogenitus audiuit: Si sum Pater, vbi est gloria mea? Et si sum Dominus, vbi est timor meus? Gloria enim patrum est filiorum sanctitas, & honor dominorum, timor seruorum: quemadmodum quod est horum contrarium, ignominia est & Domini expulsio. Propter vos enim, inquit, nomen meum blasphematur inter gētes.

Mal. 1.

Mystica gratiarum actio. Cap. XXVI.

ESTOTE ex omni parte gratiis agendis intenti, tanquàm fideles, & grati serui. Atque in agendis gratiis dicite hoc modo, Gratias agimus tibi Pater noster pro vita, quam manifestasti nobis per Iesum filium tuum, per quem cuncta creasti, & vniuersis prouides, quem & misisti ad saluandum nos, vt fieret homo: què permisisti pati & mori, & suscitatum glorificare voluisti, & à dexteris tuis collocasti, per quem nobis promisisti resurrectionem mortuorum. Tu Domine Omnipotens Deus æterne, quemadmodum hoc dispersum erat, & congregatum factum est vnus panis, ita congrega Ecclesiam tuam à finibus terræ in regnum tuum. Etiam

Eadem verba sunt in ep. Ign. ad Philip.

gratias agimus tibi Pater noster pro pretioso sanguine Iesu Christi, qui effusus est pro nobis, & pro pretioso corpore, cuius hæc antitypa perficimus, ipso nobis ordinante, vt annuntia-remus eius mortem, per quem tibi gloria in sæcula amen.

Nullus qui non sit initiatus, ex iis comedat, sed tantum qui sunt baptizati in Domini mortem. Si quis non initiatus se occultans sumpserit iudicium æternum comedet, quod cum non sit de fide Christi, sumpsit quæ nephas erat sumere in supplicium suum. Si quis per imprudentiam perceperit, eum subito institutum initiate, ne contemptor exeat.

Gratiarum actio in diuina sumptione.

Cap. XXVII.

POST perceptionem, gratias agite hoc modo. Gratias agimus tibi Deus & Pater Iesu Saluatoris nostri, pro sancto nomine, quod habitauit in nobis, & pro cognitione, fide, charitate, & immortalitate, quam dedisti nobis per Iesum Christum filium tuum. Tu Domine Omnipotens cunctorum Deus creasti Nundum, & quæ in eo sunt per ipsum, & legem plantasti in animis nostris, & victum præparasti hominibus. Deus sanctorum & irreprehensibilium patrum nostrorum Abraham, Isaac, & Iacob fidelium seruorum tuorum. Deus fortis, fidelis, verus, & non mentiens in promissionibus: qui Iesum Christum tuum in terram misisti, vt cum homi-

nibus versaretur vt homo, qui erat Deus verbū
 & homo: errorē & radicitus euelleret. Tu ergo
 nunc per ipsum memento huius Ecclesiæ san-
 ctæ tuæ, quam acquisiisti pretioso sanguine
 Christi tui, & libera eam ab omni malo, & per-
 fice in dilectione tua & veritate: & congrega
 nos in regno tuo, quod præparasti. Ipsa Marana-
 tha *, osanna filio Dauid, Benedictus qui venit
 in nomine Domini. Deus Dominus, qui appa-
 ruit nobis in carne. Si quis Sanctus sit, accedat
 qui non est, fiat per pœnitentiam. Permittite
 etiam Presbyteris vt gratias agant.

Gratiarum actio pro mystico Vnguento.

Cap. XXVIII.

DE Vnguento, gratias agite hoc modo. Gra-
 tias agimus tibi cunctorum opifex Deus
 etiam pro fragrantia vnguenti, & pro immorta-
 li sæculo, quod manifestasti nobis per Iesum fi-
 lium tuum, quoniam tua est gloria, & potestas
 in sæcula amen. Si quis veniat & hoc modo gra-
 tias agat, recipite eum, vt Dei discipulum. Si ve-
 rò aliam doctrinam prædicauerit, præterquam
 vobis tradidit Christus per nos, eum non per-
 mittatis gratias agere: is enim contumelia affi-
 cit Deum potius quàm honorat.

*Quòd oportet delectum adhibere in com-
 munionē. Cap. XXIX.*

QVI ad vos veniunt, omnes probati recipi-
 antur. Intelligentia enim præditi estis,

& potestis dexteram, vel sinistram cognoscere, & falsos doctores à doctoribus discernere. Venienti verò magistro, ex animo, ministrare in vsum necessarium: falso autem magistro præbere quoque quæ opus habet, sed eius errorem nolite recipere, aut cum illo orare, ne eius contagione contaminemini: quilibet Propheta verus, vel magister veniens ad vos, dignus est qui alatur, vt operarius sermonis Iustitiæ.

De Primitiis. Cap. XXX.

Num. 7.

PRIMITIAS fructuum torcularis, & aræ, bo-
uum quoque & ouium dabis Sacerdotibus,
vt benedicantur horrea & cellæ tuæ, & fructus
terræ tuæ, stabiliarisq; frumento, vino, & oleo,
& augeantur armenta bouum tuorum, & greges
ouium tuarum, omnem decimam dabis orpha-
no, ac viduæ, pauperi, & aduenæ, primitias panu
calidorum, cadum vini, olei, atque mellis, nucum
quoque, vux, & aliarum rerum primitias dabis
sacerdotibus, argenti, vestis, & omnis possessio-
nis orphano & viduæ.

Quomodo oporteat diem dominicum con-
gregatos celebrare. XXXI.

DIE Resurrectioni Domini diacato (domini-
cum dicimus) conuenite assidue, gratias
agentes Deo, & confitentes de beneficiis, quæ
in nos contulit Deus per Christum, liberans nos
ab igno

ab ignorantia, errore, vinculis, vt careat reprehensione sacrificium nostrum, & facilè ascendat in Deum, qui de Oecumenica sua Ecclesia dixit, In omni loco offeretur mihi incensum & sacrificium mundum, quoniam Rex magnus ego sum & Dominus Omnipotens: & nomē meum admirabile inter gentes. Mal. 1.

Quales esse oporteat eos, qui ordinantur.

Cap. XXXII.

CONSTITVITE Episcopos dignos Domino, Presbyteros quoque & Diaconos, homines pios, iustos, mites, non cupidos, veritatis studiosos, probatos, sanctos, nō acceptores personarum, qui valeant docere sermonem veritatis, rectè procedentes in placitis Domini. Vos verò eos honorate vt patres, vt dominos, vt beneficos, vt bene viuendi auctores. Increpate vos mutuò, non cum iracundia, sed cum longanimitate, bonitate, & pāce. Omnia, quæ sunt præcepta vobis à Domino, seruate, vigilate pro vita vestra: sint lumbi vestri præcincti, & lucernæ ardentes. Vosque similes hominibus expectantibus Dominum, quando veniet vesperè, vel matutinè, vel in galli cantu, vel in media nocte. Quæ enim hora non expectant, veniet Dominus, & si ei aperuerint, beati serui illi, quoniā inuenti sunt vigilantes: quoniam præcinget eos, & collocabit in mensa, & præteriens ministrabit eis. Estote ergo sobrij, & orate ne dormiatis in mortem:

Luc. 10.

CONSTIT. S. APOSTOL ORVM
non enim proderunt vobis priora rectè facta, si
in extremo à vera fide aberraueritis.

Prædictio rerum futurarum.

Cap. XXXIII.

*Futura que sunt
in nouissimis die
89*

2. Thes. 2.

1. Cor. 3.

NAM in nouissimis diebus multiplicabun-
tur Pseudopropheta, & sermonis corru-
ptores, & conuertentur oues in lupos, & chari-
tas in odium: abundante enim iniquitate, refri-
gescet multorum charitas: mutuò enim se odio
habebunt & persequentur, ac tradent: tuncque
exister Mundi deceptor, veritatis hostis, menda-
cij patronus, què Dominus Iesus interimet spi-
ritu oris sui, qui labiis perdit impium, multique
scandalum patientur in eo: qui perseuerauerint
vsque ad finem, ij salui erunt. Tuncque appare-
bit in cælo signum filij hominis, deinde sonus
tubæ excitabitur per Archægelum, interea mor-
tui in vitam redibunt, tuncque veniet Dominus,
& omnes Sancti vnà cum eo, cum terræmotu,
supra nubes cum Angelis Virtutis suæ, in Thro-
no Regni ad condemnandum deceptorè Mun-
di Diabolum, & ad tribuendum vnicuique pro
actionibus suis. Tunc proficieturi mali ad ater-
num supplicium: iusti in vitam aternam, adipi-
scentes illa, quæ oculus non vidit, & auris non
audiuit, & in cor hominis non ascenderunt: quæ
præparauit Deus diligētibus se. Latabunturque
in Regno Dei, quod est in Christo Iesu. Quare
cùm tanta bona ab eo simus consecuti, effici-
mur eius serui, eum assidua oratione inuocantes,
& dicentes.

Oratio commemorans Variam Dei prouidentiam. Cap. XXXIII.

AETERNE Saluator noster Rex Deorum, Orationes
 qui solus es omnipotens, & Dominus Deus
 omnium creaturarum, & Deus sanctorum & ir-
 reprehensibilium Patrum nostrorum antiquo-
 rum. Deus Abraham, & Isaac, & Iacob, miseri-
 cors, miserator, longanimis, & multæ misericor-
 diæ, cui omne cor patet, & omnis occulta cogi-
 tatio reuelatur, ad te clamant animæ iustorum, in
 te confidit spes sanctorum: Pater iustorum, &
 cum rectitudine inuocantiū exauditor, qui etiam
 tacitas interpellationes cognoscis: pertingit
 enim vsque ad interiora hominis tua prouidentia,
 & per conscientiam scrutaris cuiusque senten-
 tiam, cui in omni regione orbis terræ precum, &
 orationis offertur incēsum, qui præsens sæculum
 Iustitiæ curriculum instituiti, omnibus aperiens
 ostium misericordiæ, & unicuique ostēdens per-
 innatam cognitionem, & naturale iudicium, le-
 gisque admonitionem, quod diuitiarum non est
 aterna possessio, nec formæ perpetuus decore,
 quod virium robur facile dissoluitur, cunctaque
 quasi vapor & vanitas consumuntur, solæque fidei
conscientia pura permanet, quæ per medios cæ-
los cum veritate ascendens comprehendit futu-
ra vitæ dexterâ, simulque antequam promissum
regenerationis præstetur, ipsa anima spe exultas
latatur. Iterū Patre nostro Abraham instituente
viam veritatis, qui visione viam monstrauit, &
docuit cuiusmodi sit præsens sæculum, ac fidem

tur aquæ, & appareret arida. Mare verò ipsum quomodo quis explicare posset? quod quidem æstuans ab alto in terram impellitur, recurrit autem iussu tuo, arena prohibitum. Dixisti enim vt in ea ipsius vndæ frangerentur, idque animantibus paruis, & magnis, nauigijsque peruium effecisti: vel quomodo terra se vestiens herbis, tanta florum iucunditate distincta sit, tantæque arborum varietate, quam lucidissima lumina nutriunt, constantissimum seruantiã cursum, & in nullo tuum imperium variantia, sed quatenus tu iubes orientia atque occidentia in signa temporum, & annorum, & pro hominum vsu permutatiã cursus sui vicissitudinem. Deinde varia animalium genera condita sunt, terrestrium, aquaticorum, alitum amphibiorum, quibus sapiens ars prouidentia tuæ singulis accommodatã victus rationem largitur: vt enim varia producere potuit, sic variè singulis prouidere non contempsit, finemque operis rationale animal mudi ciuem tuæ sapientia dispositione condidisti, dicēs, Faciamus hominem ad imaginem & similitudinem nostram, illū constituens, vt esset Mundi ornamentum, cuius corpus ex quatuor incorporeis elementis condidisti, animam de nihilo ei dedisti, quinque sensus, quasi quinque certamina concessisti, mentem animæ aurigam, sensibus præfecisti. Præterea, Domine, quis posset pro dignitate commemorare roscidarum nubiū tempestates, micantium fulgurum splendores, tonitruum horribiles fragores, ciborum cōuenientem ministratum, cælorum omnibus accommodatam

temperationem? parere verò nolentem hominem, vitæ mercede priuasti, nò illo funditus sublato, sed breui tempore morti traditum, iureiurando in vitam reuocasti, & terminum mortis soluisti, qui mortuos viuos facis per Iesum Christum, qui est spes nostra.

Oratio cum gratiarum actione cummemorans Dei in rebus prouidentiam.

Cap. XXXV.

MAGNVS es Domine, Omnipotens, & magna est fortitudo tua, & sapientiæ tuæ non est numerus. Creator, Saluator, diues in gratiis, longanimis, & misericordiæ largitor, qui non subtrahis à creaturis tuis salutem: natura enim es bonus, & peccatoribus parcis, ad pœnitentiã eos prouocans, miserationibus enim plena est tua castigatio: quomodo enim sustineremus, si ad subitum iudiciũ vocaremur? quando diuturno tempore expectati, vix infirmitatem abiicimus. Tuam potentiam enarrant cœli & terra firmitate librata, mole sua apta Mare fluctuans, infinitos pascens animantium greges: coercetur arena, tuum per horrescens imperium, omnesq; cogit clamare, Magnificata sunt opera tua Domine: omnia in sapientia fecisti: repleta est terra operibus tuis. Exercitus Angelorum ardens, spiritusque intellectuales dicunt, Vnus Sanctus & Seraphin vnà cum Cherubinis, sex alis ornatis tibi victoriæ hymnum canentiã incessabili voce proclamant, Sanctus, Sanctus, Sanctus Do-

minus Sabaoth: Plenum est cœlum & terra gloria tua. Aliæ quoque ordinum turbæ Archangelii, Throni, Dominationes, Principatus, Potestates, Virtutes inclamantes dicunt, Benedicta gloria Domini de loco eius. Israël verò, hoc est terrena Ecclesia ex gentibus congregata, cœlestes Virtutes æmulata, diu noctûque corde pleno & volenti animo canit, Currus Dei decê millium multiplex millia lætantium, Dominus in eis, in Sina, in sancto. Nouit cœlum eum, qui ipsum nullo fulcimento nixum concamerauit, & stabile effecit, vt lapidem cubum, qui etiam terram & aquam in vnum coëgit, aëremque diffudit, vnde vita ac spiritus duceretur: cui ignem coniunxit ad teporem, tenebrarûmque expulsiõnem. Obstupescit astrorum chorus indicans eum, qui ipsa numerat, & demonstrans illum, qui ipsa nominat. Obstupescunt quoque animalia, vitæ inspiratorem, & arbores suum satorem: quæ omnia verbo tuo creata, indicant tuæ potentie magnitudinem. Quare debet omnis homo ex intimo pectore tibi per Christû laudem pro iis omnibus tribuere, cum propter te hæc omnia possideat. Tu enim bonus es in beneficiis concedendis, & largitor in misericordia præstanda. Qui solus es omnipotēs: quando enim vis, adest tibi, vt possis: tua enim æterna potētia flammã refrigerat, leones coërcet, cete mansuefacit, ægrotos subleuat, copias euertit, exercitum hostium & multitudinem populi superbientem prosternit. Tu es in cœlo, in terra, in Mari, in vltimis finibus, nullo ipse termino circumscriptus, magnitudinis tuæ

non est finis: non enim hoc nos dicimus Domine, sed serui tui est oraculum dicentis, Et cognosces corde tuo quia Dominus Deus tuus, Deus
Dent. 4. ” in cælo sursum, & in terra infra, & non est alius, nisi ipse, neque enim est Deus præterquàm ipse solus. Sanctus non est præter te, Dominus Deus scientiarum, Deus sanctorum, sanctus supra omnes sanctos. Qui enim sanctificati sunt, sub manu tua sunt: gloriosus, exaltatus, inuisibilis natura, imperscrutabilis in iudiciis, cuius nullius indigita vita est, sine mutatione & varietate duratio, sine labore operatio, nullis finibus definita maiestas, perpetuus decor, inaccessible domicilium, intransmigrabilis habitatio, interminabilis scientia, inuariabilis veritas, sine medio opus, sine insidiis potentia, sine successione imperium, sine aduersario vires, numerosa est exercitus multitudo. Tu enim es sapientiæ pater, naturæ per mediatorem auctor, vt causa, prouidentia præbitor, legum dator, inopiæ expletor, impiorum ultor, & iustorum retributor, Christi Deus, ac Pater, & colentium illum Dominus, cuius est infallibilis promissio, incorruptibile iudicium, inexorabilis sententia, inexhausta pietas, æterna benignitas, propter quem tibi digna ac merita adoratio debetur ab omni rationali & sancta natura.

Oratio commemorans Christi incarnationem, & Variam erga Sanctos prouidentiam. Cap. XXXVI.

DOMINE Omnipotens Mundum per Christum condidisti, & Sabbatum propter id in-

stituiti, quoniam in eo quieuiti ab operibus, in meditationem tuarum legum, festaque præcepisti in lætitiã nostrarũ animarum, vt memoriã recoleremus creatæ à te sapienciæ: quem admodum propter nos nasci voluit ex muliere, apparuit in vita, demonstrans se in baptismo, quòd Deus & homo erat, qui apparuit, pro nobis passus est tua permissione, & mortuus, atque tua potentia suscitatus. Ideo resurrectionis festũ celebrãtes in dominica lætamur, propter eũ, qui vicit mortẽ, donauit vitã, & immortalitatẽ: per quem accesserunt gentes ad ipsum in populum magnũ, verum Israëlem, Deo charum, videntem Deum. Tu enim Domine etiã patres nostros de terra Ægypti eduxisti, ferrea fornace, luto atque opere latericio liberauisti, è manu Pharaonis suorũmq; ministrorum eripuisti, per Mare veluti per aridam duxisti, eisq; in deserto omnibus es obsecutus: legem dedisti decem mādatorum tua voce prolataĩ, & manu tua conscriptam. Sabbatum eos seruare iussisti, non vt ansam cessandi eis dares, sed vt occasionem pietatis haberent, scilicet vt potentiam tuam agnoscerent, & mala vitarent, qua si sacris quibusdam cancellis eos astringens, doctrinæ causa in exultationem hebdomadis: propterea hebdomas vna est insignis, & hebdomades septem, & mēsis septimus, & annus septimus, cuius replicata conuersio Iobelæũ efficit anni quinquagesimi, in quo est dimissio, videlicet ne vlla occasione, homines ignoratiã possint excusare. Huius causa in omni Sabbato iussit cessari, vt ne sermonem quidẽ iratũ in

die Sabbati de ore suo quisquā vellet emittere. Sabbatum enim est creationis requies, Mundi perfectio, legum inuestigatio, grata Dei laus pro iis, quę hominibus est largitus: iis omnibus præstat dominicus dies, qui cum demonstret nobis ipsum mediatorē, moderatorē, legistatorem, resurrectionis auctorē, primogenitū omnis creaturæ, Deū verbum, & hominem, natū de Maria sine congressu viri, cōuersatum sanctè, crucifixū pro nobis sub Pontio Pilato, & mortuum ac suscitatum à mortuis meritò vt dominicus præcipitur, vt tibi Domine pro iis omnibus gratiarum actio offeratur: ea est enim à te collata gratia, quæ sua magnitudine omnia beneficia oblcurat.

S. Ign. ad.
Magn. &
Smyr.

*Oratio continens mentionem prouidentia,
& connumerationem diuersorum beneficiorum, Dei prouidentia, per Christum collatorum Sanctis. Cap. XXXVII.*

QVI promissiones à Prophetis prædictas impleuisti, & misertus es Sion, & Hierusalem, eo quòd solium Dauid pueri tui in medio eius excitasti, propter natiuitatem Christi, qui de semine eius secundum carnem ex sola Virgine erat nasciturus: ipse quoque nūc Domine Deus accipe deprecationem labiorum populi tui, qui constat ex gentibus inuocantibus te in veritate, quemadmodum accepisti dona iustorum in generationibus suis. Abel primum sacrificium respexisti, & recepisti: Noë cum de arca esset

egressus: Abrahã postquã exiuit de terra Chaldæorum, Ilaac in puteo iuramenti, Iacob in Bethel, Mosis in deserto, Aaron in medio viuorum & mortuorum, Iesu Naue in Galgalis, Gedeonis in petra, & velleribus ante peccatum, Manoc & vxoris in campo, Sampsonis in Siti ante delictum: Iephtæ in bello ante temerariam promissionem: Barac & Debboræ in Sisara: Samuelis in Massepha: Dauid in Area: Ornæ Iebusæi, & Solomonis in Gabaon, & Hierusalem: Helix in monte Carmelo: Helissæi in fonte sterili: Iosaphat in bello: Ezechix in morbo, & in Enanchem: Manassis in terra Chaldæorum, post delictũ Iosix in Phassa: Esdræ in reditu: Danielis in lacu leonum: Ionæ in ventre Cetis: trium puerorum in fornace ignis: Annæ in tabernaculo ante arcem: Neemię in excitatione murorum: Zorobabelis, Mattathix & filiorum, in zelo tuo: Iabelis in benedictionibus. Quare nunc quoque suscipe cum approbatione orationes populi tui, tibi per Christum oblatas in spiritu.

Oratio auxiliij iustorum. Cap. XXXVIII.

GRATIAS agimus tibi pro vniuersis Domine Omnipotens, quod non abstulisti misericordias tuas, & miserationes tuas à nobis, sed in vnaquaque generatione, & generatione, saluas, liberas, succurris, protegis, Succurristi enim in diebus Enos & Enoch: in diebus Mosis, & Iesu: in diebus iudicum: in diebus Samuelis, & Helix, & Prophetarum: in diebus Dauid & Regum: in

diebus Esther, & Mardochæi: in diebus Iudithæ: in diebus Iudæ Machabæi & fratrum, & in diebus nostris succurristi nobis per tuum Pōuificē magnū, Iesum Christū filiū tuū. Nā & à gladio seruauit, & à fame eripuit alendo, & à morbo liberauit, & à lingua iniqua nos texit. De omnibus tibi per Christū gratias agimus, qui nobis vocē formatā ad cōfessionem dedisti, linguam compositā ueluti plectrum & organum accommodasti, gustatum idoneum, tactum conuenientem, uisum ad aspiciendum, auditum ad apprehendendum voces: odoratū ad percipiendos odores, manus ad opus, pedes ad ambulandum concessisti: hæc-que omnia ex paruula gutta in utero informas, & post informationem, animam immortalem largiris, producisque in lucem animal rationale hominem, quem legibus instituisti, iustificatiōnibus ornasti, eique breuīs temporis dissolutiōne inducta, resurrectionem prōmisisti. Quæ ergo uita sufficeret, aut quæ laudum excellentia satis esset, ut gratias tibi egere possemus? Sed hoc pro meritis præstare non ualemus, præstare autem quantum possumus pie debemus. Eripuisti enim nos ab impietate eorum, qui plures deos colunt, & qui Christum occiderunt, ab hæresibus vindicasti, ab ignorantia errore reuocasti, Christum misisti ad homines, ut esset homo, qui erat unigenitus Deus, Patacletum collocaisti in nobis, Angelos præfecisti, Diabolum dedecorasti, cum non essemus, nos condidisti, conditos conseruas, uitam suppeditas, uictum præbes, pœnitentiam promissisti, pro omnibus tibi glo-

ria, & honor per Iesum Christum nunc & semper & in sæcula Amen. Hæc meditamini, fratres, & erit Dominus vobiscum in terra, & in regno patris ipsius, qui & cum milit, & nos per eum liberauit à seruitute corruptionis in libertatem gloriæ, & promisit vitam credentibus per ipsum in cunctorum Deum. Quemadmodum viuere debeant qui sunt Christo initiati, & cuiusmodi gratiarum actiones Deo per Christum offerre iam diximus. Aequum est autem vt etiam iis, qui nondum initiati sunt, opem præstemus.

Quomodo oporteat Cathecumenos institui.

Cap. XXXIX.

QVI in sermone pietatis instituendus est, erudiatur ante baptismum cognitione Dei ingeniti, instruaturnotitia Iesu vni-
geniti, & fide de Spiritu sancto: discat varium creaturarum ordinem, prouidentia seriem: diuersarum legum iudicia, erudiatur cur Mundus conditus sit, & quamobrem homo Mundi ciuis sit constitutus: agnoscat naturam suam cuiusmodi sit: instruaturn, quemadmodum Deus vitiosos puniuit aqua & igne, Sãctos honorauit in qualibet ætate, Seh, Enos, Enoch, Noë, Abraham cum suis posteris, Melchisedech, Iob, Mosen, Iesum, & Caleb, & Phinees sacerdotem, & alios, qui in quavis ætate, sanctitate præstiterunt, quemadmodum sua prouidentia non auertit se Deus ab humano genere, sed id per diuersa tempora ab errore, & vanitate ad cognitionem veritatis.

reuocauit, transferens à seruitute, & impietate ad libertatem & pietatem, ab iniustitia ad iustitiam: à morte perpetua ad vitam æternam. Hæc atque huiusmodi discat in Catechesi, qui ad baptismum accedit. Adoret autem, qui manus imponit, ipsum Deum cunctorum Dominum, gratias agens pro plasmate ipsius, quod misit filium suum vnigenitum Christum, vt hominem saluū faceret delictis iniquitatibus, & vt dimitteret impietates & delicta, & ab omni macula carnis ac spiritus eum expiaret: sanctificaret autem hominem secundum beneplacitum bonitatis suæ, & dirigeret voluntatem, & illuminaret oculos cordis eius ad intelligendum mirabilia ipsius, & manifestaret ei iudicia iustitiæ, vt odio habeat omnem viam iniustitiæ, & ingrediatur viam veritatis, vt dignus fiat lauacro regenerationis in filiorum adoptionem in Christo, atque complætatus similitudini mortis Christi in spe gloriosæ communionis, mortuus reddatur peccato, viuat autem Deo secundum mentē, verbum & opus, & in libro viuentium connumeretur. Post hanc gratiarum actionem, instruat eum in iis, quæ pertinent ad incarnationem Domini, ad passionem, resurrectionem, ascensionem.

Præceptio quomodo oporteat Catechumenum cum initiatur à Sacerdotibus, benedici, & quæ ab iis docendus sit. Cap. XL.

DEINDE cum se iam ad baptismum parat Catechumenus, discat illa, quæ dicuntur de

abrenunciando Diabolo, & de aggregando se Christo. Oportet enim vt primùm discedat à contrariis, deinde ingrediatur mysteria, deleta prius à corde omni improbitate, macula & sordibus, atque hoc modo sancta percipiat: nam vt diligens agricola purgat prius agrum succrescentibus spinis, deinde triticum serit, sic debetis vos prius expulsa omni impietate constituere pietatem, & ad baptismum accedere. Etenim Dominus noster ita nobis præcepit dicens, Docete prius omnes gentes. Et postea subiunxit, Et baptizate eos in nomine Patris, & Filij, & Spiritus sancti. Profitetur igitur ille qui baptizatur, cum abrenunciat, hoc modo.

*Abrenunciatio contrarij, & congregatio
ad Christum Dei. Cap XLI.*

A BRENUNCIO Sathanæ & operibus eius,
pompis, cultui, Angelis, & machinationi-
bus eius, & omnibus quæ sub ipso sunt. Post
abrenunciationem, aggregans se Christo dicat,
Quoniam & aggregor Christo, & credo, & ba- *Credo*
ptizor in vnum ingenitum meum verum Deum
omnipotentem, patrem Christi, creatorem &
opificem omnium, ex quo omnia: & in Domi-
num Iesum vnigenitum filium eius primogeni-
tum omnis creaturæ, genitum beneplacito Pa-
tris ante sæcula, per quem omnia facta sunt, quæ
sunt in cælis & in terra, visibilia, qui in nouissi-
mis diebus descendit de cælis, & carnem assump-
sit, & ex sancta Virgine Maria natus est, & con-

uersatus sanctè secundum leges Dei, & Patris ipsius. Crucifixus sub Pontio Pilato, mortuus pro nobis: resurrexit à mortuis tertia die postquam passus est. Ascendit in cœlos, sedet ad dextram patris, iterum venturus est in consummatione sæculi, cum gloria, iudicare viuos & mortuos: cuius regni non erit finis. Baptizor & in Spiritum Sanctum, hoc est Paracletum, qui operatus est in omnibus sanctis, qui fuerunt à sæculo: postea missus est Apostolis à Patre secundum promissionem Saluatoris nostri, & Domini Iesu Christi: & post Apostolos omnibus credentibus in sancta catholica Ecclesia. Carnis resurrectionem, peccatorum remissionem, regnum cœlorum, vitam venturi sæculi. Post hanc promissionem deinceps venit ad olei vnctionem.

Chriftatis mystici olei benedictio.

Cap. XLII.

BENEDICITVR hoc oleum à Sacerdote in remissionem peccatorum, & præparationem baptismi. Inuocat enim hoc modo ingenitum Deum Patrem Christi, Regem omnis sensitivæ & intellectualis creaturæ, vt sanctificet oleum in nomine Domini Iesu, & det gratiam spiritualem, & remissionem peccatorum, & præparationem confessionis baptismi, vt qui vngitur liberatus omni impietate, dignus fiat initiatione secundum mandatum Vnigeniti.

Mysticæ

Mystica aqua benedictio. Cap. XLIII.

DEINDE venit ad aquam, benedicit & glorificat sacerdos Dominum Deum Omnipotentem, patrē vnigeniti Dei, gratias agens, quòd misit ad suscipiendum carnem, filium suum propter nos, vt nos saluos faceret: quoniam subiit incarnationem, vt in omnibus obediens fieret, & annuntiaret regnum Cœlorum, remissionem peccatorum, & mortuorum resurrectionem. Post hæc adorat ipsum vnigenitum Deum, post ipsum, & propter ipsum, gratias agens ei, quòd pertulit pro omnibus mortem crucis, cuius figuram tradidit baptismum regenerationis: glorificat quòd in nomine Christi Deus cunctorum Dominus in Spiritu sancto nõ despexit genus humanum, sed variè ei prouidit: ipsi Adæ in Paradiso cùm ei primùm pro delitiis domiciliũ Paradisi tradidit, deinde cùm suæ prouidentia ratione mandatum dedisset, cùmque in peccatum lapsus iustitia spoliasset, bonitate vtens, non abiecit illum omnino, sed suos posteros pro temporum successione variis rationibus instituit, propter quem in extremo sæculi misit filiũ suum, vt propter homines homo fieret, & omnes humanas egritudines susciperet, excepto peccato. Ipsum igitur nunc quoque inuocet sacerdos ad baptismũ, & dicat, Descende de Cœlo & sanctifica hanc aquam, da ei gratiã & virtutem, vt qui baptizatur secũdum mandatũ Christi tui, cum eo crucifigatur, & commoriatur, & conselpeliatur, & corresurgat in adoptionem filiorum

CONSTIT. 3. APOSTOLORVM
Dei, quæ est in ipso, vt mortuus quidem sit peccato, viuat autè iustitia. Et post hoc baptizatum in nomine Patris, & Filij, & Spiritus sancti, vngat vnguento dicens,

Benedictio vnguenti mystici.

Cap. XLIIII.

DOMINE Deus, qui es ingenitus, summus cunctorum Dominus, qui odorem cognitionis Euangelij in omnibus gentibus suauem fecisti, da nunc etiam hoc vnguentum operari virtutem in baptizato, vt firma & sancta in eo maneat fragrantia odoris Christi tui, & commortuus ipse resurgat, & viuat vnà cum Christo. Hęc atque huiusmodi dicat: vnus cuiusque enim manus impositionis, virtus hæc est, Nā nisi in quolibet horum à pio sacerdote aliqua huiusmodi inuocatio fiat, in aquam solam descēdit qui baptizatur more Iudæorum, ac tantum abiicit sordes corporis, non animæ. Deinde astans dicat orationem, quam nos docuit Dominus. Surgentem autem stare oportet necessariò & orare, quoniam qui suscitatus est, rectus manet: ideo cum is commortuus sit & excitatus vnà cum Christo, astare debet. Oret autem versus Orientem: nam id scriptum est in secundo Paralipomenon. Cùm enim templum à Rege Solomone perfectum esset, in ipsa dedicatione Sacerdotes, & Leuitæ, & Cantores cum cymbalis & psalteriis constiterunt, ad Orientem conuersi laudantes, & confitentés, ac dicētes, Laudate Domī

num, quoniam bonus, quoniam in sæculum misericordia eius.

Oratio eorum, qui dudum sunt initiati.

Cap. XLV.

Post primam orationem orate in hunc modum, Deus Omnipotens, Pater Christi tui, vnigeniti filij tui, da mihi corpus purum, cor mundum, mentem vigilantem, scientiam infallibile, Spiritus sancti aduentum in adoptionem, & certitudinẽ veritatis Christi tui, per quem tibi gloria in sancto Spiritu in sæcula sæculorũ Amen.

Qui missi ordinati sunt ab Apostolis.

Cap. XLVI.

Hæc de Catechumenis præcipienda diximus. De ordinatis autem à nobis Episcopis in vita nostra, significamus vobis quod ij sunt. Hierosolymis ordinatus est Iacobus frater Domini, quo mortuo secundus Simeon Cleopæ: post eum tertius Iudas Iacobi: Cæsareæ Palestinæ primus ordinatus est Zachæus olim publicanus: post eum Cornelius: tertius Theophilus: Antiochæ Euodius à me Petro: Ignatius à Paulo: Alexandræ Annianus primus à Marco Euangelista est ordinatus: secundus Abilius à Luca itẽ Euangelista: Romanæ Ecclesiæ Linus, Claudia primus à Paulo: Clemens post eius mortem à me Petro, secundus ordinatur. Ephesi Timotheus à Paulo, Ioannes à me Ioanne, Smyrnæ

*Exi. Vined. Bg
aplu ordinati*

Iacobus frater Domini

Simeon Cleopæ

Iudas Iacobi

Zachæus

Cornelius. Theophilus

Euodius

Clemens

Aristo primus: post eum Stratae Loidis: & tertius Aristo: Pergami Caius, Philadelphæe Demetrius à me: à Paulo Lucius Cenchrae: Titus in Creta: Dionysius Athenis: Tripolis Phanicum Marathones: Laodiceæ in Phrigia Archippus: Colossensium Philamo: Bereæ, quæ est in Macedonia: Onesimus Philemonis: Cresceus in Eclesiis, quæ sunt in Gallia: Aquila, & Niceta in Paræciis, quæ sunt circa Abiam: Crispus in Eginefi Ecclesia. Ij sunt, quibus nos Paræcias in Domino commisitimus. Quorum doctrinæ memores, ex omni parte obtemperate nostris sermonibus, eritque Dominus vobiscum. nunc, & in infinita tempora, quemadmodum ipse dixit nobis, cum ad suum Deum ac Patrem se reciperet,

” Ecce enim, inquit, ego vobiscum sum omnibus diebus vsq; ad consummationem sæculi. Amen.

Oratio Matutina. Cap. XLVII.

Gloria in excelsis deo

GLORIA in altissimis Deo, & in terra pax hominibus bonæ voluntatis: laudamus te, celebramus te, benedicimus te, glorificamus te, adoramus per magnam Pontificem te verum Deum ingentium, vnum, inaccessibilem, solum propter magnam gloriam tuam, Domine Rex cælestis, Deus Pater Omnipotens, Domine Deus Pater Christi agni immaculati, qui tollit peccata Mundi, suscipe deprecationem nostram: qui sedes super Cherubin. Quoniam tu solus sanctus, tu solus Dominus Iesus Christus Dei omnis creaturæ natura, Regis nostri, per quem tibi gloria, honor, & cultus.

Vespertina Oratio. Cap. XLVIII.

LAUDATE pueri Dominum, Laudate nomen Domini: Laudamus te, celebramus te, benedicimus te, propter magnam gloriã tuam, Domine Rex Pater Christi, agni immaculati, qui tollit peccata Mundi. Te decet laus, te decet hymnus, te decet gloria Deum, & Patrem per filiũ in Spiritu sancto, in sæcula sæculorum. Amen.

Nunc dimittis seruum tuum Domine secundum verbum tuum in pace. Quoniam viderunt oculi mei salutare tuum, quod parasti ante faciẽ omnium populorum. Lumen ad reuelationem gentium, & gloriã plebis tuæ Israel.

Oratio in Prandio.

BENEDICTVS es Domine, qui pascis me à iuventute mea: qui das escam omni carni, reple gaudio, & lætitia corda nostra, vt omnem sufficientiam habentes, abundemus in omni opere bono in Christo Iesu Domino nostro, per quem tibi gloria, honor & fortitudo in sæcula.

Amen.

Q. iij

CONSTITVTIONVM
SANCTORVM APO-
STOLORVM B.

CLEMENTE RO-
MANO AV-
CTORE,

LIBER OCTAVVS.

De Charismatibus. Cap. I.



VM Deus & Saluator
noster Iesus Christus
nobis magnum tradide-
rit pietatis sacramentū,
inuitaueritque Iudæos
ac Græcos ad agnitiōē
vnius & solius veri Dei,
quemadmodū ipse quo-
dam in loco gratias agens de salute credentium,
Ioan. 17. affirmat, Manifestaui, inquit, nomen tuum
hominibus, opus quod dedisti mihi, consumma-
ui. Et de nobis Patri dicit, Pater sancte, & si Mū-
dus te non nouit, sed tamen ego te noui, & ii te
norūt. Meritò nobis simul omnibus veluti per-
*Mar. vii.*fectis de Charismatibus, quæ ab ipso per spiri-
tum dantur, dicit, Signa eos, qui crediderint, hæc
sequentur, in nomine meo Dæmonia eiicient,
linguis loquentur nouis, serpentes tollēt, si quid
mortiferum bibent, nō eis nocebit, super ægro-

- „ tos manus imponent, & bene habebunt. Quæ
 „ Charismata primùm nobis Apostolis concessa
sunt, cum Euangelium omni creaturæ prædica-
turi ellemus, deinde iis, qui per nos crediderūt,
sunt collata necessariò, non ad eorum, qui illa
exercent vtilitatem, sed ad infidelium persuasio-
nem, vt quos oratio flectere non potuit, commo-
ueat prodigiorum potentia. Signa enim non no-
bis fidelibus dantur, sed iis, qui de Iudæorum &
Græcorum gente infideles sunt. Nulla enim no-
bis vtilitas accedit, cum Dæmones expelluntur,
sed iis, qui ope Domini purgantur, quemadmo-
dum quodam in loco ipse Dominus erudiens
 „ nos ostendit dicens, Nolite gaudere quòd Spiritus *LUC. 10.*
 „ vobis obediunt, sed gaudere quòd nomina
 „ vestra scripta sunt in Cælo. Quoniam illud eius
 virtute fit, hoc nostra benevolentia & studio, sci-
 licet accedente ipsius auxilio. Non est ergo ne-
 cessarium vt omnes fideles Dæmonia eiciant,
 vel mortuos excitent, vel linguis loquantur, sed
 is tantùm, cui Charisma propter aliquam vtilita-
 tem cõcessum est, videlicet ad salutem infideliũ,
 cum sæpenumero conuincantur non sermonũ
 demonstratione, sed prodigiorum effectione,
 cum salute digni fuerint. Nam nec impij omnes
 miraculis ducuntur: cuius rei testis est ipse Deus
 „ cum dicit, Si in aliis linguis loquar populo huic; *Isa. 28.*
 „ & in aliis labiis, non credent. Neque enim
 Ægyptij crediderunt Deo, cum Moses tanta si-
 gna atque prodigia effecisset, neque Iudæorum *1. Cor. 14.*
 multitudo, quasi alteri Mosi, Christo credidit,
 cum omnem illorum morbum, omnemque

infirmitatem curauerit. Nam illos non commo-
 uit virga in serpentem conuersa, nec manus de-
 albata, nec Nilus sanguine perfusus: hos verò nò
 flexerunt cæci videntes, nec claudi ambulantes,
 nec mortui in vitam reuocati: atque illi quidem
 aduersabantur Iannes & Mambres, huic Anna
 & Caiphas. Ita non omnes commouent prodi-
 gia, sed solos bona mente præditos, quorum gra-
 tia Deus tanquàm sapiens dispensator virtutes
 fieri statuit, non hominum viribus, sed sua volun-
 tate: quæ idè dicimus, ne qui huiusmodi charis-
 mata obinuerunt, extollantur in eos, qui ea non
 acceperunt. Charismata dicimus, quæ in signis
 consistunt, quoniam cæteroque nullus est qui per
 Christum in Deum crediderit, quin spirituale
 Charisma acceperit: nam liberati multorù Deo-
 rum impietate, & credere in Deum Patrem per
 Christum, Dei Charisma censendum est. Item
 abiecto Iudaico velo, credere Dei volùtate eum,
 qui est ante sæcula vnigenitus, in extremo tem-
 pore ex Virgine sine viri concubitu natum, con-
 uersatumque vt hominè sine peccato, omnémq;
 legis iustitiam implese, ac Dei permissione cru-
 cem subiisse contempto dedecore, cùm esset Dei
 verbum: eundémque mortuum & sepultum, ac
 tertia die suscitatum, pòstque resurrectionè per
 quadraginta dies cum Apostolis fuisse, perfectà-
 que omni dispensatione, in conspectu ipsorum,
 ad Deum ac Patrem suum, à quo missus fuerat,
 sublaturum. Hæc qui credit, non simpliciter nec
 temerè, sed iudicio & sententiæ firmitate Cha-
 risma à Deo obrinet. Eodem modo, qui omni

hæresi est liberatus. Quare nemo ex iis, qui signa & prodigia faciunt, iudicet quenquam ex fidelibus, qui faciendi illa potestatem non est adeptus. Varia enim sunt Dei dona, quæ ab ipso per Christum tribuuntur: ac tu quidem accepisti hoc, ille aliud, videlicet sermonem sapientiæ, vel sciëntiæ, vel facultatem spirituum separãdorum, vel prædictionem rerum futurarum, vel sermonem ad docendum idoneum, vel patientiam, vel moderatam continentiam. Etenim Moses homo Dei, cùm in Ægypto miracula ederet, non elatus est supra gẽtiles suos, nec cùm Deus vocaretur, cum proprio Propheta Aaron se iactabat. Et Iesus Naue qui post Moysen populo præfuit, & si in bello contra Iebusæos eius voluntate sol ad Gabaon, luna ad vallem Ælon constitit, cùm dies ad victoriam non sufficeret: tamen non insultavit aduersus Phinees, neq; Chaleb. Nec Samuel, qui tot admirabilia egerat, despexit Deo charum Dauid, quãquam vterque Propheta erat, & vnus Pontifex, alter verò Rex. Cùmque in Israël septem millia virorum essent, qui non incuruarent genu ante Baal, tamen solus Helias, & eius discipulus Helissæus reperti sunt, qui miracula facerent: sed neque Helias œconomum suum elusit, qui cùm Deum timeret, tamẽ signa non edebat: neque Helissæus suum discipulum, hostem expauescentẽ contempsit: neque sapiens Daniel cùm ab ore leonum iterum esset ereptus: nec tres pueri cùm camino ignis essent liberati, reliquos generis sui homines despexerunt. Sciebant enim se non propriis viribus, periculis liberatos, sed

Dei ope, miracula edidisse, & discrimina superasse. Quare nemo se efferat supra fratrem, quamuis Propheta fuerit, & miraculorum effector: nam si cui semel concessum est, ut non amplius numeretur inter infideles, superflua est ei reliqua omnis miraculorum facultas: nam ut quis pius sit, ab amore proficiscitur, ut miracula efficiat, ab auctoris potestate, quorum primum nos ipsos respicit, alterum operantem Deum, ob eas causas, quas antea diximus. Quare nec Rex contemnat Duces suos, nec Princeps eos, qui eius imperio parent. Nam si nulli sint qui pareant, Principes sunt superflui: & si nulli sint Duces, non poterit regnum consistere. Sed nec Episcopus se extollat aduersus Diaconum vel Presbyterum: neque Presbyter aduersus plebem: mutua enim coniunctione copulata est huius societatis communio. Episcopi enim & Presbyteri, quorundam sunt sacerdotes, & laici, quorundam sunt laici. Atque esse quidem Christianum, in nostra situm est potestate: esse Apostolum, vel Episcopum, vel aliud quidpiam: non est in nostra situm potestate, sed in potestate Dei, qui largitur Charismata. Atque hæc quidem hætenus dicta sunt propter eos, qui charismata vel dignitates acceperunt. Addimus autem illud ad sermonem, qui Prophetæ munere utitur, non esse omnes sanctos, nec qui Dæmones eiiciunt, præditos esse omnes pietate. Etenim Balaam filius Beor vates, cum esset impius, futura prædixit: item Caiphas, qui falsi nominis Pontifex erat. Multa etenim Diabolus vnâ cum suis Dæmonibus prædicit, nec tamen ideò vlla

est illis pietatis scintilla : inscitia enim sunt oppressi propter voluntariam prauitatem. Perspicuum est igitur impios, quamuis Prophetarum officio fungatur, non deponere ob prophetiam, suam impietatem, nec eos, qui Dæmones expellunt, sanctitatem acquirere, eo quod illi cedunt. Fallunt enim se mutuò (vt ij qui ludos risus causa exercent) atque eos, qui ipsis mentem adhibent, ad interitum perducunt. Neque verò Rex impius, pro Rege habendus est, sed Tyrannus: neq; Episcopus imperitia aut nequitia cumulatus, est Episcopus, sed falso nomine gaudet, vt qui non à Deo, sed ab hominibus cõstitutus sit, vt Ananias, & Samæas in Hierusalé, & Sedecias, & Achias, qui Babylone falsi Prophetæ fuerunt, sed etiam, Balaam vates pœnas dedit cum Israëllem in Beelphegor pessunderit. Et Caiphias postea sibi mortem consciuit, & filij Sceux cum conarentur Dæmones eiicere, ab iis vulnerati, turpiter se in fugam dederunt. Reges quoque Israël & Iudæ secuti impietatē, varia supplicia pertulerunt. Perspicuū est igitur falso nomine præditos Episcopos atque Presbyteros, diuinam vltionē non declinatuos. Dicitur enim ipsis, Et nunc vos sacerdotes, qui vile facitis nomen meum, tradam vos in occisionē, vt Sedeciam, & Achiam, quos in sartagine misit Rex Babylonis, vt inquit Ieremias Propheta. Hæc verò dicimus non vt veras prophetias damnemus (scimus enim eas a flatu diuino inter sanctos agitari) sed vt gloriosorum audaciam comprimamus : illudque præterea addimus, Deum talibus hominibus gratiã

*Ier. 27. 28.**Achias est**Achab in**Ieremia.**Act. 21.**Nu. 24. 25**Mal. 1.**Ier. 29.*

auferre. Superbis enim Deus resistit, humilibus autem dat gratiam. Silas & Agabus cum nostro tempore Prophetæ essent, non comparabant se cum Apostolis, neque fines suos transibant, quantum Deo charissimi erant. Prophetarunt quoque olim Maria Mosi & Aaronis soror & postea Debhora, & post has Olda & Iudith, vna Iosif, altera Darij tempore. Mater etiam Domini prophetauit, & Elisabeth eius cognata, & Anna: nostro quoque tempore Philippi filia eodem sunt functæ munere, sed hæc aduersus viros suos superbia inflata non sunt, sed intra proprios terminos constiterunt. Quare si inter nos quoque reperitur vir vel mulier, cui huiusmodi gratia concessa sit, humiles spiritus habeat, vt in eo sit grata voluntas Dei: Ad quem enim, inquit, respiciam, nisi ad humilem & quietum, & pauentem sermones meos?

Isa. 66.

De Ordinationibus. Cap. II.

IN principio orationis exposuimus quæ ad charismata pertinebant, quæ quidem Deus propria voluntate concessit hominibus, & quemadmodum morem eorum refutauerit, qui vel falsa dixerunt, vel alieno spiritu ad prædicandum sunt excitati, & quod improbis hominibus sæpe Deus prophetiam & miraculorum facultatem tribuit: nunc autem ad præcipuum Ecclesiasticæ descriptionis caput oratio properat, vt cum vos, qui de Christi sententia per nos Episcopi consti-

tuti estis, hanc à nobis dispositionem didiceritis, omnia secundum tradita nobis mandata perficere possitis, scientes quòd qui nos audit, Christum audit, & qui Christum audit, is Deum & Patrem ipsius audit, cui gloria in secula Amen. Simul igitur congregati nos duodecim Domini Apostoli, has nostras diuinas præcepimus institutiones de omni Ecclesiastica forma, præsentibus vnà nobiscum electionis vobis Paulo coapostolo nostro, Iacobo episcopo, atque reliquis Presbyteris, & septem Diaconis. Primus igitur ego Petrus dico, Episcopum ordinari debere (vt supra simul omnes cõstituimus) ex omni parte reprehensione carentem, ab omni populo electum, quo nominato & approbato, conueniens populus cum collegio Presbyterorũ, & Episcopis, qui adsunt, in die dominico, præcipuus ex omnibus interroget Presbyteros, & plebem, an is sit, quem petunt in Rectorẽ: quibus annuentibus, iterum interroget, num omnes testificentur eum dignum esse hac magna & illustri gubernatione: deinde an pietatẽ erga Deum coluerit, erga homines iusta seruauerit, domum suam rectè administrauerit: sine reprehensione vitam instituerit. Atque omnibus simul ex veritate non ex coniectura testificantibus talem eum esse, veluti coram iudice Deo & Christo, præsentem nimirum etiam Spiritu sancto, atque omnibus sanctis, & administratoriis Spiritibus, tertio iterum interrogentur, an verè dignus sit sacerdotio, vt in ore duorum vel trium testiũ stet omne verbum. Hisque tertio assentiẽtibus, illum dignum esse, ab

Episcopus quomodo ordinetur

CONSTIT. 5. APOSTOLORVM
omnibus assensus petatur, quem prompto animo præstantes audiantur, silentioque imperato, vnus ex primis Episcopis cum duobus aliis stans prope altare, reliquis Episcopis & Presbyteris secretò orantibus, Diaconis diuina Euāgelia super caput eius, qui ordinatur, aperta tenētibus, dicat conuersus ad Deum.

Inuocatio ordinationis Episcoporum.

Cap. III.

DOMINE Deus Omnipotens, qui solus es ingenitus, & à nullo dominaris, qui semper es, & existis ante sæcula: qui nullo indiges, & superas omnem causam atque originem: qui solus es verax, solus sapiens, solus altissimus: qui natura es inuisibilis: qui omnia nosti antequam fiant: qui abscondita scrutaris: qui es inaccessibleis, & nullius imperio subditus: Deus & pater vnigeniti filij tui Dei & Saluatoris nostri, cunctorum opifex per ipsum, prouisor, gubernator, pater misericordiarū, & Deus omnis consolationis: qui in altis habitas, & humilia respicis. Tu es qui dedisti leges Ecclesie per corpoream præsentiam Christi tui sub testimonio Paracleti, per tuos Apostolos, qui & ipsi gratia tua astitimus Episcopi: qui à principio ad gubernationem populi tui sacerdotes designasti, Abel imprimis, Seth, Enos, Enoch, Noè, Melchisedech, Iob: qui instituisti Abraham & reliquos Patriarchas cum fidelibus seruis tuis Mose, Aarone, Eleazaro, Phinees: qui ex ipsis principes & sacerdotes in

arca testimonij constituisti: qui Samuelem in sacerdotē & Prophetam elegisti, qui sanctuarium tuū sine ministerio non reliquisti: qui in iis, quos elegisti, glorificari voluisti, iidem quoque nunc intercessione Christi tui infunde virtutem Spiritus principalis, qui ministrat dilecto filio tuo Iesu Christo, quem voluntate tua donauit sanctis Apostolis tuis. Da in nomine tuo scrutator cordium Deus huic seruo tuo, quem elegisti Episcopum, pascere sanctum gregē tuum, & fungi Pontificatu tibi, sine reprehensione ministrātem die & nocte, & placantem faciem tuam, congregare numerum eorū, qui saluantur, & offerre tibi dona Ecclesiæ tuæ sanctæ. Da ei Domine Omnipotens per Christum tuum participationē sancti Spiritus, vt habeat potestatem dimittēdi peccata secundum mandatum tuum: dandi sortes secundum præceptum tuum, soluendi omne vinculum, secundum potestatem, quam dedisti Apostolis, vt placeat tibi in mansuetudine & mundo corde, firmiter ac laudabiliter, offerendo tibi mundam & incruentā hostiam, quam per Christum instituisti mysterium noui Testamenti, in odorem suauitatis, per sanctum filium tuum Iesum Christum, Deum & Salvatorem nostrum, per quem tibi gloria, honor & adoratio in sancto Spiritu nunc & semper, & in sæcula sæculorum Amen.

Sermo de Cathecumenis. Cap. IIII.

POST QVAM hæc erit precatus, reliqui Sacerdotes dicant Amen, & cum eis vniuersus po-

pulus: & post orationem vnus ex Episcopis tradat Eucharistiam in manus ordinati, & ipso mane collocetur à reliquis Episcopis in suo throno, omnibus eum osculantibus osculo in Domino. Post verò lectionem legis & Prophetarum, Epistolarum nostrarum, actuum, atque Euangelij, ordinatus salutet Ecclesiã iis verbis, Gratia Domini Dei nostri Iesu Christi, & charitas Dei Patris, & cõmunicatio Spiritus sancti, sit cum omnibus vobis Amen. Et omnes respondeant, Et cum spiritu tuo: post hæc verba alloquatur populum sermonibus exhortatoriis.

Sermo Diaconi pro Catechumenis.

Cap. V.

QVIBVS absolutis, Dico ego Andreas frater Petri, omnibus consurgentibus, Diaconus accedens altum aliquem locum pronunciet, **NE QVIS AUDITORVM, NE QVIS INFIDELIVM.** Silentioque facto dicat, **CATECHVME NI ORATE.** Et omnes fideles orèt attento animo dicentes, Domine miserere. Diaconus pro ipsis oret dicens, Pro Catechumenis omnes Deum oremus, vt bonus & benignus Dominus clementer exaudiat obsecrationes & preces ipsorum, & recipiens eorum supplicationes, tribuat eis auxilium, & concedat petitiones cordis ipsorum ad vtilitatem, reuelèt eis Euangelium Christi sui, illuminet eos, & instituat disciplinã cognitionis Dei, doceat ipsos m̃a-
data,

data, & iudicia sua, inferat in animam eorum castum & salutarem timorem suum, aperiat aures cordis ipsorum vt meditentur in lege sua die ac nocte, confirmet eos in pietate, vniat, & connumeret in sancto ouili suo, dignos faciens lauacro regenerationis veste immortalitatis, vera vita, liberet eos ab omni impietate, & ne det locum inimico aduersus eos, mundet eos ab omni iniquatione carnis, & spiritus inhabitet in eis, & inambulet per Christum suum, benedicat introitus & exitus eorum, & dirigat vias eorum in bonum. Etiam pro eis intentè oremus, vt remissionem delictorum consecuti per baptismum, sanctis mysteriis digni fiât in mansione sanctorum. Erigite vos Catechumeni, & petite pacem Dei per Christum suum, diem pacificum & sine peccato: itémque omne tempus vitæ vestræ, Christianos præfides vestros, propitium & benignum Deum delictorum remissionem: ipsi soli ingenito Deo per Christum suum vosmet commendate: Inclinamini, & benedictionem accipite. In iis singulis, quæ loquitur Diaconus, populus, vt prædiximus, dicat, Domine miserere: & in primis pueruli. Inclinantibus autem ipsis capita, benedicat iis ordinatus Episcopus benedictione huiusmodi,

Benedictio Episcopi super Catechumenos. Cap. VI.

DEVS Omnipotens, ingenite, inaccessibleis, qui es solus verus Deus, Deus & pater Christi

R

sti vnigeniti filij tui, Deus Paracliti & cunctorū dominus, qui per Christum discipulos constituiti doctores ad docendum pietatem, ipse nunc respice super Catechumenos Euangelij Christi tui, & da eis cor nouum, & spiritum rectum innoua in visceribus eorum, ad cognoscendam & faciendam voluntatem tuam in corde pleno, & volenti animo, dignos fac eos sancto baptismo, & aggrega eos Ecclesie tue sancte, & participes fac sanctorū mysteriorum per Christum Iesum, qui est spes nostra, quique pro nobis mortuus est, per quem tibi gloria & adoratio in Spiritu sancto in sæcula Amen.

Sermo Diaconi pro Energumenis.

Cap. VII.

POST hæc Diaconus dicat, Ite Catechumeni in pace. Qui, postquam ij exiuerunt, dicat. Orate Energumeni, hoc est vexati ab immundis spiritibus. Intentè omnes pro ipsis orate, vt benignus Deus per Christum increpet immundos & nequam spiritus, & eripiat seruos suos ab imperio inimici. Qui increpauit legionem dæmonum & principem malorum diabolum: ipse nūc increpet pietatis rebelles, & liberet fragmenta sua à vexatione ipsius, & purget ea, quæ ingenti sapientia cōdidit. Etiam intentè oremus. Salua & excita illos Deus in virtute tua: Inclinate vos Energumeni, vt benedictionem accipiatis. Et Episcopus oret dicens,

Oratio pro Energumenis. Cap. VIII.

QVI fortem armatum ligasti, & omnia vasa
 eius diripuisti: qui dedisti nobis potestatem
 ambulandi super serpentes & scorpiones, & su-
 per omnem virtutem inimici: qui homicidam
 serpentem ligatum tradidisti nobis, tanquam
 passerem puerulis, quem cuncta pauent & hor-
 rent à facie virtutis tuæ: qui eum deiecisti sicut
 fulgur à cælo in terram, non lapsu locali, sed ab
 honore in ignominiam, ob voluntariam nequi-
 tiam: cuius aspectus siccatur abyssos, & minæ li-
 quefaciunt montes, & veritas Domini manet in
 æternum: quem laudant infantes, & lactentes
 benedicunt: quem celebrant, & adorant Angeli:
 qui aspicit super terram, & facit eam tremere:
 qui tangit montes & fumigant: qui minatur Ma-
 ri & siccatur illud, & omnia flumina deserta facit:
 cuius nubes puluis pedum eius: qui ambulat su-
 per Mare, sicut super pavementum. Unigenite
 Deus magni patris filij increpa spiritus nequam,
 & libera opera manuum tuarum ab alieni spiri-
 tus vexatione: quoniam tibi gloria, honor & ado-
 ratio, & per te tuo patri in sancto Spiritu in sa-
 cula Amen.

*Luc. 10.**Iob. 8.**Psal. 10.**Nahum. 1.**Iob. 9.**Sermo Diaconi pro illuminandis. Cap. IX.*

DIACONVS dicat, Ite Energumeni, & po-
 stea dicat, Orate qui illuminamini. Iuentem
 omnes fideles pro ipsis oremus, vt Dominus di-
 gnos illos reddat vt in Christi mortem initiati
 resurgant vnà cū illo, & consortes faciat eos re-

gni ipsius, & participes mysteriorum eius: vniat & conscribat in numero eorum, qui salui fiunt in sancta eius Ecclesia. Salua & suscita illos in tua gratia. Consignati Deo per Christum eius, inclinantes se, benedicantur ab Episcopo hac benedictione,

Oratio tertia super illuminandos. Cap. X.

QVI per sanctos Prophetas prædixisti iis, qui initiantur, lauamini, mundi estote. Et per Christum instituisti spiritualem regenerationē, idem nunc respice super eos, qui baptizantur & benedic, & sanctifica eos, & præpara dignos fieri tuo dono spiritali, & vera adoptione filiorum ad consequendum spiritalia tua mysteria in numero eorum, qui saluantur per Christum Salvatorem nostrum, per quem tibi gloria, honor, & adoratio in sancto Spiritu in sæcula Amen.

Sermo Diaconi pro pœnitentibus. Cap. XI.

ET dicat Diaconus, Discedite illuminandi, & post hoc pronuntiet, Orate pœnitentes intente omnes. Pro pœnitentibus fratribus rogemus, vt misericors Deus ostendat illis viam pœnitentiæ: recipiat resipiscentiam & confessionē ipsorum, & conterat citò Satanam sub pedibus eorū, & redimat eos à laqueis diaboli, & à fraude dæmonum, & eripiat eos ab omni verbo nephario, ab omni opere illicito, & amore prauo:

& cōdonet eis peccata voluntaria, & inuoluntaria, & deleat chirographum ipsorum, & conscribat eos in libro vitæ, expiet eos ab omni piaculo carnis & spiritus, & vniat eos, reducens ad sanctum suum ouile, quoniam ipse cognoscit figmentum nostrum: quoniam quis gloriabitur se castum habere cor? vel quis confidet se mundum esse à peccato? Omnes enim sumus pœnæ obnoxij. Etiam pro ipsis intentius oremus, quoniam gaudium fit in cælo super vno peccatore pœnitentiam agente, vt declinantes omnem actionē malam, amplectantur omnia opera bona, vt benignus Deus citò eorum obsecrationibus placatus, restituat eis lætitiā salutaris, & spiritu principali confirmet eos, ne ampliùs prohibeantur communionem habere sanctorum sacrorum ipsius, & participes fieri diuinorum mysteriorū, vt digni reperti adoptionis filiorum, vitam æternam consequantur. Etiam omnes intentè pro eis dicamus, Domine miserere.

Impositio manuum pro pœnitentibus.

Cap. XII.

SALVA eos Deus, & suscita misericordia tua. Suscitati Deo per Christum inclinate vos, & benedicimini.

Episcopus ita oret.

OMNIPOTENS æterne Deus, cunctorum Domine, creator & gubernator vniuersi, qui hominem in Mundi ornatum posuisti per Christum, & dedisti ei legem naturalem & scri-

ptam, vt viuendi normam haberet, vt rationis
 compos:& si in aliquo peccaret, fundamentum
 pœnitentiæ tradidisti ei bonitatem tuam: respice
 super inclinantes tibi colla animæ & corporis,
 quoniam tu non vis mortem peccatoris, sed pœ
 nitentiam, vt reuertatur à via sua mala, & viuat:
 1. Tim. 1. qui Niniuitarum pœnitentiam admisisti, qui
 vis omnes homines saluos fieri, & ad agnitiõẽ
 veritatis venire: qui filium, qui suas facultates lu
 xuriosẽ consumpserat, paterno affectu recepisti
 per pœnitentiam: recipe nunc quoque suppli
 cantium tibi pœnitentiam, quoniam non est qui
 non peccet in te. Si enim iniquitates obseruaue
 ris Domine, Domine quis sustinebit? quoniam
 apud te est redemptio, & reduc eos in sanctam
 tuam Ecclesiam, restituta illis priori dignitate &
 honore per Christum Deum & Saluatorem no
 strum, per quem tibi gloria & adoratio in san
 cto Spiritu in sæcula Amen. Et Diaconus dicat,
 Discedite pœnitentes. Et addat, Nullus ex pro
 hibitis accedat. Fideles flectamus genua, roge
 mus Deum per Christum eius, omnes intentè
 Deum per Christum inuocemus.

Allocutio Diaconi pro fidelibus. Cap. XIII.

PRO pace, & pro tranquillitate Mundi & san
 ctarum Ecclesiarum oremus, vt cunctorum
 Deus suam æternã & firmam pacem nobis con
 cedat, vt in stabilitate virtutis secundum pietatẽ
 perseuerantes nos custodiat. Pro sancta Catho
 lica, & Apostolica Ecclesia diffusa à finibus vs-

que in fines, oremus, vt Dominus immobilem & tranquillam eam custodiat, atque conseruet vsque ad consummationem sæculi, fundatam supra firmam petram. Et pro sancta paræcia huius loci oremus, vt concedat nobis cunctorum Dominus cœlestem eius spem perfectè persequi, & ei debitam orationis scrupulose sine intermissione impendere. Pro omni Episcopatu, qui est sub Cœlo rectè tractantium verbum veritatis orate. Pro Episcopo nostro Iacobo, & paræciis ipsius orate. Pro Episcopo nostro Clemente & paræciis ipsius orate. Pro Episcopo nostro Eudodio & paræciis ipsius orate, vt misericordiam Deus concedat suis Ecclesiis, eos esse saluos, honorabiles, longæui temporis, venerabilè inque ipsorum senectutem faciat in pietate & iustitia. Et pro Presbyteris nostris orate, vt Dominus eripiat eos ab omni re incommoda & mala, saluum & honorabile presbyteriũ eis præbeat. Pro omni in Christo Diaconatu & ministratu orate, vt Dominus inculpabilem Diaconiam eis præbeat. Pro Lectoribus, Cantoribus, Virginitibus, Viduis, Orphanis orate: pro matrimonio copulatis, & liberis operã dātibus orate, vt Dominus omniũ suarũ miseratur. Pro Eunuchis sanctè ambulatibus orate. Pro continèter & castè viuentibus orate. Pro afferentibus fructus sanctæ Ecclesiæ, & facientibus pauperibus elemosynã orate. Et pro sacrificia & primitias offerētibus Domino Deo nostro orate, vt sanctus Deus remuneretur ipsos cœlestibus donis, & det ipsis in præsentem cētuplũ, & in futuro vitã æternã: &

præstet eis pro tēporalibus sempiterna, pro terrenis cœlestia. Pro nuper illuminatis fratribus nostris orate, vt Dominus stabiliat eos, & confirmet. Pro infirmis fratribus nostris orate, vt Dominus liberet eos ab omni ægritudine & imbecillitate, & saluos restituat sanctæ ipsius Ecclesiæ. Pro nauigantibus & viatoribus oremus. Pro iis, qui sunt in metallis, in exilio, in custodia & vinculis propter nomen Domini, orate. Pro oppressis amara seruitute orate. Pro inimicis & odio vos prosequentibus orate. Pro persecuentibus nos propter nomen Domini oremus, vt Dominus mitigato illorum furore, dissipet iram conceptam contra nos. Pro iis, qui extra sunt & in errore versantur orate, vt Dominus illos conuertat. Infantū Ecclesiæ memores simus, vt Dominus perfectos eos in timore suo ad adultam ætatem perducatur. Pro nobis mutuò oremus, vt Dominus seruet nos, & gratia sua custodiat vsq; ad finem & liberet nos à malo, atque ab omnibus scandalis operantibus iniquitatem, & saluet in cœleste regnū ipsius. Pro omni anima Christiana oremus. Salua & suscita nos Deus misericordia tua. Excitemus nos orātes intentè & mutuò nosmet commendemus Deo viuo per Christum eius.

Oret Pontifex & dicat. Cap. XIII.

DOMINE Omnipotens altissime, qui in altis habitas, sanctè requiescens in sanctis, qui es

sine principio, & solus dominaris, qui per Christum prædicationem verbi dedisti nobis in agnitionem gloriæ tuæ, & nominis tui, quod manifestavit nobis in comprehensione: ipse quoque nunc respice per eum super hunc gregem tuum, & libera eum omni ignorantia & opere malo, & da eum timore timere te, & dilectione te diligere, & ire à facie gloriæ tuæ. Benignus & propitius esto in precibus ipsorum, & conserua eos immobiles culpa carètes, criminis expertes, vt sint sancti corpore & anima, non habentes maculam, neque rugam, neque aliquid huiusmodi, sed sint perfecti, & nullus inter ipsos sit mancus vel imperfectus. Adiutor, potens, personarum non acceptor, succurre huic populo tuo, quem redemisti pretioso sanguine Christi tui, defensor, auxiliator, dispensator, custos, murus fortissimus, sepes, securitas, quoniam de manu tua nemo potest eripere: nam non est sicut tu Deus alter, quoniam in te sustinemur. Sanctifica eos in veritate, quoniã verbum tuum veritas est, qui nullius gratiam respicis, falsis rationibus non deciperis, libera eos ab omni morbo, & ab omni infirmitate, ab omni peccato, ab omni dolo & fraude: à timore inimici: à sagitta volante in die: à negotio perambulante in tenebris, & dignos fac eos vitam æternam, quæ est in Christo tuo, filio tuo vnigenito, Deo & Salvatore nostro, per quæ tibi gloria & honor in sancto Spiritu nunc, & semper & in sæcula sæculorum Amen.

Apparatus ad mysticum sacrificium.

Cap. XV.

POST hoc Diaconus dicat, Attendamus. Et Episcopus salutet Ecclesiã, & dicat, Pax Dei cum omnibus vobis. Et populus respondeat, Et cum spiritu tuo. Et Diaconus dicat, Salutate vos inuicem in osculo sancto, & salutet Clerici Episcopum, & viri laici laicos, & mulieres salutent mulieres. Pueri stent ad suggestum, & alius Diaconus prælit eis ne obstrepât. Et alij Diaconi deambulent & videât viros & mulieres, ne tumultus aliquis excitetur, & ne quis murmuret, neue conuiueat, vel nutet. Diaconi verò maneant ad portam virorum, Hypodiaconi ad portam mulierum, ne vllus exeat, neue porta aperiatur, etiam si fidelis fuerit tempore oblationis. Vnus Hypodiaconus det aquam manibus sacerdotum in signum puritatis animarum Deo repositarum.

Dico ego Iacobus frater Ioannis Zebedæi, vt statim Diaconus dicat, Nullus Catechumenus, Nullus Auditor, Nullus infidelis, Nullus hæreticus. Qui primam orationem perfecistis discedite. Pueros recipite matres. Ne quis contra aliquem, Ne quis in hypocrisi. Erecti ad Dominum cum timore & tremore manentes sinamus offerri. Quibus peractis, Diaconi afferant dona Episcopo ad altare, & Presbyteri à dextris, & à sinistris assistant veluti discipuli assistentes magistro. Duo Diaconi ex vtraque parte altaris teneant flabellum confectum ex tenuibus membranis, vel ex pauonum pennis, vel ex velo, quibus le-

niter abigant præteruolantes bestiolas, ne in po-
cula incidant.

Gratiarum actio ante consecrationem.

Cap. XVI.

ORANS igitur per se Pontifex vnà cum sa-
cerdotibus, induensque vestem splēdidam,
& stans ad altare, Trophæo crucis se consignans
in fronte, dicat, Gratia Omnipotentis Dei, &
Charitas Domini nostri Iesu Christi, & commu-
nicatio Spiritus sancti sit cum omnibus vobis.
Et omnes vna voce respondeant, Et cum spiritu
tuo. Et Pontifex dicat, Sursum mentem: omnes
respondeant, Habemus ad Dominum. Et Ponti-
fex, Gratias agamus Domino: & omnes respon-
deant, Dignum, & iustum est. Pontifex dicat.
Verè dignum & iustum est ante omnia laudare
te verū Deum, qui es ante res generatas, ex quo
omnis paternitas in cælo, & in terra nominatur,
qui solus es ingenitus sine principio, non agno-
fcens alicuius imperium, aut dominium, nullius
indigens, omnis boni dator, extra omnē causam,
generationemque positus, semper in eodem sta-
tu consistens, ex quo omnia, quasi ex quodam
fontē in rerum naturam processerunt. Tu enim
es notitia carens principio, æterna visio, ingeni-
tus auditus, sapientia increata, primus natura, lex
essendi, extra omnem numerum constitutus, o-
mnia de nihilo producēs per vnigenitum filium
uum, ipsum verò ante omnia sæcula genuisti vo-
luntate, virtute, & bonitate immediatè filiū, vni-
genitum verbum, Deum, sapientiam viuentem,

*Verba orationis q
sunt etia nunc vobis*

primogenitum omnis creaturæ, Angelum magni consilij tui, Pontificè tuum, Regem, & Dominum omnis intellectiux & sensitiux naturæ, qui est ante omnia, per quem omnia. Tu enim æternæ Deus per ipsum cuncta fecisti, & per ipsum conuenienti prouidentia cuncta gubernas, per quem enim concessisti vt res essent, per eundè fecisti, vt benè essent, Deus & Pater vni-
geniti filij tui, qui per ipsum ante omnia fecisti Cherubin & Seraphin, sæcula & exercitus, virtutes, & potestates, Archangelos, & Angelos, & post hæc omnia, fecisti hunc Mundum visibilè, & omnia, quæ in eo sunt. Tu enim es, qui cælum vt fornicem statuisti, & vt pellem extendisti, & terræ molem nullo adminiculo stabiliuisti, sola voluntate tua: qui constituisti firmamētum, noctem & diem parasti, qui ex thesauris protulisti lucem, & eius recessu induxisti noctem ad quietem animātium, quæ mouentur in Mundo: qui Solem disposuisti in potestatem Diei, & Lunam in potestatem noctis: qui stellarum ornatu cælum distinxisti in laudem maiestatis tuæ: qui fecisti aquam in potum & munditiem, aërem vitalem ad ducendum spiritū vocémque formandam, per linguam percutientem aërem: auditum auxilio ipsius, vt apprehenderet sonos, & exciperet delatas sibi per aërem voces: qui fecisti ignem ad depellendas tenebras, & ad explèdam necessitatem, simulque vt ab eo calefieremus, & illustraremur: qui immensum Mare à terra segregasti, & illud nauigabile effecisti, hanc pedibus peruiam: illud etiam animantibus pusillis

atque magnis auxisti: hanc māsuetis atque agrē-
stibus referstisti, plantarum varietate ornasti, her-
bis decorasti, floribus distinxisti, seminibus di-
tasti: qui cōstituisti Abyssum, & vasto hiatu eam
comprehendisti, salzarum aquarum cumulatis
æquoribus, & eam tenuissimæ arenæ terminis
conclusisti: qui Mare modò ventis in montium
altitudinem extollis, modò in planiciē exæquas,
& modò agitas tempestate, modò sedas trāquil-
litate, vt ad nauigiorum cursus sit idoneum: qui
creatū per Christum à te Mundum cinxisti flu-
minibus, alluisti torrētibus, fontibúsque peren-
nibus irrigasti, mōtibus circundedisti, in firmis-
simam terræ stabilitatem: referstisti enim Mun-
dum & ornasti suauissimis plantis, & ad medici-
nam aptissimis, multis ac variis animantibus ro-
bustis atque infirmis, ad esum, atque ad laborem
idoneis, cicuribus, atque ferie, serpentem sibilis,
& diuersorum alitum cantibus, annorum recur-
rentibus circulis, mensium atque dierum nume-
rosa multitudine: Solstitorum vicissitudine, nu-
bium imbriferarum tempestatibus, ad fructuum
maturitatem, & animantium conseruationem,
stationémque ventorum flantium ad imperium
tuum, ad plantarum quoque atque herbarū mul-
titudinem: ac non solū Mundum creasti, sed
etiam Mundi ciuem hominem condidisti: Mun-
di ornatum eum faciens. Dixisti enim Sapientix
tuæ, Faciamus hominem ad unaginem & simi-
litudinem nostram, & imperet piscibus Maris, &
volatilibus cœli: ideóque composuisti eum ex
anima immortalis & corpore dissolutioni obno-

xio. Illa de nihilo creata, hoc ex quatuor elemē-
tis conflato, & dedisti ei per animā rationalem,
intelligentiam, pietatis & impietatis iudicium,
iusti & iniusti obseruationē: per corpus quinque-
sensus motum quo progreditur. Tu enim Deus
Omnipotens per Christum Paradisum in ædem
ad Orientem plantasti, & variis plantis ad cibum
aptis ornasti: & in eum quasi in lautam domum
hominem introduxisti, quem cū conderes, le-
gem dedisti ei naturalē, vt intus inclusa, & apud
se haberet semina diuinæ cognitionis. Nam cū
illum in Paradisum deliciarum induxisti, omnia
ei permisisti vt perciperet, vnum autem solum
gustare prohibuisti, spe maiorum rerum, scilicet
vt si mādatum seruasset, mercedem eius, immor-
talitatem reportaret: sed cū mandatum con-
tempnisset, & prohibitū fructum gustasset, frau-
de serpentis, & consilio mulieris, meritō illum
iecisti in Paradiso: sed bonitate tua non permisisti
vt penitus periret (tuū enim erat opus) sed subie-
cta ei creatura concessisti, vt sudore ac labore vi-
ctum sibi quæreret, te omnia ferente, augente, ac
maturante. Cūque iureiurando ei breuis tem-
poris soporem dederis, illum ad nouam genera-
tionem reuocasti, soluto mortis termino, vitam
ex resurrectione promisisti: nō solūque id præ-
stitisti, sed etiam posteros suos in infinitam mul-
titudinē propagasti: obsequētes tibi glorificasti,
rebelles suppliciis affecisti: atque Abelis quidem
sancti sacrificium accepisti. Cain fratris interfe-
ctoris munus tāquā scelerati hominis reiecisti.
Præterea Seth & Enos recepisti, & Enoch transf-

tulisti. Tu enim opifex es hominū vitæ præbitor; inopiæ expletor, legum dator, eas seruatiūm remunerator, violantium vltor: qui magnum diluuium induxisti Mundo propter multitudinē impiorum, & iustum Noë eripuisti à diluuiō, in arca, cum octo animis, vt esset finis præteritorum, & principium eorum, qui erant in futura successione nascituri: qui formidandum ignē quinque Sodomēnis vrbibus immisisti, & terram fructiferam in falsuginē posuisti, à malitia inhabitantium in ea, & sanctum Lot incendio liberaſti. Tu es, qui Abrahā maiorum suorum impietate liberaſti, & Mundi hæredem fecisti, & ei Christum tuum ostendisti: qui Melchisedech Pontificem seruitutis tuæ constituisti, patientissimum seruum tuum Iob victorē serpentis auctoris malorum, declarasti, qui Isaac filium promissionis fecisti. Iacob patrē duodecim filiorum, eiúsque posteros in numerosam sobolē propagasti, illum verò cum septuaginta animis in Ægyptū introduxisti. Tu Domine Iosephū non neglexisti, sed præmium suæ téperantiæ ei concessisti vt Ægyptiis imperaret. Tu Domine Hebræos ab Ægyptiis vexatos non neglexisti, vt promissa patribus suis seruares. Cúmque homines naturæ legem labefactarent, & creaturam aliquando fortuitam ducerent, aliquando plusquàm oporteret in honore haberēt, & eam tibi Deo zquarēt, non permisisti illos errare, sed excitato sancto seruo tuo Mose, per eum, in subsidiū naturalis, scriptā legē dedisti, & creaturā ostendisti tuū opus esse, Deorūque multitudinem exterminasti. Aaron

& posteros sacerdotali honore decorasti, Hebræos peccantes puniisti, recipiscentes recepisti, Ægyptios decem plagis es vltus, diuiso Mari Israëlitas traduxisti, persequentes Ægyptios demersos interemisti, ligno aquam amaram dulcem fecisti, è dura petra aquam eduxisti, de Cælo manna dedisti, atque ex aëre ortygommetram in cibum, columnam igneam nocte ad illustrandum, & die columnam nubis ad opacandum statuisti, Iesum imperatorem delegisti, septem nationes Cananæorum eius opera expugnasti, Iordanem aperuisti, flumina Echan siccasti, muros sine machinis, sinéque hominum manu diruisti, Pro omnibus tibi gloria Domine Omnipotens, Te adorant infiniti exercitus Angelorū Archangelorum, Thronorum, Dominatorum, Principatum, Potestatum, Virtutum, Exercituum æternorum, Cherubina, & sex alas habentia, Seraphina, duabus velantia pedes, duabus capita, duabus volantia, & dicentia vnà cū millibus millium Archangelorum, & cum millenis millium Angelorum incessabili voce clamantium.

Et omnis populus simul dicat,

SANCTVS, Sanctus, Sanctus, Dominus Sabaoth: Plenum est cælum & terra gloria tua, Benedictus in sæcula Amen.

Et Pontifex deinde dicat,

Cap. XVII.

SANCTVS enim es, & in omnibus sanctus altissimus, & superexaltatus in sæcula. Sanctus & vnig

& vnigenitus filius tuus Dominus noster & Deus Iesus Christus, qui in omnibus ministrauit tibi Deo ipsius & Patri, in vario opificio creaturarum & in earum conuenienti prouidentia. Non permisit genus humanum perire, sed post naturalem legem, post legis scriptæ admonitionem, post propheticas increpationes, post Angelorum tutelas, violantibus naturalem legem hominibus, vnà cum scripta, obliteratâque memoria diluuij, incendij, plagarum Ægyptiacarû, cædis Palestinorum, imminemteque omnium interitu, decreuit voluntate tua: qui hominem condiderat fieri homo: qui legislator erat, subiici legibus: qui Pontifex erat, victima fieri: pastor, efficit ouis. Téque Deum suum ac Patrem placauit & conciliauit Mundo, atque instanti ira omnes liberauit, natus de Virgine, natus in carne, Deus, verbum, Filius dilectus, primogenitus omnis creaturæ, secundum de eo prædictas prophetias, ex semine Dauid & Abraham: de tribu Iudæ & conceptus est in vtero Virginis formator omnium, qui nascuntur: atque incarnatus est is, qui carnis est expertus, in tempore natus qui ab æterno est genitus, piè conuersatus est, & sanctis legibus instituit, omnem morbum, atque infirmitatem expulit, signa ac prodigia in populo fecit, cibum, potum, somnum cœpit is, qui omnes cibo indigentes alit, & replet omne animal benedictione: manifestauit nomen tuum iis, qui id ignorabant: ignorantiam fugauit, pietatem excitauit, voluntatem tuam expleuit: opus, quod deras illi, consummauit. Quæ omnia cum pet-

fecisset impiorum manibus cōprehēsus sacerdotū atq; Pontificū falsi nominis, populique ipsius iniqui, & malitia laborātis traditione, multa passus est ab ipsis, omnēmque sustinuit ignominia tua permissione. Traditus est Pilato Præsidi, ac iudicatus is, qui iudex erat, condēnatus est aliorū Saluator, crucifixus, qui est impassibilis: mortuus, natura immortalis: sepultus, omniū viuificator, vt passione & morte liberaret eos, propter quos venerat, & vincula Diaboli dirumperet, hominesq; ab eius fraudibus eriperet. Et resurrexit à mortuis tertia die, & per quadraginta dies versatus cum discipulis, receptus est in cælum, & sedet ad dexteram Dei & Patris sui.

Memores igitur eorum, quæ propter nos est passus, gratias agimus tibi Deus Omnipotens, nō quātū debemus, sed quātū possumus. Et ordinationē eius implemus. Nā in qua nocte tradebatur, accipiēs panem in sanctas & immaculatas manus, & suspiciens in te Deum suum & patrē, frangēnsq; dedit discipulis dicēs, Hoc mysteriū noui Testamēti, accipite, ex eo comedite, hoc est corpus meū, quod pro multis frangitur in remissionē peccatorū. Similiter & calicē miscēs ex vino & aqua, & sanctificās tradidit eis dicēs, Bibite ex eo oēs, hic est sanguis meus, qui pro multis effunditur in remissionē peccatorū, hoc facite in meā cōmemorationē. Quotiescunq; enim comederitis panē hūc, & biberitis calicē hunc, mortem meā annunciabitis donec veniā. Memores igitur passionis eius & mortis, necnon ex mortuis resurrectionis, atq; in Cælos ascensionis, &

futuri eius secundi aduentus, in quo veniet cum gloria & virtute iudicare viuos, & mortuos, & reddere vnique secundum opera sua: offerimus tibi Regi & Deo secundum ipsius ordinationem panem hunc & calicem hunc, gratias tibi agentes, eo quòd nos dignos fecisti assistere in conspectu tuo, & fungi sacerdotio tibi. Rogamusque te, vt benignè aspicere digneris super hæc dona proposita in conspectu tuo, tu qui nullo indiges Deus, & complaceas tibi in ipsis in honorem Christi tui, & mittas sanctum Spiritum tuum super hoc sacrificium, testem passionum Domini Iesu, vt ostendat hunc panem corpus Christi tui, & hunc calicè sanguinè Christi tui, vt qui eum percipiunt, confirmentur in pietate, & remissionem peccatorum consequantur, diabolo & errore eius liberentur, Spiritu sancto repleantur, Christo tuo digni efficiantur, vitam æternam adipiscantur, te eis reconciliato Domine Omnipotens.

Mistica oratio. Cap. XVIII.

ETIAM rogamus te Domine pro sancta tua Ecclesia, quæ est à finibus vsq; ad fines, quam acquisiisti precioso sanguine Christi tui, vt eam quietè & tranquillâ conserues vsque ad cõsummationè sæculi. Et pro omni Episcopatu rectè tractâre verbum Veritatis, etiam imploramus te, & pro mei offerentis tibi tenuitate, proque omni Presbyterio; pro Diaconis atque omni clero, vt omnes à te edoctos Spiritu sancto repleas. Etiam rogamus te Domine pro Rege, & pro

iis, qui sunt in sublimitate constituti, próque omni exercitu, vt per illos pacificè viuamus, vt in quiete & concordia perseuerantes, per omne tempus vitæ nostræ glorificemus te per Iesum Christum, qui est spes nostra. Etiam offerimus tibi pro omnibus, qui à sæculo placuerunt tibi, sanctis, Patriarchis, Prophetis, iustis Apostolis, Martyribus, Confessoribus, Episcopis, presbyteris, Diaconis, Hypodiaconis, Lectoribus, Cantoribus, Virginibus, Viduis, laicis atque omnibus, quorum tu cognouisti nomina.

Etiam offerimus tibi pro populo hoc, vt facias eum in laudè Christi tui regale sacerdotiũ, gentem sanctam: pro Virginibus, & castitatem seruantibus: pro Viduis Ecclesiæ: pro copularis honorabilibus nuptiis, & filios procreantibus: pro infantibus populi tui, vt neminem nostrũ reiicias. Etiam rogamus pro hac ciuitate, & habitantibus in ea: pro laborantibus infirmitate, & pro acerbam seruitutem seruientibus: pro relegatis, & publicationem bonorum perpeffis: pro nauigantibus, & pro peregrè proficilcentibus, vt sis auxiliator, omnium adiutor & opitulator. Etiã oramus te pro iis, qui nos odio habent & persequuntur nos propter nomen tuum: pro iis, qui extra sunt, & versantur in errore, vt reducas eos in bonum, & furorem eorum mitiges. Etiã rogamus te pro Catechumenis Ecclesiæ, & pro vexatis ab aduersario, & pro fratribus nostris pœnitentibus, vt illos in fide perficias, alios à vexatiõe mali eripias, horum pœnitentiam recipias, & indulgeas illis atq; nobis delicta nostra.

Etiam offerimus tibi pro aëris salubritate, & fructuum fertilitate, vt abundè bona tua percipientes, te assiduè laudemus, qui das escam omni carni. Etiam rogamus te pro iis, qui iusta causa impediti absunt, vt omnes nos in pietate custoditos congreges in Regnum Christi tui, Dei omnis sensitiuæ, & intellectualis naturæ, & Regis nostri, stabiles in bono, inculpabiles, crimine carentes, quoniam tibi omnis gloria, cultus, gratiarum actio, honor & adoratio Patri, & Filio, & sancto spiritui, & nunc, & semper, & in infinita sæcula sæculorum. Et omnis populus dicat, Amèn. Et Episcopus dicat. Pax Dei sit cum omnibus vobis. Et omnis populus dicat, Et cum spiritu tuo.

Et Diaconus iterum pronuntiet,

Caput XIX.

ETIAM rogemus Deum per Christum suum. Pro dono oblato Domino Deo oremus, Vt bonus Deus suscipiat illud intercedente Christo ipsius, in cœleste altare suum, in odore suauitatis. Pro hac Ecclesia, & pro populo rogemus, Pro omni Episcopatu: pro omni presbyterio: pro omni in Christo diaconia, & ministerio: pro vniuerso Ecclesiæ cœtu rogemus, vt Dominus omnes conseruet atque custodiat. Pro Regibus, & pro iis, qui sunt in sublimitate constituti oremus, vt in pace per ipsos viuamus, vt quietam & tranquillam vitam agamus in omni pietate ac sanctitate: sanctorum Martyrum memoriam.

colamus, vt digni efficiamur certaminibus ipsorum.
 Pro iis, qui in fide quieuerunt, oremus. Pro salubritate aeris, & fructuum maturitate rogemus.
 Pro nuper illuminatis oremus, vt omnes in fide confirmentur. Excita nos Deus in gratia tua.
 Excitati, nos ipsos Deo per Christum eius commendemus.

Et Episcopus dicat,

Capitulum XX.

DEVS magnus, & magni nominis, magnus consilio, & operibus potens. Deus & pater sancti pueri tui Iesu Saluatoris nostri, respice super nos, & super hoc ouile tuum, quod per ipsum elegisti in gloriam nominis tui, & sanctificato corpore nostro, & anima dignos nos fac, vt purgati omni iniquatione carnis ac spiritus, proposita bona consequamur, & neminem nostrum iudices indignum, sed sis adiutor noster, auxiliator, & defensor noster per Christum tuum, cum quo tibi gloria & honor, laus, gloriatio, & gratiarum actio, & sancto Spiritui in secula Amen.

Et postquam omnes dixerunt Amen. Diaconus dicat, Attendamus. Et Episcopus alloquatur populum iis verbis, Sancta sanctis. Et populus subiungat, Vnus sanctus, vnus Dominus, vnus Christus, in gloriam Dei Patris benedictus in secula Amen.

Gloria in altissimis Deo, & in terra pax hominibus bonae voluntatis. Osanna Filio Dauid. Benedictus qui venit in nomine Domini, Deus

Dominus, & apparuit nobis. Osanna in altissi-
 mis. Post hoc sumat Episcopus, deinde; Presby-
teri, & Diaconi, & Hypodiaconi, & Anagno-
sta, & Cantores, & Asceta, & ex mulieribus
Diaconissa, & Virgines, & vidua, postea pueri
& omnis populus ordine cum pudore & reuerē-
tia, absq; tumultu. Et Episcopus det oblationem
dicens, Corpus Christi. Et sumens dicat, Amen.
Diaconus teneat calicem, & quando tradit di-
cat, Sanguis Christi, calix vita. Et bibens dicat,
Amen. Cū reliqui sumunt dicatur psalmus à
XXXIII. Postquā omnes sumpserunt, acci-
piāt Diaconi reliquias, & portent in Pastopho-
ria. Perfecto psalmo Diaconus dicat,

Sermo post communionem. Cap. XXI.

PERCEPTO precioso corpore, & precioso
 sanguine Christi, gratias agamus ei, qui di-
gnos nos reddidit percipiendi sancta eius myste-
ria, & rogamus vt non in iudicium, sed in salutē
nobis fiant, in vtilitatem animæ & corporis, in
custodiā pietatis, in remissionē peccatorū in vitā
futuri sæculi. Excitemur in gratia. Nos ipsos
Deo soli, ingenito Deo & Christo eius com-
mendemus.

Et Episcopus gratias agat.

Oratio post communionem. Cap. XXII.

DOMINE Deus Omnipotens, pater Christi
 tui filij benedicti: exauditor inuocantium te
 in rectitudine, qui scis interpellationes tacētū,

gratias tibi agimus quòd fecisti nos dignos participationis sanctorum mysteriorum tuorũ, quæ præbuidisti nobis in confirmationem eorum, quæ bene cognita sunt, in custodiã pietatis, in remissionem peccatorum, quoniam nomẽ Christi tui inuocatum est super nos, & tibi conciliati sumus: qui segregasti nos à communicatione impiorũ, cõiunge nos cum consecratis tibi, confirma nos in veritate, sancti Spiritus superuentione, ignorata reuela, quæ defunt exple, cognita corrobora, sacerdotes immaculatos tuere in seruitute tua. Reges conserua in pace, Magistratus in iustitia, cœlum in salubritate, fructus in fertilitate, Mundum in prouidentia omni ex parte sufficiẽti, nationes bellicosas reprime, errantes conuerte, populum tuum sanctifica, Virgines conserua, matrimonio vinctos, custodi in fide, ignorãtes corrobora, infantes ad virilem ætatem perduc, nouitios confirma, Catechumenos instrue, & initiatione dignos redde: nõsque omnes congrega in regnum cœlorum in Christo Iesu Domino nostro, cum quo tibi gloria, honor, cultus, & sancto Spiritui in sæcula. Amen.

Et Diaconus dicat,

Caput XXIII.

DE o per Christum eius inclinamini, & benedictionem accipite. Et Episcopus iterum oret, dicens: Deus Omnipotens, verus & incomparabilis, qui vbique ades & præfens es in cunctis, & in nullo tanquàm ens quiddã existis,

qui loco non circumscriberis, nec tempore confenescis, nec sæculis terminaris, neque sermonibus explicaris, qui generationi non es subiectus, custodia non indiges, extra interitum es positus, mutationem non recipis, qui natura es inuariabilis, qui lucem inhabitas inaccessibilem, qui natura es inuisibilis, quem vniuersales naturæ cum amore te inuestigâtes cognoscunt, qui comprehenderis ab iis, qui in charitate quærunt te, Deus Israël's re vera videntis, populi tui credentis in Christum: propitius factus exaudi me propter nomen tuum, & benedic eis, qui tibi inclinant colla sua: & concede eis petitiones cordis ipsorum, quæ sunt ad vtilitatem, & nullum ex ipsis expelle à possessione regni tui, & sanctifica eos, muni, tege, defende, libera ab aduersario, ab omni inimico, domos ipsorum custodi, introitus & exitus eorum muni, quoniam tibi gloria, laus, maiestas, cultus, & adoratio, & puero tuo, Iesu Christo tuo Domino nostro, & Deo & Regi, & sancto Spiritui nunc & semper, & in sæcula sæculorum. Amen.

Et Diaconus dicat,

Ite in pace. Hæc de mystica seruitute disponimus nos Apostoli vobis Episcopis, Presbyteris, & Diaconis.

Caput XXIIII.

DE ordinatione Presbyterorum ego dilectus à Domino dispono vobis Episcopis.
Cùm ordinas Presbyterum, ô Episcopo, ma-

CONSTIT. S. APOSTOLORVM
num super caput Presbyteri ipse impone assi-
stentibus tibi Diaconis, & orando dic,

Oratio ordinationis Presbyterorum.

DOMINE Omnipotens Deus noster, qui per
Christum omnia creasti, & per eundem op-
portunè prouides cunctis. Cui enim adest po-
testas diuersa faciendi, eidem inest facultas variè
prouidendi: ideo enim Deus prouides immor-
talibus sola conseruatione: mortalibus successio-
ne: animæ, studio seruandarum legum: corpori,
reparatione eius quod deest: idem igitur nunc
respice super sanctam Ecclesiam tuam, & auge
eam, & multiplica præpositos eius, & da illis vir-
tutem vt laborent verbo, & opere ad ædifican-
dum populum tuum. Idem quoque nunc respice
super hunc famulum tuum suffragio & iudicio
omnis cleri in Presbyterium electum, & reple
eum spiritu gratiæ & consilij ad adiuuandum &
gubernandum populum tuum in mundo corde,
quemadmodum respexisti super populum ele-
ctionis tuæ, & præcepisti Mosi vt eligeret Pres-
byteros, quos repleuisti spiritu. Et nunc Domi-
ne hoc præsta, & cōserua in nobis integrum spi-
ritum gratiæ tuæ, vt repletus operibus curatio-
num & sermone doctrinæ, in mansuetudine in-
struat populum tuum, & inseruiat tibi sincerè, in
pura mente, & in anima studiosa. Et sacrificia
pro populo tuo immaculata perficiat per Chri-
stum tuum, cum quo tibi gloria, honor, & cul-
tus, & sancto Spiritui in sæcula. Amen.

De Ordinatione Diaconorum ego Philip-
pus dispono.

Caput XXV.

DIACONVM constituas Episcopo imponens
ei manus, assistentibus tibi omnibus Pres-
byteris & Diaconis, & orando dices.

Deus Omnipotens, verus & non mentiens,
qui diues es in omnibus inuocantibus te in veri-
tate, terribilis in consiliis, sapiens in intellectu,
fortis, & magnus: Exaudi orationem nostram
Domine, & auribus percipe supplicationem no-
stram: & ostende faciem tuam super hunc ser-
uum tuum electum tibi ad Diaconatum: & reple
eum Spiritu sancto, & virtute, quemadmodum
repleuisti Stephanum Martyrem, & imitorem
passionum Christi tui, & concede ei, vt ritè ad-
ministrato credito sibi Diaconatu, constanter,
laudabiliter, innocenter, maiori gradu dignus
efficiatur interuentu vnigeniti filij tui, cum quo
tibi gloria, honor & cultus, & sancto Spiritui in
sæcula. Amen.

De Diaconissa Ego Bartholomæus dispono.

Caput XXVI.

OEPISCOPe impones ei manus præsentibus
Presbyteris, Diaconis, & Diaconissis, ac dices,

Oratio ordinationis Diaconissæ.

DEVS æternæ Pater Domini nostri Iesu Chri-
sti, opifex viri & mulieris, qui Spiritu com-

no videt. Diaconissas manus imponere debet. in se solois

CONSTIT. S. APOSTOLORVM

pleuisti Mariam, Deborram, Annam, Oldam: qui non dedignatus es vnigenitum Filium tuum nasci de muliere: qui in tabernaculo testimonij, & in templo constituisti mulieres custodes tuarum sanctarum portarum, ipse quoque nunc respice super hanc famulam tuam, quæ ad Diaconatum promouetur, & da ei Spiritum sanctum, & munda eam ab omni iniquatione carnis & spiritus, vt dignè exequatur commissum sibi officium in gloriã tuam, & laudem Christi tui, cum quo tibi gloria & adoratio, & Sancto Spiritui in sæcula. Amen.

De Hypodiaconis ego Thomas dispono vobis Episcopis.

Caput XXVII.

*ordinatus est hoc
et i. in Jo. 1. 11*

HYPODIACONVM cum ordinas, ô Episcopo, impones ei manus & dices,

Domine Deus opifex cœli & terræ, & omnium, quæ in eis sunt, qui in tabernaculo testimonij ædituos constituisti tuorum sanctorum vasorum custodes: ipse quoque nunc respice super hunc seruum tuum electum Diaconum, & da ei Spiritum sanctum, vt dignè tractet ministratoria vasa tua, & faciat voluntatem tuam in omnibus per Christum tuum, cum quo tibi gloria, honor, & cultus, & sancto Spiritui in sæcula. Amen.

De Lectoribus ego Matthæus, qui & Leui olim publicanus dispono.

Caput XXVIII.

QVI Lectorem constituit, imponens ei manum, & orans dicat, *et cetera*

Deus æternæ, qui multus es in misericordia & miserationibus, qui Mundi constitutionem per ipsa opera manifestas, & numerum electorum tuorum conseruas: ipse nunc respice super famulum tuum, qui promouetur ad legendum tuas sanctas scripturas populo tuo: da ei Spiritum sanctum, spiritum propheticum, qui seruum tuum Esdram instruxisti ad legendum leges populo tuo, & nunc inuocatus à nobis instrue seruum tuum, & da ei vt laudabiliter perfecto commisso sibi munere, altiori gradu dignus efficiatur per Christum, cum quo tibi gloria, & cultus, & spiritui Sancto in sacula. Amen.

Iacobus Alphæi ego quoq; dispono de Confessoribus.

De Confessoribus. Cap. XXIX.

CONFESSOR non ordinatur (pertinet enim hoc ad propositum, fortitudinemque animi) magno autem honore dignus est, vt qui confellus est nomē Dei & Christi eius in conspectu gentium & Regum. Quod si illo est opus, in Episcopum, vel Presbyterum, vel Diaconum ordinatur. Si verò Confessor aliquis non ordinatus, vsurpauerit sibi aliquam huiusmodi dignitatem, quasi confessionis occasione, deponatur & eiiciatur: non enim est, quoniam negauit Chri-

CONSTIT. 3. APOSTOLORVM
sti dispositionem, & est infideli deterior.
Idem de Virginibus.

Caput XXX.

VIRGO non ordinatur: mandatú enim Do-
mini non habemus: propositi enim est hoc
certamen, non ad vituperationem nuptiarum,
sed ad exercitium pietatis.

Caput XXXI.

ET ego Lebbæus cognomento Thaddæus hæc
de Viduis dispono.

Vidua non ordinatur. Sed si iam pridem virū
amisit, & temperatè ac laudabiliter vixit, & do-
mestica rectè gubernauit, vt Iudith, & Anna, quæ
fuerūt fœminæ venerabiles, ascribatur in statum
vidualem. Quòd si nuper amisit coniugem, ei
fides non habeatur, sed tempore iuuetus probe-
tur: affectiones enim aliquãdo consenescūt cum
hominibus, nisi maiori freno reprimantur.

Idem de Eporcista.

Caput XXXII.

EPORCISTA non ordinatur, spótaneæ enim
benevolentia est hoc certamē, & gratiæ Dei
per Christum, superuentione Spiritus sancti: nam
qui accipit Charisma curationum, per reuelatio-
nem à Deo declaratur, cum pateat omnibus gra-
tia quæ est in ipso.

Caput XXXIII.

EGO quoque Simon Canites dispono à quot
Episcopis debet ordinari Episcopus.

EPISCOPVS à tribus vel duobus Episcopis
ordinetur. Si quis ab vno ordinetur Episco-
po, deponatur ipse, & qui eum ordinavit. Quòd
si necessitas postulet ab vno ordinari, eo quòd
non possunt plures accedere propter persecutio-
nē, vel propter aliquā huiusmodi causam, afferat-
tur decretū commissiōnis pluriū Episcoporum,

*Canones de Episcopis, Presbyteris, Diaconis,
& reliquis Clericis.*

Cap. XXXIII.

IDEM de Canonibus.

Episcopus benedicit, non benedicitur, ma-
nus imponit, ordinat, offert, benedictionem ab
Episcopis accipit, à Presbyteris nullo modo.
Episcopus deponit quemvis clericum dignum
depositione, excepto Episcopo. Solus enim
non potest.

Presbyter benedicit, non benedicitur: bene-
dictiones accipit ab Episcopo, & compresbytero:
eodem modo dat ipse compresbytero, manus
imponit: non ordinat, non deponit, excommu-
nicat inferiores, si huius pœnæ rei extiterint.

Diaconus non benedicit, nō dat benedictionē:
accipit autē ab Episcopo vel Presbytero: nō ba-
ptizat, non offert, offerēte Episcopo vel Presby-
tero, ipse dat populo, non veluti sacerdos, sed ve-
luti ministrans sacerdoti. Ex aliis Clericis, Dia-

coni officium facere liceat nemini.

Diaconissa non benedicit, sed nec aliquid ex iis, quæ faciunt Presbyteri vel Diaconi exercet ipsa, sed tantum portas custodit & ministrat Presbyteris, quando baptizantur mulieres, propter honestatem.

Diaconus excommunicat Hypodiaconum, Lectorem, Cantorem, Diaconissam, si quid tale contingat, absente scilicet Presbytero.

Hypodiacono excommunicare nõ licet, nec Lectori, nec Cantori, nec Diaconissæ: non clericum, non laicũ: Sunt enim Diaconorũ ministri.

De aqua & oleo ego Matthæus dispono.

Caput XXXV.

BENEDICAT Episcopus aquam & oleum, si absit, benedicat Presbyter assistente Diacono. Quando aderit Episcopus, Diaconus assistat & Presbyter: dicat autem hoc modo,

Gratiarum actio de aqua & oleo.

DOMINE Sabaoth Deus virtutum, creator aquarum, & dator olei, misericors & benigne, qui dedisti aquam ad potum, & mundiciem: oleum ad exhilarandum faciẽ in exultationem lætitiæ: ipse quoque nunc per Christum sanctifica hanc aquam & hoc oleum, in nomine eorum, qui attulerunt, & da virtutem sanitatis effectricem, ægritudinum expultricem, Dæmonum fugatricem, omnibus insidiis aduersariã per Christum

Christum, qui es spes nostra, quo cum tibi gloria, honor, & cultus cum sancto Spiritu in sæcula Amen.

Idem de primitiis & Decimis. Cap. xxxvi.

ETIAM præcipio omnes Primitias afferri Episcopo, & Presbyteris, & Diaconis ad victum ipsorum. Decimas offerri ad victum reliquorum Clericorum, Virginum, ac Viduarum, & iis, qui sunt paupertate oppressi. Primitiæ enim sunt Sacerdotum & ministrantium ipsis Diaconorum.

*Primitias quis
decimas ad quis*

Idem de reliquiis. Cap. xxxvii.

BENEDICTIONES, quæ in mysticis sacris supersunt, de sententia Episcopi vel Presbyterorum Diaconi Clero distribuunt, Episcopo partes quatuor, Presbytero partes tres, Diacono partes duas; cæteris vero, Hypodiaconis scilicet, Lectoribus, Cântoribus, Diaconissis partem vnâ. Hoc enim honestum & acceptum est coram Deo, quemlibet pro sua dignitate honorari. Ecclesia enim non confusionis, sed ordinis & dispositionis est magistra.

*Distributio quo
modo fieri debeat*

Canones varij Pauli Apostoli.

Cap. XXXVIII.

ET Ego Paulus minimus Apostolorum hæc dispono vobis Episcopis & Presbyteris.

Qui primò ad mysterium pietatis accedunt, per Diaconos adducantur ad Episcopum vel

Presbyteros, & causæ exquirantur, cur ad dominicum sermonem accesserint, & ij, qui eos adduxerunt, testificentur, singula diligenter exponentes. Exquirantur autem eorum mores, ac vita, & an serui sint, vel liberi. Quòd si quis seruus repriatur, quærat ab eo, cuius domini sit: ac si hominis fidelis seruus fuerit, interrogetur Dominus, an illū suo testimonio cōmendare velit. Si nolit, reiiciatur, quousq; se dignū apud dominū exhibeat. Si cōmēdatur domini testimonio, recipiatur. Si sit Ethnici seruus, instruatur quēadmodum placeat domino, ne blasphemetur Verbū. Si habet vxorem, vel mulier si virum, doceatur, contentus esse vterque suo connubio. Si sint soluti, discant non fornicari, sed iustis nuptiis copulari. Si dominus fidelis sciens seruum vel ancillam fornicari, tamen non dat seruo vxorem, vel ancillæ virum, excommunicetur.

Si quis Dæmonē habet, erudiatur in pietate. Sed non recipiatur in cōmunionem priusquàm purgetur. Si mors instet, recipiatur.

Si quis sit leno, vel lenocinium desinat, vel reiiciatur.

Meretrix si accedat, vel desistat, vel reiiciatur.

Artifex Idolorum, si accedat, vel artem desinat, vel reiiciatur.

Scenicus si accedat, siue vir sit, siue mulier, auriga, gladiator, cursor stadii, Ludius, Olympius, Choraules, Citharædus, Lyristes, saltator, caupo, desistat, vel reiiciatur.

Miles si accedat, erudiatur nemini iniuriam facere, non calumniari, contentum esse suis sti-

pendiis, si pareat recipiatur, repugnās reiiciatur.

Pædico, cinædus, mollis, incantator, Astrologus, vates, venatoriis carminibus dans operam, nepos, circūforaneus, amuleta faciens, lustrator, Augur, coniector, palmorum interpres, obseruas in occurſu offentiones oculorum, pedum, auium, felium, carminum, auditio-
num symbolicarum, tempore probetur, nisi pa-
reat, reiiciatur.

Pellex, infidelis ancilla soli Domino obsequens, recipiatur. Si cum aliis intemperans fuerit, reiiciatur.

Fidelis qui pellicem habet, si sit ancilla, desistat, & vxorem ducat: si libera, ducat eam in vxorem. Si nolit, reiiciatur.

Græcos mores qui sequitur, vel Iudaicas fabulas, vel mutet se, vel reiiciatur.

Theatralibus ludis qui dat operam, venationibus, equorum cursibus, ac certaminibus, vel desistat, vel reiiciatur.

Qui catechesi erudiendus est, per tres annos erudiat. Quòd si virtute præditus sit, & erga Scripturam studium ostendat, recipiatur, quoniam non tempus, sed animus æstimatur.

Qui docet, quamuis laicus sit, peritus tamen sermonis & moribus grauis, doceat. Erunt enim omnes docibiles Dei.

Quilibet fidelis vir, mulierve summo mane excitatus è somno, antequàm opus aggrediatur, lotus oret. Quòd si catechesi verbi est erudiēs, præponat operi verbum pietatis.

Fidelis benignè se gerat cum seruis quemad-

CONSTIT. S. APOSTOLORVM
modum in superioribus libris præcepimus, &
in Epistola docuimus.

Quibus diebus oporteat quiescere seruos, ego
Paulus, & ego Petrus disponimus.

Caput XXXIX.

OPERENTVR serui quinque dies: in Sab-
bato & dominica die quiescant in Ecclesia,
propter doctrinam pietatis. Sabbatum enim di-
ximus creationis habere rationem, dominicum
resurrectionis.

Serui per totam magnam hebdomadam, &
sequentem quiescant, quoniam illa ad passionē
pertinet, alia ad resurrectionem, & est opus in-
stitui qui sit ille qui passus sit, & resurrexerit, &
quis hoc permiserit & suscitauerit.

In Ascensione quiescant, quoniam est finis
Christi dispensationis.

In Pentecoste quiescant propter pœnitentiã
Spiritus sancti donatam iis, qui in Christum cre-
diderunt.

In Natali festo quiescant, quoniam in eo in-
expectata gratiã data est hominibus, vt nascere-
tur Dei verbum Iesus Christus ex Maria Virgine
prepter Mundi salutem.

In festo Epiphaniæ quiescant, quoniam in ea
facta est manifestatio diuinitatis Christi testifi-
cante ei Patre in Baptismo, & paraclete in for-
ma columbæ, demonstrante eum, cui testifica-
tio facta est.

In diebus Apostolorum quiescant: Magistri

enim vestri in Christo fuerunt, & Spiritus vos participes fecerunt.

In die Stephani Protomartyris quiescant, & reliquorum sanctorum Martyrum, qui Christum propriæ vitæ anteposuerunt.

*Quibus horis, & cur in eis
orandum sit.*

Cap. XL.

PRECES vestras facite diluculo, tertia hora, }
sexta, nona, vespere & in galli cantu, dilucu- }
lo gratias agētes, quoniam illuminauit nos Do- }
minus expulsa nocte, & inducto die: hora tertia, }
quoniam illa hora Dominus sententiam Pilati }
accepit: sexta, quoniam tunc crucifixus est: nona, }
quoniam omnia commota sunt crucifixo Do- }
mino per horrescentia impiorum audaciam, & }
non ferentia ignominiam Domini: vespere gra- }
tias agentes, quod dedit nobis noctem diurno- }
rum laborum quietem: in galli cantu, quo- }
niam illo tempore nunciatur aduentus diei ad }
exercenda opera lucis.

Si propter Infideles ad Ecclesiam iri non potest, domi cœtus congregabis, ô Episcopo, ne pius ingrediatur Ecclesiam impiorum: nō enim locus sanctificat hominem, sed homo locum. Quod si impij locum occupauerint, fugiendus tibi est is locus, quoniam ab ipsis prophanatus est: nam vt sancta sacerdotes sanctificant, sic nepharij contaminant. Si nec domi, nec in Ecclesia cœtus celebrari possunt vnusquisque apud se

psallat, legat, oret, vel duo aut tres vnà congregati. Vbi enim sunt duo vel tres congregati in nomine meo, ibi sum in medio eorum. Fidelis vnà cum Catechumeno nec domi oret: nō enim est æquum initiatum vnà cum eo, qui non est initiatus, coinquinari. Pius cum Hæretico nec domi oret: quæ est enim societas lucis cum tenebris?

Fidelis seruus & ancilla coniuncti, separentur, vel reiciantur.

Caput XLI.

ET ego Iacobus frater quidem Christi secundum carnem, seruus autem tanquam Dei vnigeniti, Episcopus autem ab ipso Domino, & ab Apostolis Hierosolymarum ordinatus, hæc dico.

Vespere, ô Episcope, congregabis Ecclesiam, & dicto nocturno psalmo loquetur Diaconus pro Catechumenis, & Dæmone agitatis, pro illuminandis, & pœnitentibus, vt ante diximus: Quibus dimissis Diaconus dicet, Qui fideles sumus rogemus Dominum: & postquam primam orationem absoluit, dicet,

Sermo nocturnus.

SALVA & excita nos Deus per Christum tuum, erigentes nos petamus misericordias Domini, & miseratiōtes ipsius, Angelum pacis, bona & vtilia, Christianos Principes, vesperam

& noctem pacificam, & sine peccato, atq; omne tempus vitæ nostræ inculpabile: nos mutuò Deo viuo commendemus per Christum suum.

Et Episcopus orando dicat.

Gratiarum actio nocturna.

Cap. XLII.

DEVS, qui nullo ortus principio, nullo fine terminaris, cunctorum creator per Christum, atque gubernator, & ante omnia Deus ipse ac pater, spiritus, intelligibilium, atq; sensibilium Rex, qui fecisti diem propter opera lucis, noctem ad quietem imbecillitatis nostræ: tua est enim dies, & nox: tu enim præparasti lucem & solem: tu nunc Domine benigne, ac bone, placidè suscipe hanc nostram vespertinam gratiarum actionem, qui nos traducis per longitudinem diei, & perducis ad initium noctis, custodi nos per Christum tuum, præbe vespertinam pacificam, & noctem sine peccato, & dignos nos fac vita æterna per Christum tuum, per quem tibi gloria, honor, & cultus in sancto Spiritu in sæcula. Amen.

Et Diaconus dicat, Inclinate vos manuum impositioni.

Et Episcopus dicat.

Capitulum XLIII.

DEVS Patrum, & Domine misericordix, qui sapientia tua condidisti hominem rationale.

animal, & vnum Deo charum, ex iis, qui sunt in terra, & dedisti ei vt impetraret iis, quæ sunt in terra, & constituisti sententia tua Principes & sacerdotes, illos ad securitatem vitæ, hos ad iustam seruitutem: Ipse quoque nunc inclina Domine Omnipotens & ostende faciem tuam super populum hunc, inclinantem colla cordis sui, & benedic ei per Christum, per quem illuminasti nos lumine cognitionis, & reuelasti nobis teipsum, quo cum tibi digna debetur adoratio ab omni rationali & sancta natura, & Spiritui Paracleta in sæcula Amen.

Et Diaconus dicat, Ite in pace. Eodem modo diluculo Diaconus dicto matutino, & dimissis Cathecumenis, Energumenis, baptizadis, & pœnitentibus, habitoque sermone debito (ne iterum eadem dicamus) subiungat post illa verba, Salua eos Deus, & excita in gratia tua. Petamus à Domino misericordias ipsius, & miserationes, diluculum hoc & diem pacificum & sine peccato, & omne tempus peregrinationis nostræ, Angelum pacis, Christianos Principes, propitium & benignum Deum, nos mutuo viuenti Deo commendemus per vnigenitum suum.

Et Episcopus orans dicat.

Caput XLIIII.

DEVS spirituum atque omnis carnis, incomparabilis, nullo indigens, qui dedisti solem in potestatem diei, & lunam & astra in potestatem noctis: ipse quoque nunc respice super nos benignis oculis, & recipe matutinas nostras gra-

tiarum actiones, & miserere nostri : non enim expandimus manus nostras ad Deum alienum: non enim est nobis Deus recens, sed tu æternus & infinitus, qui nobis per Christum præbuidi, vt essemus, & per eundem largitus es vt bene essemus: ipse nunc per eum dignos fac vita æterna, cum quo tibi gloria, honor, & cultus, & sancto Spiritui in sæcula. Amen.

Et Diaconus dicat, Inclinate vos manus impositioni.

Et Episcopus iterum oret dicens,

Manus impositio matutina. Cap. XLV.

DEVS fidelis & verax, qui facis misericordiam in millia & decem millia diligentibus te, qui es amicus humilium, & patronus pauperum, cuius omnia indigent, quoniam omnia seruiunt tibi, respice super hunc populum tuum inclinantium tibi capita, & benedic eis benedictione spirituali, custodi eos vt pupillam oculi, conserua eos in pietate & iustitia, & fac dignos vita æterna in Christo Iesu dilecto puero tuo, cum quo tibi gloria, honor, & cultus vnà cum sancto Spiritu nunc, & semper, & in sæcula sæculorū Amē.

Et Diaconus dicat, Ite in pace.

Benedictio Primitiarum. Cap. XLVI.

SUPER Primitiis, quæ offeruntur, Episcopus Sgratias agat iis verbis, Gratias agimus tibi Domine Omnipotens, cunctorū opifex & prouisor per vnigenitum filium tuum Iesum Chri-

stum Dominum nostrum, de oblati tibi primitiis, non quidem quantum debemus, sed quantum possumus. Quis enim hominum dignè tibi gratias agere posset pro iis, quæ dedisti eis in perceptionem? Deus Abraham, Isaac, & Iacob, atque omnium Sanctorum, qui omnia produxisti per verbum tuum, & iussisti terræ, vt varios ferret fructus in lætitiâ & escam nostram, qui dedisti crassioribus & rudioribus herbiuoris animantibus herbam, aliis carnem, aliis semina, nobis frumentum in victum opportunum & accommodatū, aliâque varia partim ad vsum, partim ad valetudinem, partim ad delectationem: ob hæc igitur omnia & supra modum celebrandus, de beneficiis, per Christum in omnes collatis, per quem tibi gloria, honor, & cultus in sancto Spiritu in sæcula. Amen.

Allocutio pro defunctis. Cap. XLVII.

DE iis autem, qui quiescuerunt in Christo, postquam Diaconus absoluit orationē, ne idem repetamus, hæc addet, Pro quiescētibus in Christo fratres nostri rogemus, vt benignus Deus, qui ipsius animam suscepit, dimittat ei omne delictum voluntarium & inuoluntarium. Et propitius illi factus, collocet eum in regione piorum & beatorū in sinu Abrahamæ, Isaac, & Iacob: cum omnibus, qui à sæculo placuerunt illi, & fecerunt voluntatem ipsius, vnde abest dolor, tristitia & suspirium.

Excitemus nos, & inuicē commendemus nos

zterno Deo per verbū, quod erat in principio.

Et Episcopus dicat,

Qui immortalis natura es, & nullo fine terminaris, à quo omne immortale & caducū prodiit: qui rationale animal hominem Mundi ciuem, mortale in sua constitutione fecisti, & promisti ei resurrectionem: qui Enoch & Eliam mortem experiri nō permisisti, Deus Abraham, Deus Isaac, Deus Iacob, non mortuorum, sed uiuentium Deus, quoniam omnium animæ apud te viuunt, & iustorum spiritus in manu tua sunt, quos non attinget tormentum: omnes enim sanctificati sub tua manu sunt. Ipse quoque nunc respice super hunc seruum tuum, quem recepisti in alteram vitam, & condona ei, si quid volens, vel inuitus deliquit: & Angelos placidos constitue ei, & colloca eum in sinu Patriarcharū, Prophetarum, & Apostolorum, & omnium, qui tibi à sæculo placuerunt, vbi non est tristitia, dolor, neque horror, sed cætus piorum & lætantium, & terra rectorum beata videntium gloriam Christi tui, per quem tibi gloria, honor, cultus, gratiarum actio, & adoratio in sancto Spiritu in sæcula. Amen.

Et Diaconus dicat, Inclinamini & benedictionem accipite.

Et Episcopus agat gratias pro eis iis verbis,

Salua Domine populum tuū & benedic hæreditati tuæ, quam redemisti pretioso sanguine Christi tui. Pasce illos in dextera tua, & tege illos alis tuis, & da eis bonum certamen certare, cursum consummare, fidem seruare constanter,

& laudabiliter per Dominum nostrum Iesum Christum dilectum puerum tuum, per quem tibi gloria, honor, & cultus in sancto Spiritu in sæcula. Amen.

Quomodo oporteat, & quando fidelium defunctorum memorias celebrare: & quòd de facultatibus ipsorum erogandum sit pauperibus. Cap. XLVIII.

PERAGATUR dies tertius mortuorū in psalmis, in lectionibus, atque orationibus propter eum, qui tertia die resurrexit. Item nonus in commemorationem superstītū, atque defunctorum: etiam quadragesimus, secundum veterem formam. Mosen enim hoc modo populus luxit: nec non anniuersariū pro memoria ipsius, deturque de illius facultatibus pauperibus in commemorationem ipsius.

Quòd impios morientes nihil iuuant memorie vel mandata.

Cap. XLIX.

HÆC de piis dicimus: nam de impiis, & si omnes Mundi facultates dares pauperibus, tamen nihil eis prodesset. Nam cui uiuo infensus erat Deus, certè eidē mortuo est iratus: non est enim iniustitia apud eum. Iustus est enim Dominus, & iustitias dilexit. Et ecce homo, & opus eius.

De Vinolentis Cap. I.

QVI ad memorias eorū vocamini, cum modestia, & cum Dei timore comedite, veluti valentes legatione fungi pro mortuis: cū sitis Presbyteri & Diaconi Christi, sobrij esse debetis, & priuatim, & cum aliis, vt possitis intemperanter coërcere. Dicit autem Scriptura, Dynastæ
 ” sunt iracundi, vinum verò non bibant, ne cū
 ” biberint, obliuiscantur sapientiæ, & recta iudicare nō possint. Quare Presbyteri & Diaconi post Deum Omnipotentem & dilectum Filium eius, sunt Ecclesiæ Dynastæ: quod non ideo dicimus ne bibant: nam cæteroqui contumelia afficerent id, quod à Deo creatum est in læritiam, sed ne vinolentiæ studeant: non enim dixit Scriptura, ne bibas vinum, sed quid dicit? Noli bibere vinum ad ebrietatem: & iterum, Spinæ nascūtur in manu ebrij: quod non solūm de Clericis præcipimus, sed etiam de omnibus laicis, super quos inuocatum est nomen Domini nostri Iesu Christi: nam ipsis quoque dictum est, Cui vā, cui tumulus? cui tristitiæ? & nugæ? cui liuidi oculi, cui contritiones superuacaneæ? nōne commorantium in vino, & inuestigantium vbi potationes fiunt?

*Prov. 23.**Ecc. 31.**Prov. 26.**Prov. 23.**De recipiendis iis, qui per Christum persecutiones patiuntur. Cap. I I.*

RECIPITE eos, qui persecutionem patiuntur per Christum, & fugiunt de ciuitate in ciuitatem, cō quòd sermones Domini in memo-

ria habent. Fugiunt enim quoniam sciunt spiritum promptum, carnem infirmam esse, & bona sua relinquunt diripienda, ne confessionem nominis Christi abiicere cogantur. Erogate igitur eis in vsum, mandato Domini obsequentes.

Quòd vnusquisque manere debet in ea sorte, in qua est collocatus, & ordinem seruare, & non arripere quæ sibi commissa non fuerunt.

Cap. LII.

ILLVD autem cõmuniter omnes præcipimus, vt vnusquisque maneat in ordine sibi tradito, nec fines transeat: non enim nostri sunt, sed Dei, nam qui vos audit (inquit Dominus) me audit: & qui vos spernit, me spernit, qui verò me spernit, spernit eum, qui misit me: nam si inanima rectam ordinis dispositionẽ conseruant, nox, dies, sol, luna, astra, elementa, solstitia, menses, hebdomadæ, dies, horæ, & impositæ sibi necessitati obediunt, secundũ illud, Poluisti terminos, quos non pertransibunt: & iterum de Mari, Posui & terminos circumponens claustra & portas: Dixi autem ei, Hucusque venies, & non transgredieris: quanto magis vos nihil debetis commouere ex iis, quæ nos diuinam secuti auctoritatem vobis perscripsimus. Sed quoniam plerique leue hoc putât esse, ideo ordines confundere audent, & vnicuique attributam ordinationem perturbare, arripientes sibi dignitates non commissas, & tyrannicè vendicantes sibi ea, quorum non habent potestatem: Ideoque Deum irritant ve-

luti Coritæ, & Rex Ozias, qui præter phas, præterque Dei voluntatem sacerdotium inuaserunt, ex quibus Coritæ incendio conflagrarunt, Ozias in lepram incidit. Irritant quoque Spiritum sanctum, cuius testimonium evertunt. Quare prospicientes periculum impendens talium rerum auctoribus, negligentiamque in sacrificiis, & Eucharistia prouenientem, ex eo quod offeruntur ab iis, quos non decet, quique ludum putant Pontificalem honorem institutum ad magni Pontificis Iesu Christi Regis nostri imitationem: propterea necessarium duximus, ut de iis rebus admoneremus. Dicimus itaque Mosē Dei seruum, *Exo. 33.* quem Deus facie ad faciem alloquebatur, veluti si quis cum amico loqueretur, cui dixit, Noui te *Num. 12.* præter omnes: cui coram loquebatur, non per species, nec per insomnia, nec per Angelos, vel ænigmata. hunc igitur virum dicimus diuinarum legum rationem tradentem præscripsisse, quæ à Pontificibus administrari commendet, quæ à Sacerdotibus, quæ à Leuitis, unicuique proprio & suo muneri accommodato cultu distributo: atque ea quidē, quæ Pontificibus præcepta fuerant, nephas erat sacerdotem attingere, quæ sacerdotibus mandabantur, ab iis Leuitæ repellebantur, sed quilibet intra commissi sibi ministerij fines se continebat: quos si quis transire volebat, extremo supplicio puniebatur. Hoc verò maxime docuit Saulis audacia, qui cum sacrificare decreuisset sine Propheta, ac Pōtifice Samuele, suscepit in se peccatum: execrationemque irrevocabilem, neque prophetam deterruit, quod à

se Rex vnctus fuisset. Idem euidentius ostendit Deus in Oziæ factò, à quo nulla interposita mora, commissi sceleris pœnam expetiuit: & qui sacerdotium concupiuerat, regno est spoliatus. Nostras res fortasse non ignoratis: scitis enim à nobis Episcopos, Presbyteros, & Diaconos vocari, oratione & manuum impositione, differentia nominum, rerum differētiam indicantes: non enim vnusquisque prout vult, apud nos implet manum (quemadmodum regnante Ieroboamo, nepharij sacerdotij mos fuit, in illo vitulæ piaculo) sed qui à Deo vocatur. Nam nisi propria quædam iura essent, atque ordinum discrimina, fatis esset vt per vnum nomen vniuersa perficerentur. Sed à Domino edocti consequētiam rerum, Episcopis Pontificatus munera assignauimus, Presbyteris sacerdotij, Diaconis ministeria erga vtrosque, vt quæ ad religionem pertinent, purè perficiantur. Nam nec Diacono phas est offerre sacrificiũ, vel baptizare, aut benedictionem paruam vel magnam facere, nec Presbytero ordinationes exercere: impium est enim ordinem peruerti: non enim est Deus confusionis, vt inferiores superiorum officia tyrannicè sibi vendicent: noua instituta sibi fingentes in detrimentum suum, ignorâtes durum sibi esse contra stimulum calcitrare. Non enim vel nobis, vel Episcopis aduersantur huiusmodi homines, sed omnium Episcopo & Pontifici Patris Iesu Christo Domino nostro. A Mose enim Deo charissimo Pontifices instituti sunt, sacerdotes, Leuitæ à Saluatore nostro nos tresdecim Apostoli,

ab Apostolis ego Iacobus, & ego Clemens, & nobiscum alij, ne iterum omnes numeremus. Communiter ab omnibus nobis, Presbyteri, Diaconi, Hypodiaconi, Lectores. Primus igitur natura Pontifex est vnigenitus Christus, qui non sibi ipsi honorem arripuit, sed constitutus est à Patre, qui propter nos factus homo, & spirituale sacrificium offerens Deo & Patri suo, ante passionem nobis solis præcepit hoc facere: quanquam presentes nobiscum esse alij, qui in ipsum crediderant, sed non omnino omnis qui credit, continuò sacerdos est, & pōtificium consequitur honorem. Post autem assumptionem ipsius, nos oblato secundum eius ordinationem sacrificio puro, & incruento, constituimus Episcopos, Presbyteros & Diaconos numero septē, è quorum numero vnus erat Stephanus beatus Martyr, qui in amore erga Deum nobis non erat inferior: quique adeò fide sua pietatem charitatemque erga Dominum nostrum Iesum Christum ostendit, vt pro ipso animam tradiderit, à Iudæis Domini interfectoibus, saxi percussus. Sed tamen talis ac tantus vir, qui spiritu feruens erat, & qui vidit Christum à dextris Dei, & Cæli portas apertas, nusquam apparet iis officiis, quæ Diaconia non conueniunt esse vsus, vel sacrificium obtulisse, vel manus alicui imposuisse, sed vsque ad finem Diaconia ordinem seruasse. Ita enim erat decēs, vt Christi Martyr ordinis dispositionem seruaret. Quòd si qui Philippum Diaconum nostrum, & Ananiam fidelem fratrem producant, quorum alter Eunuchum baptizauit,

Stephanus Diaconus

Philippus Diaconus
Ananias Diaconus

alter me Paulum: ignorant ipsi id, quod nos di-
cimus: nam dicimus neminem sibi arripere de-
bere sacerdotalem honorem, sed vel à Deo esse
accipiendum, quod fecit Melchisedech &
Iob: vel à Pontifice vt Aaron acce-
pit à Mose. Quare Philippus
& Ananias non ipsi se ele-
gerunt, sed à Christo
promoti sunt in-
comparabili
Deo.

F I N I S.

I. O. CAROLI BOVII
 EPISCOPI OSTV-
 NENSIS,

Scholia in Clementis libros.



VNC in animo est, aliqua in iis libris percurrere, quæ nisi explicarentur, lectoris studium possent retardare. Quod faciam in paucis quibusdam locis annotandis, non enim statui scholia in singulis sententiis scribere, sed tantum pauca, quæ dubitationem aliquam habent, illustrare.

EX PRIMO LIBRO.

IN Cap. 3. ex Euangelio non solum ultio inimicorum prohibetur, sed etiam dilectio & amor erga eos præcipitur. seruauit enim sæpe hoc antiquitas, vt Consilia quæ appellantur, in præceptis numeraret.

IN Cap. 4. ne pruritu vexatus &c. Hanc ego puto esse veram huius loci sententiam. Iubet ronderi capillum, ne eo cultu prouocentur mulieres ad amorem. Inquit igitur, si capillum nutrias, necesse erit tibi ob pruritum scalpere caput ac lacerare, ad hanc verò molestiam fugien-

dam, caput comptum & ornatum te habere oportebit, idque vnguentis perfundere quo mulieres allicientur ad libidinem, ergo tonde capillum, ne capitis cultu opus habeas.

IN Cap.7. illud [*si sophistica*] est nonnullis suspectum, qui si considerarent, sophistarum nomen fuisse aliquando in laude, atque ita appellatos eos, qui sapientiam & rerum omnium scientiam profiterentur, certè nihil de eo dubitarent. Clemens ergo Græcorum disciplinis eruditus, sophistica ea vocat, quæ ab hominibus doctis & vitæ magistris, sapienter sunt tradita.

IN eodem Cap. duo dicit à Christo antiquata, deuterofes, quas Hieronymus humanas traditiones, Epiphanius, seniorum traditiones appellat. Eas verò (teste eodem Epiphanio in primo contra hæreses libro) Iudæi habebant quatuor libris digestas, quibus traditi erant ritus & ceremoniæ, quas à maioribus suis seruandas acceperant, quæque Dominus in Marci Evangelio reprehendit.

ETIAM inducta & adiecta quæ dicuntur, Christus abrogauit, quæ accesserunt Decalogo, ea sunt sacrificia, expiationes, atque aliæ ceremoniæ præcepta Hebræis, postquam ij Ægyptiam superstitionem imitati absente Mose, vitulum adorauerunt. Iudicauit enim Moses, cum gens Hebræorum prona ad malum, diuinam legem liberam atque à natura in hominum animis insitam facillè contemneret, eam ita in officio posse contineri, & à cultu simulacrorum abduci, si assidua ac necessaria rerum diuinarum occupa-

tione detineretur. Inducta, quæ dicit mutata in melius, vt ipse alio in loco declarat, tria sunt, Sacrificia, quibus successit incruentum Euchari- stia sacrificium: Aspersiones, quæ mutatae sunt in baptismum: Adoratio, quæ tunc certo loco fiebat, nûc patet à solis ortu ad occasum: in omni enim loco sacrificatur & offertur nomini eius oblatio munda.

IN eodem Capite mirum videri non debet *Libri generalis* lectionem librorum prophanorum ab Aposto- lis prohibitam, qui in primis illis pietatis rudi- mentis, vt ablorent omnia gentilitatis vestigia, non solum illa prohibuerunt, quæ sua sponte Christianæ pietati aduersabantur, cuiusmodi erant sacrificia, & reliquus Deorum cultus, sed etiam omnia illa, quæ suis admonitionibus re- fricare poterant veteris erroris memoriam. Con firmata verò religione, cùm iam homines non fierent, sed nascerentur Christiani, liberior fuit legendorum huiusmodi librorum consuetudo, adhibito tamen iudicio atque delectu, vt ex il- lorum lectione fideles fructum capere, & ad pietatem possent proficere. Scripsit Basilus au- reum libellum de vtilitate capienda ex Græco- rum disciplinis, quem auctorem sequentes fru- ctuosè huiusmodi libros legimus.

IN Cap. 10. prohibentur mulieres lauare vnà cum viris, quod idem prohibuit Conc. Laodic. Can. 30. & lex. Syn. Can. 77.

EX LIBRO SECVNDO.

IN Cap. 29. [*Decima salutari, initium nominis*

Christi.] hoc dicitur, quoniam nomen Iesu à Iota incipit, qua litera Græci notât numerū denariū.

IN Cap. 30. [*ut qui Dei dignitate ornatus est, quatenus clero præstet, & omni Ecclesia,*] hanc eandem sententiam apertius atque distinctius expressit S. Ignatius in Epistola ad Smyrn. iis verbis, Ego autem dico, honora Deum ut auctorem cunctorum ac Dominum, Episcopum verò ut Pontificem, imaginē gerentē, quatenus imperat, Dei, quatenus sacerdotalia exercet, Christi.

OBSERVA in eodem Capite, in Ecclesiæ membris contineri mysticas significationes per quædam accommodata, & (ut ita dicam) appropriata muneribus, cum omnia in Ecclesia ita constituta sint, ut (quoad possunt) diuinam similitudinem referant ac significant. Porro quod de Viduis dicitur, eas altari similitudinem imitari, id dictum, opinor, ad significandam constantiam, ac firmitatem propositi earum in statu viduali. Et quod pietatis officia, quæ in eas, & in orphanos conferuntur, sunt quasi victimæ in altari collocatæ ad faciendum holocaustum Deo. Virgines thuribulum significant propter virginitatis fragrantiam, & illos ex purissimis earū corporibus atq; animis afflatos odores, qui nō solū per Ecclesiam diffusi omnia suauitate cōplent, sed etiam in Cælum sublatis Deum delectant.

IN Cap. 31. quod traditur, non esse arripiendum sacerdotij honorem, sed capiendum ab eo, qui diuina potestate ius obtinet illud aliis dandi, atque alia, quæ diuinitus à Clemente exposita, ad hunc locum pertinent, habentur in Dio-

nyf. de Eccl. Hierar. cap. 5. vt perspicuum sit vtrūque hanc doctrinam, ex eisdem fontibus haustam, literarum monumentis commendasse.

IN Cap. 32. Presbyteræ, quæ nominantur, sunt viduæ: ita enim eas appellat in tertio libro cap. 5. quare aliæ sunt illæ Presbyteræ, quarum mentio fit in Concilio Laod. Can 31.

IN Cap. 59. noli mirari Iacobum fratrem Domini extra duodecim Apostolos numeratū, fuit enim hæc constans non modò Clementis, sed etiam Eusebij, Epiphaniij, Ambrosij, atque aliorum sententia. cui non obstat quòd in Epistola ad Galatas Paulus eum Apostolum nominat & columnam, cum ampliori vocabulo dicti sint Apostoli alij, qui præter duodecim ad propagandum Euangelium missi, Apostolatus munere fungebantur, quemadmodum dicimus S. Martialem Apostolum Galliarum fuisse. Meritò autem Iacobus columna videbatur, cum esset Hierosolymitanorum Episcopus, omniâque ad stabiliendum Ecclesiæ statum pertinentia, vnà cum Apostolis administraret.

IN Cap. 60. sunt hæc verba. [*Glorificent solum Deum, vnum & verum per unigenitum Christum*] quæ nullam nobis gignere debent suspicionem erroris, quasi non faciant filium honore ac diuinitate parem, vniúsque, atque eiusdem naturæ cum patre: nam cum sint translata ex Euangelio Ioannis, Vt cognoscant te solum Deum verum: interpretatio, qua illa sententia exponitur, debet quoque ad hunc locum accommodari. Eadem verba, de Christo loquens, scripsit S. Ignatius in

Epistola ad Magnesios. Iis, qui extra ciuitatem manebant, vnum & solum verum Deum nuntiavit. Sed erit locus opportunior, & magis proprius de hac ipsa re accuratè dicendi.

CAPVT sexagesimum primū continet informationem quandam eorum, quæ in octauo libro distinctius & accuratius describuntur: in eo enim traditur integra factorum ratio, vt nihil possit desiderari hîc breuis anticipatio eorum, quæ ibi fusius exponuntur.

I N eodem cap. Pastophoria existimo fuisse tabernacula quædā quasi armaria in fronte templi vtriusque posita, in quibus Eucharistia, vestes, & vasa sacra condebantur.

O S C V L V M mysticum, in hoc ipso loco dari solitum, affirmat Dionysius, cum agit de synaxi. Cyrillus in mystagogicis orationibus. Laodic. Conc. in Can. 19.

I N Cap. 32. Mentio fit Agapæ. Christiani enim in principio religionis, in Ecclesiam conuenientes, simul epulabantur: ea conuiuia quoniam amore & charitate mutua celebrabantur, Agapæ sunt dicta, quæ quòd confusionem Ecclesiæ Corinthiorum afferrent, reprehensæ sunt ab Apostolo, sed nihilominus saltem in aliis Ecclesiis diu manserūt. Eas post longum tempus prohibuit Concilium Laodicenum, ne scilicet in Ecclesiis fierent, & postea Carthaginense, manserunt tamen: nam Canones Constantinopolitani, qui longo pòst tempore scripti sunt, de eis sanxerunt, nunc omnino in dissuetudinem atque obliuionem abierunt.

I N Cap. 63. præcipitur, vt in sabbato ac die Dominico Christiani frequentius æcedant ad Ecclesiam : quantum attinet ad sabbatum mos fuit præcorum, vt eo die quoque cætus celebrarentur, & diuinæ scripturæ legeretur: de quo nobis forsân alio loco agendum erit.

T R E S illæ solènes preces, quæ die Dominico concipiebantur, patebunt in octauo libro: earum quoq; mentio fit in Conc. Laod. Can. 19.

EX TERTIO LIBRO.

In cap. 2. vi. 7. fo. 161. pag. 2. Xf. per omnia.

I N Cap. 10. magnas benedictiones puto eas appellari, quæ sunt propriæ Episcoporum, paruas, quæ licitæ erant Presbyteris.

I N Cap. 11. ministri sunt ij, qui alio nomine dicti sunt Subdiaconi, quod alio loco patebit, & Concilium Laod. eorum mentionem facit: lege in eo Theodorum Balsamonem.

I N Cap. 15. & 16. quæ de vngendis catechumenis dicuntur, item de Chrismate, eadem habentur in Dionysio in capite de baptismo, & in Cyrillo in secunda & tertia catechesi mystagogica: in iis cognoscis, quod idem in aliis vetustis scriptoribus obseruatur, morem fuisse, vt statim post baptismum Chrismatis sacramentum daretur.

I N Cap. 17. vides appellari Patrem super omnia Deum, quod idem in aliis locis inuenies, estq; idem loquendi modus consuetus Ignatio, qui in Epistola ad Philippenses disputans contra eos, qui confundebant Patris & Filij personam, sic inquit, Quomodo non videtur tibi Christus na-

„ aduersus Arianos illa Christi sententia, Pater
 „ meus vsque modo operatur, & ego operor: illi
 „ verò ita ad eam respondebant, quòd in ea Pater
 „ appareret primus operator, atque ita constaret
 „ cum filio esse præstantiorem. Hoc ô Ariane (in-
 „ quit Epiphanius) stultè dicis, & multa principia
 „ vis in diuinitate intelligere, vnum verò est prin-
 „ cipium, & eadem vna diuinitas, non reiecit au-
 „ tem à se Filius, Patris honorè, sed ostendit quo-
 „ modo se habeat ipsa diuinitatis consequentia.
 „ Hæc Epiphanius. Cum ergo honor Patri tribui-
 „ tur, non eò fit, quòd idem honor nō sit tribuen-
 „ dus filio, sed vt demonstretur diuinitatis conse-
 „ quentia, hoc est ordo originis, quemadmodum
 „ Filius æterno ortu à Patre naturam accepit: hanc
 „ quæstionem multo expressius declarat S. Basilius
 „ in libro, quem scripsit contra Eunomium, in
 „ quo diligenter tractat illum locum, Pater ma-
 „ ior me est: longamque eius rei disputationem
 „ concludit iis verbis, Reliquum est igitur, vt ma-
 „ ius, hoc in loco dicatur secundum causæ rationē:
 „ quoniam enim à Patre Filij principiū atque ori-
 „ go est, secundum hoc maior est pater, vt causa &
 „ principium. propterea Dominus sic dixit. Pater
 „ maior me est: scilicet quatenus Pater est, Pater
 „ verò quid aliud significat quàm quod est princi-
 „ pium & causa illius, qui ab ipso est ortus? Non
 „ discessit ab hac sententia S. Hilarius, qui in no-
 „ no libro de Trinitate, sic scripsit, Donātis aucto-
 „ ritate Pater maior est, nunquid per doni confes-
 „ sionem Filius minor est? maior itaque donās est,
 „ sed minor iam non est, cui vnum ellè donatur.

» ait enim, Ego & Pater vnum sumus. si hoc non
 » donatur Iesu, vt confitendus sit in gloria Dei Pa-
 » tris, minor Patre est: si autem in eadem gloria &
 » donatur esse, qua Pater est, habes & in donantis
 » auctoritate, quia maior est, & in donati confes-
 » sione, quia vnum sunt. Maior itaque Pater filio
 » est, & planè maior, cui tantum donat esse, quan-
 » tus est ipse, cui innascibilitatis imaginem sacra-
 » mento natiuitatis impartit, quem ex se in forma
 » suæ generat. Hæc Hilarius, quam sententiã non
 » semel in suis libris exposuit. hanc auctoritatem
 » principij in Patre considerãtes prisca illi, omnem
 » dignationẽ ei soli tribuere videntur. multa enim
 » huiusmodi in Clemẽte legimus, in Pastore, Igna-
 » tio, Iustino atque alijs, qui ante Arianam hære-
 » sim vixerunt: qui omnes vnã in tribus perso-
 » nis essentiam, parẽmque maiestatem venerati,
 » tamen celebrauerũt originem. postquã autem
 » Arius cœpit filij dignitatem minuere, & alij Spi-
 » ritum sanctum in numerum creaturarum aggre-
 » gare: Patres, omisso huiusmodi loquendi more,
 » quem Euangelistarum & Apostolorum loquen-
 » di modum imitata, tenuit antiquitas: apertis ver-
 » bis tres personãs æquales prædicauerunt, nihil-
 » que vni tribuerunt, quod non item cæteris tri-
 » buerent. Hoc enim fieri solet, cùm existunt hæ-
 » reses, vt quod antea omitti posse videbatur, cùm
 » nulla de eo esset controuersia, orta hæresi id di-
 » ligenter, planè, aperte, sit enucleandum: atque ita
 » ex hæresum immani peste hoc boni consequitur
 » Ecclesia, vt sententiæ fidei, quæ antea nunquam
 » agitata obscuriores videbãtur, postquã oppu-

gnati cœptæ sint, illustrentur, atque declarentur.

Hæc fulius dixi, propterea quod in Clemente aliqua sunt, quæ ad hanc normam dirigi oportet. Tu verò cum in ea incidet, eam adhibe moderationem, quam tibi ij fontes ostendunt: quod statim serua in ea sententia, quæ in eodem capite de Spiritu sancto habetur, quem dicit à Christo doceri, & Christum annunciare. translatum est hoc ex 16. Capite Ioannis sic dicen-

- ” ris, Cum autem venerit Spiritus ille veritatis,
 ” docebit vos omnem veritatem. Non enim lo-
 ” quetur à semetipso, sed quæcunque audiet, lo-
 ” quetur: & quæ ventura sunt, annunciabit vobis:
 ” ille me clarificabit, quia de meo accipiet, & an-
 ” nunciabit vobis, in quibus verbis, propter Spi-
 ” ritu sancti à Patre & Filio progressionem, agnosce
 ” in duobus spiratoribus auctoritatem vnus
 ” principij, in Spiritu sancto nullam alienæ ab iis
 ” naturæ differentiam. Quod autem ita interpretari
 ” debeamus loca, quæ tam in scripturis, quàm
 ” in priscis patribus videntur Spiritu sancti maie-
 ” statem non ita extollere, docet S. Basilius in eo-
 ” dem libro contra Eunomium, qui eadem via
 ” progrediens, quæ de filio dixerat, ea accommo-
 ” dat ad Spiritum sanctum. Eius verba hæc sunt,
 ” Quæ est necessitas, vt si dignatione atque ordi-
 ” ne tertius sit Spiritus sanctus: sit quoque natura
 ” tertius. Nam quod obtineat secundas post filiū
 ” partes, fortasse pietatis ratio id tradit. Tertia ve-
 ” rò vt natura, nec ex sanctis Scripturis didicimus
 ” neque veluti consequēs eorum, quæ dicta sunt,
 ” concludere possumus. Nam quemadmodum

„ Filius ordine, secundum post patrem locum ha-
 „ bet, quoniam ab illo est genitus, & dignatione,
 „ quoniam principium & auctor ipsius Pater est,
 „ & quoniam per eum aditum, & accessum habe-
 „ mus ad Patrem: natura verò nullo modo est se-
 „ cundus, quoniam vna est in vtroque diuinitas:
 „ ita Spiritus sanctus, & si ordine ac dignatione
 „ Filio est submissus, (vt hoc omnino conceda-
 „ mus) non tamen eo modo, vt quasi differentis
 „ ab ipso naturæ existat.

QVOD dicitur in eodem Cap. Spiritum san-
 „ ctum assumi vt testem, translatum est à 15. capite
 „ Ioannis sic dicentis, Cum autem venerit Para-
 „ cletus, quem ego mittam vobis à Patre spiritum
 „ veritatis, qui à Patre procedit, ille testimonium
 „ perhibebit de me.

IN Cap. 20. obserua Presbyteri officia, quæ
sunt hæc, docere, offerre, baptizare, benedicere
populo: quorū quidem habet potestatem Pres-
byter, sed tamen illam exercere non potest, ni-
si concedente Episcopo: lege Ignatium Smyr-
 „ nenes sic instituentem, Nemo sine Episcopo
 „ aliquid agat eorum, quæ ad Ecclesiam pertinet,
 „ illa firma Eucharistia censeatur, quæ sub Episco-
 „ po fuerit. Et paulò post, Non liceat sine Episco-
 „ po baptizare, nec offerre, neque sacrum facere.
 „ quod idem de reliquis muneribus censendum
 „ est. Nam hæc ipsa munera, quæ nunc contem-
 „ nuntur, in veteri Ecclesia exercebant Episcopi,
 „ vt aliquando sola causa fuerit accersendi Episco-
 „ pum absentem in Pascha tempore, vt Catechu-
 „ menos instruere, & baptizare posset, de Eucha-

ristia vides in Clemente Episcopū semper illam peragere: de docendi munere nihil dico, cum in hoc præcipuè versetur Episcoporum officium. Hoc verò est intelligendum quòd quanquàm Presbyteri docendi munus habebant, tamen summa rei & doctrinæ iudicium Episcopo reseruabatur, imò præsente Episcopo Presbyteri desinebant munus suum, nisi ille aliud iuberet.

EX QUINTO LIBRO.

IN Capite 7. Considera auream illam sententiam de baptismo sanguinis, cur Catechumeni cum eo morientes salui fiant. Re ipsa enim commoriuntur Christo, alij in figura. Hæc scribenti, venit mihi in mentem alterius præclaræ sententiæ S. Cyrilli, quæ fusiùs eandem rem explanat. ea scripta est, in secunda mystagogia iis verbis.

” O rem nouam & admirabilem, nò verè mortui
 ” sumus, neque verè sepulti, neque verè crucifixi
 ” surreximus: In veritate tamen saluamur. Chri-
 ” stus sic crucifixus est, & re ipsa sepultus, & verè
 ” resurrexit: atque hæc omnia nobis donauit, vt
 ” imitatione, passionum suarum participes facti,
 ” re ipsa salutem consequamur.

IN Cap. 12. Quod de hirco desio dicitur, vel forè mendesio, (nam ita quoque dici posset, si illud *uē* quod in Græco præmittitur, sit syllaba) mihi id cuiusmodi sit, compertum adhuc non est, forè enim alij locum hunc illustrabunt.

IN Cap. 16. Considera rem insignem, scilicet Iudam abfuisse cum data est Apostolis Euchari

*Iudam abfuisse
 de Euchari*

stia: Cyprianus enim secus sentit, in sermone de
 ablutione pedū, & Augustinus in Epistola 163.
 & in explicatione decimi Psalmi, & in sex. tra-
 ctatu in Euangelium Ioannis, & Chrysostomus
 in sermone de latrone. Theophylactus, etsi idem
 sentit, tamen agnoscit eam opinionem, qua alij
 affirmant Iudam non adfuisse, nec eam reiicit.
 Existimaui aliquando Dionysium Areopagitam
 hoc affirmare: quod si certum haberem, vix iam
 phas esse ducerem secus opinari, sed tamen cum
 Dionysij verba diligentius expenderem, non ita
 certa mihi visa est eius sententia: tantum enim
 affirmat Christum Eucharistiæ auctorem iustif-
 simè excludere eum, qui non sanctè atq; ad imi-
 tationem sui sacro conuiuio interesset: quæ qui-
 dem sententia hoc non obscurè innuit, non au-
 tem manifestis, & perspicuis verbis asseruerat.
 Quare Maximus ex verbis Dionysij, probabili
 quadam coniectura id colligit, cuius annotatio
 » in Dionysij verba hæc est. Ex iis aliquis ratio-
 » nabiliter dicere posset, quòd postquàm exiit Iu-
 » das, tradidit discipulis Christus mysteria, vt qui
 iis nõ erat dignus. Georgius Pathymeres hunc
 locum Dionysij nouo quodam modo explanat,
 putat enim Dionysium dicere, Christum tradi-
 disse quidem Iudæ mysticum panem & calicem,
 mysteria verò solis discipulis dedisse, postquàm
 » Iudas discessit: eius verba hæc sunt, Excludit &
 » segregat iustissimè Iudam, qui non sanctè con-
 » uiuio interfuerat, nam cum illū mystici panis &
 » vini participè fecisset, mysteria discipulis, post-
 » quàm ille è cœna discessit, solis tradidit, cum iis
 indignus

„ indignus esset Iudas. Cur igitur Iudam arcet à
 „ diuinis mysteriis, qui simul cœnauerat: Etenim
 „ docet, quòd non satis est tantùm corporaliter
 „ adesse & conuiuium celebrare: non enim hoc
 „ cum communione habet similitudinē, sed oportet
 „ intellectu, & mente adesse. Hæc Georgius,
 „ qui d^{no} asseuerat ex Dionysij sententia, vnum
 „ Iudam participem fuisse cœnæ mysticæ, hoc est
 „ panis & vini mystici, non agni typici (hunc enim
 „ sensum manifestè explodunt verba Dionysij &
 „ Georgij) alterum mysteria data solis Apostolis.
 „ Quærerem ego libenter à Georgio, quæ tandem
 „ fuerint mysteria, quibus exclusus sit Iudas, &
 „ quæ solis credita sunt Apostolis, cùm prius omnes
 „ simul panē & vinum mysticum sumpsissent.
 „ si responderet fuisse sacramenti effectum & spiri-
 „ ritualem manducationem, rursus scire vellem
 „ ab eo, quid opus erat, vt propterea Iudas abesset?
 „ quòd si mysteriorum traditionem putat ipsam
 „ Eucharistiæ institutionem, iam hoc scripturæ ad-
 „ uersatur coniungenti Eucharistiæ institutionem
 „ cum eius dispensatione. Sumens panem fregit,
 „ & dixit, Accipite & manducate, hoc facite, &c.
 „ Itaque mihi magnæ tenebræ sunt non modò in
 „ Dionysij, sed etiam in paraphrastis sui verbis,
 „ quæ dicere volui vt admonerem lectorem, vt le-
 „ gēns Dionysium, hanc rem etiam consideraret:
 „ mihi enim amplius de ea videtur quærendum.
 „ hoc tamen est in ea commodi, quòd ad factum
 „ pertinet, vt siue hoc vel illo modo se habeat, nul-
 „ la labe, neque peruersio fidei accidat.

IN eodem Capite, Eucharistiæ mysteria di-

cuntur antitypa corporis & sanguinis, quæ vox idem valet, quod in Dionysio Symbola, hoc est signa: signa verò cum audis, noli ab iis remouere signatum, ita enim illa signa sunt, vt etiam verè & realiter contineant signatum, hoc est corpus & sanguinem Domini. patres verò antitypa illa dixerunt, vel respectum habentes ad præcedentem substantiam, vel quia species sunt sacramenta corporis & sanguinis Christi, qui in eis continetur: appellationes enim plerūque ducuntur ab eo, quod apparet & sub sensum cadit.

Nuptiæ Secundæ

PENE omiseram id, quod in secundo Capite tertij libri annotatione dignum videtur: damnari enim videntur nuptiæ, quæ mortua prima vxore iterantur. Scito autem huiusmodi nuptias non damnari, iustæ enim sunt: reprehenditur autem intemperantia eorum, qui illas contrahunt. nam cum primis nuptiis diuino illi propagandæ sobolis præcepto satisfecerint, iterum iungunt conubia, quæ improbantur ab antiquis, non quòd putent ea nepharia, sed quòd sint indicia incontinentiæ, & libidinosi putentur, qui illa appetunt. Eam ob causam antiqui Canones bigamis pœnitentiæ tempus præscripserunt, quod legimus in Conc. Ancyr. Can. 19. & Neocæsar. Can. 3. & Laod. Can. 1. Tertullianus etiã cum recta saperet, has nuptias permissas tantum putauit: Hieronymus durior fuit bigamis, ita vt nisi lenius cum eo agatur, vix possimus illum à reprehensorū criminatione vindicare. redeo nunc ad quintum librum.

Passæ tempus

IN Cap. 18. quinti libri, in quo traditur seruandi Paschæ ratio, nihil iam annotandum est,

sed id totum potius delendum, vt nothum ac no-
uum. quod luce clarius perspici potest ex ea Epi-
phanij disputatione, qua vtitur aduersus Audia-
nos imitâtes in Paschæ obseruatione Iudæorum
consuetudinem: narrat enim Epiphanius Audia-
nos sententiam suam defendisse auctoritate con-
stitutionis Apostolorû, in qua cauebatur ne alij
calculum Paschæ facerent ipsi, sed agerēt Pascha
quando fratres sui de circuncisione agerent, atq;
id vnâ cum eis celebrarent, agnoscitque Epipha-
nius huiusmodi constitutionem, atque eam in-
terpretatur, inquiring primùm, dici in cōstitutio-
ne Pascha agendum, quando id agerent fratres
de circuncisione, non fratres qui sunt in circun-
cisione, hoc est quando agerent ij Episcopi, qui
de circuncisione & Iudæorum gente genus du-
cebant, quos scribit quindecim fuisse: deinde in-
quit, id factum fuisse ab Apostolis ad tuendam
consensionis vnitatem. Quare tantum abest vt
ea, quæ in hoc capite legimus Apostoli statue-
rint, vt etiam contraria horum ab ipsis præcepta
videantur. Præterea oriëntales illi Iudaicum mo-
rem retinentes, nullam aliam excusationem, vt
in Eusebio legimus, afferebât suæ obseruationis,
nisi quòd Ioannē & Philippum Apostolos imi-
tarētur, testabaturque Polycarpus Ioannis disci-
pulus, se vnâ cum Ioanne eo die Pascha celebra-
sse. Neque mirum est Apostolos in illis Ecclesiæ
rudimentis eo die inter se egisse Pascha, quo ipsi
cum Domino egissent. Sed quid opus est aliunde
argumenta petere? ipsa constitutio se prodit, &
tantùm non vocē emittens, clamat se nouâ esse:

ait enim æquinoctiū fieri vigesima secūda Dystri mensis, hoc est Martij. perspicuū est autē Christi tēpore æquinoctiū fuisse vigesima quinta Martij: tempore verò Anatolij Laodiceni Episcopi, qui vixit, Probo imperāte, anno Domini ducentesimo octuagesimo, æquinoctij tēpus retrocesserat tribus diebus, solq; arietē ingrediens faciebat æquinoctiū vernū vndecimo Calēdas Aprilis, hoc est vigesima secūda Martij, quod narrat Eusebius in Ecclesiasticæ historiæ libro septimo. Quare noua est constitutio, fortasse edita post Concilium Nicænū, in quo Paschæ obseruatio ad eam rationē redacta fuit, vt post æquinoctiū vernum, quarta decima lunæ obseruaretur, & die dominico, qui post plenilunium primus esset, Pascha celebraretur, quod factū est ea præcipuē ratione, ne Iudæoru cōsuetudinem imitemur, neque bis in eodem anno Pascha ageremus. hoc enim accidere posset si tantūm duodecim lunares menses obseruaremus, nulla æquinoctij ratione habita. aliquando enim post æquinoctium celebrato Pascha, eodē anno ante æquinoctium itidem celebraretur: initium enim anni ordiuntur ab introitu Solis in signum arietis. Existimo igitur, cūm verba Apostolicæ constitutionis viderentur antiquæ illi, & ab Ecclesia reiectæ Paschæ celebrationi quodammodo fauere, viros pios illa verba, ne offensionis causam præberēt, & aliquos in errorem inducerent, deleuisse, repositisēque receptam & probatam ab Ecclesia obseruandi Paschæ rationem.

IN Cap. 19. intellige Christianos olim sex

diebus ante Pascha siccis cibis vesci solitos, cuius moris mentionem facit Epiphanius in libro tertio aduersus hæreses.

IN Cap. 21. illa auctoritas, qua dicitur quòd Dominus accepit ignem à Domino, & alia, qua Iacob fatetur se vidisse Deum facie ad faciè, item illa de rubo, quem vidit Moses ardentè, meritò accommodantur ad filij Dei personam: fuit enim hæc constans priscorum procerum sententia, iis & huiusmodi aliis visionibus, Christum Dei demonstratum. Possem ad hoc probandum vniuersam Patrū omnium consensum in mediū afferre, sed breuitati studens, contentus ero vna sancti Leonis sententia, quæ scripta reperitur in Epistola 13. ad Pulcheriam Augustam, iis verbis. Potuerat quippe omnipotètia filij Dei sic ad docendos iustificadósque homines apparere, quomodo Patriarchis & Prophetis in specie carnis apparuit, cum hoc luctamen iniit, aut sermonem conferuit, cumue officia hospitalitatis non abnuuit, vel etiam appositum cibum sumpsit, sed illæ imagines huius hominis erant indicia, cuius veritatem ex præcedentium Patrū stirpe sumendam significationes mysticæ designabant.

IN eodè Capite, cum dicitur Deum Verbū, Deo ipsius ac Patri in condenda rerū vniuersitate ministrasse, cautus esto, & memento eorum quæ de auctoritate Principii sunt dicta: nolique putare illud ministeriū efficere filium minorem Patre, ministrat enim quatenus sapientia & ars Patris existit, per quem vniuersa sunt condita. Iustinus in dialogo, quæ cum Tryphone habuit,

opera filij Patri cooperantis, ministeria appellat, filiúmque Patris ministrum, scilicet ea ratione, qua dictum est, Verbum esse rationem artémq; Patris in rebus creandis, productúmque à Patre, qui ei vnà cum essentia eandem operandi potestatem dedit. Quare vt hic ordo significaretur, Patres aliquando ministerium filio tribuerunt. Non potuit autem hæc res planius explicari, quàm est à Tertulliano explicata in lib. de Trinitate, cuius verba híc subieci, quoniã instar normæ esse debent, ad quam hæ, quæ duriores videtur, priscorum sententiæ, sint dirigendæ. Sic igitur in fine eius libri inquit Tertullianus, Subiectis enim ei quasi filio omnibus rebus à Patre, Patris quidem sui Filius probatur, cæterorum autem & Dominus & Deus esse reperitur. Ex quo dum huic, qui est Deus, omnia substrata traduntur, & cuncta sibi subiecta Filius accepta refert Patri, totã diuinitatis auctoritatem rursus illi remittit: vnde vnus Deus ostenditur verus & æternus Pater, à quo solo hæc vis diuinitatis emissa, etiam in Filium tradita & directã, rursus per substantiæ communionem ad Patrem reuoluitur. Deus quidem ostenditur Filius, cui diuinitas tradita & porrecta conspicitur, & tamen nihilominus vnus Deus Pater probatur, dum gradatim reciproco meatu illa maiestas, atque diuinitas ad Patrem, qui dederat eam, rursus ab illo ipso filio missa reuertitur & retorquetur, vt meritò Deus Pater omnium Deus sit, & principium Filij sui, quem Dominum genuit: Filius autem cæterorum omnium Deus sit, quoniam

omnibus illum Deus pater præposuit quem genuit: ita mediator Dei & hominum Christus Iesus omnis creaturæ subiectam sibi habens à Patre proprio potestatem qua Deus est, cum tota creatura subdita sibi concors Patri suo Deo inuentus, vnum & solum & verum Deum Patrem suum, manente in illo quod etiam auditus est, breuiter approbavit. Est igitur ipse filius creaturarum conditor vnà cum Patre, *Διμιουργός* omnino, ita enim aliis in locis eum Clemēs appellat, hoc est opifex atque auctor, non *ἑπὶ* quem admodum Arius & Aetius impiè dicebant: facientes eum quasi secundarium Deum submissum ac subordinatum primo conditori, quorum opinionis diritas à Christianis mentibus longè repellatur.

EX SEXTO LIBRO.

IN Cap. nono animaduerte ferè earundem hæresum mentionem fieri in Epistolis Ignatij. De Prophetia, & de monarchia Sermones à Petro cum Simone habitos, scriptos à se testatur Clemens in Itinerario.

QVÆ in ~~quinto~~ decimo Capite habentur, atque omnia ea, quæ pertinent ad Concilium illud Apostolorum, cuius in Actis fit mentio, non sunt continuanda cum aliis, quæ primo loco dicta sunt, in quibus mortis Iacobi Episcopi facta est mentio: quare dirige hæc ad eam normam, quàm posui in Prolegomenis, cum de methodo agerem.

quarto

Ab. s. c. v.

IN eodem Cap. nomen Iacobi Zebedæi delendum est, negligentia enim vel imperitia alicuius huc irrepsit, cum Iacobus Zebedæi filius antequam hæc gererentur, ab Herode fuerit interfectus, id quod in Actis Apostolorum legitur.

IN Cap. 16. statuitur iterandum esse baptismum ab hæreticis administratum, quod conuenit cum quadragesimo septimo Canone eorundem Apostolorum: iudico autem Apostolos id statuisse quod ij, qui eo tempore hæreses sectabantur, cum de diuinis personis falsa atque impia opinarentur, non potuerunt seruare synceram baptismatis formam, propter eaque necessarium erat instaurare baptismum in iis, quos ipsi baptizassent. Quod idem statuit Nicæna Synodus in Canone 19. de iis, qui à Paulianistis fuerant baptizati, ij enim à Paulo Samosatensi profecti, Christi diuinitatem labefactabant. Quam impietatem postea Arius & Aetius magis peruulgarunt. Narrat Epiphanius formam baptismatis seruata ab Aetio, quæ hæc erat. In nomine Dei increati, & in nomine Filij creati, & in nomine Spiritus sanctificatis, & à creato Filio creati. Quis non videt, hoc modo, tota fide euerfa, necessariam fuisse baptismi renouationem? idem existimo de iis, quos rebaptizari voluerunt Apostoli.

IN Cap. 24. noli putare vniuersum populum Romanum eo tempore, Christi fidem amplexum fuisse, sed cum multi essent in vrbe Christiani, iamque religio esset celebris, præsertim si ab ea (vt legitur) Tiberius non abhorruerit, pro-

pterea hanc rem extollens Clemens, inquit, Romanos recepta Christiana pietate, ab Idolorum cultu discessisse.

IN Cap. 26. recognosce easdem hæreses numeratas ab Ignatio, in quibus animaduerte illud idem, quod in decimo septimo Cap. tertij libri dictum est de Deo, qui est supra omnia. Hoc loquedi more à Clemente accepto vsi sunt Ignatius, & Iustinus, cùm Trinitatis personas distinxerunt, quod quoties occurret, reuoca in memoriam, quæ de hac re in eo loco annotata sunt. ita enim omnis erroris suspitio aberit.

EX SEPTIMO LIBRO.

IN Cap. 23. Non debes mirari, quòd ieiunium ante baptismum præcipitur, cùm præcipuè ob eam causam putem Catechumenos olim in nocte magni Sabbati baptizatos. Narrat Cassiodorus Burgundiones, cùm vexati ab Hunnis in Galliam trãsissent, Christianamque pietatem recepissent, à quodam Episcopo baptizatos fuisse, indicto ipsis prius octo dierum ieiunio. Tertullianus in libro de Baptismo, Ingressuros, inquit, baptismum, orationibus crebris ieiuniis, & geniculationibus & peruigiliis orare oportet, & cum confessione omnium retrò delictorum.

IN Cap. 24. quarta & sexta feriæ ieiuniū præcipitur, quod diu mansit in Ecclesia, nunc (quod est dolendum atque lugendum) cum aliis optimis maiorū institutis in dissuetudinē abiit. Præcipitur quoque sabbati celebritas, quam tamen

ieiunium quartæ et sextæ feriæ
Sabbati celebritas

cum diei Dominici cultu minimè æquatam, ostendit huius libri caput trigessimum quartum. non est autem mirandum Apostolos œconomia, atque consilio vsos, aliquid Synagogæ ad Ecclesiam migranti concessisse: altè enim in ea infederant veteres ceremoniæ, vt non adeò facile aboleri possent. Fuit tamen hic mos (vt vidimus in secundo libro) ita retentus, vt in eo die meditatio diuinæ legis esset, non manuum cessatio. Concilium Laodicenum iubet in Sabbato congregari Ecclesiam, idèmq; prohibet, eundem diem more Iudæorum custodiri. Etiam quod hîc statuitur de vnus magni Sabbati ieiunio, agnosco priscum morem, sed eundem accessione meliorum legum exoletum. nam Ecclesia Romana, quæ Apostolica vtens potestate, singula pro conditione temporû in melius mutat, non fuit contenta vnus Sabbati ieiunio, sed instituit, vt idem mos in omnibus Sabbatis seruaretur, de ea re, atque aliis eò spectantibus extat præclara Innocentij primi epistola ad Gaudentium Egubinum Episcopum.

I N Capite 39. nota Patrem appellari Deum ingentum, alibi filius dicitur Deus genitus, quæ voces & si molliores sunt, suspectæ tamen fuerunt patribus, cùm ab Arianis vsurparentur, qui ingenti & geniti differentiam induxerunt, putantes ex ea filij naturam diuersam fieri à patre. Duces illi Ecclesiæ, & si voces non aspernabantur (non enim id efficiunt, quod volebant Ariani) tamen quoniam in scripturis non reperiuntur, & eis utebantur hæretici, quorum etiam vo-

cabula timenda sunt, ideo in eis recipiendis, cautionem adhibendam censuerunt : lege Epiphaniij disputationem contra Aërium, & Basilij contra Eunomium. Magnus Athanasius in epistola de Synodis Arimini & Seleuciæ, duo inquit significare ingenitum, id quod existens, factum non est, & id quod suæ naturæ auctorem non habet : ad priorem significationem respiciens, filium ingenitum verè dicere poterit, idem si alteram spectet, id de solo Patre verè affirmabit. postea idem sanctissimus Pater, sciens iis vocibus vsos priscos, præscribit nobis, quemadmodum in eorum libris hæ voces sint intelligendæ :

” inquit enim, Non ignoramus eos, qui dixerunt
 ” unum esse ingenitum Patrem, nõ eo animo scri-
 ” psisse, quasi Verbum Dei genitum, hoc est fa-
 ” ctum, & opus esse vellent, sed ideo, vt ostende-
 ” rent, Patrem sui auctorem non habere, sed il-
 ” lum Patrem sapientiæ esse, & omnia genita, hoc
 ” est quæ facta sunt, in sapientia fecisse. Cùm igitur incidet in hæc verba (incides autem sape) noli existimare ea iniecta ab Arianis, & si ipsi iis vocibus delectati sunt, sed illa accipe quemadmodum Athanasius est interpretatus. nunc cùm expulso Arianorum errore integra synceræque manserit Homousij fides, has voces non ita perhorrescimus.

I N Cap. 4^o. dicitur Christus genitus beneplacito Patris, non quòd voluntas Dei Patris ei ortū dederit (omnibus enim creaturis, vt inquit Hilarius, substantiam, Dei voluntas attulit, sed Filio natura dedit) sed dicitur genitus benepla-

cito Patris, quatenus in eo naturaliter genito
 „ quiescit beneplacitum Patris, Hic est enim, in-
 „ quit, Filius meus dilectus, in quo mihi compla-
 „ cui. Pari sententia Origenes inquit, Patrem pro-
 tulisse germen voluntatis.

IN Cap. 43. sunt hæc verba, [*post hæc adorat ip-
 sum vnigenitum Deum. post ipsum, & propter ipsum
 gratias agens ipsi,*] quorum verborum hæc est
 sententia, adorat vnigenitum Deum post ipsum,
 id est post Deum Patrem, vt ex eo intelligatur
 ordo originis, & in Patre principij dignatio, vt
 iam diximus, & propter ipsum, siue per ipsum,
 id est per Filium gratias agat ipsi Patri.

IN Cap. 42. 43. 44. habes benedictionē olei
 Catechumenorum, aquæ baptismatis, & Chris-
 matis. intelligendum est autem priscos illos ma-
 gnam vim tribuisse horum elementorum sanctifi-
 cationibus. Tertullianus in libro de Baptismo
 „ sic inquit, Igitur omnes aquæ de pristina originis
 „ prærogatiua sacramentum sanctificationis con-
 „ sequuntur, inuocato Deo: superuenit enim sta-
 „ tim Spiritus de Cælis, & aquis superest, sanctifi-
 „ cans eas de semetipso, & ita sanctificatæ vim san-
 „ ctificandi combibunt. Cyprianus ad Ianuarium.
 „ oportet verò mundari & sanctificari aquam
 „ prius à sacerdote, vt possit baptismo suo, peccata
 „ hominis, qui baptizatur, abluere. Augustinus
 „ tract. 80. in Euangelium Ioannis, Detrahe ver-
 „ bum ab aqua, quid erit nisi aqua, accedit verbum
 „ ad elementum, & fit sacramentum. Ante hos,
 Dionysius in capite de baptismo, exponit quem-
 admodum aqua per Spiritus sancti inuocationē,

& facti Chrismatis permiftionem fanctificata,
 præparabatur ad baptifmum. Cyprianus in fer-
 mone de Chrifmatis vnctione, fanctificatis (in-
 quit) elementis iam non propria natura præbet
 effectum, fed virtus diuina potentius operatur.
 Cyrillus Hierofolymitanus, qui has ipfas baptif-
 mi ceremonias tradidit, de oleo exorcizato, (ita
 enim appellat oleum Catechumenorum) post
 „ multa alia hæc inquit, Quemadmodum inuffla
 „ tiones fanctorum, & diuini nominis inuocatio,
 „ quafi vehemens flamma vrit atque fugat dæmo-
 „ nes, ita hoc oleum exorcizatum, inuocatione
 „ Dei, & oratione tantas acquirit vires, vt non fo-
 „ lum ardentia peccatorum vestigia delet, fed etiã
 „ omnes inuifibiles dæmones expellat.

IN Capite 44. verba sunt obfcura, [*vnus cu-
 iusque enim manus impofitionis virtus hæc eft*] fi mē-
 dum abfit, fententia (nifi fallor) eft huiufmodi, in
 qualibet manus impofitione tam ea quæ fit in
 baptifmo, quàm ea quæ fit in Sacramento confir-
 mationis, virtus hæc eft, id eft virtus in fanctifica-
 ris elemētis cōfiftit, quatenus sacramenta illa re-
 quirunt materiã per inuocationē Spiritus fancti
 fanctificatã atq; præparatã, fine qua sacramētum
 ritè administrari non potest: quæ fententia valde
 cōuenit iis, quæ mox fequuntur. [*nifi enim super
 quodlibet horū inuocatio fiat &c.*] in quibus verbis
 efto cautus, & primū illud tibi statue, fanctifica-
 tionē materiæ baptifmi magis requiri præcepti,
 quàm sacramenti neceffitate. Sancti Patres ta-
 men, tam ii, quorum verba protuli, quàm alij nō
 pauci, illam inuocationem Spiritus fancti super

aquam magno opere extollunt, atque ei immensa tribuunt, vt non mirum sit Clementem quoque adeo eam commendasse. nam eius dictis minimè aduersatur, vt quis non adhibita ad baptismum aqua sanctificata, verè sit baptizatus: & si absit contemptus vel negligentia, sacramenti fructum consequatur. Non enim negat Clemès illum esse verè baptizatum, sed inquit, non abiicisse eum animæ sordes, hoc est, non esse affectum baptismi effectum. Quod intellige, si præter necessitatem, seu aliam æconomicam rationem eam omiserit.

CONVERSIONEM ad Orientem explanans S. Cyrillus, cuius sæpè mentionem feci, hæc inquit, Quando abrenuncias sathanæ, omni testamento, veterique pacto in inferno cum eo inuito rescisso, aperitur tibi paradysus Dei, quem plantauit ad Orientem, vnde propter præuariationem primus pater noster fuit expulsus, cuius rei signum est, cum ab Occidente conuertaris ad Orientem, qui lucis est locus. Omnes alias baptismi ceremonias à Clemète expositas, Dionysius, Tertullianus, Cyprianus, Cyrillus, Augustinus, & denique prisca omnes agnoscunt.

CAPVT 47. continet hymnum Angelorum, quem quoniam, S. Hilarius, paucis mutatis, in latinum conuertit, atque in missam inclusit, Concilium Toletanum quartum, & quidam alij cum huius hymni auctorem faciunt.

EX LIBRO OCTAVO.

IN Capite primo, in quo sermo est de Episcopis improbis, quasi ij non sint veri Episcopi, caue ne hæc sententia tibi sit occasio sequendi errorem Hussitarum negantium Episcopū, presbyterūmue mortali peccato obstrictum esse Episcopū, vel presbyterum. Non enim ita est accipienda Clemētis sententia, quasi velit eos, qui huiusmodi sunt, amittere potestatem, quam in ordinatione acceperunt, sed eos negat esse Episcopos, quatenus officia ac munera, quibus funguntur, non sunt grata atque accepta Deo, imò neque electio ipsorum ei tribuitur, sed hominibus. sunt igitur hi Episcopi quoad potestatem: non sunt Episcopi, quoad Deum attinet, quia Institutiones ipsorum, atque officia, quæ postea exercent, non sunt probata Deo. Ioannes Chrysostomus hanc quæstionem pertractans, ad eius explicationem produxit Clementis sententiam, cuius verba audiamus. Diaconis autem
 » & Presbyteris secundum præuidentiam suam,
 » illis videtur Deus iniungere ministerium Diaconatus aut Presbyteratus, qui sunt iusti: qui autem inueniuntur iniusti, illos ordinasse homines videntur, non Deus. Ab exitu ergo rei cognoscitur, qui à Deo ordinatus est, & qui ab hominibus. Qui enim ministerium suum bene consummauerit, apparet quia ex Deo fuerat ordinatus: qui verò ministeriū suum non bene consummauerit, ex hominibus ordinatus est. Quomodo autē quidā sacerdotes ex hominibus ordinantur,

manifestè in libro octauo Canonum Apostolorum dicitur. Hieronymus quoque in cōmentariis in Epistolā ad Galatas asseuerat, eos esse ab hominibus ordinaros, qui indignè, fauore populi, patientiam Domini contemnentes, diuino sacerdotio contra meritum ordinantur. Tales igitur non sunt sacerdotes. Hoc est, Deus non elegit eos, vt essent sacerdotes, neque ipsorum muneribus acquiescit diuini beneplaciti consensio, quanquam ex vi ordinationis consequuntur diuinitus sibi delatam potestatem.

IN Cap. 3. vide id, quod etiam in Dionysio legitur, signum externum, quo instituuntur Episcopi & cœlestem accipiunt potestatem, esse impositionem libri Euangeliorum ceruicibus illorum, qui instituuntur: cuius rei rationem cognoscas ex eodem Dionysio, ex qua plura possunt intelligi, quàm mihi modò breues annotationes scribenti, & offensiones vitanti, explananda videntur.

IN eodem Capite tertio, Pater appellatur cunctorum opifex per Christum, qui (vt diximus) est ars & sapientia patris, per quam facta sunt sæcula.

IN quarto præcipit Catechumenis, vt se commendent Deo ingenito per Christum, & meritò, per eum enim habemus accessum ad Patrem.

IN nono & decimo cap. qui illuminantur, sunt ij Catechumeni, qui de fide instructi, & diu in Ecclesia versati, breui erant ad baptismum accessuri.

IN cap. decimo sexto, attende verba præfationis,

nis, quibus etiam nunc utimur, ab Apostolis manasse ac ne constitutio nouitatis suspicionem tibi afferat, lege Cyrillum, qui in mystagogicis orationibus hunc ipsum Liturgiæ morem exposuit, totidem verbis de Clemente translatum. ex quo facile intelligitur liturgiam Clementis Hierosolymis in usu fuisse. eadem verba leguntur in Basilio, & Ioanne Chrysostomo, Iustinus, & si verba non retulit, tamē eorum vim expressit. In eodem cap. dicitur Filius voluntate & potētia Patris generatus: quibus verbis explanatur recta de origine filij sententia. est enim potentia generatiua Patris principiū generationis filij, cuius æterna voluntas est comes.

IN cap. 17. [*ut ostendas hunc panem corpus Christi tui.*] hoc est ut efficiat, hanc enim vim habet Græcum verbum. Eadem verba sunt in Liturgia Iacobi, Basilij, Chrysostomi, quæ nemini suspicionem afferre debent, quasi aliis verbis, quam iis, quæ à Domino accepta se nobis tradere affirmat Paulus, putauerint ij Patres panē & vinum in corpus & sanguinem conuerti. constans enim & perpetua fuit omnium patrum sententia, verbis Domini tantum mysterium administrari. Quod verò hoc loco dicitur, ad superiora verba respectum habet, & ad illa referri debet. ut enim quæ ante consecrationem dicuntur, ad oblationem corporis & sanguinis Christi dirigēda sunt, sic quæ post consecrationem mystice precatur, & facit sacerdos, ad vnum peractæ consecrationis actum trahuntur. Sacerdos ante consecrationem tenens manu patenam, & calicem, dicit se

offerre hostiam immaculatam pro peccatis, & calicem salutaris, quæ actio respondet oblationi corporis & sanguinis faciendæ, tunc anticipatione quadam sacerdotis mente atque proposito conceptæ, ita post consecratam Eucharistiam inuocatur Spiritus sanctus illorum munerû sanctificator, & peracti operis vnâ cum Patre & Filio effector, quæ inuocatio non est separanda à priore actione, qua sacerdos, verba Domini proferens, panem & vinum consecrauit, sed ad eundem actum reuocari debet, imò ad idem temporis momentum, quo illa admirabilis conuersio facta est. nam cum omnia simul, atque vno tempore fieri non possint, ordine, ac temporis interuallo disponuntur, quæ verò sermone & tempore diuiduntur, cogitatione atque intelligentia sunt in vnum coniungenda. Græci cum in Concilio Florétino interrogati essent, cur post verba Domini prolata, quibus cōsecratio absoluitur, precarentur Deum vt panem & vinum in corpus & sanguinem conuerteret, responderunt, se constanter credere consecrationem verbis Domini perfici, preces autem illas eam vim habere, atque idem valere, quod in Latinorum Liturgia oratio, quæ post consecrationem dici consuevit.

- „ Supplices te rogamus omnipotens Deus, iube
- „ hæc perferri per manus sancti Angeli tui in sub-
- „ blime altare tuum, in conspectu diuinæ maie-
- „ statis tuæ.

IN cap. 18. habetur oblatio pro Prophetis, Apostolis & Martyribus, quæ fortè alicui videbitur absurda, eo quòd iniuriam (vt inquit Au-

gustinus) facit Martyri, qui orat pro Martyre. Tu verò intellige hoc loco non modò nihil absonum fieri, sed etiam maximè pietatem coli, audi autem non me, sed Cyrillum, cuius nomè toties repetiui, hanc sanctorum memoriam exponentem iis verbis, Atque hoc sacrificiũ tibi offerimus, vt memores simus, primũ eorum, qui dormierũt, Patriarcharum, Prophetarum, Apostolorum, Martyrum, vt Deus orationibus & intercessionibus ipsorum nostram deprecationem suscipiat. deinde vt in memoria habeamus sanctos patres, qui dormierunt, atque Episcopos, & denique omnes, qui nos præcesserũt, magnam vtilitatem credentes accessuram eorum animabus, pro quibus offertur, ex oratione sancti & tremendi sacrificij. Habes in Cyrillo duplicem ordinem dormientium, quorum in sacrificio fit mentio, vnum cõstantem ex Patriarchis, Prophetis, Apostolis, Martyribus, qui ideo memorantur, vt nostræ necessitatis ipsi memores, rogent Deum pro nobis, alterũ ordinem eorum, quorum necessitati nos oratione & sacrificio subuenimus. Præter hæc, que dicit Cyrillus, videtur Christianæ pietati maximè cõsentaneum, vt sacrificium etiam pro Patriarchis, atque Apostolis offerri dicatur, non quidem ad delictorum expiationem, sed ad gratiarum actionem. aguntur enim gratiæ Deo, quòd illi athletæ, & pugnatore magni, post tot susceptos labores, & gloriam Dei celebratam, dignam suo certamine gloriam acceperunt. De aliis autem, quibus sacrificio opem præstamus, nihil iam attinet

dicere, cùm continuata traditione, constanti-
que omnium patrum testificatione, certum iam
sit ab incunabulis Ecclesiæ, toto Orbe Christia-
no, atque omnibus temporibus, mortuorum
memoriam supplicationibus & sacrificiis cul-
tam ac celebratam fuisse.

IN Cap. ^{26. 27. 27. 27.} 27. memoratur impositio manuum,
quæ fiebat Diaconissis, quod pugnat cum deci-
mo nono Canone Concilij Nicæni, negante
Diaconissas manuum impositionem habere.
Item quod dicitur de imponenda manu Hypo-
diaconis, & iis, qui in minoribus gradibus col-
locantur, est omnino mihi dubium, cùm cano-
nica auctoritate constet, manuum impositio-
nem infra diaconatum nõ descendere.

IN Cap. 35. ne sit tibi mirum creaturam, De
inuocatione, solemnique precatione sanctifica-
tam, adipisci facultatem expellendorum mor-
borum, quæ etiam dæmones fugare solet. re-
fert S. Thomas se in historiis legisse, Anachore-
tas, qui in Ægypti solitudine vitam ducebant,
vicinis mittere solitos oleum benedictum ad cu-
randos morbos idoneum.

IN eodem cap. ancilla libidini domini obse-
quens recipitur, cùm enim ipsa sui corporis po-
testatem non habeat, merito culpa non in eam,
sed in dominum est reijcienda.

In c. 29. P R A E C E P T I O quiescendi diebus Aposto-
lorum, fortè post tēpora Apostolorum adiecta
fuit. quanquam incredibile non est Apostolos
suum exitum in Dei gloriam, & fidei propaga-
tionem futurum prospicientes, voluisse, vt iis

diebus fideles in commemorandis eorum certaminibus & Christi nomine celebrando essent occupati.

In c. 40. **C O N S T I T U T I O** iubens seruum & ancillam & separari: intelligenda est, si ij inuitis dominis, seu omnino non iustis nuptiis sint copulati.

I N Calce vltimi Capitis, in quo de institutione sacrificij agitur, habentur verba quædam, quæ ansam præbere possent, vt ij libri sint contemnendi. Inducuntur enim tresdecim Apostoli dicentes se à Christo ordinatos: quod mirum esset si Christus omnium Ecclesiæ munerum institutor, & auctor, suam excellentem potestatem sacramentis alligasset, vel eam certis finibus circumscriptam, vnum in locum inclusisset. Matthias supra quem cecidit fors, hoc est (vt Dionysius interpretatur) signum visibile apparuit, vt Apostolus, sic sacerdos à Domino est electus: Paulum, non ab hominibus, neque per homines electum, omnia munera ab eo accepisse, censendum est, qui eum vas electionis instituit. Subiungit Clemens in personam Apostolorum. Qui propter nos factus homo, & spirituale sacrificium Deo suo & Patri offerens, ante passionem nobis præcepit solis, vt hoc faceremus, quanquam nobiscum essent alij, qui in illum crediderant. Iis verbis aiunt Clementem censere tresdecim Apostolos fuisse cum Dominus mysticam cenam celebrauit. Quæ tamen verba non sunt referenda ad superiora, sed intelligen-

SCHOLIA.

da solùm de iis, qui tunc præsentés fuerunt.
Nosti enim ex mea obseruatione, Clementis
morem ita inducentis Apostolos loquentes, vt
sermo præsens ad præterita referatur, & quam-
uis omnes loqui videantur, iis tamen so-
lis tribuatur narratio, qui rei, quam
exponunt, præsentés
interfue-
runt.

F I N I S.

RERVM ET VERBORVM
MEMORABILIVM,
quæ his Clementis libris
continentur; Index
locupletissimus.

GVIDO MELDINÆVS ANGL.
LECTORI SALVTEM.

*Si iudice hoc nostro commodè vti volueris,
numèrorum notas deprauatè multis in lo-
cis ex improviso appositas emendabis,
& vbi literam A, inuenies, rem aut vo-
cem, quam inuenire volueris, in cartæ
fronte perquires, vbi autem B, in tergo:
& laborem nostrum boni consules.*

A



Brenuntiatio Sathanæ per baptizan-
dum. Fol. 120. a

Abyssus vasto hiatus comprehensa.
135. a

Accusatus iniustè, beatus est apud Deum. 11. b

Accusatores quales esse oporteat. 39. a. b

Accusatoris mòres & qualitates diligenter scru-
retur iudex. 39. b

Accusatoribus & calumniatoribus facilè non est
credendum. 32. b. & seq.

Y iiij

- Æquinoctium verni tēporis obseruandū. 79. a
 Affectiones, nisi maiori freno compescantur,
 cum homine consenescent. 143. b
 Agapæ à Domino, nomine conuiuij nominatæ.
 28. b
 Agricolaerant Iudas & Iacobus. 48. b
 Alienigena & non Leuita offerre & ad altare si-
 ne sacerdotibus accedere non poterat. 28. a
 Altare Dei est vidua. 28. a. 52. a
 Amuleta facientes improbantur. 146. a
 Andrea sub persona loquitur Clemens. 128. b
 Angeli placidi, animarū piarum custodes. 150. a
 Anima corpori formato in vtero, conciliatur.
 118. b
 Anima incorporea. 89. a
 Anima ex nihilo creatur. 135. a. b
 Animæ immortalitatem qui olim negauerint
 apud Iudæos. 85. b
 Antitypa mysteria corporis & sanguinis Chri-
 sti. 75. b. 76. a. & 111. b
 Antitypum corporis Christi offerre. 102. b
 Antichristus, mundi deceptor, veritatis hostis,
 mendacij patronus. 113. b
 Amuli aurei scortationis inditia. 3. a
 Apis Ægyptiorum. 4. b. 96. b
 Apim Ægyptium olim coluerunt Hebræi. 74. a
 Apis ictu aculeū perdit, sterilisq; redditur. 56. b
 Apostoli constitutionum à Clemēte scriptarum
 authores enumerantur. 91. b
 Apostoli Christi à Caipha, Alexandro & Anna
 sæpe plagis affecti. 66. b
 Apostolorum succissiuæ operæ, ne otiosi come-

derunt.	48.b.& seq.
Apostolos duodecim loquentes <u>inducit</u> Cle- mens.	52.a
Apostolorum epistola.	90.b.& seq.
Aqua in baptifimo cur.	<u>57.b</u>
Aqua in potum & mundiciem à Deo creata.	<u>134.b</u>
Aquæ mysticæ benedictio.	121.a.b
Aquæ benedictæ vis.	<u>144.b</u>
Aquila & Nicæta, Clementis Episcopi & ciuis Romani fratres.	<u>87.a</u>
Argætei triginta in domus figuli emptione.	<u>75.a</u>
Auarus qui argentum aliis non impartitur <u>ser-</u> <u>penti</u> similis.	60.b
Andræ lectionem legis, Euangelij & Prophe- tarum quibus non licet.	34.a
Augurij studium ad idololatriam homines <u>per-</u> <u>ducit</u> .	106.b
Auream palam digitis non gestandum esse.	3a

B

B Alnei hora mulieri quæ congrua.	7.a
Balneo viri non muliebri, vir vtatur.	<u>4.b</u>
Baptifimo in ipfo quæ fiunt mysticè, enarran- tur.	<u>57.b</u>
Baptifimum iterare non oportet.	<u>92.a</u>
Baptizatus vnguento vngitur.	<u>121.b</u>
Baptizandus adultus, ieiunet.	<u>110.a</u>
Baptizare non debent mulieres.	<u>54.a.b</u>
Baptizare qui possunt.	<u>54.b.55.a</u>
Baptizandi sunt pueruli.	<u>92.b</u>
Baptizandi forma.	<u>57.a.b</u>

Barbæ pili non sunt corrumpendi.	3. b
Barba carere mulieribus decorum, viris non item.	ibidem 3. b
Bartholomæi sub persona loquitur Clemens.	
142. a. b	
Basmotheorum hæresis.	85. b
Benedictio aquæ & olei.	144. b
Benedictio primitiarum.	149. a. b
Benedictio magna, & parua.	54. b
Bigamia post professionem iniqua habenda est.	50. a
Bruta animæ rationalis expertia nõ esse qui cre- diderunt.	88. a

C

C Adauer, funus & sepulchrum, tangētis ani- mam non fœdant.	100. b
Cadauera sanctorum sancta.	103. a
Caiphas falsi nominis Pontifex prophetauit.	
125. b	
Caiphas sibi mortem consciuit.	126. a
Calumniator conuictus, non est sine nota relin- quendus.	40. a
Calumniator quo pacto puniendus sit.	36. a. b
Canere carmen Ethnicum & cantilenam mere- triciam non licet Christianis.	73. a
Canones de Episcopis, Presbyteris, Diaconis & reliquis clericis.	144. a
Canones varij Pauli Apostoli.	145. a. & infra
Capillos in vnum complicare, discerniculo, dis- criminare, clamistrisque crispare & flauos fa- cere non licet.	3. a

- Captiuos redimere oportet. 63. a
 Cathecumeni ab Episcopo benedicēdi. 129. a. b
 Cathecumeni quo pacto instituendi. 119. a
 Cathecumenis martyrium in veriozem baptis-
 mum cedit. 68. b. & 69. a
 Causas in secunda sabbatorum oportet cogno-
 scere. 38. a. b
 Charismata à Deo per spiritū dātur. 123. b. 124. a
 Charismata quæ sint. 124. b
 Chorales. 145. b
 Christus quorum delictorum à Iudæis insimu-
 latus. 75. b. 76. a. & seq.
 Christus cur ieiunauerit. 110. a
 Christus non seruata Romanarum legū dispo-
 sitione morti addictus. 76. a
 Christus ex Iuda ortus. 89. a
 Christus pacis via est. 21. b
 Christus viri in via iustitiæ ambulantis caput
 est. 5. b
 Christus prius facere, postea docere cœpit. 10. b
 Christus venit peccatores saluare per pœniten-
 tiam. 24. b. & seq.
 Christi resurrectio, pignus est & arra nostræ fu-
 turæ resurrectionis. 70. a. b
 Christi sanguis. 45. a
 Christum ex cubitu Ioseph & Mariæ natum quī
 olim opinati sint. 85. b
 Christum qui iterum crucifigant. 92. b
 Christū negare, exitialis & tremēda res est. 67. a
 Christiani laus præclara, cum nullo habere ne-
 gotium. 37. b
 Christiano transactio potius, quàm lis conue-

- nit. ibidem 37. b
 Christianum esse, in nostra est situm potestate.
 125. b
 Christiani olim ad Monomachias olim damna-
 bantur. 63. a
 Ciborū bonorū vorator non sit Episcopus. 9. b
 Clemens Apostolorum cooperato. 94. b
 Clemens Episcopus & ciuis Romanus, Pauli
 coapostolus. 87. a
 Clementis Episcopi fratres Niceta & Aquila.
 ibidem 87. a
 Clero ex ipso quilibet in ciuis figuram consti-
 tutus. 27. b
 Cæmeteria Apostolorum ætate. 102. b
 Cæmeteriis in ipsis conuenire ad legendos sa-
 cros, & psallendum in his pro defunctis.
 ibidem 102. b. & Missæ celebrabantur. ibid.
 102. b
 Coëundum non est cum vxore menstrui tem-
 pore, ne filij cum morbo nascantur. 102. a
 Coëundū non est cum vxore pregnāte. ibi. 102. a
 Collyriū acre vulnera tumentia cōplanat. 35. a
 Coma neuticam nutrienda est. 3. a
 Concordes in pietate esse debemus. 43. a
 Concupiscēs vxorem alienam, aut rem, nisi eum
 pœniteat, iam mente est fur & adulter. 1. b
 & seq.
 Condemnans aliquem iniustè, contra seipsum
 pronuntiat. 36. a
 Conditoris Dei varia opera enumerātur. 114. b.
 & seq.
 Confessor non ordinatur. 143. a

I N D E X.

Consuetudo piorum impiis saepe utilis.	63.a.b
Controuersia & altercatio, Christiano homini non est conueniens.	37.b
Contumeliam pro contumelia non debemus rependere.	2.a.b
Conuiuialia præcepta nonnulla.	28.b. & seq.
Corpus & sanguinis Christi.	140.a
Corpus domini cum timore ministrare oportet.	44.b
Cum timore accipiendum.	45.a
Crucis Trophæo se signabat Pontifex sacra mysteria celebraturus.	134.a
Cultus corporis prohibetur.	2.b
Cupiditas omnis & iniquitas fugienda est.	1.b
Curiosum de iis, qui malè & perditè viuunt neminem esse oportet.	3.b

D

D æmonis mali retia multa.	7.a
Dæmones qui eiiciunt, non omnes præditos pietate.	125.b
Dæmones inscitia oppressi.	126.a
Dæmonibus nulla pietatis scintilla inest.	ibidè 126.a
Dauidis hymnos psallere oportet.	3.b
Deabus Græci sacrificulas instituebant.	54.b
Decalogum legis, Christus in Euangelio in summam redegit, stabilis, ac perficit.	1.b
Decimæ & primitiæ quæ erant olim, nunc oblationes sunt.	27.a
Decimæ ad quid offerrentur.	145.a
Decimas dari præcepit Christus in Euangelio.	31.b

I N D E X.

Delectationis nostræ causa, à Deo aliqua creata.	149.b
Delictis diuersis, pœnæ diuersæ imponendæ sunt.	84.a
Deus pœnitentibus, pristinam dignitatem restituit.	24.a
Deus natura inuisibilis.	141.a
Deo quo tempore gratiæ agenda.	32.b
Deuterofes.	4.a
Diabolus in die iudicij condemnabitur.	113.b
Diabolus multa prædicat.	125.b
Diaconus quæ curare debeat.	37.a
Diaconus pro quibus orare debeat.	44.b
Diaconus Christi figuram habet.	27.b
Diaconus omnia ad Episcopum referat.	37.a
Episcopi est auditus, oculus, os, cor, anima.	
ibidem	37.a
Diaconus sine Episcopo nihil agat.	30.a
Diaconi auctoritas & Diaconissæ.	144.a.b
Diaconi in templo cura.	44.a.b
Diaconi ordinatio.	142.a
Diaconi ad portâ virorum, in Ecclesia maneant.	
133. b	
Diaconi peccatorem eiectum ab Episcopo, teneant & pro eo Episcopum rogent.	16.b
Diaconi septem Iacobo.	42.b
Diaconorum dignitas quæ sit.	29.b
Diaconissa, ad introitus mulierum in templum maneat.	145.b. 44.a
Diaconissa ad mulierum ministeria eligebatur.	
57.a. 145.b.	
Diaconissa ordinatio.	142.a.b

I N D E X.

- Dies dominicus, dies est hilaritatis, & lætitiæ.
 73. a
- Die dominico nihil præter sanctitatem dicere
 aut facere licet. ibid. 73. a
- Dies sequens quid pariat, nescimus. 92. b
- Diuites non reueretur Episcopus, nec assenta-
 tione sibi conciliet. 9. b
- Diuitiarum non est æterna possessio. 114. a
- Dynasta. 27. b. & 151. a
- Dystrus mensis. 79. a
- Dogmatum absurdorum auctores. 86. b. & seq.
- Domini corpus in Eucharistia. 44. b
- Domini aduētus secūdus cum terræ motu. 113. b
- Domi quando psallendum. 147. a. b
- Dominicus dies resurrectioni dicatus. 82. a
- Dona varia fidelibus variis largita. 125. a

E

- E** Bionei hæretici Apostolorum temporibus
 exorti. 85. b
- Ecclesia Dei, pax est, & portus tranquillus. 20. b
- Ecclesia catholica, est Dei plantatio & vinea. 1. a
- Ecclesia ab ipsa qui abscindendi sint. 34. a.
 & seq.
- Ecclesia manè ac vesperè quotidie à populo fre-
 quentanda. 45. b. 46. a
- Ecclesia ordinis & dispositionis est magistra.
145. a
- Ecclesia constat ex integris & piis mēbris. 36. b
- Ecclesiæ forma quæ esse debeat. 43. b. & seq.
- Ecclesiæ assidentes, de Ecclesia alendi. 26. a. b
- Elemosynæ pauperibus pro defunctis. 150. b

- Eleemosynas vt pauperibus præbeat, populum
 moueat horteturque sacerdos. 62.b. & 63.a
 Eleemosynis & fide, peccata purgantur. 107.b
 Energumeni, id est vexati ab immundis spiri-
 tibus. 129.b
 Enoch & Elias mortem non sunt experti. 70.a.
 & 150. a
 Epibata. 43.b
 Episcopus Ecclesiæ medicus est. 20. b
 Episcopus mediator Dei & fidelium. 26.a.b
 verbi minister, & scientiæ custos. 27.b
 Episcopus in iudicando, Dei sententiam sequa-
 tur. 22. a
 Episcopus meditatione, ac studio inuigilet in
 dominicis libris. 9.b
 Episcopis non debet esse turpis lucri cupidus,
 nec fideiussor, nec aduocatus. 10. a
 Episcopus os Dei. 29. b
 Episcopi dignitas. ibidem 29.b
 Episcopus Dei dignitate ornatus est. 27.b
 Episcopus vnus vxoris, quæ semel nupsit, vir.
 8. b
 Episcopus Regibus, Principibus, Dominis, & sa-
 cerdotibus omnibus præest. 12.b. & seq.
 Episcopus peccatoris culpam in se transferat.
 20.a. & 26. b
 Episcopus quomodo & à quibus eligeretur.
 126.b. 127.a
 Episcopus laicorum sibi subiectorum scopus
 est. 26.b
 Episcopus Laico seditioso nõ debet obsequi. 15.a
 Episcopus nõ minor sit annis quinquaginta. 8.a
 Episcopus

- Episcopus imperitia, aut nequitia cumulatus,
Episcopus non est. 126. a
- Episcopo subditi, eius sunt propinqui. 9. a
- Episcopus sine iudicio parcens peccatori, in culpa est. 12. a. quomodo iudicare debeat. 12. b
- Episcopus post Deum, noster pater, Dux, Rex,
& Dynasta. 27. b
- Episcopus redargutos, qui ad bonam frugem non
redeunt, vitare debet. 12. a
- Episcopus à quor Episcopis ordinaretur. 59. a
- Episcopus etiam iuuenis esse potest. 8. a
- Episcopus à quor Episcopis ordinandus. 144. a
- Episcopus quando deponi possit. ibid. a
- Episcopi, prouentus Ecclesiæ soli cõsumere non
debent, sed & egenis distribuere. 25. b
- Episcopi auctoritas. 144. a
- Episcopi sedes in templo, quo loco esse debeat.
43. b
- Episcopi uiuentibus Apostolis ordinati. 122. a. b
- Episcopi Christum sibi ipsis tanquam scopum
proponere debent. 25. a. b
- Episcopi victus, & vestitus qualis esse debeat.
25. b
- Episcopum qualem esse oporteat. 8. a. b. 9. a. b.
10. a. b. 12. a. 17. a. b. 20. b. 21. a. 25. a. b. 43. b. 44. a
- Episcopum personarum acceptorem esse non
oportet. 9. b
- Episcopum de omnibus sollicitum esse oportet.
18. b
- Episcopo sermone vel factis detrahens, Deum
offendit. 30. a
- Episcoporum ordinationis inuocatio. 127. b

I N D E X.

Episcoporum dignitas quæ sit.	29. b
Episcoporum actiones, & dispensationes à nobis non sunt in examen vocandæ. 32. a. nec iudicandi.	32. a. nec ii 32. b
Episcopis quomodo obedire oporteat.	19. b
Episcopi laicos vt filios diligant.	19. b
Episcopis ligandi & soluendi super terram, est à Christo tributa facultas.	13. a. 18. a
Episcopatus onus non est facile nec leue.	26. b
Eporcista non ordinatur.	143. b
Euangelium dum legitur in templo, Diaconi & laici cum silentio assurgant.	44. a
Euangelium quomodo Episcopus debeat interpretari.	9. b. & seq.
Euangelium quarum sit scripturarum complementum.	4. a
Eucharistiæ acceptabilis oblatio.	102. b
Eucharistiam sacram accipientes, quid consequantur.	139. b. 140. a. b
Exempla pœnitentiæ.	22. a. b. & seq.
Experientia peccatorum deuitanda est.	13. b
Ezechielis locus declaratur.	10. b

F

Faciæ medicamen non esse adhibendum.	3. a. 6. b. 7. a
Fato & fortunæ peccata tribuebãt Pharisæi.	85. b
Femoralia, & crepidas improba arte consuere non licet.	3. a
Feruor iuuenilis atatis ad fornicandum propensius.	64. a
Festa cur Deus præceperit.	117. a

Festi dies qui.	74.b
Fides Christiana clarissima.	<u>29.b</u>
Fidem infirmam habentibus, opem ferre oportet.	15.a
Fideles coram infidelibus non litigent.	37.b
Filiorum sanctitas, patrum gloria.	<u>111.a</u>
Flabello ad abigendas muscas à poculis sacrificantium, utebantur Diaconi.	133.b
Flabella ex tenuibus membranis, pauonū pennis, aut velo tenui.	ibid.
Fœminarum diuersæ ætatis, & conditionis, loca in templo.	44.b
Fornicatio est propriæ carnis corruptio.	<u>101.a.b</u>
Fortuito casu omnia constare, qui olim opinati sint apud Iudæos.	85.b
Fratrū falsorum consuetudo fugienda est.	<u>66.a.b</u>
Fucare faciem non debent mulieres.	<u>6.b</u>

G

G entilium libros haudquaquam esse legendos.	4.a
Gorpyæus mensis.	80.b
Græci resurrectionem non credebant.	<u>70.b</u>
Græcorū impietates omnes fugiendæ sunt.	<u>48.a</u>
Gratiarum agendarum formula.	111.a.b
Gratiarum actio nocturna.	148.a

H

H æresis non vna apud Hebræos.	85.b
Hæreses vnde ortæ sint.	<u>86.a</u>
Hæreticorū absurda quædam opiniones.	<u>99.b</u>
Hæreticorum societas fugienda est. ibid. & seq.	

I N D E X.

Hæreticorum multi errores enumerantur.	88.a.
& infra	
Hegesippus & Tertullianus in summis citati.	48. b
Helluones, & viri nequam subsidio indigni sunt.	9. a. b
Hemorobaptista hæretici.	85. b
Hessæi hæretici.	ibidem.
Hircum Desium, vel Mendesium, qui coluerint Iudæi.	74. a
Homo mundi ornamentum.	115. a. & 135. a
Homo iniquus ab Ecclesia segregandus.	17. b
Hominibus omnibus benefacere oportet.	50. b.
& seq.	
Homicidium magistratibus iustum.	105. a
Honorandus quilibet pro sua dignitate.	145. a
Hostia Missæ, rationalis & incruenta, à sacerdo- te per Iesum magnum Pontificem ad altare adducitur.	26. a
Hypodiaconi in templo ad portam mulierum maneant.	133. b
Hypodiaconi auctoritas.	144. b
Hypodiaconi ordinatio.	142. b

I

I acobus frater Domini, Episcopus Hierusa- lem. 91. b.	122. a
Iacobi sub <u>persona</u> loquitur Clemens.	133. b.
143. a. 147. b	
Idololatria nullum peccatum grauius est.	24. b
Idololatria fugienda est.	73. b
Ieiunans die dominico, peccat.	82. a

I N D E X.

- Ieiunandum. 74.b.77.a.79.a.b.81.b.82.a.110.a
 Ieiunandum quibus diebus, & quibus non ieiunandum, & cur. 110.b
 Ieiuniis peccatorē Episcopus affligat. 16.b.17.b
 Ignis cur à Deo creatus. 134.b
 Impiorum pecuniā accipere coacti sacerdotes, in quos vltus eam erogare debeant. 63.a. & seq.
 Impenitētes atque omnino obdurati, ab Ecclesia abscindendi. 35.b.36.a.b
 Incantationes & varicina fugere oportet. 48.a
 Incarnationis Seruatoris nostri sermo imperfectus, inderisum ab infidelibus ne trahatur periculum est. 51.b
 Indigenti cuilibet benefaciendum. 50.b
 Indignorum largitiones non accipiendas esse. 53.b.61.a.b.62.a.b
 Infirmis in fide, opem ferre oportet. 15.a
 Initiatum qualem esse oporteat. 11.b
 Innocentem eiiciens, & redeuntem non recipiens, fraticida est, & interfectore audacior. 21.b. & seq.
 Ioannes Christi ad pectus cur recubuerit. 75.a
 Ioannis in persona loquitur Clemens. 44.a.
 62.a.75.a.141.a
 Iobelæum. 117.a
 Ioias septimo anno præfuit populo. 8.b
 Iosias octo annos natus regnavit. ibidem.
 Ira Satanæ amica, quæ sit. 33.a
 Israël, terrena Ecclesia. 116.a
 Ite in pace in fine Missæ. 141.a
 Iudas avarus. 75.a. oculos habebat, pauperum res furabatur. ibid.

- Iudas, confessionem sonat. 46.b
 Iudas cum Dominus discipulis mysteria tradi-
 dit, non aderat. 75.b.76.a.b. & seq.
 Iudas fur erat & pauperum facultates surripie-
 bat. 75.a
 Iudæi Apostolorum ætate dispersi, & vagi. 99.a
 Iudæi excidium Hierusalem & Christi fidem la-
 tere diffundendam, in scij prædixerunt. ibid.
 Iudæos iustis suis uti, non timebant Romani.
 99.a
 Iudex personarum non sit acceptor. 35.b. qualis
 esse debeat. 39.a.b. partem vtranque audiat.
 40.a.b
 Iudices velum intericiebant, causam diligentius
 cognituri. hac de re Magius in Miscellaneis.
 40.b
 Iudices Ethnici quomodo causas cognoscerent.
 41.a
 Iudicandum non est, reo non audito. 21.a.b
 Iudicare quenquam temerè non oportet.
ibidem
 Iudicio alterius qui præest, similis est ei qui cau-
 dam canis manibus tenet. 40.b
 Iurare per elementa, vel cælestia corpora, non
 debemus. 74.a
 Iusiurandum iustum saltem iurandum. 105.b
 Iusta mortuorum, quibus diebus facienda. 130.b
 Iusta cum peragerentur, comedebant sacerdo-
 tes. ibid.
 Iustitia nostra quo pacto abundet. 31.b
 Iustus viuens cum iniquo, cum eo non perit.

Iuueniles perturbationes, & externæ calumniæ,
qua ætate superentur. 8.a

L

- L** Aborem detrectans non manducet. 49.a
 Labori vnde victus comparetur, indulgen-
 dum. 48.b
 Laicus sacerdotis munus sibi non arroget. 28.a.
 54. b
 Laicos Diaconis quomodo oporteat parere.
 29. b
 Lauare cum viro mulier non debet . 7.a
 Lectoris ordinatio. 143.a
 Legem naturalem non sustulit Christus, sed in-
 ducta per Deuterofim, quanquam non om-
 nia extinxit. 98.a.b
 Liberorum procreatio pura est. 101.b
 Libidini sine pudore inseruiendum esse, hæretici
 nonnulli affirmabant. 88.a
 Libri subditij sacris scripturis non adnumerâdi,
 qui sint. 93.a
 Libri in templo legendi. 44.a
 Libri externi & falsi Prophetæ, leues à fide ab-
 ducunt. 4.a
 Libris à quibus abstinere oporteat. 4.a.b
 Libros Gentilium handquaquam esse legendos.
 4.a
 Locus non sanctificat hominem, sed homo lo-
 cum. 147.a
 Loca in Ecclesia quomodo distribuenda. 43.b.
 & seq.
 Loth hospitalis. 42.b

Loti manè vt orare debeamus præcipitur.	146.a
Ludius.	145.b
Lux è thesauris prolata.	134.b

M

M Agia prohibetur.	105.b
Magistratus Regis, vt Dei ministri honorandi.	108.b
Magistros nobis Dei sermonem explicantes, parentibus pluris ducere oportet.	107.a
Maledicere alienum à Christiano.	56.b. & seq.
	105.b. & seq.
Malorum Ilias vnde proueniat.	109.a
Maledictum in caput iniuste maledicentis reuertitur.	56.b
Mandatorum decem admonitio.	32.a.b
Mandrae similitudinem habet Ecclesia.	44.a
Manuum impositio, cõciliabat credentibus Spiritum sanctum.	34.b. & seq.
Manus cur abluant sacerdotes.	133.b
Maranatha.	112.a
Martyr sanctus, quis efficiatur.	65.a
Martyribus pro ipsis oratio in cœmeteriis.	102.b
Matthæi sub persona loquitur Clemens.	25.a.
	33.b. 44.a. 142.b. 144.b
Mediator Dei & fidelium Episcopus.	26.a
Memoria Martyrum colenda est.	139.a.b
Memoriae defunctorum celebranda.	150.b. &
quibus diebus.	ibid.
Mens animæ auriga, sensibus præfecta.	115.a
Menstrua Deo non odiosa.	101.b
Menstrua in mulieribus, cur à Deo instituta.	

ibidem.

- Menstruis apparentibus, cum mulieribus non
coëundum. 102.a
- Milites quales esse debeant. 145.b
- Miraculis impij omnes non ducuntur. 124.a
- Missæ sanctum mysterium. 140.a.b
- Missæ sacrum. 133.b.& infrà
- Missæ ostia rationalis & incruenta. 26.a
- Missæ sacrificium in cœmeteriis celebrari porre-
rat. 102.b
- Missæ in celebratione, pro vita functis orádum. 139.a.b
- Mœchus carnem in partes duas diuidit. 105.a
- Mors non est supplicium. 70.a
- Morienti in peccato, nulla relinquitur pœnitentia. 13.b
- Moritur pius sine tristitia. ibid.
- Mortui Christo, peccandi consuetudinem amittunt. 11.b
- Mortuorum, qui pij dum uiuerent fuerant, sine honore non manent reliquiæ. 103.a
- Mortuis profunt orationes uiuentium: 103.a.
149.b.& seq.
- Mortuis Missæ sacrificium prodest. 139.a.b
- Mortuorum memoriæ celebrandæ. 150.b
- Mortuos deducere debemus psallentes. 102.b
- Mortuos tangens non inquinatur. ibid.
- Mortuos excitare, & mundum producere, eiusdem est facultatis. 71.b
- Moses & Elias Christi incarnationis passio-
nùmque testes in transfiguratione. 95.a.b
- Moses altare extra Hierusalem cõstitui, legemq;

extra Iudææ fines legi vetuit.	99.a
Mulier soli viro suo placere studeat.	5.b
Mulier quæ seipsam comit, & si hoc homines alliciendi causa non facit, nihilominus pec- cat.	6.a.b
Mulier viri corpus est.	54.a
Mulier non doceat.	52.a.b
Mulier procax & contentiosa damnatur.	7.a.b
Mulier viro quo pacto subdita esse debeat.	5.b.
& seq.	
Mulier demissis oculis capitæque velato viam suam ingredi debet.	7.a
Mulier cum viro lauare non debet.	7.a
Mulier mala damnatur.	6.a.b
Mulier in plateis caput velare debet.	ibid.
Mulier vbi & quo tempore lauare debeat.	7.a
Mulieris nulla pars ornatum desiderat.	6.b
Mulieris bonæ præstantia & vtilitas.	5.b.
& seq.	
Mulieri contentio deuitanda est.	7.a
Mulieres in Ecclesia non doceant.	52.a
Mulieres capite velato ad sacram Eucharistiam accedant.	45.a
Mulieres viris suis subiectas esse oportet.	5.b. &
quomodo.	102.a
Mulieres separatim in templo sedere debent.	
44.a.	
Mulieres facillè capiuntur.	4.b
Mulieres quæ fuerunt Prophetissæ.	126.b
Mulierum quæ ætas, bigamiæ suspitione vacet.	
49.b	
Mulieribus à malis sibi cauendum esse, earumq;	

I N D E X.

illecebras esse declinandas.	4.b. & seq.
Mundanæ res, diuinis non præferendæ.	47.a
Myſticum ad ſacrificium apparatus.	133.b
Myſtica ſeruitus quæ.	141.a

N

N icolaitæ hæretici.	87.a
Nilus ſanguine perfuſus.	124.b
Nox cur à Deo inducta.	134.b. 147.a. 148.a
Nouiſſimorum temporum prædictio.	113.b
Nuditas corporis ad libidinem allicit.	4.b
Nuptiæ tertiæ, incontinentiæ ſunt argumētum.	50.a
Nuptiæ quartæ & vltiores, manifeſta fornicatio, & non dubia intemperantia iudicantur.	
ibidem.	

O

O bedientibus Deo, quæ ſit lex impoſita.	2.a
Oblatio in Miſſa pro ſanctis vita functis.	138.b
Oblationis tempore, portæ templi claudebantur.	133.b
Oblationes à quibus non recipiendæ.	61.a.b.
& ſeq.	
Octauæ celebritas.	80.a
Oleum in baptiſmo cur.	57.b
Oleum ad quid creatum.	144.b
Olei chriſmatis benediçtio.	120.b
Opem ferendam eſſe indigentioribus.	9.a.b
Opera ad ſalutem ſpectare apparet.	13.b
Orandum eſt ter in die.	111.a

Orandum est assidue.	41.b
Orare pro defunctis. 102. b. pro Martyribus. ibidem.	
Oratio pro defunctis.	149.b. & seq.
Oratio pro mortuis.	139.a.b
Orare quibus horis oporteat. 147. a. & cur. ibid.	
Oratio Orientem versus.	44.b. 121.b
Oratio Dominica.	58.a. 110.b. & seq.
Orationis dominicæ locus declaratur.	43.a
Oratio matutina quæ esse debeat.	122.b
Oratio in prandio.	123.a
Oratio vespertina.	ibid.
Oratio nocturna.	147.b
Oratio pro illuminandis.	130.b
Oratio eorum, qui dudum sunt initiati.	122.a
Oratio pro Energumenis.	130.a
Oratio auxiliij iustorum.	118.a.b. & seq.
Oratio Manassis Regis Iuda pulcherrima & pia. 23.b. & seq.	
Oratio pro pœnitentibus.	130.b. & seq.
Oratio ordinationis Presbyterorum.	141.b
Oratio ordinationis Diaconissæ.	142.a
Oratio post communionem.	140.a.b
Oraturi manè lauentur.	146.a
Ordinum cœlestium turbæ.	115.b. & seq.
Orientem versus cur orantes aspicere debeant. 44.b. Orientem versus templum.	43.b
Ornare seipsum, cultuique corporis indulgere, nemo debet.	2.b. & seq.
Ornatum nulla pars mulieris desiderat.	6.b
Ornamenti in pulchro accessio, artificis artem dedecorat.	6.b

I N D E X.

Ornatus corporis prohibetur.	2.b.& seq.
Ornatus viri mulieribus perniciosus.	2.b
Orphanos quo pacto pietate amplecti debeamus. 59.b. ipsis quomodo providere debeat Episcopus.	60.a
Ostarius, ad introitus virorum in templum manere debet.	44.a
Ouis pastori non obediens punitur.	19.a

P

P Almorum interpretes.	146.a
Panum calidorum primitiæ.	112.b
Paradisus vbi plantata.	135.b.
Parentes spirituales tanquam beneficos & ad Deū legatos, honorare debemus. 30.b. & seq.	
Parentes spirituales, vitæ & mortis in iudicandis peccatoribus potestatem habent.	31.a
Parentes quo pacto se erga filios habere oporteat.	63.b
Parentes colendi, & consanguinei non despiciatui habendi.	108.b
Partem vtranque Iudex audiat.	40.a.b
Pascha bis in anno celebrandum.	79.a
Pascha quomodo agendum sit.	78.b
Passionis Christi sermonē imperfectum si quis edat, derisui ansam infidelibus præbebit. 51.b	
Pastophoria templi.	43.b. 140.a
Pastor negligens erga oves, ponitur.	19.a
Pastores perniciosos fugere debemus.	19.a.b
Paulus in nomen sanctum blasphemauerat, & multa mala piis intulerat antequàm Christianus fieret.	25.a
<i>Pater noster. 58.a.</i>	

Paulus electionis vas.	25. & 127. a
Paulus & Aquila scænas faciebant.	48. b
Patientiam Christi æmulari debemus.	67. b
Pauli sub persona loquitur Clemēs. 145. a. 146. b	
Pauperes ab Episcopis contemnendi, aut opprimendi non sunt.	9. b
Pauperibus indigētioribus, opē ferendā esse.	9. a
Peccans de industria, Deum tentando, remissionem non consequitur.	24. b
Peccandum non est spe veniæ.	ibid.
Peccatum operis à peccato propositi, conuicij, & suspicionis differt.	39. a
Peccatum suum agnoscentibus, quid dicat Spiritus sanctus.	18. a
Peccatū quod pœnitenti non condonatur.	24. b
Peccatum non repressum deterius fit, & in alios grassatur.	17. b
Peccati expers nemo præter Christum.	18. a
Peccata eleemosynis & fide purgantur.	107. b
Peccatorum experientia vitanda est.	13. b
Peccatorum confessio.	108. a. b
Peccator correptus, pœnitētiā agere recusans, pro Ethnico habendus.	34. a
Peccator prius iudicandus est, mox cum misericordia excipiendus.	13. b
Peccator exemplo delinquentium, in peccato confirmatur.	17. b
Peccatorem pœnitentem qui non recipit, insidiatoribus tradit.	14. a
Peccatorem ad pœnitentiā inuitare oportet, bonam spem illi iniiciendo.	16. a
Peccatorem pudore affici oportet.	17. a

I N D E X.

- Peccatorē foras eiiciat Episcopus exacerbatus,
mox à Diaconis rogatus recipiat. 16.b
- Peccatores non pœnitentes cùm orant, Deum
irritant. 62.a
- Peccatores separatim increpandi. 33.b
- Peccatores non vitet Episcopus. 16.b
- Peccatores quomodo iudicare debeat Episco-
pus. 12.b. & seq.
- Peregrinorum admonitio, & adhortatio valde
accepta. 45.b
- Periculis non se exponat fidelis. 68.a
- Petri sub persona loquitur Clemens. 40.b. 38.a.
62.a. 72.b. 75.b. 86.b. 89.b. 127.a. b. 146.b.
- Pharisæi peccatorum actiones, fortunæ, & fato
tribuebant. 85.b
- Philippi sub persona loquitur Clemens. 142.a
- Phœnix auis, resurrectionis futuræ argumētum.
71.a. & infra.
- Phœnicis auis historia. ibidem
- Pigritia famis mater. 9.b
- Pœnam ad infligendum, promptus non sit sacer-
dos. 16.a
- Pœnitentem qui non recipit, Christum irritat.
25. a
- Pœnitentem recipere oportet. 14.a
- Pœnitentes, in pristinum gradum Deus resti-
tuit. 35.a
- Pœnitentibus, pristina à Deo dignitas restitui-
tur. 24.a
- Pœnitentiæ exemplum magnum in quibus olim.
22.a. b. & seq.
- Pœnitentię quis sit modus, & quo pacto rectè ea

peragatur.	16.b
Pontifice pro ipso orandum est.	44.b
Populus in templo initia versuum hymnorum	
Davidis concinebat.	44.a
Populi ignorantis peccatum, in Episcopum non docentem recidit.	11.a
Populi scopus est Episcopus.	18.a
Populum ad benefaciendum pauperibus incitet sacerdos.	62.b. & seq.
Potestatem diuersa faciendi qui habet, <u>habet</u> & variè prouidendi facultatem.	141.b
Prædicationis Apostolicæ expositio.	88.b
Presbyteri sunt senatus & cõsensus Ecclesiæ. 29.a	
Presbyteri in formam Apostolorum censi de- bent.	27.b. & seq. 29.a
Presbyteri, & Diaconi post ordinationem, vxo- res accipere prohibentur.	93.a.b
Presbyteri auctoritas.	144.a.b
Presbyteri ordinatio.	141.a
Primitiæ & Decimæ quomodo erogandæ. 25.b. & seq.	
Primitiæ ad quid offerrentur.	145.a
Procax & contentiosa non sit mulier.	7.a.b
Prodigia solos bonâ mente præditos mouent. 124.b	
Propheta munere qui vtuntur, non omnes esse sanctos.	125.b
Prophetarunt mulieres multæ.	126.b
Prouidentiam qui negarent.	88.a
Psalmm sexagesimum secundum manè, vespe- rè verò centesimum quadragesimum, olim dicebant.	46.a
	<u>Psalmi.</u>

Pfalmi locus declaratur.	27.b
Pfalmi.109.locus.	28.a
Pfalmi Daudis, cantilenarum desiderium lenire possunt.	4.a
Pueri stent in templo penes parentes.	44.a.b
Pulchritudo nobis à natura tributa, cultu adie- cto non est exornanda, sed cohibéda, & quo pacto.	3.a
Punitur nullus pro alio.	14.b
Puillanimis, valde insipiés est. 34.b. Consolan- dus est.	ibid.

Q

Q Vadragesimæ ieiunium. 74.b. quam me- moriâ contineat.	ibid.
-------------------------------------------------------------------	-------

R

R Ei mores & qualitates cōsideret iudex. 39.b	
Reliquiæ sanctorum sanctæ.	103.a
Reo non audito, iudicare, periculosum est.	21.a
Resurgemus immortales.	69.a
Resurrectio est rerum manentium.	71.b
Resurrectio debetur rationali hominum crea- turæ.	70.a
Resurrectio corporum adstruitur. & infra laté.	69.a.b.
Resurrectionem qui negauerint.	88.a
Rex à Domino eligitur, ideo timendus.	108.b
Rex impius, pro Rege non est habendus.	126.a
Regis olim quod munus esset apud Hebr.	31.a.b
Reges qui à Deo defecerunt, breui tempore in- teriiisse.	4.b

Regibus omnibus præfunt Episcopi. 12. b. & seq.
 Regum historiam legens, in hie ædificatur. 4. b

S

- S**abbatum, naturæ conditæ est monumētum. 110. b
 Sabbathum cur institutum. 116. b. & seq.
 Sacerdos peccata non cōtemnat, nec ad puniendum promptus sit. 16. a. b
 Sacerdos, Angelus Dei est. 29. a
 Sacerdotes idololatrarum in honore olim habiti & sacrosancti existimati. ibid.
 Sacerdotes quomodo oporteat honorare. 30. b
 Sacerdotes, pro principibus & Regibus habendi. 31. a
 Sacerdotium regno excellētius. 83. a. & cur. ibi.
 Sacerdotium quantū regno præstantius sit. 31. a
 Sacerdotalem aliquam ad dignitatem seipsum demittere, res tremenda est. 28. a. b
 Sacrificium cruentum, rationale, incruentum, ac mysticum. 98. b
 Sacrificium ad mysticum apparatus. 133. b
 Salutatio mutua osculo in templo. 44. b
 Sanctorum festiuitatibus quiescant serui. 147. a
 Sanguis Christi cum pudore, ac timore accipiendus. 45. a
 Sathan lapsu locali non decidit. 130. a
 Scādalo alieno causam qui præstiterit, peccat. 3. a
 Scœnas faciebant Paulus & Aquila. 48. b.
 Scopus populi, est Episcopus. 18. a
 Scriptura sacra, Historica, Poëtica, & Sophistica, seu quæ ad sapientiã pertinent, cōtinet. 4. a

I N D E X.

- Scripturæ quos libros legere oporteat. 3.b
- Sedere in templo, & stare, qui debeant. 44.a.b
- Seditioso laico, Episcopum obsequi non oportet. 15.a
- Senes in Ecclesia sedeant. 44.a
- Sententiam mortis in reum pronūtiaturus, quid facere debeat. 40.b
- Sermo aut affirmet, aut neget sine iuramento. 74.a
- Sermo nocturnus. 147.b. & seq.
- Sermo & oratio post communionem. 140.a
- Sermones Christi in memoriã reuocare, & meditatione complecti continuò debemus. 3.b
- Serpentes à Deo creati. 135.a
- Serpentes in thesauris dormire creditum. 60.b
- Seruator cur in hunc mundum venerit. 4.b
- Serui erga Dominos, & Domini erga seruos, quales esse debeant. 108.a
- Serui quibus diebus quiescere debeant. 146.b. & seq.
- Seruorum timor, Minorum honor. 111.a
- Seruos erga Dominos & Dominos erga seruos, quales esse oporteat. 64.a
- Sexuum differentia ad quid. 89.a. 101.a.b
- Sibyllæ de futura resurrectione carmina. 70.b
- Sigillum in baptismo cur. 57.b
- Simō Magus, cōtra naturã volās, attritus est. 14.b
- Simon Samaritanus à vico Gitthon, Magus. 86.a
- Simonis & Magi historia. 87.a.b
- Simonis Canitis sub persona loquitur Clemens. 144.a
- Simonem Magum in Italiam aufugere, compu-

lit Petrus.	87.a.b
Sodomiticum facinus respuitur tanquàm nefarium, & sceleratum.	89.a.101.a.b.105.a
Sodomiticum facinus execrabile, à sodomitis profectum.	105.a
Sodomiticum facinus mundi dissolutione quærit.	101.a
Solis ara.	71.a
Solomon duodecimū agens annū regnavit.	8.b
Sors in qua quis collocatus est neutiquam deferenda.	151.b.& seq.
Spectacula indecora, & Theatra cum Græcorū ludis fugienda.	48.a
Speculatores Episcopos esse oportet.	10.b
Spiritus sancti.	27.b.& seq.
Spiritus sanctus quando nos destituar.	100.a
Spiritus malus improba canentem inuadit.	73.a
Subditorum forma sit Episcopus.	17.a.& seq. hi
Episcopo quomodo obedire debeant.	19.b

T

T Abernaculum testimonij per omnia Ecclesiam designabat.	26.a.b
Templi forma quæ esse debeat.	43.b.& seq.
Templi portæ ne infideles ingrederentur, custodiri solebant.	45.a
Templa portam virorum, & portam mulierum habebant.	133.b
Terræ ornamenta quæ sint.	134.b.135.a.b
Tertullianus & Egesippus in summis citati.	48.b
Testes cōtra Christum varij, & inter se dissidentes reperti.	76.a

I N D E X.

Testes falsi contra Stephanum prothomartyrem.	39.b
Testes quales esse debeant.	ibid.
Thaddæi sub persona loquitur Clemens.	143.b
Thomæ sub persona loquitur Clemens.	142.b
Trigamia incontinentiæ est argumentum.	50.a
Tuba Dei Episcopus eiúsque voluntatis testis, ac omnium peccata portans.	26.b
Tubæ sonus post apparitionem signi filij hominis.	113.b

V

V Ecſtigalia & tributa pēdere debemus.	108.b
Velum interiiciebant iudices causam diligenter examinaturi.	40.b
Verborum obscœnitas vetatur.	106.b
Vestitus Episcopi, vsui & dignitati accommodatus.	25.b
Vitæ duæ, altera vitæ, altera mortis.	104.a.b
Victimæ quæ olim erant, nunc orationes sunt.	27. a
Victui accōmodata, non sunt improbāda.	109.b
Vidua pro eo qui victū ipsi suppeditauit, Deum precetur.	55.b
Viduæ adolescentiores ad vidualem statum non ordinandæ.	50.a
Viduæ falsæ quæ sint.	52.b. & seq.
Viduæ non ordinantur.	143.b
Viduæ quot annos natæ, cōstituendæ sint.	49.b
Viduæ & orphani, cuius gestent figuram.	28.a.
	52. a. b
Viduæ veræ quæ sint.	50.b. 51.a

I N D E X.

Vir & vxor qua ratione vnum sint.	105.a
Vir aduersus vxorē qualē se præstare debeat.	2.b
Virum erga vxorē qualē esse oporteat.	102.a.b
Virgines figuram turibuli & incensi gestāt.	28.a
Virgines non ordinantur.	143.b
Virginitatis propositum non ad nuptiarum vituperationem, sed ad exercitium pietatis. ibi.	
Virginitatis nullum extat præceptum.	64.b
Vnguenti mystici benedictio.	121.b
Virtutes cælestes concordēs sunt.	43.a
Vitæ & consuetudines veterum iustorum & Patriarcharum cur conscriptæ sint.	18.a.b
Voluptatem non appetat Dei amicus.	102.a
Voluptatem solam sequendam esse aliqui affirmabant.	88.a
Vox quomodo formetur.	134.b
Vulnerum curatio.	35.a.b
Vxor, vitæ consors, ac socia.	92.a
Vxores Presbyterorum, & Diaconorum.	93.a.
item Cantorum, Lectorum, & Ostiariorum.	
93.b. Episcoporum.	8.b. & seq.

X

X Anticus mensis.	174.b
--------------------------	-------

Z

Z Achæus olim Publicanus, Episcopus Cæsareæ Palestinæ.	110.a
---------------------------------------------------------------	-------

F I N



ERRATA SIC EMEN-

D A B I S.

In Epistola, exemplum, lege exemplar.

Ex præfatione,

Noce, lege voce.

Fol.


1. b versic. 25. ad expectendā. leg. expectēdum
4. b vers. 25. animā meā, lege animā tuam
4. b vers. 24. irexitas, lege irretias.
26. a vers. 11. in somnis, leg. insomnis
27. a vers. 12. primogecita, leg. primogenita
33. b vers. 9. obdurauerit, lege obduruerit
42. a vers. 17. filius, lege filij
44. a vers. 8. Epistolæ, lege Epistolas
44. b vers. 9. neuc, lege neue
62. a vers. 25. pecuniam, leg. pecunias
70. b vers. 22. suscipiet, lege susceperit.
81. a vers. 7. Dñs seruū, le. Dominū seruus
131. a vers. 18. adoptionis, lege adoptione
139. b vers. 1. certaminis, leg. certamine co-
167. a vers. 7. dico, lege duo.

filio
EXCVDEBAT PARISIIS

Annetus Briere, Via Olitoria, anno Do.

M: D. LXIIII. Calend. Febru.







LEGATORIA
R. SALIZADA
Via S. ... ROMA
Telef. 859.052

